



REYNOLDS NATIONAL CENTRAL LIBRARY TAIWAN R.O.C.





	
登錄號	005884
類號	
類別	子部書家類
全書	函入冊

國立中央圖書館藏



梓行本草疏題
藥性之道具在本草雖
代有招匠演其奧義然
去古弥遠寔失其旨予以
綿質性復踈慙本不堪



塵俗年方弱冠負門戶
之衰冷世累糾纏以是多
見憤激礙膺之事十常
八九自茲數嬰疾病於是
檢討圖經求其本意積
累既久恍焉有會心焉
剏記之歷三十餘年遂成
此疏學士大夫見而竒
之欲予付諸梓人予未
之許也予以昔人嘗云切



忘說破恐塞斷後學悟
門將茲是答外孫毛鳳
芑文學曰不然世間上根
人少中下人多設使上
根人出自得無師智獲
覩此書當不言之而喻默
相契以根人讀之如盲
人譚五色總不能別惟
中人已上之資得窺其
際則所得多矣其為利



濟寧有量耶請函登
梓以極天枉予曰善且
曰舅祖許可鳳芝願力
任其後乃憲檢踪稿付
之即集予同里門人李
枝通家子雲開康元浣
松陵顧澄先二父學益其
舅氏隱淪戈汕輩董替
校讎之早夜孜孜惟恐或
後其用意可謂勤矣志



存及物有求子之嗜尚
尚書成而得早行於世
烏良足多也予年已髦
六是以副海內求明斯
道者之企望也時

天啓乙丑暮春海虞遺
民繆希雍題于吳江舟
次

吳興晚學姚凝之書



自序

神農本草經者古三墳之一也其成於黃帝之
世乎觀其嘗藥別味對病主治施之百世無可
踰越其為開天大聖憫生民疾苦於飲食衣服
之外復設鍼石藥物用拯天札俾得盡其天年
是已原夫藥之生也氣稟乎天味成乎地性在
其間氣為陽味為陰五味四氣各歸其類斯親
上親下之義也既述之以本性又制之以君臣



合之以佐使以成其攻邪已疾之能遂使無情
之用同諸有識自非生而神靈冥契萬物者其
孰能與於斯乎去古滋遠民性滋漓心識麤浮
莫能研精殫思深入玄要而不察乎卽象卽理
物物昭然弭疾延年功力自著正以三墳之書
言大道也言其然而不言其所以然言亦象也
予因據經以疏義緣義以致用參互以盡其長
簡誤以防其失而復詳列病忌藥忌以別其微

條析諸藥應病分門以究其用刊定七方十劑
以定其法闡發五藏苦欲補瀉以暢其神著論
三十餘首以通古今之變始悉一經之趣命之
曰神農本草經疏讀之者宜因疏以通經因經
以契往俾炎黃之旨晦而復明藥物之生利而
罔害乃余述疏意也余生也晚親年已衰得於
稟者固薄故少善病長嗜方技僻耽藥妙顧念
自晉仙人士靡不悉由藥道以濟羣生加之



友生協贊後先不一馴屆耳順良友凋喪百念
灰冷惟茲一事尚用嬰懷手所論著哀然成帙
倘典則可師幽隱可顯試用於世有廣來學固
所願也不敢必也采真同好其相證諸

凡例

一本經爲三墳之書後增入名醫別錄有朱字
墨字之分總言藥之主治從未有發其所以
然者茲疏直接神聖立言之旨故總題之曰
神農本草經疏

藥物治療本經別錄業已備悉間有未盡者
參之以各名家主治故小字附列於經文之
下或卽於疏內敘述俾採用易稽



一 藥類一千二百餘種品類浩繁今簡治療之
必不可缺暨近地所產得於觀記者備爲具
疏餘非必用之藥及罕識難致者存而不論
一 種類隨土異形甚且稱名木覈矧近來市肆
飾僞似真若令誤服遺害非淺故詳辯種類
以正其訛
一 畏忌制使物性自然非可以意求者俱照本
經列之條下至其製用之宜古法具在茲復

採入俾得遵守

一 證類本草所載諸方俱錄入主治參互有未
當於用者已爲刪去其外諸書所錄良方甚
多必詳紀述以便採取
一 簡誤以防誤用之失故有證同而藥不宜同
者每條後詳書其害至於性淳功良有益無
損一藥止堪治一病者悉不復著
一 目錄次序悉從證類本草有部分混雜如木



部之藿香茱萸部之假蘇今爲移正

一 本文悉遵證類善本但是書流傳已久字畫
謬訛頗多茲逐條參訂有一二意義難通者
稍爲釐正如傷作瘍動作痛之類

一 證類本草第三十卷俱載有名未用之藥今
有常用之物而本經未載有拾遺載之而未
詳者茲列爲三十卷補遺

一 本文頂行立款其附入之條有正文者仍從

頂行原係附入者低字加圈以別正文

一 續序例下卷俱係病藥忌宜今總列應忌諸
藥於前以見必不可輕用

先生殫一生精力發千古神聖之奧以利
萬世門人李季虬氏幾經參錄悉以付新
安吳康虞氏刻之金陵未竟而遺焉流傳
於知交者西吳朱氏集而刻之不及其半
然且序次弗倫考覈未審也 先生以醫



為司命一字有訛遺禍無極遂命澄先檢
其存稿若干卷按部選類彙得全帙細復
檢閱以為定本凡續序例二卷藥四百九
十味用識年月書此凡例云

畀

天啓五年歲在乙丑六月十有一日松陵通
家子顧澄先謹識

神農本草經疏總目

第一卷

續序例上

第二卷


續序例下

第三卷

玉石部上品

總七十三種今疏
其要者十四種

第四卷



玉石部中品

總八十七種今疏
其要者十八種

第五卷

玉石部下品

總九十三種今疏
其要者二十三種

第六卷

草部上品之上

總三十三種今疏
其要者三十二種

第七卷

草部上品之下

總五十三種今疏
其要者二十五種

第八卷

草部中品之上

總六十二種今疏
其要者三十三種

第九卷

草部中品之下

總七十八種今疏其要者
三十六種又木部移入一

種果部移入一種菜部移
入四種共疏四十二種

第十卷

草部下品之上

總六十二種今疏
其要者十六種

第十一卷

草部下品之下

總一百五種今疏
其要者三十六種



第十二卷

木部上品

總七十二種今疏其要者二十九種

第十三卷

木部中品

總九十二種今疏其要者二十六種

第十四卷

木部下品

總九十九種今疏其要者二十九種

第十五卷

人部

總二十五種今疏其要者十四種

第十六卷

獸部上品

總二十種今疏其要者十種

第十七卷

獸部中品

總一十七種今疏其要者九種

第十八卷

獸部下品

總二十一種今疏其要者四種

第十九卷

禽部

總五十六種今疏其要者四種



第二十卷

蟲魚部上品

總五十種今疏其要者十三種

第二十一卷

蟲魚部中品

總五十六種今疏其要者十六種

第二十二卷

蟲魚部下品

總八十一種今疏其要者十八種

第二十三卷

果部三品

總五十二種今疏其要者二十種又木部移入三種共疏二十

傳三

第二十四卷

米穀部上品

總七種今疏其要者四種

第二十五卷

米穀部中品

總二十三種今疏其要者十一種

第二十六卷

米穀部下品

總一十八種今疏其要者三種

第二十七卷



菜部上品 總三十種今疏其要者八種

第二十八卷

菜部中品 總一十三種今疏其要者二種

第二十九卷

菜部下品 總二十二種今疏其要者四種

第三十卷

補遺 總疏二十七種

神農本草經疏總目

神農本草經疏目錄

卷之一

讀經疏引

續序列上

原本藥性氣味生成指歸

藥性主治參互指歸

藥性簡誤指歸

論七方本義 附錄七方



論十劑本義 附錄十劑

十劑補遺

五藏苦欲補瀉論

附錄五藏苦欲補瀉 并續解五條

治法提綱 陰陽寒熱臟腑經絡氣血表裏標本先後虛實緩急

藥性差別論

藏氣法時並四氣所傷藥隨所感論

論制方和劑治療大法

論塞因塞用通因通用寒因熱用熱因寒

用用熱遠熱用寒遠寒

論天地風氣漸薄人亦因之漸弱用藥消


息亦必因之而變不可執泥古法輕用

峻利

通評虛實論

論治陰陽諸虛病皆當以保護胃氣爲急

論諸病惟虛與火爲難治



論陽常有餘陰常不足藥必因之以爲損

益誤則殺人

論上盛下虛本於腎水真陰不足

論陰精陽氣補益不同

論治氣三法藥各不同

論治血三法藥各不同

論治吐血三要

論腎泄多在黎明所由

論少年人陽痿因於失志不宜補陽

論似中風與真中風治法迥別誤則殺人

似中風問答

論痰飲藥宜分治

論癰痢宜從六淫例治

論病由七情生者祇應養性怡神發舒志

氣以解之不宜全仗藥石攻治

論傷寒溫疫癰疽疔瘡瘧疾諸病皆由實



邪所發自裏發出於表者吉由表陷入於裏者凶

論五運六氣之謬

祝鑿五則

卷之二

諸病應忌藥總例

續序例下

○陰陽表裏虛實門

陽虛

陰虛

表虛

裏虛

陽實

陰實

陽厥

陰厥

○五藏六府虛實門

心虛

八證

肝虛

十一證

脾虛

十二證

肺虛

七證

腎虛

十八證

命門虛

四證

小腸虛

一證

膽虛

二證

胃虛

七證

大腸虛

四證

膀胱虛

三證

三焦虛

二證

心實

五證

肝實

五證

脾實

六證





肺實 人證

命門實 二證

小腸實 一證內分三條

膽實 二證

胃實 六證

大腸實 六證

膀胱實 一證

三焦實 三證

○六淫門

真中風

類中風

感冒風寒 俗名傷風

傷風熱

中寒

傷寒

中暑

傷暑

中暈

疰夏

溼

燥

火

○雜證門

瘧

滯下

瀉利

五疳

痰

飲

諸氣

鬱

關格

噦

蓄血 俗名內傷

吐血咯血鼻衄齒衄耳衄舌上出血

頭痛

肩稜骨痛

齒痛

胃脘痛

腹痛 脹滿附

痺

痿

交腸

鬼疰尸疰飛尸客忤

○婦人門

種子

雜證 八證

胎產 條 十八

○小兒門

痘瘡

痧瘧

雜病 七證

○外科

厲風

癰疽

瘡瘍

痔漏

婦人乳巖乳癰內外吹

陰蝕

金瘡

破傷風

跌撲損傷

踈折挫閃

火灼

漆瘡

卷之三

玉石部上品總七十三種今疏其要者一

十四種

丹砂 雲母 石鍾乳

礬石 礬石 朴硝

玄明粉 滑石 空青

紫石英 赤石脂 無名異



綠礬

鐵鑛

卷之四

玉石部中品總八十七種今疏其要者一

十八種

雄黃

石硫黃

食鹽

水銀

石膏

金屑

靈砂

水銀粉

磁石

凝水石

陽起石

蜜陀僧

鐵精

珊瑚

瑪瑙

太陰玄精

土蜂窠上細土

胡燕窠內土

卷之五

玉石部下品總九十三種今疏其要者二

十三種

伏龍肝

石灰百草霜附

砒霜

鑄墨

礪砂

鉛丹





鉛 粉錫 東壁土

赤銅屑 銅青 井底泥

代赭 戎鹽 地漿

自然銅 梁上塵 礞石

麥飯石 花乳石 蓬砂

鉛霜 古文錢

卷之六

草部上品之上總八十七種今疏其要者

三十二種

黃精 菖蒲 甘菊花

人參 天門冬 甘草

乾地黄 朮 菝葜子

牛膝 菟藟子 萎蕤

芫 柴胡 麥門冬 獨活 羌活

升麻 車前子 木香

薯蕷 今呼山藥 薏苡仁 澤瀉



遠志
草龍膽
細辛

石斛
巴戟天
菴藷子

卷柏
辟虺雷
藥玉

草犀根
百草花

卷之七

草部上品之下總五十三種今疏其要者

二十五種

藍實
芎藭
黃連

絡石木通子
蒺藜子
黃耆

肉蓯蓉
防風
蒲黃

續斷
漏蘆
營實

天名精
決明子
丹參

茜根
五味子
蘭草

忍冬
蛇床子
景天

茵陳蒿
沙參
王不留行

長松

卷之八

草部中品之上總六十二種今疏其要者

三十種

乾薑

生薑

菴耳實

乾葛

栝樓根及仁

苦參

當歸

麻黃

通草

芍藥赤白

瞿麥

玄參

秦艽

百合

知母

貝母

白芷

淫羊藿

黃芩

狗脊

茅根

紫苑

紫草

前胡

白蘚皮

紫參

蘘本

葶藶拔莫附

白薇

大青

卷之九

草部中品之下總七十八種今疏其要者

三十六種又木部移入一種果部移入



一種菜部移入四種共疏四十二種

艾葉

惡實

水萍

王瓜

地榆

大小薊

海藻

澤蘭

昆布

防已

天麻

阿魏

高良薑

百部根

懷香子

款冬花

紅藍花

牡丹

京三稜

薑黃

青黛

鬱金

盧會

延胡索

肉豆蔻

補骨脂

縮砂蜜

蓬莪茂

白前

白藥子

莎草根

胡黃連

鯉腸

使君子

白豆蔻

剪草

藿香

豆蔻

假蘇

蘇

香薷

薄荷

木部移入

果部移入

已上四種菜部移入

卷之十



草部下品之上總六十二種今疏其要者

十六種

附子

半夏

大黃

葶藶

桔梗

草蒿

旋覆花

藜蘆

射干

常山

甘遂

白欬

白及

大戟

貫衆

羊躑躅

卷之十一

草部下品之下總一百五種今疏其要者

三十六種

何首烏

威靈仙

牽牛子

蓖麻子

天南星

稀莨

馬鞭草

苧根

白頭翁

甘蕉根

蘆根

鬼臼

馬兜鈴

仙茅

劉寄奴





骨碎補 連翹 續隨子

山豆根 白附子 鹿藿

預知子 木賊 蒲公草

穀精草 夏枯草 山慈姑

燈心草 馬勃 水蓼

海金沙 鹿藥 草三稜

草石蠶 漆姑草

卷之十二

木部上品總七十二種今疏其要者二十

九種

桂 松脂實葉節附 槐實枝皮根附

槐花附槐實條 枸杞 柏實葉白皮附

茯苓附茯神 琥珀 酸棗仁

槲木 楮實 乾漆葉附

五加皮 牡荊實 蔓荊實

辛夷 桑上寄生 杜仲

楓香脂

女真實

附 柯骨

蕤核

丁香

沈香

檀香

乳香

蘇合香

金櫻子

降真香

放杖木

卷之十三

木部中品總九十二種今疏其要者二十

六種

桑根白皮

葉耳椹灰
枝黃附

竹葉

澄茹

吳茱萸

檳榔

梔子

騏驎竭

龍腦香

蕪荑

枳殼

枳實

厚朴

茗苦櫟

山茱萸

紫葳

胡桐淚

猪苓

烏藥

沒藥

安息香

仙人杖

海桐皮

大腹

合歡

五倍子

天竺黃

蜜蒙花



卷之十四

木部下品總九十九種今疏其要者二十

九種

巴豆

蜀椒

皂莢

子刺附

訶黎勒

棟實

根附

椿木葉

樗木附

郁李仁

無食子

黃蘗根

雷丸

蘇方木

胡椒

南燭枝葉

椽實

石南

益智子

紫荊木

紫真檀

烏柏木

杉材

接骨木

樺木皮

木鼈子

番木龍附

釣藤

赤檀木

水楊葉

柞木皮

椶櫚

木槿

卷之十五

人部總二十五種今疏其要者十四種

髮髮

亂髮

人乳汁





頭垢

人牙齒

人屎

人中黃附

人溺

秋石附

溺白塗

婦人月水

經衣附

浣穉汁

婦人穉穉附

懷妊婦人爪甲

天靈蓋

人胞

胞衣水附

初生臍帶

卷之十六

獸部上品總二十種今疏其要者十種

龍骨

齒附

麝香

牛黃

熊脂

膽寧附

象牙

象牙皮附

白膠

阿膠

牛乳

酥

乳腐

卷之十七

獸部中品總一十七種今疏其要者九種

白馬莖

尿溺附

鹿茸

角龍腎肉附

牛角

鯁附

段羊角

肝腎肉血附

狗陰莖

頭骨血肉附

羚羊角

犀角

虎骨

兔頭骨

腦肝肉附

卷之十八

獸部下品總二十一種今疏其要者四種

猪懸蹄

足腎臍膚附

麋角

茸附

獾肝

臘肺臍

卷之十九

禽部總五十六種今疏其要者四種

雞

烏骨雞
屎白

雞冠血
雞子

肝

抱出卵殼

腔腔裏黃皮附

雀卵

雀屎附

天鼠屎

白鴿

卷之二十

蟲魚部上品總五十種今疏其要者十

三種

石蜜

蜜蠟

牡蠣

龜甲

真珠

瑤瑁

桑螵蛸

石決明

文蛤

蠶魚

鯽魚

鱒魚



鯉魚膽

附 肉鱗

卷之二十一

蟲魚部中品總五十六種今疏其要者

十六種

蝟皮

露蜂房

鼈甲

蟹

蟬蛻

烏賊魚骨

原蠶蛾

附 蠶沙

蠶退

白殭蠶

鰓鱧魚

蛞蝓

蝟牛 并入

蜚蟲

麤蟲

青魚膽

石首魚

鱸魚

卷之二十二

蟲魚部下品總八十一種今疏其要者

十八種

蝦蟇

蟾酥

牡鼠糞

蛤蜊

松 附

蚶

殼 附

蝮蛇膽

蛇蛻

白頸蚯蚓

蜈蚣





蛤蚧

水蛭

斑猫

田中螺汁

白花蛇

烏蛇附

蜆螂

五靈脂

蝟

鯪鯉甲

卷之二十三

果部三品總五十三種今疏其要者二十

種木部移入三種共疏二十三種

上品 藕實

藕蓮鬚附

橘柚

青皮核菓附

大棗

覆盆子

雞頭實

中品 梅實

木瓜

柿

烏芋

枇杷葉

荔枝子

石蜜

甘蔗

沙糖

下品 桃核仁

杏核仁

梨

胡桃

海松子

橄欖

龍眼肉

木部移入

赤爪木

即山查木部移入

榧實

木部移入

卷之二十四

米穀部上品總七種今疏其要者四種



胡麻

麻子

胡麻油

飴糖

卷之二十五

米穀部中品總二十三種今疏其要者一

十一種

生大豆

赤小豆

酒

粳米

藥米

小麥

大麥

藥附

麩

神麩附

菹豆

豉

菘豆

卷之二十六

米穀部下品總一十八種今疏其要者三

種

醋

稻米

醬

卷之二十七

菜部上品總三十種今疏其要者八種

胡葵

瓜蒂

白冬瓜

金石部

黃土

烏參泥

銀朱

蚯蚓泥

煙膠

爐甘石

糞坑底泥

石鹼

方諸水

卷之三十

補遺總二十七種

蕺
蒺

馬齒莧

茄子

卷之二十八

菜部中品總一十三種今疏其要者六種

移四種入草部

葱白
韭菜

卷之二十九

菜部下品總二十二種今疏其要者四種


白芥

芥

萊菔

苦菜

苜蓿



米穀部

亞麻
 粟殼
 嬰子粟

阿芙蓉
 菘豆粉皮附
 豌豆

蠶豆
 豇豆
 刀豆子

紅麴

木部

木芙蓉
 山茶花
 木棉子

肥皂莢核仁
 大風子
 樟腦

蛙竹屑

人氣

蟲魚部

鰕魚膽




神農本草經疏卷之一

東吳繆希雍仲淳甫著

同邑門人李枝叅訂

予之作是疏也該括經文義難繁述求其宗趣宜有裁節是以或先經而闡義或隨文而暢旨或斷章以相比或因源以導流或從未而會本或根性以知非凡茲數者期在發明經旨適當於用然懼偏見多遺




神農本草經疏卷之一

東吳繆希雍仲淳甫著

同邑門人李枝叅訂

予之作是疏也該括經文義難繁述求其宗趣宜有裁節是以或先經而闡義或隨文而暢旨或斷章以相比或因源以導流或從未而會本或根性以知非凡茲數者期在發明經旨適當於用然懼偏見多遺



續序列上

原本藥性氣味生成指歸

夫物之生也必稟乎天其成也必資乎地天布
令主發生寒熱溫涼四時之氣行焉陽也地凝
質主成物酸苦辛鹹甘淡五行之味滋焉陰也
故知微寒微溫者春之氣也大溫熱者夏之氣

也大熱者長夏之氣也涼者秋之氣也大寒者
冬之氣也凡言微寒者稟春之氣以生春氣升
而生言大熱者感長夏之氣以生長夏之氣化
言平者感秋之氣以生平即涼也秋氣降而收
言大寒者感冬之氣以生冬氣沉而藏此物之
氣得乎天者也天一生水地六成之地二生火
天七成之天三生木地八成之地四生金天九
成之天五生土地十成之水曰潤下潤下作鹹



火曰炎上炎上作苦木曰曲直曲直作酸金曰
從革從革作辛土爰稼穡稼穡作甘本乎天者
親上本乎地者親下氣味多少各從其類也凡
言酸者得木之氣言辛者得金之氣言鹹者得
水之氣言苦者得火之氣言甘者得土之氣惟
土也寄旺於四季生成之數皆五故其氣平其
味甘而淡其性和而無毒土德冲和感而類之
莫或不然固萬物之所出亦萬物之所入乎此

物之味資乎地者也氣之毒者必熱味之毒者
必辛炎黃言味而不加氣性者何也蓋古文尚
簡故祇言味物有味必有氣有氣斯有性自然
之道也氣味生成原本乎是知其所自則思過
半矣

藥性主治參互指歸

今夫醫辟諸兵焉料敵出奇者將之謀也破軍
殺賊者士之力也審度病機者醫之智也攻邪



伐病者藥之能也非士無以破敵非藥無以攻
邪故良將養士上醫蓄藥然不知士何以養不
知藥何以蓄夫士猶有情實可考才畧可試尚
曰難知以孔明之明一馬謖用違其才卒致敗
衄悔不可追况乎藥石無情才性莫測既非言
論之可考又非擬議之可及而欲知其的然不
謬非神聖之智其孰能與於斯假令嘗試漫爲
則下咽不返死生立判顧不大可懼耶上古之

人病生於六淫者多發於七情者寡故其主治
嘗以一藥治一病或一藥治數病今時則不然
七情彌厚五欲彌深精氣既虧六淫易入內外
膠固病情殊古則須合衆藥之所長而又善護
其所短乃能蘇凋瘵而起沈痾其在良醫善知
藥性劑量無差庶得參互旁通彼此兼濟以盡
其才而無乖刺敗壞之敵矣故作主治參互俾
後之醫師循而求之共收平定之功期無天枉



之患斯作疏意也昔人云用藥如用兵旨哉言
乎旨哉言乎

藥性簡誤指歸

夫藥石稟天地偏至之氣者也雖醇和濃懿號
稱上藥然所稟既偏所至必獨脫也用違其性
之宜則偏重之害勢所必至故凡有益於陽虛
者必不利乎陰有益於陰虛者必不利乎陽能
治燥者必不宜於溼能治溼者必不宜於燥能

破散者不可以治虛能收斂者不可以治實升
不可以止升降不可以療降寒有時而不宜於
熱熱有時而不宜於寒古人半夏有三禁謂渴
家汗家血家仲景嘔家忌甘酒家亦忌甘王好
古論肺熱忌人參之屬諸如此類莫可勝數苟
昧斯旨吉凶貿焉人命至重冥報難逃醫爲司
命其可不深思詳察也哉此與十劑互證十劑
對治反則爲誤故作簡誤以防其失



論七方本義

夫方者法也法乃所以制物者也故大小緩急奇偶複七者爲法制之變且盡也七方不同同歸已疾其制各異異以從宜岐伯言之已詳後人演之彌悉凡制方者必本乎是苟悖其制則非法矣非法則不能所施合輟而反致乖刺惡在其能攻邪已疾耶

附錄七方

岐伯曰氣有多少形有盛衰治有緩急方有大小又曰病有遠近證有中外治有輕重近者偶之遠者奇之汗不以奇下不以偶補上治上制以緩補下治下制以急近而偶奇制小其服遠而奇偶制大其服大則數少小則數多多則九之少則一之奇之不去則偶之偶之不去則反佐以取之所謂寒熱溫涼反從其病也○王冰曰臟位有高下腑氣有遠



近病證有表裏藥用有輕重單方爲奇複方爲偶心肺爲近肝腎爲遠脾胃居中腸膀胱膽亦有遠近識見高遠權以合宜方奇而分兩偶方偶而分兩奇近而偶制多數服之遠而奇制少數服之則肺服九心服七脾服五肝服三腎服一爲常制也方與其重也寧輕與其毒也寧良與其大也寧小是以奇方不去偶方主之偶方不去則反佐以同病之氣

而取之夫微小之熱折之以寒微小之冷消之以熱其大寒熱則必能與異氣相格聲不同不相應氣不同不相合是以反其佐以同其氣復令寒熱參合使其始同終異也○逆者正治從者反治反佐卽從治也謂熱在下而上有寒邪拒格則寒藥中入熱藥爲佐下膈之後熱氣旣散寒性隨發也寒在下而上有浮火拒格則熱藥中入寒藥爲佐下膈之



後寒氣既消熱性隨發也此寒因熱用熱因
寒用之妙也濫冷傲此完素曰流變在乎病
主病在乎方制方在乎人方有七大小緩急
奇偶複也制方之體本於氣味寒熱溫涼四
氣生於天酸苦辛鹹甘淡六味成於地是以
有形爲味無形爲氣氣爲陽味爲陰辛甘發
散爲陽酸苦涌泄爲陰鹹味涌泄爲陰淡味
滲泄爲陽或收或散或緩或急或燥或潤或


奠或堅各隨臟腑之證而施藥之品味乃分
七方之制也故奇偶複三方也大小緩急四
制之法也故曰治有緩急方有大小
○大方○岐伯曰君一臣三佐九制之大也君
一臣三佐五制之中也君一臣二制之小也
又曰遠而奇偶制大其服近而偶奇制小其
服大則數少小則數多多則丸之小則一之
完素曰身表爲遠裏爲近大小者制奇偶之



法也假如小承氣湯調胃承氣湯奇之小方也
大承氣湯抵當湯奇之大方也所謂因其
攻裏而用之也桂枝麻黃偶之小方也葛根
青龍偶之大方也所謂因其發表而用之也
故曰汗不以奇下不以偶張從正曰大方有
二有君一臣三佐九之大方病有兼證而邪
不一不可以一二味治者宜之有分兩大而
頓服之大方肝腎及下部之病道遠者宜之

王太僕以心肺爲近腎肝爲遠脾胃爲中劉
河間以身表爲遠身裏爲近以予觀之身半
以上其氣三天之分也身半以下其氣三地
之分也中脘人之分也

○小方○從正曰小方有二有君一臣二之小
方病無兼證邪氣專一可一二味治者宜之
有分兩少而頻服之小方心肺及在上之病
者宜之徐徐細呷是也完素曰肝腎位遠數



多則其氣緩不能速達於下必大劑而數少取其迅急下走也心肺位近數少則其氣急下走不能升發於上必小劑而數多取其易散而上行也王氏所謂肺服九心服七脾服五肝服三腎服一乃五臟生成之數也

○緩方○岐伯曰補上治上制以緩補下治下制以急急則氣味厚緩則氣味薄適其至所此之謂也病所遠而中道氣味之者食而過

之無越其制度也王冰曰假如病在腎而心氣不足服藥宜急過之不以氣味飼心腎藥凌心心復益衰矣餘上下遠近例同完素曰聖人治上不犯下治下不犯上治中上下俱無犯故曰誅伐無過命曰大惑好古曰治上必妨下治表必違裏用黃芩以治肺必妨脾用茯苓以治腎必妨心用乾薑以治中必僭上服附子以補火必涸水從正曰緩方有五



有甘以緩之之方甘草糖蜜之屬是也病在胸膈取其留戀也有丸以緩之之方比之湯散其行遲慢也有品件衆多之緩方藥衆則遞相拘制不得各騁其性也有無毒治病之緩方無毒則性純功緩也有氣味俱薄之緩方氣味薄則長於補上治上比至其下藥力已衰矣

○急方○完素曰味厚者爲陰味薄者爲陰中

之陽故味厚則下泄味薄則通氣氣厚者爲陽氣薄者爲陽中之陰故氣厚則發熱氣薄則發汗是也好古曰治主宜緩緩則治其本也治客宜急急則治其標也表裏汗下皆有所當緩所當急從正曰急方有四有急病急攻之急方中風關格之病是也有湯散蕩滌之急方下咽易散而行速也有毒藥之急方毒性能上涌下泄以奪病勢也有氣味俱厚



之急方氣味俱厚直趨於下而力不衰也

○奇方○王冰曰單方也從正曰奇方有二有獨用一物之奇方病在下而遠者宜之有藥合陽數一三五七九之奇方宜下不宜汗完素曰假如小承氣奇之小方也大承氣抵當湯奇之大方也所謂因其攻下而爲之也桂枝麻黃偶之小方也葛根青龍偶之大方也所謂因其發散而用之也故曰汗不以奇下

不以偶

○偶方○從正曰偶方有三有兩味相配之偶方有古之二方相合之偶方古謂之複方皆病在上而近者宜之有藥合陰數二四六八十之偶方宜汗不宜下王太僕言汗藥不以偶則氣不足以外發下藥不以奇則藥毒攻而致過意者下本迅利故單行則力專專則直下不旁及而速汗或難出故併行則物衆



而力微乎乃仲景制方桂枝汗藥反以三味
爲奇大承氣下藥反以四味爲偶何也豈汗
下緩急在力之小大而不以數之奇偶爲重
乎

○複方○岐伯曰奇之不去則偶之是謂重方
好古曰奇之不去複以偶偶之不去複以奇
故曰複複者再也重也所謂十補一泄數泄
一補也又傷寒見風脉傷風得寒脉爲脉證

不相應宜以複方主之從正曰複方有三有
二方三方及數方相合之複方如桂枝二越
脾一湯五積散之屬是也有本方之外別加
餘藥如調胃承氣加連翹薄荷黃芩梔子爲
涼膈散之屬是也有分兩均齊之複方如胃
風湯各等分之屬是也王太僕以偶爲複方
今七方有偶又有複豈非偶乃二方相合複
乃數方相合之謂乎



論十劑本義

劑者從齊從刀用以齊其不齊而成其所以齊也夫獨用之謂藥合用之謂劑而其才有長短大小良毒之難齊故用有相益相濟相畏相惡相忌相制之不同則劑有宣通補瀉輕重滑澀燥溼十者對治之各異譬夫良相劑量羣才以成治世之功類良醫劑量羣藥以成治病之功其義一也岐伯論之詳矣凡和劑者必本乎是

苟昧其旨而違其道卽失對治之義求疾之瘳其可得乎

附錄十劑

劉完素曰制方之體欲成七方十劑之用者必本於氣味也寒熱溫涼四氣生於天酸苦辛鹹甘淡六味成於地是以有形爲味無形爲氣氣爲陽味爲陰陽氣出上竅陰味出下竅氣化則精生味化則形長故地產養形形



不足者溫之以氣天產養精精不足者補之
以味辛甘發散爲陽酸苦涌泄爲陰鹹味涌
泄爲陰淡味滲泄爲陽辛散酸收甘緩苦堅
鹹奠各隨五臟之病而制藥性之品味故方
有七劑有十方不七不足以盡方之變劑不
十不足以盡劑之用方不對證非方也劑不
獨疾非劑也此乃太古先師設繩墨而取曲
直救世方士乃出規矩以爲方圓夫物各有

性制而用之變而通之施於品劑其功用豈
有窮哉如有因其性而爲用者有因其用
而爲使者有因其所勝而爲制者有氣相同
則相求者有氣相尅則相制者有氣有餘而
補不足者有氣相感則以意使者有質同而
性異者有名異而實同者故蛇之性上竄而
引藥蟬之性外脫而退翳蠱飲血而用以治
血鼠善穿而用以治漏所謂因其性而爲用



者如此弩牙速產以機發而不括也杵糠下咽以杵築下也所謂因其用而爲使者如此浮萍不沈水可以勝溼獨活不搖風可以治風所謂因其所勝而爲制者如此麻木穀而治風豆水穀而治水所謂氣相同則相求者如此牛土畜乳可以止渴疾豕水畜心可以鎮恍忽所謂因其氣相尅則相制也如此熊肉振羸兔肝明視所謂因其氣有餘補不足


也如此鯉之治水鶩之利水所謂因其氣相感則以意使者如此蜜成於蜂蜜溫而蜂寒油生於麻麻溫而油寒茲同質而異性者也蘼蕪生於芎藭蓬蘽竝於覆盆茲名異而實同者也如斯之類不可勝舉故天地賦形不離陰陽形色自然皆有法象毛羽之類生於陽而屬於陰鱗甲之類生於陰而屬於陽空青法木色青而主肝丹砂法火色赤而主心



雲母法金色白而主肺磁石法水色黑而主
腎黃石脂法土色黃而主脾故觸類而長之
莫不有自然之理也欲爲醫者上知天文下
知地理中知人事三者俱明然後可以語人
之疾病不然則如無目夜遊無足登涉動致
顛殞而欲愈疾者未之有也○徐之才曰藥
有宣通補瀉輕重滑澀燥溼十種是藥之大
體而本經不言後人未述凡用藥者審而詳

之則靡所遺失矣

○宣劑○之才曰宣可去壅生薑橘皮之屬是
也杲曰外感六淫之邪欲傳入裏三陰實而
不受逆於胸中天分氣分窒塞不通而或噦
或嘔所謂壅也三陰者脾也故必破氣藥如
薑橘藿香半夏之類瀉其壅塞從正曰理人
以宣爲瀉又以宣爲通不知十劑之中已有
瀉矣仲景曰春病在頭大法宜吐是宣劑卽



涌劑也經曰高者因而越之木鬱則達之宣者升而上也。以君召臣曰宣是矣。凡風癰中風胸中諸實痰飲寒結胸中熱鬱上而不下久則喘嗽滿脹水腫之病生焉。非宣劑莫能愈也。吐中有汗如引涎追淚嚏鼻凡上行者皆吐法也。完素曰鬱而不散爲壅必宣以散之。如痞滿不通之類是矣。攻其裏則宣者上也。泄者下也。涌劑則瓜蒂梔子之屬是矣。發

汗解表亦同。好古曰經有五鬱。木鬱達之火鬱發之。土鬱奪之。金鬱泄之。水鬱折之。皆宣也。教曰宣揚制曰宣明。君召臣曰宣喚。臣奉君命宣布上意皆宣之意也。

○通劑○之才曰通。可去滯通草防已之屬是也。完素曰留而不行必通以行之。如水病爲痰澀之類。以木通防已之屬攻其內則留者行也。滑石茯苓芫花甘遂大戟牽牛之類是



也從正曰通者流通也前後不得洩便宜木
通海金沙琥珀大黃之屬通之痺病鬱滯經
隧不利亦宜通之

○補劑○之才曰補可去弱人參羊肉之屬是
也梟曰人參甘溫能補氣虛羊肉甘熱能補
血虛羊肉補形人參補氣凡氣味與二藥同
者皆是也從正曰五臟各有補瀉五味各補
其臟有表虛裏虛上虛下虛陰虛陽虛氣虛

血虛經曰精不足者補之以味形不足者溫
之以氣五穀五菜五果五肉皆補養之物也
○瀉劑○之才曰泄可去閉葶藶大黃之屬是
也梟曰葶藶苦寒氣味俱厚不減大黃能泄
肺中之閉又泄大腸大黃走而不守能泄血
閉腸胃渣穢之物一泄氣閉利小便一泄血
閉利大便凡與二藥同者皆然從正曰實則
泄之諸痛爲實痛隨利減芒硝大黃牽牛甘




遂巴豆之屬皆瀉劑也其催生下乳磨積逐水破經洩氣凡下行者皆下法也

○輕劑○之才曰輕可去實麻黃葛根之屬是也從正曰風寒之邪始客皮膚頭痛身熱宜解其表內經所謂輕而揚之也癰瘡疥癩俱宜解表汗以泄之毒以熏之皆輕劑也凡熏洗蒸灸熨烙刺砭導引按摩皆汗法也

○重劑○之才曰重可去怯磁石鐵粉之屬是也從正曰重者鎮墜之謂也怯則氣浮如喪神失守而驚悸氣上硃砂水銀沉香黃丹寒水石之倫皆鎮重也久病欬嗽涎潮於上形羸不可攻者以此墜之經云重者因而減之貴其漸也

○滑劑○之才曰滑可去着冬葵子榆白皮之屬是也完素曰澀則氣着必滑劑以利之滑能養竅故潤利也從正曰大便燥結宜麻仁



郁李之類小便癃閉宜葵子滑石之類前後不通兩陰俱閉也名曰三焦約約者束也宜先以滑劑潤養其燥然後攻之

○澀劑○之才曰澀可去脫牡蠣龍骨之屬是也完素曰滑則氣脫如開腸洞泄便溺遺失之類必澀劑以收斂之從正曰寢汗不禁澀以牡蠣五味五倍之屬滑泄不已澀以肉豆蔻訶黎勒沒食子亞芙蓉龍骨之屬凡酸味

同乎澀者收斂之義也然此種皆宜先攻其本而後收之可也

○燥劑○之才曰燥可去溼桑白皮赤小豆之屬是也完素曰溼氣淫勝腫滿脾溼必燥劑以除之桑皮之屬溼勝於上以苦吐之以淡滲之是也從正曰積寒久冷吐利腥穢上下所出水液澄澈清冷此大寒之病宜薑附胡椒葶以燥之若病溼氣則陳皮白朮木香蒼



二一
虛之屬除之亦燥劑也而黃連黃檗梔子大黃其味皆苦苦屬火化皆能燥溼此內經之本旨也豈獨二朮之類爲燥劑乎好古曰溼有在上在中在下在經在皮在裏

○溼劑○之才曰溼可去枯白石英紫石英之屬是也從正曰溼者潤溼也雖與滑類少有不同經云辛以潤之辛能走氣能化液故也鹽硝味雖鹹屬真陰之水誠濡枯之上藥也

人有枯涸皴揭之病非獨金化蓋有火以乘之故非溼劑不能愈完素曰津耗爲枯五臟痿弱榮衛涸澀必溼劑以潤之好古曰有減氣而枯有減血而枯

十劑補遺

十劑之後陶隱居續入寒熱二劑豈知寒有時而不可以治熱熱有時而不可以治寒何者陰虛內熱當用甘寒滋腎家之陰是益水以制火



也設用苓連梔子苦寒之劑以攻熱則徒敗胃
氣苦寒損胃而傷血血愈不足而熱愈熾胃氣
傷則後天之元氣愈無所養而病轉增劇也陽
虛中外俱寒當以人參黃耆以益表裏之陽氣
而少佐桂附以回陽則其寒自解是益火以祛
寒也設專用辛熱如吳茱萸乾薑麻黃胡蘆巴
華姜胡椒之屬以散寒則辛能走散真氣愈虛
其寒愈甚王安道所謂辛熱愈投而沉寒愈滋

也二者非徒無益而又害之顧不悖歟况寒熱
二劑攝在補瀉義不重出今當增入升降二劑
升降者治法之大機也經曰高者抑之即降之
義也下者舉之即升之義也是以病升者用降
劑病降者用升劑火空則發降氣則火自下矣
火下是陽交於陰也此法所宜降者也勞傷則
陽氣下陷入於陰分東垣所謂陰實陽虛陽虛
則內外皆寒間有表熱類外感者但不頭疼口



渴及熱有時而間爲異耳法當升陽益氣用參
耆炙甘草益元氣以除虛寒虛熱佐以升麻柴
胡引陽氣上行則表裏之寒熱自解卽甘溫除
大熱之謂此法所宜升者也

五臟苦欲補瀉論

五臟苦欲補瀉乃用藥第一義好古爲東垣高
足東垣得之潔古潔古實宗仲景仲景遠師伊
尹伊尹原本炎黃聖哲授受百世一源靡或少

異不明乎此不足以言醫矣何則五臟之內各
有其神神各有性性復各殊故素問命十二官
之名厥有旨焉蓋形而上者神也有知而無質
形而下者塊然者也五臟之體也有質而無知
各各分斷者也肝藏魂肺藏魄心藏神脾藏意
與智腎藏精與志皆指有知之性而言卽神也
神也者陰陽不測之謂也是形而上者臟之性
也惟其無形故能主乎有形故知苦欲者猶言




好惡也。違其性故苦，遂其性故欲。欲者是本臟之神之所好也，卽補也。苦者是本臟之神之所惡也，卽瀉也。補瀉係乎苦欲，苦欲因乎臟性，不屬五行，未落陰陽。其神用之，謂與自虛則補其母，已下乃言臟體之虛實。始有補母瀉子之法，斯則五行之性也。明乎此，斯可以言藥道矣。

附錄五臟苦欲補瀉

并續解
五條

○肝苦急急，食甘以緩之。甘草欲散，急食辛以

散之。川芎以辛補之，細辛以酸瀉之。芍藥虛以生薑、陳皮之類補之。經曰：虛則補其母，水能生木，腎乃肝之母，腎水也。苦以補腎，熟地黃、黃檗是矣。如無他證，錢氏地黃丸主之。實則瀉其子，心乃肝之子，以甘草瀉心。肝爲將軍之官，言不受制者也。急則有摧折之意焉。故苦而惡之，緩之是使遂其性也。甘



可以緩甘草之屬是已扶蘇條達木之象也
升發開展魂之用也故其性欲散辛以散之
解其束縛也是散即補也辛可以散川芎之
屬是已若其太過則屈制之母使逾分酸可
以收芍藥之屬是已急也歛也肝性之所苦
也違其性而苦之肝斯虛矣補之以辛是明
以散爲補也細辛生薑陳皮之屬是已

○心苦緩急食酸以收之五味子欲軟急食鹹

以軟之芒硝以鹹補之澤瀉以甘瀉之人參
黃耆甘草虛以炒鹽補之虛則補其母木能
生火肝乃心之母肝木也以生薑補肝如無
他證錢氏安神丸主之實則甘草瀉之如無
他證錢氏方中重則瀉心湯輕則導赤散
心爲形君神明之性惡散緩而喜收歛散緩
則違其性歛則寧靜清明故宜酸以收其緩
也軟者和調之義也心君本自和調邪熱乘



之則躁急故復須芒硝之鹹寒除其邪熱以軟其躁急堅勁之氣使復其平也以鹹補之澤瀉導心氣以入腎也煩勞則虛而生熱故須人參黃耆甘草之甘溫以益元氣而虛熱自退故謂之瀉也心以下交於腎爲補炒鹽之鹹以潤下卽得心與腎交也火空則發鹽爲水味得之俾心氣下降是旣濟之道也有補之義焉故軟卽補也

○脾苦溼急食苦以燥之白朮欲緩急食甘以緩之甘草以甘補之人參以苦瀉之黃連虛以甘草大棗之類補之如無他證錢氏益黃散主之心乃脾之母以炒鹽補心實則以枳實瀉之如無他證以瀉黃散瀉之肺乃脾之子以桑白皮瀉肺脾爲倉廩之官主運動磨物之臟燥其性也宜健而不宜滯溼斯滯矣違其性故苦而惡



之急食苦以燥之使復其性之所喜脾斯健矣白朮之苦溫是已過燥則復欲緩之以甘草之屬是已稼穡之化故甘先入脾性欲健運氣旺則行補之以甘人參是已長夏之令溼熱主之脾氣斯困故當急食苦以瀉之黃連之苦寒是已虛則宜補炙甘草之甘以益血大棗之甘溫以益氣乃所以補其不足也

○肺苦氣上逆急食苦以泄之訶子皮一作黃芩欲收急食酸以收之白芍藥以辛瀉之桑白皮以酸補之五味子虛則五味子補之如無他證錢氏阿膠散補之脾乃肺之母以甘草補脾實則桑白皮瀉之如無他證以瀉白散瀉之腎乃肺之子以澤瀉瀉腎

肺爲華蓋之臟相傳之官藏魄而主氣者也氣常則順氣變則逆逆則違其性矣故宜急




食苦以泄之黃芩之屬是已肺主上焦其政
歛肅故其性喜收宜急食酸以收之白芍藥
之屬是已賦肺者熱也肺受熱邪急食辛以
瀉之桑白皮之屬是已不歛則氣無所管束
是肺失其職也故宜補之以酸使遂其收歛
之性以清肅乎上焦是即補也五味子之屬
是已

○腎苦燥急食辛以潤之知母欲堅急食苦以

堅之黃檗以苦補之地黃以鹹瀉之澤瀉虛
則熟地黃黃蘗補之腎本無實不可瀉錢氏
止有補腎地黃丸無瀉腎之藥肺乃腎之母
以五味子補肺

腎爲作強之官藏精與志主五液屬真陰水
臟也其性本潤故惡涸燥宜急食辛以潤之
知母之屬是已欲堅急食苦以堅之蓋腎非
堅則無以稱作強之職四氣以遇溼熱即軟



遇寒冷卽堅五味以得鹹卽軟得苦卽堅故
宜急食苦以堅之黃檗味苦氣寒可以堅腎
故宜急食以遂其欲堅之性也以苦補之是
堅卽補也地黃黃檗是已鹹能軟堅軟卽瀉
也澤瀉是已虛者精氣奪也藏精之臟苦固
能堅然非益精無以爲補故宜熟地黃黃檗
之屬以補之

治法提綱


陰陽寒熱臟腑經絡氣血
表裏標本先後虛實緩急

病在於陰毋犯其陽病在於陽毋犯其陰犯之
者是謂誅伐無過病之熱也當察其源火苟實
也苦寒鹹寒以折之若其虛也甘寒酸寒以攝
之病之寒也亦察其源寒從外也辛熱辛溫以
散之動於內也甘溫以益之辛熱辛溫以佐之
經曰五臟者藏精氣而不瀉者也故曰滿而不
能實是有補而無瀉者其常也臟偶受邪則瀉
其邪邪盡卽止是瀉其邪非瀉臟也臟不受邪



毋輕犯也。世謂肝無補法，知其謬也。六腑者，傳導化物糟粕者也。故曰實而不能滿，邪容之而爲病，乃可攻也。中病乃已，毋盡劑也。病在於經，則治其經；病流於絡，則及其絡。經直絡橫，相維輔也。病從氣分，則治其氣；虛者溫之，實者調之。病從血分，則治其血；虛則補肝，補脾，補心，實則爲熱爲瘀，熱者清之，瘀者行之。因氣病而及血者，先治其氣；因血病而及氣者，先治其血。因證

互異，宜精別之。病在於表，毋攻其裏；病在於裏，毋虛其表。邪之所在，攻必從之。受邪爲本，現證爲標。五虛爲本，五邪爲標。譬夫腹脹由於溼者，其來必速，當利水除溼，則脹自止，是標急於本也。當先治其標。若因脾虛漸成脹滿，夜劇晝靜，病屬於陰，當補脾陰，夜靜晝劇，病屬於陽，當益脾氣，是病從本生，本急於標也。當先治其本舉一爲例，餘可類推矣。病屬於虛，宜治以緩，虛者



精氣奪也。若屬沈痼，亦必從緩治。虛無速法，亦無巧法。蓋病已沈痼，凡欲施治，宜有次第。故亦無速法。病屬於實，宜治以急實者，邪氣勝也。邪不速逐，則爲害滋蔓。故治實無遲法，亦有巧法。此病機緩急一定之法也。

藥性差別論

藥有五味，中涵四氣，因氣味而成其性，合氣與味及性而論其爲差別。本自多途，其間厚薄多少，單用互兼，各各不同，良難究竟。是故經曰：五味之變，不可勝窮。此方劑之本也。陰陽二象，實爲之綱紀焉。鹹味本水，苦味本火，酸味本木，甘味本土，辛味本金。此五味之常也。及其變也，有神明之用焉。今姑陳其畧以明之。第準經文，同一苦寒也。黃芩則燥，天冬則潤。蘆薈能消，黃檗能補。黃連止瀉，大黃下通。柴胡苦寒而升，龍膽苦寒而降，同一鹹也。澤瀉則瀉，茯苓則補。海藻




昆布則消而軟堅馬莖鹿茸則補而生齒同一
酸也硫黃味酸而熱空青味酸而寒甘合辛而
發散爲陽甘合酸而收斂爲陰人參黃耆陽也
甘溫以除大熱地黃五味陰也甘酸以斂陰精
聯采數端引以爲例如斯之類難可枚舉良由
氣味互兼性質各異參合多少制用全殊所以
窮五味之變明藥物之能厥有旨哉顧其用紛
錯其道淵微可以意知難以言盡非由妙悟則

物不從心固將拯烝民於天枉宜寤寐乎茲篇

臟氣法時竝四氣所傷藥隨所感論

夫四時之氣行乎天地之間人處氣交之中亦
必因之而感者其常也春氣生而升夏氣長而
散長夏之氣化而爽秋氣收而斂冬氣藏而沈
人身之氣自然相通是故生者順之長者敷之
化者堅之收者肅之藏者固之此藥之順乎天
者也春溫夏熱元氣外洩陰精不足藥宜養陰



秋涼冬寒陽氣潛藏勿輕開通藥宜養陽此藥
之因時制用補不足以和其氣者也然而一氣
之中初中未異一日之內寒燠或殊假令大熱
之候人多感暑忽發水雹亦復感寒由先而感
則爲暑病由後而感則爲寒病病暑者投以暑
藥病寒者投以寒藥此藥之因時制宜以合乎
權乃變中之常也此時令不齊之所宜審也假
令陰虛之人雖當隆冬陰精虧竭水既不足不

能制火則陽無所依外洩爲熱或反汗出藥宜
益陰地黃五味鼈甲枸杞之屬是已設從時令
誤用辛溫勢必立斃假令陽虛之人雖當盛夏
陽氣不足不能外衛其表表虛不任風寒洒淅
戰慄思得熱食及御重裘是雖天令之熱亦不
足以敵其真陽之虛病屬虛寒藥宜溫補參耆
桂附之屬是已設從時令誤用苦寒亦必立斃
此藥之舍時從證者也假令素病血虛之人不



利苦寒恐其損胃傷血一旦中暑暴注霍亂須用黃連滑石以洩之本不利升須用葛根以散之此藥之舍證從時者也從違之際權其輕重耳至於四氣所傷因而致病則各從所由是故經曰春傷於風夏生飧泄藥宜升之燥之升麻柴胡羌活防風之屬是已夏傷於暑秋必痲痺藥宜清暑益氣以除寒熱石膏知母乾葛麥門冬橘皮參苓朮之屬是已邪若內陷必便膿血

藥宜祛暑消滯專保胃氣黃連滑石芍藥升麻蓮實人參菡豆甘草之屬是已秋傷於溼冬生欬嗽藥宜燥溼清熱和表降氣保肺桑白皮石膏薄荷杏仁甘草桔梗蘇子枇杷葉之屬是已冬傷於寒春必病溫邪初在表藥宜辛寒苦溫甘寒苦寒以解表邪兼除內熱羌活石膏葛根前胡知母竹葉柴胡麥門冬荆芥甘草之屬是已至夏變爲熱病六經傳變藥亦同前散之貴



早治若後時邪結於裏上則陷胸中下承氣中病乃已慎毋盡劑勿僭勿忒能事必矣已上皆四時六氣所傷致病竝證重舍時時重舍證用藥主治之大法萬世遵守之常經聖哲復起不可改已所云六氣者卽風寒暑溼燥火是也過則爲淫故曰六淫淫則爲邪以其爲天之氣從外而入故曰外邪邪之所中各有其地在表治表在裏治裏表裏之間則從和解病有是證證有是藥各有司存不相越也此古人之定法今人之執則也

論制方和劑治療大法

夫虛實者諸病之根本也補瀉者治療之綱紀也何謂虛五臟六腑虛所生病也何謂實五臟六腑實所生病也經曰真氣奪則虛邪氣勝則實虛則補之實則瀉之此萬世之常經也以補爲瀉是補中有瀉也以瀉爲補是瀉中有補也



譬夫參耆炙甘草之退勞倦氣虛發熱地黃黃
檗之滋水堅腎以除陰虛潮熱是補中之瀉也
桑根白皮之瀉肺火車前子之利小便除溼是
瀉中之補也舉斯爲例餘可類推矣升降者病
機之要最也升爲春氣爲風化爲木象故升有
散之之義降爲秋氣爲燥化爲金象故降有歛
之之義飲食勞倦則陽氣下陷宜升陽益氣瀉
利不止宜升陽益胃鬱火內伏宜升陽散火滯

下不休宜升陽解毒開胃除熱因溼洞泄宜升
陽除溼肝木鬱於地中以致少腹作脹作痛宜
升陽調氣此病宜升之類也陰虛則水不足以
制火火空則發而炎上其爲證也爲欬嗽爲多
痰爲吐血爲鼻衄爲齒衄爲頭痛爲齒痛爲眼
痛爲頭眩爲暈爲眼花爲惡心爲嘔吐爲口苦
舌乾爲不眠爲寒熱爲骨蒸是謂上盛下虛之
候宜用蘇子枇杷葉麥門冬白芍藥五味子之



屬以降氣氣降則火自降而氣自歸元而又益之以滋水添精之藥以救其本則諸證自瘳此病宜降之類也設宜降而妄升當升而反降將使輕變爲重重必斃矣

論塞因塞用通因通用寒因熱用熱因寒用用熱遠熱用寒遠寒

經曰塞因塞用者譬夫脾虛中焦作脹腎虛氣不歸元致上焦逆滿用人參之甘以補元氣五味子之酸以收虛氣則脾得補而脹自消腎得補而氣自歸元上焦清泰而逆滿自平矣通用者譬夫傷寒挾熱下利或中有燥糞必用調胃承氣湯下之乃安滯下不休得六一散清熱除積而愈皆其義也寒因熱用是藥本寒也而反佐之以熱熱因寒用是藥本熱也而反佐之以寒則無拒格之患故曰必先其所主而伏其所因也用熱遠熱者是病本於寒法應熱治



所投熱劑僅使中病母令過焉過則反生熱病矣用寒遠寒義亦同此

論天地風氣漸薄人亦因之漸弱用藥消息亦必因之而變不可執泥古法輕用峻利

夫人在氣交之中其強其弱卒莫逃乎天地之氣明甚是以上古之人度百歲乃去今則七十稱古稀矣身形長大常過七尺今則世鮮六尺

之軀矣其壽數精神既已漸減則血氣臟腑亦應因之漸薄乃天地之風氣使然有非人力所能挽回者又况時丁未造衆生識昏見陋五欲熾然難解難遏斲喪戕賊日惟不足於是疾病叢生虛多實少臨證施治多事調養專防剋伐此今日治法之急務也設使病宜用熱亦當先之以溫病宜用寒亦當先之以清縱有積滯宜消必須先養胃氣縱有邪氣宜祛必須隨時逐




散不得過劑以損傷氣血氣血者人之所賴以
生者也氣血一虧則諸邪輻輳百病橫生世人
之病十有九虛醫師之藥百無一補寧知用藥
之誤則實者虛虛者死是死於藥而非死於疾
病也其慎其難屬諸司命臨證之頃宜加戰兢
勉之哉毋執已見而輕人命也

通評虛實論

經曰邪氣盛則實精氣奪則虛又曰邪之所湊

其氣必虛凡言虛者精氣奪也凡言實者邪氣
勝也是故虛則受邪邪客爲實法先攻邪邪盡
治本邪猶未盡勿輕補益犯之者是謂實實精
者陰也氣者陽也設被削奪是五臟六腑之陰
精陽氣皆虛也宜從其類以補之陰精虛者補
陰精陽氣虛者益陽氣一切剋伐攻擊之藥概
勿施用犯之者是謂虛虛經曰實實虛虛損不
足而益有餘如是者醫殺之耳戒之哉



論治陰陽諸虛病皆當以保護胃氣爲急
夫胃氣者卽後天元氣也以穀氣爲本是故經
曰脉有胃氣曰生無胃氣曰死又曰安穀則昌
絕穀則亡可見先天之氣縱猶未盡而他臟不
至盡傷獨胃氣偶有傷敗以至於絕則速死矣
穀氣者譬國家之餉道也餉道一絕則萬衆立
散胃氣一敗則百藥難施若陰虛若陽虛或中
風或中暑乃至瀉利滯下胎前產後丁腫癰疽

痘瘡痧癘驚疳靡不以保護胃氣補養脾氣爲
先務本所當急也故益陰宜遠苦寒益陽宜防
泄氣祛風勿過燥散消暑毋輕下通瀉利勿加
消導滯下之忌芒硝巴豆牽牛胎前泄瀉之忌
當歸產後寒熱之忌芩連梔子丁腫癰疽之未
潰忌當歸痘瘡之不可妄下其他內外諸病應
設藥物之中凡與胃氣相違者概勿施用投藥
之頃宜加三思



論諸病惟虛與火爲難治

經曰精氣奪則虛又曰邪之所湊其氣必虛虛者空也無也譬諸國內空虛人民離散則百禍易起鎮撫爲難非委任賢智安靖休養以生息之未可保其無事也病之虛者亦猶是已醫非剛詬孰能鎮之以靜久而弗搖卒成收合散亡克復故物之功哉是故經曰不能治其虛安問其餘蓋言虛爲百病之本宜其首舉以冠諸證

也夫火者陽也氣也與水爲對待者也水爲陰精火爲陽氣二物匹配名曰陰陽和平亦名少火生氣如是則諸病不作矣設不善攝養以致陰虧水涸則火偏勝陰不足則陽必湊之是謂陽盛陰虛亦曰壯火食氣是知火卽氣也氣卽火也故仙經謂藥卽火火卽藥一而二二而一者也東垣亦曰火與元氣不兩立亦指此也譬諸水性本流本寒過極則凝而不流爲層冰矣



解則復常非二物也蓋平則爲水火既濟當斯時也火卽真陽之氣矣及其偏也則卽陽氣而爲火也始與元氣不兩立而成乖否之象矣故戴人亦曰莫治風莫治燥治得火時風燥了言苟能解此則已達陰陽水火之原曲暢旁通何施不可正指火之變態多端其爲病也非一了此則餘皆可辦然學者非心領神會詎足喻於斯乎


論陽常有餘陰常不足藥必因之以爲損益誤則殺人

人身之有陰陽也水一而已火則二焉是稟受之始陽常有餘陰常不足天地且然况於人乎故自少至老所生疾病靡不由於真陰不足者其恒也若夫真陽不足之病千百而一二矣陽者氣也火也神也陰者血也水也精也陰陽和平氣血均調是爲平人氣象之常候苟失所養



或縱恣房室或肆情喜怒或輕犯陰陽或嗜好辛熱以致腎水真陰不足不能匹配陽火遂使陽氣有餘氣有餘卽是火故火愈盛而水愈涸於是發爲吐血欬嗽吐痰內熱骨蒸盜汗種種陰虛等病醫師不察不揆其本凡見前證不分陰陽類施溫補參耆二朮視同食物佐以薑桂若啖五辛倘遇億劇輒投附子於是輕者重重者斃纒纒相踵死而不悟良可憫也然使其術

得售者不獨醫師之罪亦病家不明有以致之耳何則難成易虧者陰也益陰之藥縱醫師選用無差亦必無旦夕之效助陽之藥能使胃氣一時暫壯飲食加增或陽道興舉有似神王醫師藉以要功病者利其速效彼此固執莫辨厥由故知陰虛真水不足之病十人而九陽虛真火不足之病百不得一醫師之藥補助陽火者往往槩施滋益陰精者未嘗少見宜乎服藥者




之多斃無藥者之反存也予見世醫以此傷人者甚衆茲特著其誤以爲世戒

論上盛下虛本於腎水真陰不足

人身以陰陽兩稱爲平偏勝則病此大較也水不足則火有餘陰旣虧則陽獨盛蓋陰陽之精互藏其宅是陰中有陽陽中有陰也故心火也而含赤液腎水也而藏白氣赤液爲陰白氣爲陽循環往復晝夜不息此常度也苟不知攝養

縱恣情慾虧損真陰陽無所附因而發越上升此火空則發之義是周身之氣併於陽也併於陽則陽盛故上焦熱而欬嗽生痰迫血上行而爲吐衄爲煩躁爲頭痛爲不得眠爲胸前骨痛爲口乾舌苦此其候也陽愈盛則陰愈虛陰愈虛則爲五心煩熱爲潮熱骨蒸爲遺精爲骨之無力爲小水短赤丹田不煖則飲食不化爲瀉泄爲卒僵仆此其候也治之之要當亟降氣當



益陰精氣降卽陽交於陰是火下降也精血生卽腎陰復是水上升也此既濟之象爲坎離交也坎離交卽是小周天至此則陰陽二氣復得其平矣病何自而生哉

論陰精陽氣補益不同

經曰形不足溫之以氣人參羊肉黃耆人胞紅鉛之屬是已益陽氣也乃可以却沉寒經曰精不足補之以味人乳鼈甲地黃黃檗枸杞牛膝

天門冬之屬是已補陰精也乃可以除伏熱

論治氣三法藥各不同

一補氣氣虛宜補之如人參黃耆羊肉小麥糯米之屬是也

二降氣調氣降氣者卽下氣也虛則氣升故法宜降其藥之輕者如紫蘇子橘皮麥門冬枇杷葉蘆根汁甘蔗其重者如番降香鬱金檳榔之屬調者和也逆則宜和和則調也其藥如木香




沈水香白豆蔻縮砂蜜香附橘皮烏藥之屬
三破氣破者損也實則宜破如少壯人暴怒氣
壅之類然亦可斃不可久其藥如枳實青皮枳
殼牽牛之屬蓋氣分之病不出三端治之之法
及所主之藥皆不可混濫者也誤則使病轉劇
世多不察故表而出之

論治血三法藥各不同

血虛宜補之虛則發熱內熱法宜甘寒甘平酸
寒酸溫以益榮血其藥爲熟地黃白芍藥牛膝
炙甘草酸棗仁龍眼肉鹿角膠肉蓯蓉甘枸杞
子甘菊花人乳之屬

血熱宜清之涼之熱則爲癰腫瘡癤爲鼻衄爲
齒衄爲牙齦腫爲舌上出血爲舌腫爲血崩爲
赤淋爲月事先期爲熱入血室爲赤遊丹爲眼
暴赤痛法宜酸寒苦寒鹹寒辛涼以除實熱其
藥爲童便牡丹皮赤芍藥生地黃黃芩犀角地




榆大小薊茜草黃連山梔大黃清黛天門冬玄
參荆芥之屬

血瘀宜通之瘀必發熱發黃作痛作腫及作結
塊癖積法宜辛溫辛熱辛平辛寒甘溫以入血
通行佐以鹹寒乃可軟堅其藥爲當歸紅花桃
仁蘇木桂五靈脂蒲黃薑黃鬱金京三稜延胡
索花蕊石沒藥麝蟲乾漆自然銅莖汁童便牡
蠣芒硝之屬蓋血爲榮陰也有形可見有色可
察有證可審者也病既不同藥亦各異治之之
法要在合宜倘失其宜爲厲不淺差劇之門可
不謹乎

論治吐血三要

宜降氣不宜降火

氣有餘卽是火氣降則火降火降則氣不上
升血隨氣行無溢出上竅之患矣降火必用
寒涼之劑反傷胃氣胃氣傷則脾不能統血



血愈不能歸經矣。今之療吐血者，大患有二。一則專用寒涼之味，如芩連山梔青黛柿餅灰四物湯黃檗知母之類，往往傷脾作泄，以致不救。一則專用人參肺熱還傷肺，欬逆愈甚，亦有用參而愈者。此是氣虛喘嗽，氣屬陽，不由陰虛火熾所致，然亦百不一二也。宜以白芍藥炙甘草制肝，枇杷葉麥門冬薄荷橘紅貝母清肺，薏苡仁懷山藥養脾，韭菜番降

香真蘇子下氣，青蒿鼈甲銀柴胡牡丹皮地骨皮補陰清熱，酸棗仁白茯苓養心，山茱萸枸杞子牛膝補腎。此累試輒驗之方。然陰無驟補之法，非多服藥不效。病家欲速其功，醫者張皇無主，百藥雜試，以致殞命，覆轍相尋而不悟，悲夫。

宜行血不宜止血

血不循經絡者，氣逆上壅也。夫血得熱則行。



得寒則凝故降氣行血則血循經絡不求其止而自止矣止之則血凝血凝必發熱惡食及胸脇痛病日沈痼矣
宜補肝不宜伐肝
經曰五臟者藏精氣而不瀉者也肝爲將軍之官主藏血吐血者肝失其職也養肝則肝氣平而血有所歸伐之則肝不能藏血血愈不止矣

論腎泄多在黎明所由

凡人之生二五妙合之頃識神依托是中卽攬父精母血以爲立命之基遂成左右兩腎腎間動氣卽道家所謂先天祖氣是也藏乎兩腎之中以腎屬水故稱坎宮以平人氣象言之此氣至子後一陽生卽漸漸上升歷丑寅卯辰巳而六陽已極則入離宮午後一陰生卽白氣變爲赤液漸漸降下至坎宮復爲白氣晝夜循環




升降不息此卽醫家所謂真陽之火道家所謂君火卽先天祖氣醫家謂爲相火者是也方此火之自下而上也行過中焦必經脾胃則能腐熟水穀蒸糟粕而化精微脾氣散精上歸於肺通調水道下輸膀胱氣化而出是謂清升濁降卽既濟之象也苟不慎攝生之道不明正性之理則必務快其心逆於生樂憂患以傷心寒熱以傷肺饑飽以傷脾多怒以傷肝多慾以傷腎

則真氣漸衰精神日損馴至子後一陽不以時生不能上升腐熟水穀則糟粕無由而化寅爲三陽之候陽氣微則不能應候而化物故天黎明而泄其泄亦溏俗名鴨溏是爲腎泄亦名大瘕泄昔人以四神丸治之予加人參蓮肉輒獲奇效蓋人參補五臟之陽氣故也


論少年人陽痿因於失志不宜補陽

經曰腎爲作強之官技巧出焉藏精與志者也



夫志從士從心志主決定心主思維思維則或遷或改決定則一立不移此作強之驗也苟志意不遂則陽氣不舒陽氣者卽真火也譬夫極盛之火置之密器之中閉悶其氣使不得發越則火立死而寒矣此非真火衰也乃悶鬱之故也宣其抑鬱通其志意則陽氣立舒而其痿立起矣若誤謂陽精不足過投補火之劑多致癰疽而歿可不戒哉

論似中風與真中風治法迥別誤則殺人凡言中風有真假內外之別差之毫釐謬以千里何者西北土地高寒風氣剛烈真氣空虛之人猝爲所中中臟者死中腑者成廢人中經絡者可調理而瘳治之之道先以解散風邪爲急次則補養氣血此治真中外來風邪之法也其藥以小續命湯桂枝麻黃生熟附子羌獨活防風白芷南星甘草之屬爲本若夫大江巴南之



東西兩浙七閩百粵兩川滇南鬼方荆揚梁三
州之域天地之風氣既殊人之所稟亦異其地
絕無剛猛之風而多溼熱之氣質多柔脆往往
多熱多痰真陰既虧內熱彌甚煎熬津液凝結
爲痰壅塞氣道不得通利熱極生風亦致猝然
僵仆類中風證或不省人事或語言蹇澀或口
眼歪斜或半身不遂其將發也外必先顯內熱
之候或口乾舌苦或大便秘澀小便短赤此其

驗也劉河間所謂此證全是將息失宜水不制
火丹溪所謂溼熱相火中痰中氣是也此卽內
虛暗風確係陰陽兩虛而陰虛者爲多與外來
風邪迥別法當清熱順氣開痰以救其標次當
治本陰虛則益血陽虛則補氣氣血兩虛則氣
血兼補久之自瘳設若誤用治真中風藥如前
辛熱風燥之劑則輕變爲重重則必死禍福反
掌不可不察也初清熱則天門冬麥門冬甘菊



花白芍藥白茯苓栝樓根童便順氣則紫蘇子
枇杷葉橘紅鬱金開痰則貝母白芥子竹瀝荆
瀝栝樓仁霞天膏次治本益陰則天門冬甘菊
花懷生地當歸身白芍藥枸杞子麥門冬五味
子牛膝人乳白膠黃檗白蒺藜之屬補陽則人
參黃耆鹿茸大棗巴戟天之屬與時消息則因
乎證

似中風問答

或問有患似中風證眠不竟夕而易惺心脉弦
而不洪多怒肝脉弦而不長語言蹇澀不利多
痰聲重小便疾速不能忍且有餘瀝大便燥結
左尺脉浮洪飲食少不易消此何以故答曰眠
不竟夕而易惺者心血不足也故其脉弦而不
洪東垣云胃虛者多怒多怒者肝氣必不和經
曰怒則氣上逆加以久病多鬱故益易怒故肝
脉亦弦而不長弦爲血少此非以智慧觀察以



慈忍靜定之力和之未可以藥石瘳也。腎屬水冬脉沈故曰諸浮者腎不足也。腎主五液又主二便。腎家有火則真陰日虧津液日少不能榮養於舌絡舌絡動急故語言不利。火性急速故小便疾出而不能忍且有餘瀝而大便亦多燥結也。故其脉應沈實而反浮洪失常候也。肺者五臟之華蓋位乎上象天而屬金喜清肅而惡煩熱熱則津液乾枯無以下滴而通水道或煎

熬濃稠而成痰矣。肺熱則人參反助邪熱而傷肺故往往聲重多痰壅塞氣道而升降不利也。脾爲土臟胃爲之腑乃後天元氣之所自出胃主納脾主消脾陰虧則不能消胃氣弱則不能納飲食少則後天元氣無自而生精血坐是日益不足也。經曰損其脾者調其飲食節其起居適其寒溫此至論也不如是則不足以復脾陰然其要又在戒暴怒使肝無不平之氣肝和則



不賊脾土矣命門者火臟也乃先天真陽之氣之所寄卽道家所謂先天祖氣醫家所謂真火是也其壯也有三一者元稟過厚二者保齋精氣不妄施泄三者志氣無所拂鬱則年雖邁而猶壯也不爾則子後一陽不生不能上升熏蒸糟粕而化精微以滋後天之元氣是火不生土而脾胃因之日弱也法當降氣和肝滋腎降氣是陽交於陰也肝和則脾胃不被賊邪所干故

能納而能消也脾胃無恙則後天之元氣日益生長矣腎足則真陰自生津液自足舌絡有所榮養則舌之伸縮自由而言語自利矣且世無不陰虛而中風者第須撥去煩惱一切放下使心火不炎則腎亦因之而不燥此又治之本也

論痰飲藥宜分治

夫痰之生也其由非一其爲治也藥亦不同由




於陰虛火炎上迫乎肺肺氣熱則煎熬津液凝結爲痰是謂陰虛痰火痰在乎肺而本乎腎治宜降氣清熱益陰滋水法忌辛溫燥熱補氣等藥由於脾胃寒溼生痰或兼飲噉過度好食油麩猪脂以致脾氣不利壅滯爲痰濃厚膠固甚至流於經絡及皮裏膜外或結爲大塊或不思食或徹夜不眠或卒爾眩仆不知人事或發癲癩或昔肥今瘦或叫呼異常或身重腹脹不便

行走或泄瀉不止及成癰癩種種怪證皆痰所爲故昔人云怪病多屬痰暴病多屬火有以夫此病在脾胃無關肺腎治宜燥脾行氣散結軟堅法忌滯泥苦寒溼潤等藥及諸厚味由於風寒鬱閉熱氣在肺而成痰嗽胸喘病亦在肺治宜豁痰除肺熱藥中加辛熱辛溫如麻黃生乾薑之屬以散外寒則藥無格拒之患法忌溫補酸收等藥病因不齊藥亦宜異利潤利燥及利



發散各有攸當非可混施也世以痰飲混稱藥亦混投殊不知痰之與飲其由自別其狀亦殊痰質稠黏飲惟清水特其色有異或青或黃或綠或黑或如酸漿或伏於腸胃或上支胸脇刺痛難忍或流於經絡四肢則關節不利支飲上攻爲心痛爲中脘痛甚則汗出爲嘔吐酸水苦黃水等種種各異或發寒熱不思飲食及不得眠皆其候也此證多因酒後過飲茶湯則水漿

與腸胃飲食溼熱之氣凝而爲飲或因情抱抑鬱飲食停滯不得以時消散亦能成飲總之必由脾胃有溼或脾胃本虛又感飲食之溼則停而不消此飲之大畧也治宜燥溼利水行氣健脾乃爲得也其藥大都以半夏茯苓參朮爲君佐以猪苓澤瀉以滲泄之白豆蔻橘皮以開散之蘇梗旋覆花以通暢之東垣五飲丸中有人參其旨槩可見矣



論瘧痢宜從六淫例治

風寒暑溼燥火此天之六淫其邪自外而入感之而病宜隨其邪之所在以攻治之經曰夏傷於暑秋必痲瘧乃暑邪爲病也雖有山嵐瘴氣發瘧一證治稍不同然其證大都多熱多寒或熱多寒少或寒多熱少或單熱不寒或單寒不熱頭疼骨疼大渴引飲口苦舌乾嘔吐不思食或煩躁不得眠必用白虎湯二三劑隨證增損

解表以祛暑邪而後隨經消息以除其苦可也滯下者俗呼爲痢疾皆緣暑溼與飲食之積滯膠固而成其證類多裏急後重數登圜而不便或發熱或口渴或惡心不思食何莫非暑之標證也必用六一散黃連芍藥爲主而後隨其所苦爲之增損傷氣分則調氣益氣傷血分則行血和血然未有不先治暑而可獲效者矣治病必求其本其斯之謂歟

論病由七情生者祇應養性怡神發舒志
氣以解之不宜全仗藥石攻治

夫喜怒憂思悲恐驚七者皆發於情者也情卽
神識有知不定無跡可尋觸境乃發滯而難通
藥石無知焉能消其妄執縱通其已滯之氣活
其已傷之血其默默綿綿之意物而不化者能
保無將來復結之病乎祇宜以識遣識以理遣
情此卽心病還將心藥醫之謂也如是庶可使

滯者通結者化情與境離不爲所轉當處寂然
心君泰定其何七情之爲累哉

論傷寒溫疫癰疽痘癩瘡疾諸病皆由實
邪所發自裏發出於表者吉由表陷入於
裏者凶

傷寒溫疫初發邪在於表必頭疼身熱病屬三
陽卽於此時急表散之冬月卽病宜用辛溫辛
熱以汗之春溫夏熱宜用辛涼辛寒甘寒以汗



之汗後身涼脉靜無所傷犯病不復作而愈如
投藥濡滯或病重藥輕不散之於表致邪熱內
結病屬三陰須下乃愈內虛之人不勝下藥多
致危殆又有少陰咽痛等證則又不宜於下或
成狐惑蟲食肛門種種難治之條皆失於不早
散故也癰疽皆由榮家實熱氣逆所結急宜涼
血活血散結解毒大劑連進內外夾攻務使消
散卽勢大毒盛一時不能散盡亦必十消七八

縱使潰膿保無大害若失於救治使熱毒內攻
其膜必壞膜壞則神人不能救矣痘瘡之害多
在血熱解於一二日內者十全八九若遲則熱
毒內攻陷入於裏腸胃當之必致大便作泄乳
食不化或神昏悶亂便閉腹脹則十不救一除
是稟受虛寒方堪補托濟以溫熱可救危急若
夫癰家便須速用辛寒甘寒苦寒之劑清涼發
散十不失一假令病重藥輕或治療後期或誤



投溫熱則邪熱內攻煩躁悶亂不可救藥矣瘧
本暑邪法當解肌若元氣先虛之人脾胃薄弱
誤投破氣消食尅伐之藥則中氣愈虛邪反內
陷必便膿血治或失宜多成腹脹馴至不救往
往而是此之四證皆須急治要以自裏達表者
吉自表陷裏者凶故藥宜解散通利最忌收澀
破氣及諸溫補其關乎死生者最大故特表而
出之俾世人知所先務也


論五運六氣之謬

原夫五運六氣之說其起於漢魏之後乎何者
張仲景漢末人也其書不載也華元化三國人
也其書亦不載也前之則越人無其文後之則
叔和鮮其說予是以知其爲後世所撰無益於
治療而有誤乎來學學者宜深辨之予見今之
醫師學無原本不明所自侈口而談莫不動云
五運六氣將以施之治病譬之指算法之精微



謂事物之實有豈不誤哉殊不知五運六氣者
虛位也歲有是氣至則算無是氣至則不算既
無其氣焉得有其藥乎一言可竟已其云必先
歲氣者譬夫此年忽多淫雨民病多溼藥宜類
用二朮苦溫以燥之佐以風藥如防風羌活升
麻葛根之屬風能勝溼故也此必先歲氣之謂
也其云毋伐天和者卽春夏禁用麻黃桂枝秋
冬禁用石膏知母芩連芍藥之謂卽春夏養陰

秋冬養陽之義耳乃所以遵養天和之道也昔
人謂不明五運六氣檢徧方書何濟者正指後
人愚蒙不明五運六氣之所以而誤於方冊所
載依而用之動輒成過則雖檢徧方書亦何益
哉予少檢素問中載有是說旣長游於四方見
天下醫師與學士大夫在在談說其義於時心
竊疑之又見性理所載元儒草廬吳氏於天之
氣運之中亦備載之予益自信其爲天運氣數



之法而非醫家治病之書也。後從敝邑見趙少宰家藏宋板仲景傷寒論，皆其宋善板始終詳檢，竝未嘗載有是說。六經治法之中，亦竝無一字及之。予乃諦信予見之不謬，而斷爲非治傷寒外感之說。予嘗遵仲景法治一切外邪爲病，靡不響應，乃信非仲景之言不可爲萬世法程。雜學混濫，疑誤後人，故特表而出之，俾來學知所決擇云。

祝醫五則

凡人疾病，皆由多生，不惜衆生身命，竭用人財，好殺鳥獸，昆蟲好筆，楚下賤甚，則枉用毒刑，加諸無罪，種種業因，感此苦報，業作醫師，爲人司命，見諸苦惱，當興悲憫，詳檢方書，精求藥道，諦察深思，務期協中，常自思惟，藥不對病，病不對機，二旨或乖，則下咽不返，人命至重，冥報難逃，勿爲一時衣食，自貽莫讎之罪，於千百劫，戒之。




哉宜懼不宜喜也

凡爲醫師當先讀書凡欲讀書當先識字字者文之始也不識字義寧解文理文理不通動成窒礙雖詩書滿目於神不染觸途成滯何由省入譬諸面牆亦同木偶望其拯生民之疾苦顧不難哉故昔稱太醫今日儒醫太醫者讀書窮理本之身心驗之事物戰戰兢兢求中於道造次之際罔敢或肆者也外此則俗工耳不可以

言醫矣

凡爲醫師先當識藥藥之所產方隅不同則精粗頓異收采不時則力用全乖又或市肆飾僞足以混真苟非確認形質精嘗氣味鮮有不爲其誤者譬諸將不知兵立功何自醫之於藥亦猶是耳既識藥矣宜習脩事雷公炮炙固爲大法或有未盡可以意通必期躬親勿圖苟且譬諸飲食烹調失度尚不益人反能增害何況藥




物關乎軀命者也可不慎諸

凡作醫師宜先虛懷靈知空洞本無一物苟執我見便與物對我見堅固勢必輕人我是人非與境角立一靈空竅動爲所塞雖日親至人終不獲益自首故吾良可悲已執而不化害加於人清夜深思宜生媿恥况人之才識自非生知必假問學問學之益廣博難量脫不虛懷何由納受不恥無學而恥下問師心自聖於道何益

苟非至愚能不做省乎

醫師不患道術不精而患取金不多舍其本業專事旁求假寵貴人冀其口腹以希世重縱得多金無拔苦力於當來世豈不翫償作是思惟是若非樂故當勤求道術以濟物命縱有功效任其自翫勿責厚報等心施治勿輕貧賤如此則德植厥躬鬼神幽贊矣

上來所祝五條皆關切醫師才品道術利濟



功過仰願來學俯從吾祝則進乎道而不囿
於技矣詎非生人之至幸斯道之大光也哉

六十六

神農本草經疏卷之二

諸病應忌藥總例


補氣

人參 黃耆 二朮 人胞

紅鉛

溫補

人胞 紅鉛 白膠 鹿茸
巴戟天 人參 黃耆 二朮



功過仰願來學俯從吾祝則進乎道而不囿
於技矣詎非生人之至幸斯道之大光也哉

六十六

神農本草經疏卷之二

諸病應忌藥總例

補氣

人參

黃耆

二朮

人胞

紅鉛

溫補

人胞

紅鉛

白膠


鹿茸

巴戟天

人參


黃耆

二朮



破血	橘紅	降氣	厚朴
沈香	降真香	黃耆	閉氣
烏藥	蘇子	銀杏	牽牛
鬱金	米麩食	米麩食	
枇杷葉	豬脂油	豬脂油	
	二朮	二朮	

破氣	雀肉	烏頭	附子	大熱	淫羊藿
天雄	天雄	硫黃	肉桂	菟絲子	肉苁蓉
海狗腎	仙茅	海狗腎	仙茅	蛇床子	補骨脂
羊肉	陽起石	羊肉	陽起石		當歸
枳實	枳殼	枳殼	枳殼		
檳榔	檳榔	檳榔	檳榔		



吐	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆
藜蘆	藜蘆	藜蘆	藜蘆	藜蘆

升提發散	升麻	柴胡	川芎	紫蘇
桃梟	穿山甲	騏驎竭	肉桂	
水蛭	蝨蟲	麝蟲		
沒藥	薑黃	三稜	蓬茂	
乾漆	五靈脂	花蓋石	乳香	
桃仁	紅花	蘇方木	延胡索	
麻黃	乾葛	羌活	獨活	
升麻	柴胡	川芎	紫蘇	
防風	白芷	生薑	細辛	
荆芥	前胡	藜蘆	芎白	
薄荷				
辛溫辛熱發散				
吳茱萸	乾薑	桂枝	麻黃	
細辛	羌活	獨活	防風	
藜蘆	川芎	白芷	芎白	



瓜蒂

梔子

豉

皂莢

藜蘆

常山

人參蘆

鰾汁

鹽湯

下

大黃

芒硝

巴豆

牽牛

玄明粉

枳實

厚朴

降泄

山梔

知母

天門冬

玄參

利水

猪苓

澤瀉

木通

瞿麥

車前子

葶藶

滑石

海金沙

商陸

茯苓

扁蓄

烏相根皮

琥珀

芫花

甘遂

大戟

續隨子

漢防已

郁李仁

損津液

郁李仁

白礬

礬紅

半夏



欽攝

白芍藥

五味子

醋

烏梅

白梅

酸棗仁

固澀

龍骨

牡蠣

粟殼

訶黎勒

益智子

山茱萸

桑螵蛸

蛇床子

肉果

蓮鬚

阿芙蓉

金櫻子

原蠶蛾

消導

山查

麥芽

草果

檳榔

三稜

蓬茂

神麴

枳殼

枳實

綠礬

萊菔子

紅麴

橘紅

砂仁

開竅


龍腦香

麝香

蘇合香

檀香

安息香



香燥

沈香

麝香

龍腦香

縮砂蜜

豆蔻

藿香

香附

丁香

烏藥

木香

辛燥

火酒

蒜

半夏

南星

二朮

辛熱

乾薑

吳茱萸

胡椒

蒜

懷香

生薑

巴豆

龍腦香

溼潤

地黃

當歸

肉蓯蓉

天門冬

知母

豬脂油

麻仁

栝樓仁

滯膩

豬羊犬肉


鷲

地黃

南麩

油膩

炙燂



滑利

冬葵子

榆皮

牛乳

椿根白皮

柿

瓜

李

桃

梨

蜜

青菜

蓴菜

酥

茄子

發溼

鱖魚

南麩

苦寒傷胃

山梔

黃檗

黃芩

黃連

大黃

苦參

玄參

知母

盧會

補命門相火

鹿茸

巴戟天

附子

人胞

紅鉛

白膠

肉桂

仙茅

陽起石

臘臍臍


淫羊藿

補骨脂

狗陰莖

菟絲子

原蠶蛾



補腎水苦寒

黃蘗

天門冬

玄參

知母

酸寒

白芍藥

牛膝

烏梅

鹹寒

童便

芒硝

玄參

秋石

生冷

菱

梨

菜

李

甘

甘草

飴糖

大棗

蜜

鹹

食鹽

商陸

臧水

鹿茸

蛤蜊

蠟黃

鯉



續序列下

○陰陽表裏虛實門

陽虛卽真氣虛其證惡寒或發熱自汗汗多亡
陽陽虛不發熱單惡寒者居多

忌破氣 降泄 利水 苦寒 又忌
辛熱發散

青皮 枳殼 厚朴 牽牛

檳榔以上破氣 大黃 石膏 山梔



知母	天門冬	生地黃	栝樓	<small>已上降泄</small>
澤瀉	木通	瞿麥	木相根皮	
漢防已	葶藶	猪苓	滑石	
海金沙	商陸	<small>已上杜木</small> 黃芩	黃連	
黃檗	玄參	槐花	<small>已上苦寒</small> 芍藥	
烏梅	醋	<small>已上酸</small> 吳茱萸	麻黃	
羌活	獨活	前胡	防風	
荊芥	<small>已上辛熱發散</small>			

九

宜補 甘 溫 熱

人參	黃耆	二朮	炙甘草
當歸	白膠	淫羊藿	人胞
紅鉛	補骨脂	巴戟天	桂
附子	仙茅	鹿茸	大腹香
陽起石	羊肉	雀肉	

陰虛卽精血虛其證爲欬嗽多痰吐血咯血嗽血鼻衄齒衄盜汗自汗發熱寒熱潮熱骨乏無

力不眠氣急腰背痛

忌補氣 復忌破氣 燥熱辛溫 又忌大

寒大苦傷胃 并升提發散 利水

人參 黃耆 二朮 人胞已上補氣

南星 半夏 附子 官桂

桂枝 仙茅 鹿茸 乾薑

硫黃 陽起石 海狗腎 丁香

胡椒 烏頭 火酒 吳茱萸

烏藥 生薑已上燥熱辛溫 山梔

黃芩 黃連 大黃 芒硝

玄明粉已上大寒大苦傷胃 麻黃 升麻


柴胡 羌活 獨活 藁本

川芎 防風已上升提發散 破氣利水藥見前

宜生精補血兼清虛熱 欬撮 酸寒 甘

寒 甘平 鹹寒 畧兼苦寒

地黃 栝子仁 人乳 沙苑蒺藜



表虛其證自汗惡風洒淅寒熱喜就溫暖脉浮無力
 無方
 青蒿
 溺白塗
 鼈甲
 黃檗
 知母
 牡丹皮
 續斷
 地骨皮
 車前子
 山茱萸
 石斛
 麥門冬
 薯蕷
 沙參
 酸棗仁
 白芍藥
 五味子
 枸杞子
 牛膝
 麋角膠
 阿膠

忌破氣 升發 辛熱

麻黃 升麻 防風 柴胡

羌活 獨活 前胡 乾葛

紫蘇 薄荷 白芷 生薑

荆芥已上 吳茱萸 桂枝表虛而中寒者不忌

乾薑已上 破氣藥見前

宜補飲 益氣實表 甘酸

人參 黃耆 白芍藥 甘草



桂枝

有熱者勿用

五味子

裏虛其證洞泄或完穀不化心腹痛按之即止或腹脹或傷寒下後痞滿

忌破氣

下苦寒

大黃

芒硝

巴豆

玄明粉

牽牛

上黃芩

黃連

山梔

知母

黃蘗

天門冬

茗已上破

氣藥見前

宜溫補

甘

佐以辛熱

人參

炙甘草

朮

大棗

糯米

肉桂

附子

有熱者勿用

乾薑

陽實即表邪熱盛其證頭痛寒熱遍身骨痛無汗

忌補斂

下大熱

黃耆

人參

二朮

桂枝



芍藥

五味子

米麩食

猪羊犬肉

醋已上補欵

附子

胡椒

乾薑

肉桂

蒜

吴茱萸

已上大熱下藥見

前

宜辛寒發散

天寒畧加辛熱辛溫佐之

石膏

知母

葛根

麥門冬

前胡

柴胡

黃芩

紫蘇

薄荷

升麻

防風

葱白

荆芥

羌活

麻黃

冬月可用
春夏忌之

陰實即裏實外感證屬邪熱內結者其證胸腹
鞭痛手不可近大便七八日不行或挾熱下痢
忌辛溫發散 補欵

諸藥俱見前

宜下 苦寒

鹹寒

甘辛

大黃

厚朴

枳實


滑石

山梔

黃芩

黃連

藍



陽厥卽熱厥其證四肢厥逆身熱面赤唇燥大渴口乾舌苦目閉或不閉小便赤澀短少大便燥結不省人事

忌升發 補欬 燥熱辛溫

諸藥俱見前

宜下 清熱 甘寒 苦寒 鹹寒

大黃 芒硝 石膏 黃芩

茵陳 芒硝 桃仁

十四

黃連 山梔 知母 童便

如挾虛有痰者宜麥門冬竹瀝蘆根汁梨汁牛黃童便

如婦人熱入血室因而厥者藥中以童便爲君加赤芍藥生地黃牛膝牡丹皮桃仁甚者大便結燥加芒硝大黃下之通卽止勿盡劑

陰厥卽寒厥其證四肢厥逆身冷面青蹠臥手



指爪青黯腹痛大便溏或完穀不化小便自利
不渴不省人事

忌下 破氣 苦寒 鹹寒 酸寒

食鹽 太陰玄精石 童便已上鹹寒

芍藥 醋已上下破氣苦寒諸藥俱見

前

宜補氣 溫中 甘溫 辛熱

人參 乾薑 附子 桂

吳茱萸

上盛下虛屬陽盛陰虛

忌升散 下 助陽補氣 復忌破氣 燥


熱辛

諸藥俱見陰虛條下

宜降 益陰 甘寒 酸寒 佐以鹹寒

苦寒

蘇子 枇杷葉 麥門冬 枸杞子



生地 沙參 白芍藥 山茱萸

五味子 牛膝 童便 玄參

黃檗 天門冬

○五臟六腑虛實門

心虛 八證

忌升發 破氣 苦寒 辛燥 大熱

諸藥俱見前

宜補血 甘溫 酸飲 佐以鹹寒 鎮墜

生地黃 龍眼肉 人參 炙甘草

石斛 酸棗仁 五味子 栝子仁

丹參 茯神 遠志 鹿茸


炒鹽 丹砂

驚邪屬心氣虛

忌升 破氣

諸藥俱見前

宜降 清熱 豁痰 平經曰驚者平之





犀角 丹砂 琥珀 真珠

龍齒 金箔 牛黃 代赭石

羚羊角 麥門冬 石斛 桔梗

麝香 麝香 竹瀝 天竺黃

遠志 鬼臼

癩癩屬心氣虛有熱

忌補斂 升

諸藥俱見前

宜降 清熱 豁痰

諸藥見驚邪條加 貝母 丹參

釣藤鈎 鬱金 鉛丹 神水

白礬

不得眠屬心血虛有熱

忌升 辛燥 熱

諸藥俱見前

宜斂 養陰血 清熱

酸棗仁 五味子 龍眼肉 丹參

芍藥 人參 石斛 竹葉

生地黃 茯神 遠志 黃連

玄參 麥門冬 辰砂六一散

竹茹 木通 生甘草

心煩屬心家有熱

忌升 破氣 燥熱

諸藥俱見前

宜清熱 生津液 甘寒 甘平 辛酸

參用不得眠中諸藥

竹葉 麥門冬 生甘草 石斛


丹參 龍眼肉 生地黃 玄參

沙參 茯神 遠志 知母

酸棗仁

怔忡屬心血不足

忌宜俱同心虛



心澹澹動

忌宜俱同心虛

盜汗屬心血虛汗者心之液也

忌破氣 辛散 燥熱

諸藥俱見前

宜補飲 清虛熱 甘酸 甘平 甘寒

苦寒 鹹寒

生地黃 當歸 茯神 龍眼肉

黃耆 五味子 白芍藥 酸棗仁

黃芩 黃檗 黃連 牡蠣

伏梁屬心經氣血虛以致邪留不去


忌破血 汗 下


三稜 蓬茂 薑黃 蜜蟲

虻蟲 紅藍花 水蛭 桃仁已上破血

汗下諸藥俱見前

宜活血 涼血 散熱通結 辛鹹





鬱金

五靈脂

乳香

沒藥

當歸

延胡索

赤芍藥

遠志

菖蒲

茯神

牡蠣

參用東垣

伏梁丸治之

肝虛

十證

忌收斂

破氣

升散

苦寒

下

諸藥俱見前

宜辛散

甘緩

當歸

陳皮

生薑

地黃

甘菊

甘草

胡麻

穀精草

決明子

刺蒺藜

羊牛兔肝

因鬱而虛者加

細辛

木香

縮砂蜜

沈水香

川芎

香附

胸脇痛屬肝血虛肝氣實因而上逆

忌斂

補氣

破血

諸藥俱見前

宜降氣 養血 和肝 辛甘 平緩

蘇子 鬱金 番降香 川通草

當歸 生地黄 橘皮 甘草

白芍藥 續斷 鹿角膠

轉筋屬血虛

忌下 復忌升 燥熱 閉氣 苦寒 破

氣

二朮 黃耆 銀杏 豬脂

羊肉 麩已上 餘忌藥俱見前

宜酸 辛 甘平

木瓜 牛膝 當歸身 白芍藥

石斛 續斷 炙甘草 陳皮

縮砂蜜

目光短屬肝血虛及腎水真陰不足

忌破氣 升 燥熱

諸藥俱見前



宜補肝兼滋腎 甘溫益血 甘寒除熱

甘枸杞 生地黃 甘菊花 沙苑蒺藜

穀精草 五味子 決明子 天門冬

麥門冬

目昏屬肝血虛有熱兼腎水真陰不足

忌同前目短

宜同目光短加黃檗 羚羊角

目翳屬肝熱兼腎水不足

忌破氣 升 燥熱 苦寒

諸藥俱見前

宜補肝血 除熱 退翳

甘菊花 生地黃 決明子 石決明

沙苑蒺藜 女貞實 青羊膽

羚羊角 犀角 空青 黃連

天龍 伏翼糞 木賊 穀精草

蜜蒙花 人瓜 蟬蛻 瑪瑙

石蟹

珊瑚

眞珠

琥珀

馬目毒公

貝子

亡血過多角弓反張屬肝血虛有熱

忌風燥 升 破氣 下

諸藥俱見前

宜補血清熱 甘寒 甘溫 酸寒 鹹寒

辛潤

當歸

生地黃

白芍藥

炙甘草

牛膝

麥門冬

牡丹皮

甘菊花

童便

有汗加人參

黃耆

五味子 酸棗仁

少腹連陰作痛按之則止屬足厥陰經血虛

忌同角弓反張

宜同角弓反張加白膠


偏頭痛屬血虛肝家有熱不急治久之必損目

忌升 燥熱 苦寒



忌破氣 燥熱 辛溫
 諸藥俱見前
 宜養血補肝 清熱 甘寒 甘平 酸寒
 苦寒
 生地黃 枸杞子 甘菊花 當歸
 薯蕷 五味子 白蒺藜 甘草
 山茱萸 白芍藥 天門冬 黃檗
 肥氣屬氣血兩虛肝氣不和逆氣與瘀血相併

諸藥俱見前
 宜養血清虛熱 甘寒 酸寒 辛寒
 生地黃 天門冬 甘菊花 白芍藥
 當歸 川芎 烏梅 炙甘草
 土茯苓 金銀藤 黑豆 有實火者
 可加黃芩 酒炒
 大黃 酒蒸 芎藭
 雨前茶 石膏
 目黑暗眩暈屬血虛兼腎水真陰不足



而成

忌破氣 下 苦寒

諸藥俱見前

宜和肝散結氣 兼行氣血凝滯 甘溫

甘平

川芎 當歸 沉香 乾薑

肉桂 橘皮 紅花 鬱金

延胡索 香附 山查 赤芍藥

紅麴 砂仁 參用東垣肥氣丸治

之

脾虛 十二證


忌下 降泄 破氣 苦寒

諸藥俱見前

宜甘溫 佐以辛香 酸平

人參 大棗 黃耆 薯蕷

炙甘草 蓮肉 白茯苓 白扁豆



縮砂蜜

橘紅

白豆蔻

藿香

木瓜

白芍藥

酸棗仁

飲食勞倦傷脾發熱

忌破氣

發散

下

苦寒

諸藥俱見前

宜補中益氣

甘溫

升酸

人參

黃耆

朮

炙甘草

大棗

柴胡

升麻

石斛

麥門冬

橘紅

白芍藥

酸棗仁

飲食不消化屬脾氣虛

忌破氣

消導剋伐

苦寒

復忌燥

草果

枳實

檳榔

蓬茂

三稜

綠礬

已上消導

餘忌藥俱見前

宜益真氣

香

甘溫


甘辛

同脾虛加穀蘖

麥蘖

肉豆蔻

傷食必惡食



忌潤溼 苦寒

當歸 肉從蓉 瓊陽 天門冬

地黃 知母 玄參 豬脂

茄子 酒 糟 麩食已上潤溼

苦寒諸藥見前

宜健脾消導 甘溫 辛香

橘皮 薯蕷 蓮肉 白蘊豆

白芍藥 白茯苓 草果 山查

麥芽 草豆蔻 縮砂蜜 穀蘖

如腹痛大便不通宜下之枳實檳榔厚朴
大黃元氣虛人不可下宜加參朮

傷肉食輕者宜蒜山查兼黃連重者宜礬
紅棗肉為丸服二錢不可過終身忌蕎麥
傷麩食宜炒萊菔子

停飲為恣飲湯水或冷茶冷酒所致

忌下 酸斂 溼潤 滯膩



諸藥俱見前加忌栝樓根及仁

桃仁 郁李仁

宜健脾利水 淡滲 兼辛散

人參 白朮 半夏 茯苓

橘皮 澤瀉 猪苓 木通

桑白皮 旋覆花 紫蘇 白豆蔻

水腫屬脾氣虛

忌破氣 下泄 溼潤 鹹 苦寒

食鹽 商陸以上餘忌藥俱見前

宜補脾益氣 燥溼 利水 辛香 甘溫

佐以淡滲


人參 二朮 橘皮 薯蕷

木瓜 薏苡仁 桑白皮 茯苓

赤小豆 香薷 烏蠡魚 車前子

猪苓 澤瀉 薑皮 烏芋

縮砂蜜 通草



脾虛中滿屬脾氣虛兼脾陰虛

忌破氣 下 消導 利水 甘

飴糖 大棗 蜜 甘草 註上

餘忌藥俱見前

晝劇夜靜屬脾氣虛宜補氣健脾 甘溫

淡滲 佐以辛香

人參 二朮 白芍藥 桑白皮

茯苓 車前子 橘紅 薑皮

藿香 縮砂蜜 無熱證者佐以桂

夜劇晝靜屬脾陰虛宜補脾陰 兼制肝清

熱 甘平 酸寒 淡滲

酸棗仁 白芍藥 石斛 白蘊豆

蓮肉 橘皮 山藥 蘇子

五味子 木瓜 桑白皮 車前子

茯苓

噎膈屬氣血兩虛由於血液衰少而非痰氣壅



逆所成

忌破氣 升 復忌下 消導 燥 苦寒

辛熱

諸藥俱見前

宜降 清熱潤燥 甘溫甘平以益血 畧

佐辛香以順氣

蘇子 橘紅 枇杷葉 人參

白芍藥 酸棗仁 龍眼肉 人乳

牛乳 蔗漿 梨汁 韭汁

蘆根汁 薑汁 白豆蔻仁

脾泄屬氣虛


忌破氣 下 消導 苦寒

諸藥俱見前

宜溫中補氣 升清 甘溫 甘平 佐以

辛香

人參 朮 炙甘草 薯蕷



蓮肉

白扁豆

茯苓

車前子

白芍藥

升麻

柴胡

肉豆蔻

縮砂蜜

橘皮

木香

丁香

藿香

白萊菔

兼有溼及痰經年不

愈糞色白者須服九製松脂

健忘屬氣血兩虛

忌升

燥熱

復忌苦寒

辛散

諸藥俱見前

宜益脾陰兼補氣

酸斂

甘溫

甘寒

辛平以通竅

酸棗仁

白芍藥

五味子

人參

炙甘草

黃耆

龍眼肉

柏子仁

麥門冬

丹參

茯苓

茯神

石菖蒲

遠志

倦怠嗜臥屬脾氣不足

忌破氣

消導

苦寒



諸藥俱見前

宜補氣 兼健脾 甘溫 辛香

人參 白朮 黃耆 茯苓

薯蕷 炙甘草 穀蘖 白扁豆

縮砂蜜 橘皮 藿香 白豆蔻

脾虛腹痛按之則止屬血虛

忌破氣 破血 香燥 苦寒

諸藥俱見前

宜益氣補血 甘溫 酸平

人參 炙甘草 龍眼肉 大棗

酸棗仁 石斛 麥門冬 白芍藥

痞氣屬脾氣虛及氣鬱所致

忌破氣 下 溼潤 苦寒

諸藥俱見前

宜健脾 兼散結滯 甘溫 辛香

人參 白芍藥 橘紅 縮砂蜜



藿香

吳茱萸

穀蘖

麥蘖

紅麴

香附

木香

參用東垣

痞氣丸治之

肺虛

七證

忌補氣

升散

辛燥

溫熱

諸藥俱見前

宜清熱

降氣

酸欬

潤燥

天門冬

麥門冬

蘇子

枇杷葉

貝母

沙參

百部

百合

桑白皮

五味子

杏仁

五倍子

蜜

梨

柿

無熱者加

人參

齶喘屬肺虛有熱因而痰壅

忌破氣

升

發散

收澀

訶子

亞芙蓉

粟殼

以上

餘忌藥俱

見前



欬嗽吐血痰屬肺熱甚

忌升 破氣 復忌補氣 破血 辛燥

溫熱 收澀

諸藥俱見前

宜降氣清熱 潤肺生津液 涼血益血

甘寒 甘平 鹹寒 佐以苦寒

鬱金 生地黃 蒲黃 側柏葉

茅根 剪草 白及 阿膠

童便 知母 餘藥肺虛條內參用

聲啞屬肺熱甚

宜降氣 消痰 辛涼 甘寒 若平

蘇子 枇杷葉 貝母 桑根白皮

栝樓根 竹瀝 天門冬 麥門冬

百部 百合 薄荷 馬兜鈴

款冬花 沙參 前胡 白前

射干



忌宜俱同欬嗽

咽喉燥痛屬水涸火炎肺熱之極此證法所難

治

忌宜俱同欬嗽

肺痿屬肺氣虛有熱

忌宜俱同肺虛

龜胸屬肺熱有痰

忌宜俱同齁喘欬嗽

息賁屬肺氣虛痰熱壅結所致

忌破氣 辛熱 補斂

諸藥俱見前

宜降氣 清熱開痰 佐以散結

橘皮 白豆蔻 白芥子 射干

桔梗 旋覆花 桑白皮 參用東垣

息賁丸治之

腎虛卽腎水真陰不足 十八證



忌升 破氣 利水 溫熱 辛燥 補命

門相火

仙茅 巴戟天 葫蘆芭 人參

補骨脂 鹿茸 人胞已上補命 餘忌

藥俱見前

宜滋陰 潤 生精補血 除熱 甘寒

酸寒 苦寒 鹹寒

地黃 枸杞子 牛膝 人乳

肉蓯蓉 柏子仁 胡麻 沙苑蒺藜

杜仲 續斷 天門冬 麥門冬

五味子 山茱萸 薯蕷 牡丹皮


兔絲子 車前子 地骨皮 知母

黃檗 鼈甲 青蒿 童便

腎虛腰痛屬精氣虛

忌破氣 燥熱

諸藥俱見前



宜同腎虛

骨乏無力屬陰精不足腎主骨故也

忌宜俱同腎虛

骨蒸潮熱屬精血虛極以致陽無所附火空上炎

忌宜俱同腎虛

傳尸勞

忌同腎虛

宜除熱益陰 殺勞蟲 兼清鎮

諸藥同腎虛加 鬼白 乾漆

漆葉 盧會 象膽 獾肝


胡黃連 安息香 丹砂 磁石

神水

五心煩熱屬真陰不足

忌宜俱同腎虛

夢遺泄精屬腎虛有火



忌同腎虛

宜滋陰 生精補血 除熱 酸飲 佐以

澀精

蓮花蕊 生甘草 石斛 縮砂蜜

龍骨 覆盆子 魚膠 蓮肉

牡蠣 遠志 韭子 桑螵蛸

餘藥同腎虛條

小便短澀熱赤頻數屬腎虛有火

忌宜俱同腎虛

溺有餘瀝屬氣虛

忌同腎虛

宜同腎虛以五味子黃檗人參爲君加菟絲子覆盆子爲臣益智爲佐如覺平日肺家有熱或欬嗽有火者忌人參用沙參

溺血血淋屬腎虛有火熱傷血分

忌同腎虛



宜同腎虛加側柏葉 阿膠 茅根
韭白 乾地黃 戎鹽 蒲黃
傷精白濁屬房勞過度以致精傷流出似白濁
證

忌利小便 燥 辛熱

諸藥俱見前

宜同腎虛

五淋屬腎虛兼有溼熱

忌同腎虛

宜同腎虛加清溼熱

茯苓 黃檗 車前子 石斛

草薢 薏苡仁

精塞水竅不通屬房慾不竟或思慾不遂或懼
泄忍精或老人氣不足以送精出竅

忌破氣 下 利小便 燥熱

諸藥俱見前



宜行敗精 壯實人宜兼泄火 老人宜兼

補氣血外治用吮法

牛膝 生地黃 當歸 桃仁

紅花 車前子 鹿角霜

齒浮真牙搖動及下齦軟或齒衄屬腎虛有熱

忌同腎虛又忌常歸芎藭

宜益陰 涼血 固腎

諸藥畧同腎虛應以地黃黃檗五味子爲

君桑椹牛膝沙苑蒺藜鹿茸天門冬爲臣
龍骨牡蠣爲使

下消屬腎陰虛火伏下焦

忌同腎虛

宜清熱 及峻補真氣 潤 酸斂

諸藥同腎虛宜以黃檗五味子生地黃天
麥門冬人參爲君石斛牛膝知母人乳童
便爲臣地骨皮青蒿側柏葉爲佐



善恐屬腎氣虛腎藏志故也

忌破氣 苦寒

諸藥俱見前

宜補氣強志 辛平 甘溫 佐以辛香

人參 遠志 茯苓 鹿茸

酸棗仁 柏子仁 石斛 沈水香

陰竅漏氣屬腎氣虛不固腎上納氣虛則不能
納故見是證

忌破氣 降 香燥 辛熱

蘇子 鬱金 降香 沈水香

橘皮 通草紀上 白豆蔻 木香

香附紀上 餘忌藥俱見前

宜補真氣 酸飲 固澀

人參 五味子 山茱萸 沙苑蒺藜

覆盆子 枸杞子 益智子 遠志

龍骨 牡蠣 金櫻子 蓮鬚

參用腎虛條內諸藥

疝屬腎虛寒溼邪乘虛客之所致丹溪謂與腎經絕無相干者誤也又有先因溼邪爲病後成溼熱者藥宜分寒熱先後二途

忌升 破氣 苦寒 溼潤

諸藥俱見前

宜補氣 通腎氣 除溼 又有陰虛有熱之人病此兼宜除熱

人參 黃耆 橘核 合歡子

荔枝核 川棟子 牛膝 木瓜

杜仲 萆薢 巴戟天

虛寒而痛加桂 藿香 補骨脂

仙茅

虛熱而痛加黃檗 車前子 溼盛者加

朮

奔豚屬腎虛脾家溼邪下傳客腎所致



忌同疝 兼忌燥

諸藥俱見前

宜補氣 健脾 辛溫 散結

人參 薯蕷 桂 山茱萸

牛膝 懷香 蛇床子 參用東垣

奔豚丸治之

命門虛即元陽真火不足 四證

忌下泄 破氣 發散 辛寒 苦寒 淡

滲 燥 補腎水 苦寒藥

黃檗 知母 生地黃 天門冬 杞

補腎水 苦寒藥 餘藥俱見前

宜益真陽之氣 甘溫 鹹溫 甘熱 酸斂

人參 紅鉛 人胞 鹿茸

白膠 肉蓯蓉 菟絲子 枸杞子

覆盆子 五味子 巴戟天 山茱萸

附子 補骨脂 仙茅 陽起石



陰痿屬命門火衰下焦虛寒

忌同命門虛

宜同命門虛加海狗腎

原蠶蛾 狗陰莖 雀卵

牛膝

蛇床子

白馬陰莖

精寒精薄屬命門火衰陽氣不足

忌宜俱同陰痿

腎泄卽五更及黎明泄瀉者是也亦名大疲泄

屬命門真火不足

忌同命門虛

宜益氣 甘溫 酸斂

人參 薯蕷 蓮肉 肉豆蔻

砂仁 補骨脂 木香 吳茱萸

五味子

畏寒足冷

忌宜俱同命門虛

小腸虛

一證

忌破氣 辛散 燥熱

諸藥俱見前

宜補氣 甘溫 酸溫

人參 黃耆 麥門冬 五味子

山茱萸

遺尿屬小腸氣虛兼腎氣虛

忌同小腸虛

宜同小腸虛兼固澀

牡蠣 益智子 龍骨 金櫻子

膽虛

二證


忌汗 吐 下 苦寒 破氣 燥

山梔 瓜蒂 藜蘆 鹽湯

常山吐上 餘忌藥俱見前

宜甘溫 甘平 酸斂 佐以微辛

人參 當歸 穀精草 決明子



木賊草

甘草

竹葉

竹茹

白芍藥

酸棗仁

易驚屬膽氣虛

忌破氣

升發

燥熱

諸藥俱見前

宜補膽氣

甘溫

辛溫

酸平

人參

酸棗仁

甘草

竹葉

當歸

白芍藥

竹茹

橘皮

病後不得眠屬膽虛

忌宜俱同膽虛

胃虛 七證

忌下

破氣

苦寒

燥熱

諸藥俱見前

宜益氣

甘平

甘淡

酸

人參

白朮

白扁豆

蓮肉

石斛

橘皮

白茯苓

木瓜



白芍藥

兼寒加生薑

白豆蔻

縮砂蜜

兼熱加竹茹

枇杷葉

麥門冬

蘆根汁 蔗漿

胃弱不納食及不思飲食

忌同胃虛

宜同胃虛仍分寒熱治

胃虛嘔吐宜分寒熱

忌宜俱同胃虛

霍亂轉筋屬胃虛猝中邪惡氣及毒氣兼有停

滯所致

轉筋與肝經
血虛不同

忌閉氣

滯膩

收斂

溫補

大熱

諸藥俱見前

宜調氣和中

小辛散

消導


由於暑必口渴或口乾齒燥口苦小水短

赤

白梅

白藕豆并葉

絲瓜葉



絞腸痧屬胃氣虛猝中天地邪惡穢汚之氣鬱

浸洗

由於寒則小水清白不渴不熱

食鹽

泥漿

縮砂蜜

厚朴

香薷

木瓜

石斛

童溺

滑石

石膏

甘草

橘皮

縮砂蜜

丁香

橘皮

藿香○甚

者加吳茱萸肉桂外治用杉木楠材煎湯

於胸腹間上不得吐下不得瀉以致腸胃絞痛
異常胸腹驟脹遍體紫黑頭頂心必有紅髮急
尋出拔去之急以三稜鏡針刺委中擠出熱血
可立蘇次用新汲凉水投入鹽兩許恣飲得吐
瀉卽止委中穴在兩膝下灣橫紋中間兩筋之
中刺入一分

忌溫補 欽

諸藥俱見前切忌火酒生薑蒜及穀氣米



飲熱湯入口卽死

宜通竅辟惡 辛散 鹹寒

龍腦香 蘇合香 藿香 檀香

乳香 芒硝 童便 煎藥亦宜

冷服

中惡腹中疔痛屬胃氣虛惡氣客之所致

忌補 酸飲

諸藥俱見前

宜辟惡氣 通暢胃氣 辛散

龍腦香 檀香 麝香 孕婦忌用 牛黃

乳香 蘇合香 丹砂 雄黃


鬼臼 藿香 橘皮 木香

沈水香 白豆蔻 遠志 石菖蒲

乾薑 桂

反胃屬胃氣虛

忌破氣 升 苦寒 甘 燥熱



諸藥俱見前

宜補氣 降氣 和胃 清熱 酸飲以制

肝

人參 蘇子 橘皮 枇杷葉

木瓜 竹茹 麥門冬 蘆根汁

石斛 白茯苓 白芍藥 梅醬

蔗漿

若因虛寒而得者加生薑 朮

白豆蔻

中酒屬胃弱

忌閉氣 升 甘溫 燥熱 收澀

諸藥俱見前

宜養胃 酸 辛散 淡滲

人參 麥門冬 白菡豆 葛花

五味子 梅醬 橘皮 白豆蔻

黃連 縮砂蜜 白茯苓 澤瀉



大腸虛

四證

忌破氣

下

燥熱

諸藥俱見前

宜補氣

潤燥

甘溫

人參

黃耆

麥門冬

五味子

白芍藥

炙甘草

虛熱便閉不通屬血虛津液不足

忌破氣

下

燥熱

苦溫

損津液

郁李仁

損津液

餘忌藥俱見前

宜生津液

潤燥

涼血

益血

五味子

麥門冬

芝麻

麻仁

生蜜

天門冬

肉蓯蓉

生地黃

當歸

虛會

炙甘草

虛寒滑泄不禁屬氣虛

忌破氣

下

溼潤

苦寒

諸藥俱見前



宜補氣 升 甘溫 酸歛

人參 黃耆 白朮 蓮肉

升麻 炙甘草 吳茱萸 肉豆蔻

補骨脂 五味子 木瓜 赤石脂

腸鳴屬氣虛

忌破氣 下 苦寒

諸藥俱見前

宜同大腸虛加升麻柴胡以佐之

脫肛屬氣虛兼有溼熱

忌同大腸虛

宜補氣 升提 除溼熱

人參 黃耆 炙甘草 白朮

蓮肉 白扁豆 升麻 乾葛

柴胡 黃檗 防風 黃連

黃芩 樗根白皮 白芍藥

外用五倍子傅之



膀胱虛 三義

忌破氣 燥 利小便

諸藥俱見前

宜補氣 酸斂

人參 五味子 山茱萸 益智子

金櫻子

小便不禁屬氣血虛

忌降下 溼潤 燥熱

諸藥俱見前

宜同膀胱虛加牡蠣 龍骨 鹿茸


桑螵蛸 雞胫脰

頻數不能少忍加麥門冬 五味子

黃檗 山茱萸 天門冬 鼈甲

牛膝 柏子仁 甘枸杞子

遺尿屬本經氣虛見小腸虛條內因膀胱虛亦
能致遺尿故復列此



忌宜俱見小腸虛

膀胱氣

忌宜俱同疝

三焦虛 二證

忌破氣 降 復忌升發 苦寒

諸藥俱見前

宜補中益氣 佐以辛溫

人參

黃耆

白朮

益智子

沉香 五味子

腹寒屬中氣虛

忌宜俱同三焦虛

短氣少氣屬氣虛

忌同三焦虛

宜補氣益精 甘溫 甘寒 酸溫

人參 黃耆 麥門冬 五味子

心實即實火實熱 五證



忌補斂 升 熱 溫燥

諸藥俱見前

宜降火清熱 苦寒以折之 辛寒以散之

甘寒以緩之 鹹寒以潤之

黃連 犀角 石膏 丹砂

牡丹皮 滑石 生甘草 麥門冬

竹葉 童便 便結燥加芒硝大黃

發狂亦如之

五十五

譎語屬心家邪熱

忌宜俱同心實

舌破屬心火

忌宜俱同心實


煩躁屬心家邪熱及心火內炎

煩屬心
躁屬腎

忌宜俱同心實

自笑屬心家有熱邪

忌宜俱同心實



發狂屬心家有邪熱甚

忌宜俱同心實

肝實 五證

忌補氣 升 酸欽 辛熱 辛溫 燥

諸藥俱見前

宜清熱降氣 苦寒 辛寒 甘寒 酸寒

橘皮 青皮 蘇子 黃連

黃芩 龍膽草 柴胡 生甘草

赤芍藥 竹葉 青黛

善怒怒則氣上逆甚則嘔血及衄泄

忌補 升 熱燥 閉氣


諸藥俱見前

宜降氣 清熱 甘寒 酸寒 鹹寒 佐

以辛散

蘇子 鬱金 番降香 生甘草

青黛 麥冬 生地黃 赤芍藥



橘皮

蒲黃

當歸

延胡索

砂仁

香附

童便

善太息忽忽不樂

忌宜俱同善怒

脇痛嘔血屬肝氣逆肝火盛肝血虛

忌宜俱同善怒

發搖屬肝家邪熱熱則生風風主掉眩故也

忌同善怒

宜清熱 降氣 利小便 緩中

生地黃

白芍藥

黃連

丹砂

羚羊角

童便

蘇子

麥門冬

生甘草

竹葉

甘菊花

白茯苓

木通


目赤腫痛屬血熱

忌同肝實善怒

宜涼血清熱 甘寒

苦寒

酸寒





生地黄 赤芍藥 甘草 甘菊

穀精草 蜜蒙花 荆芥 黃蘗

大黃 黃連 連翹 玄參

山梔 竹葉 龍膽草 空青

曾青 木通 童便 外治銅青

芒硝 石膽 麩核急者宜以三稜

針刺破眼眶腫處將出熱血立解遲則血

貫瞳人目損矣

脾胃實即溼熱邪勝 六證

忌溼潤 收澀 滯膩 熱 鹹 甘

諸藥俱見前

宜除溼清熱 利小便 辛散 風燥 苦

寒

朮 山梔 猪苓 澤瀉

滑石 車前子 茯苓 白豆蔻

防風 乾葛 黃連 枳實

蠱脹由於脾家溼熱積滯或內傷瘀血停積而

成

忌補氣 甘溫 燥熱

諸藥俱見前

宜除溼 清熱 利小便 消積

木通 防己 車前子 豬苓

澤瀉 茯苓 葶藶 烏蠶魚

桑白皮 山查 紅麴 三稜

蓬朮

易饑屬脾家邪火

忌升 辛溫 大熱 香燥

沈香 麝香 龍腦 縮砂蜜

豆蔻 藿香已上香燥 餘忌藥俱見前

宜清火除熱 生津液 益脾陰 甘寒

苦寒 酸寒

黃連 青黛 連翹 山梔



石膏

竹葉

麥門冬

石斛

白芍藥

酸棗仁

口唇生瘡

忌溫燥 熱

諸藥俱見前

宜甘寒

酸寒

苦寒

辛寒

麥門冬

生地黃

甘草

白芍藥

烏梅

黃連

黃芩

玄參

連翹

栝樓根

乾葛

石膏

龍膽草

大青

竹葉

口糜

忌宜俱同口唇生瘡

中消屬脾家實火

忌破氣

下 溫燥

熱

諸藥俱見前

宜服諸藥同口唇生瘡加人參



溼熱腹痛按之愈甚

忌悶氣 酸飲 溫熱 燥

諸藥俱見前


宜利小便 兼升提 苦寒


滑石 車前子 木通 黃連

黃芩 升麻 柴胡 葛根


防風 不愈加熟大黃卽土鬱則奪之


之義也






NATIONAL CENTRAL LIBRARY, TAIWAN, R.O.C.






國立中央圖書館 臺灣分館



468990 卷一



肺實

入證

忌欽澀

補氣

升

燥熱

酸

鹹

諸藥俱見前

宜降氣

潤

甘寒

苦寒

佐以辛散

蘇子

枇杷葉

桑白皮

天門冬

貝母

栝樓根

杏仁

白前

前胡

知母

車前子

桑黃

石膏

黃芩

NATIONAL CENTRAL LIBRARY, TAIWAN, R.O.C.



喘急屬肺有實熱及肺氣上逆

忌同肺實

宜同肺實加桔梗

甘草

栝樓仁

玄參

青黛

氣壅屬肺熱氣逆

忌宜俱同肺實

聲重痰稠屬肺熱

忌同肺實

宜同肺實加薄荷

竹瀝

肺癰屬肺熱極

忌同肺實

宜清熱消痰降火解毒散結甘寒

苦寒辛寒

桑白皮

桑黃

黃芩

貝母

栝樓根


葶菜

虎耳草

鼠黏子

甘草

敗醬草



百年醃芥菜汁

肺脹悶屬肺熱

忌同肺實

宜同肺實并參用肺癰諸藥

吐膿血血痰欬嗽血屬肺家火實熱甚此正邪氣勝則實之謂

忌同肺實

宜清熱降氣涼血豁痰

童便

蘇子

枇杷葉

桑白皮

麥門冬

剪草

蒲黃

生地黃

天門冬

百部

桑黃

百合

薏苡仁

甘草

貝母

白芍藥

白及

桔梗

款冬花

紫苑


喉癰屬肺熱

忌同肺實

宜同肺實加鼠黏子

玄參

射干



上消屬肺家竇火及上焦熱

忌同肺實

宜降氣 清熱 補肺 生津 甘寒 苦

寒 酸寒 辛寒

蘇子 麥門冬 枇杷葉 桑白皮

桔梗 百部 百合 黃芩

天門冬 沙參 黃連 栝樓根

葛根 知母 玄參 石膏

甘草 五味子 白芍藥 箎竹葉

蘆根 冬瓜 人乳 天酒

腎無實故無瀉法


命門實 二證

忌補氣 溫 熱

諸藥俱見前

宜苦寒 甘寒 鹹寒

黃蘗 知母 玄參 天門冬



麥門冬 牡丹皮 車前子 木通

澤瀉

強陽不倒屬命門火實孤陽無陰所致此證多不治

忌同命門實

宜同命門實加五味子

生地黃

童便

水竅濕痛屬命門實火

忌同命門實

宜清熱 利竅 甘寒 苦寒 鹹寒 佐

以淡滲

黃蘗 知母 車前子 生地黃

天門冬 生甘草 黃芩 牛膝

麥門冬 童便 茯苓 木通

小腸實 一證

忌斂澀 補氣



諸藥俱見前

宜通利 淡滲 苦寒 甘寒 鹹寒

車前子 白茯苓 木通 生甘草

黃檗 知母 黃芩 牛連

牛膝 麥門冬 生地黃 童溺

小水不利及赤或澀痛尿血

忌宜俱同小腸實

膽實 二證

忌汗 吐 下

諸藥俱見前

宜和解 辛寒 甘寒 苦寒 辛溫

柴胡 黃芩 半夏 生薑

甘草 橘皮 龍膽草

口苦耳聾脇痛往來寒熱

忌同膽實

宜用仲景小柴胡湯隨所見兼證加減

鼻淵屬膽移熱於腦

忌辛溫 燥熱

諸藥俱見前

宜清熱 補腦 甘寒 甘平 佐以辛寒

天門冬 甘菊花 生地黃 沙苑蒺藜

山茱萸 沙參 薄荷 柴胡

辛夷 黃芩 玄參 知母

胃實 六證

忌升 補斂 辛溫 燥熱 溼潤

諸藥俱見前

宜下 如邪未結宜清熱發散 苦寒 辛

寒 甘寒

大黃 枳實 知母 石膏

葛根 竹葉 大青 小青

青黛 麥冬 甘草

譫語發狂發斑棄衣而走登高而歌屬胃家邪



熱實

忌同胃實

宜同胃實如大便結者加芒硝亟下之發斑者加鼠黏子玄參栝樓根多用石膏為君便結亦加大黃下之

口臭數欲飲食屬胃火

忌同胃實

宜清熱降火

苦寒

甘寒

辛寒

黃連

青黛

連翹

麥門冬

石斛

蘆根汁

竹葉

石膏

嘈雜屬胃火

忌同口臭

宜同口臭畧兼消導

山查


麥芽

橘紅

神麴

口淡屬胃熱

忌宜俱同口臭



嘔吐屬胃火者必面赤小便短赤或澀大便多
燥口苦或乾渴

忌同胃實

宜同胃實加枇杷葉 竹茹

盧根 橘皮 通草

木瓜 白茯苓

吞酸屬胃火

忌同胃實

宜同嘈雜

大腸實 四證

忌補斂 燥熱

諸藥俱見前


宜潤下 苦寒 辛寒

生地黃 麻仁 桃仁 黃連

黃芩 槐花 大黃 石膏

宜知母 枳殼

便鞭閉



忌同大腸實

宜同大腸實加苦硝 猪膽

檳榔

郁李仁 石蜜

腸風下血屬大腸溼熱

忌下 燥熱

諸藥俱見前

宜清熱涼血 兼升 甘寒

苦寒

生地黃 槐花 地榆 黃連

黃芩 荊芥 防風 甘草

紅麴 白芍藥 側柏葉 白頭翁

蒲黃 雞子 葛穀


臟毒屬血熱

忌同腸風下血

宜同腸風下血加忍冬 麥門冬

倍加地榆 蒲黃

腸癰屬大腸實火



忌同腸風下血

宜下 苦寒 解毒

大黃 白藥子 白芷 白及

白欽 連翹 忍冬藤 天明精

甘草 黃耆 生地黃 明礬

黃蠟 生蜜已上三味作丸

膀胱實 一證

忌燥熱 收澀

諸藥俱見前

宜潤 淡滲

知母 黃藥 車前子 木通

瞿麥 滑石 茯苓 二 猪苓

澤瀉

癃閉屬膀胱實熱

忌破氣 發散 燥熱 如屬水液不足兼

忌利小便



諸藥俱見前

宜同膀胱實佐以升提

升麻 柴胡

三焦實 三證

忌補斂 升 燥熱

諸藥俱見前

宜降 清熱 調氣 甘寒 鹹寒

蘇子 麥門冬 知母 黃檗

玄參 山梔 黃芩 黃連


童便


喉痺卽纏喉風屬少陽相火少陰君火竝熾經
曰一陰一陽結爲喉痺一陰者少陰君火也一
陽者少陽相火也

忌同三焦實

宜辛散 佐以苦寒 鹹寒 急則有鍼法

吹法 吐法





鼠黏子 山豆根 射干 黃連

黃檗 知母 玄參 童便

蘇子 麥門冬 貝母 甘草

生犀角 山慈菇 苦桔梗 續隨子

急治用膽礬朴硝牛黃爲末和勻吹入喉

中又法用明礬三錢巴豆七粒去殼同礬

煨礬枯去巴豆卽取礬爲細末吹入喉中

流出熱涎卽寬

頭面赤熱屬上焦火升

忌同三焦實

宜降 清熱 甘緩 佐以酸斂

蘇子 枇杷葉 天門冬 麥門冬

玄參 薄荷 枯樓根 梨

柿 蔗 童便 白芍藥

五味子

赤白遊風屬血熱熱則生風故善遊走俗名火

丹小兒多患此大人亦時有之

忌同三焦實

宜清熱 涼血 兼行血 辛寒 甘寒

苦寒 鹹寒

生地黄 黃連 黃蘗 生甘草

牡丹皮 蒲黃 紅藍花 連翹

玄參 鼠黏子 牛膝 藍汁

芋根 童便 赤芍藥


宜兼外治砭出熱血及用漆姑草慎火草

搗爛敷之即易愈

○六淫門

風○諸暴強直支痛痙戾裏急筋縮皆屬於風
真中風猝僵仆口噤不言不省人事如遺尿直
視口開手撒汗出如珠屬不治證西北高寒之
地有此東南無之

忌破氣 下 吐 苦寒 酸斂



諸藥俱見前

宜辛甘發散 峻補真氣

桂枝 附子 甘草 獨活

羌活 天麻 麻黃 防風

芎藭 細辛 藜蘆 蔓荊實

牛黃 辛夷 牡荊實 白芷

人參 黃耆 有痰加竹瀝

南星 半夏 薑汁

類中風口眼歪斜語言蹇澀半身不遂口噤不言四肢不舉痰涎壅盛昏眊不省人事


忌汗 吐 下 大忌破氣 溫熱 苦寒

及一切治風溼辛燥發散 并開竅走真氣 行血諸藥慎勿犯之犯之則輕必重重必斃

麝香 蘇合香 檀香 龍腦香

安息香 已上開竅走真氣 餘忌藥俱見前

宜滋補 陽虛者補氣 陰虛者補血 陰



陽兩虛則氣血雙補 兼宜清熱降氣豁痰
及保脾胃

天門冬

脾胃薄弱者勿多用

麥門冬

荆瀝

蘇子

栝樓根

貝母

橘紅

枇杷葉

甘草

竹瀝

童便

霞天膏

梨汁

黃檗

次益血於

前藥中加胡麻仁

石斛

牛膝

生地黃

五味子

甘菊花

枸杞子

何首烏

薯蕷

菟絲子

白芍藥

丹參

山茱萸

白茯苓

酸棗仁

柏子仁

車前子

竹葉

羚羊角

鼈甲

木瓜

青蒿

遠志

栝樓仁

沙參

巴戟天

茯苓

茯神○如便閉加肉從蓉當歸倍麻仁○

如兼氣虛加人參黃耆有肺熱者勿入人

參



感冒風寒俗名傷風其證或頭疼身熱輕者則
否鼻必塞兼流清涕必惡風寒或聲重或聲啞
甚者痰壅氣喘欬嗽

忌補氣 酸飲 閉氣

諸藥俱見前

宜發散 辛甘 溫

芎藭 細辛 藜木

甘草 荆芥 白芷 前胡

桑白皮 桔梗 紫蘇 薄荷

杏仁 石膏

傷風熱

忌同感冒風寒

宜辛寒 甘寒 發散

石膏 知母 甘草 竹葉

麥門冬 前胡 桔梗 薄荷

葛根 桑白皮○久而不愈者屬虛陽



虛者加人參黃耆陰虛者加五味子地黃
倍門冬白芍藥

寒○諸病上下所出水液澄澈清冷癥瘕癩疝
堅痞腹滿急痛下利清白食已不饑吐利腥穢
屈伸不便厥逆禁固皆屬於寒
凡中寒必本於陽虛

忌破氣 苦寒 下 甘寒 辛寒

諸藥俱見前

宜補氣 散寒 辛甘 溫熱 輕者解表
重者溫補

桂枝 乾薑 麻黃 人參

附子 黃耆

傷寒冬月卽病宜從仲景法

傷寒古今時地不同因之六經治法宜異
夫傷寒者大病也時者聖人所不能違者也以
關乎死生之大病而藥不從時顧不殆哉仲景




醫門之聖也其立法造論後之明師如華佗孫思邈輩莫不宗之漢末去古未遠風景猶厚形多壯偉氣尚敦龐其藥大都爲北方感寒卽病而設况南北地殊厚薄不侔故其意可師也其法不可改也循至今時千有餘年風氣澆矣人物脆矣况在荆揚交廣梁益之地與北土全別故其藥則有時而可改非違仲景也實師其意變而通之以從時也如是則法不終窮矣故作

斯議條列其方稍爲損益以從時地俾後之醫師知所適從庶幾患斯疾者可免於天枉爾

辨驗外感眞僞法

凡外感必頭疼其疼也不間晝夜探其舌本必從喉嚨內乾出於外多兼煩躁不煩躁者卽輕證也不頭疼而發熱不發熱而頭疼頭雖疼而有時暫止口雖乾而舌本不燥骨雖疼而頭不疼雖渴而不欲引飲至夜或偶得寐遇食不好




亦不惡居處雖若尪怯而神氣安靜凡若此者皆非傷寒也

三陽治法總要

太陽病其證發熱惡寒惡風頭痛項強腰脊強遍身骨痛脉雖浮洪而不數多不傳經煩躁脉數急者是欲傳經宜先發汗以解表邪其藥以羌活湯爲主羌活三錢前胡二錢甘草八分葛根二錢生薑三片棗二枚杏仁九粒去皮尖研爛水煎

服秋深冬月應用此方亦可量加紫蘇芎白如冬月天氣嚴寒感邪卽病服此藥不得汗本方加麻黃一錢生薑四片共前七片得汗勿再服如病人自覺煩躁喜就清涼不喜就熱兼口渴是卽欲傳入陽明也若外證頭疼遍身骨疼不解或帶口渴鼻乾目疼不得卧卽係太陽陽明證羌活湯中加石膏知母麥冬大劑與之得汗卽解如自汗煩躁頭疼遍身骨疼不解者



羌活 一錢 桂枝 七分 石膏 二錢 麥冬 六錢 知母

三錢 竹葉 十片 白芍藥 二錢 甘草 八分 如

冬月卽病太陽證惡寒畏風頭疼遍身骨疼自

汗不渴宜用桂枝 八分 芍藥 二錢 甘草 一錢 大

棗 二枚 生薑 一片 太陽病不解熱結膀胱其

人如狂血自下下之愈其外證不解者不可下

當先解表表證罷少腹急結者乃可下之桃仁

承氣湯無蓄血證大承氣湯

正陽陽明病正陽陽明者胃家實熱是也其證

不大便自汗潮熱口渴咽乾鼻乾嘔或乾嘔目

眴眴不得眠畏人聲畏木聲畏火不惡寒反惡

熱或先惡寒不久旋發熱甚則譫語狂亂循衣

摸床脉洪大而長宜急解其表用竹葉石膏湯

大劑與之不嘔無汗與葛根湯亦須大劑若表

證已罷脉緩小便利是病解矣 若表證罷後

邪結於裏大便閉小便短赤宜用調胃承氣湯



或小承氣湯下之下後按其腹中不作痛而和病即已解如作痛是燥糞未盡也再用前藥下之以腹中和二便通利爲度 陽明病不能食若其人本虛勿輕議下 陽明病頭眩欬而咽痛者用葛根甘草桔梗麥冬四味濃煎數數與之 陽明病無汗小便不利心中懊懣者當發黃急用梔子麥冬淡豆豉大劑濃煎與之如已見身黃急加茵陳爲君主之 陽明病衄血此



緣失於發汗宜用荆芥 二錢 葛根 三錢 麥門冬

五錢 牡丹皮 一錢五分 蒲黃 二錢 茅根 二兩 側柏葉

二錢 生地黃 三錢 濃煎與之兼飲童便 陽明

病心下硬滿者此邪未入於腹中慎勿下之用

竹葉石膏湯加栝樓 一箇 桔梗 二錢 黃連 一錢

陽明病邪結於裏汗出身重短氣腹滿而喘潮熱手足濇然汗出者此大便已鞭也六七日已來宜下之用小承氣湯不行換大承氣湯勿

大其劑若大便不鞭者慎勿輕下。陽明病發汗不解腹滿急者亟下之。傷寒六七日目中不了了睛不和無表證大便難宜承氣湯下之。陽明病下之早外有熱手足溫不結胸心中懊憹不能食但頭汗出梔子豉湯主之。陽明病發潮熱大便溏胸滿不去者與小柴胡湯去人參加栝樓黃連。陽明病自汗出或發汗後小便利津液內竭大便雖硬不可攻之須俟其

自大便或用蜜導膽導法通之。大下後六七

日不大便煩不解腹滿痛本有宿食宜再用承

氣湯下之。食穀欲嘔屬陽明非少陽也胸中

煩熱者竹茹湯主之。竹茹三錢麥門冬五錢枇

杷葉三片大蘆根三兩內無熱證者小便利口不

渴此爲陽明虛也。吳茱萸湯主之。吳茱萸二錢

人參三錢生薑一分大棗三枚水煎日三服

凡陽明病多汗津液外出胃中燥大便必鞭鞭



則譫語以小承氣湯下之若一服譫語止者勿再服 陽明病譫語發潮熱脉滑而數者小承氣湯主之服藥後腹中轉氣者更與一服若不轉氣者勿更與之若服藥後次日不大便脉反微澀者裏虛也爲難治勿復議下 陽明病下血譫語者此爲熱入血室汗止在頭用荆芥三錢 葛根 二錢 黃芩 一錢五分 麥冬 五錢 牡丹皮 一錢五分 生蒲黃 二錢 濃煎以童便對飲之 陽明病脉

浮緊咽燥口苦腹滿而喘發熱汗出惡熱身重若下之則胃中空虛客氣動膈心中懊憹舌上有胎者梔子豉湯主之 若渴欲飲水舌燥者白虎湯加入參主之 若脉浮發熱口渴小便不利者猪苓湯主之 陽明病協熱下利者宜六一散心下痞者以黃連栝樓湯調服之 脉浮遲表熱裏寒下利清穀者四逆湯主之附子乾薑甘草 跌陽脉浮而澀小便數大便鞭其



脾為約麻子仁丸主之麻仁十三兩芍藥四兩枳

實四兩大黃八兩厚朴三兩杏仁六兩蜜丸如

梧子大每用十九日三服陽明實則譫語虛

則鄭聲鄭聲者重語也直視譫語喘滿者死下

利者亦死發汗多若重發其汗譫語脉短者

死脉和者不死若吐若下後不解不大便五

六日或至十餘日日晡時發潮熱不惡寒獨語

如見鬼狀若劇者發則不識人循衣妄撮惕而

不安微喘直視脉弦者生澀者死論者陽證微

者但發熱譫語者大承氣湯下之利勿再服

陽明病發狂棄衣而走登高而歌此陽明實也

以承氣湯亟下之如便不結者大劑白虎湯灌

之石膏四兩麥冬二兩知母一兩加大青一兩

甘草七錢太陽陽明病協熱下利者宜六一

散以黃連煎湯調服之太陽陽明并病六七

日表證仍在其人發狂者以熱在下焦少腹當



硬滿小便自利下其血乃愈當用桃仁承氣湯
又二陽并病太陽證罷潮熱汗出大便難譫
語者宜大承氣湯

少陽病其證口苦咽乾目眩往來寒熱胸脇
痛胸滿或痛耳聾脉法弦細頭痛發熱者屬少
陽少陽不可發汗發汗則譫語胃和者當自愈
不和者則煩而悸傷寒三日少陽脉小者欲
已也凡太陽病不解傳入少陽者脇下硬滿

乾嘔不能食往來寒熱未經吐下脉沉緊者與

小柴胡湯柴胡二錢四分人參九分黃芩九分甘草

九分半夏一分生薑九分大棗二枚水煎溫服

日三加減法若胸中煩而不嘔去半夏人

參加栝樓實一枚若心下痞鞭去大棗加牡

蠣二錢若渴者去半夏加人參栝樓根若

腹中痛者去黃芩加芍藥三錢若心下悸小

便不利者去黃芩加茯苓二錢若不渴外有



微熱者去人參加桂一錢夏溫覆取微汗愈

若欬者去人參大棗加五味子一錢少佐以乾

薑陽明少陽并病必下利脉滑而數有宿食

也當承氣湯下之若吐下發汗溫針譫語柴

胡湯證罷此為壞病知犯何逆以法治之三

陽合病脉大上關上但欲睡眠目合則汗藥用

百合一兩麥門冬五錢炙甘草一錢知母二錢

竹葉五十片栝樓根二錢鼈甲如法三錢白芍藥二錢

三陽合病腹滿身重譫語遺尿白虎湯加百

合主之傷寒六七日無大熱其人煩躁者此

為陽去入陰故也傷寒三日三陽為盡三陰

當受邪其人反能食而不嘔此為三陰不受邪

也

三陰治法總要

三陰病其證有二一者病發於三陽不時解表

以致邪熱傳入於裏雖云陰分病屬於熱糞結



宜下腹滿不可按宜下有燥糞協熱下利宜下
腹痛下利宜芍藥黃芩炙甘草以和之如便膿
血卽加滑石黃連佐以升麻乾葛如邪雖入
裏糞猶未結宜清其熱渴者用白虎湯竹葉石
膏湯不渴或心下痞者宜黃連黃芩芍藥枳殼
麥冬栝樓輩以清之或邪未結於下焦少腹
不堅痛而誤用芒硝以伐真陰洞泄不已元氣
將脫宜用人參白朮炙甘草大棗乾薑芍藥大

劑與之不止佐以升提升麻葛根柴胡之類
若從無陽邪表證從不頭疼發熱寒邪直中陰
經此必元氣素虛之人或在極北高寒之地始
有是證法宜溫補以接其陽附子人參乾薑官
桂大劑與之陽回寒退卽以平補之劑調之勿
過用桂附以防其毒
三陰各經見證悉從仲景傷寒論法治之如少
陰咽痛咽中生瘡聲不出用苦酒湯到咽卽效



故知古人立法非今人可及也

春溫夏熱病大法

冬傷於寒至春變爲溫病大都頭疼發熱或渴或不渴三陽證俱然亦間有先微寒後卽發熱者大抵發熱其常也藥用辛溫佐以辛寒以解表邪太陽宜羌活湯陽明宜白虎湯無汗不嘔者間用葛根湯少陽往來寒熱等證不可汗吐下宜和解小柴胡湯渴者去半夏加栝樓根耳

聾熱盛去人參加麥冬知母栝樓根渴亦加至夏變爲熱病其表證大約與春溫同但熱比於溫則邪氣更烈耳解表用白虎湯竹葉石膏湯有太陽證則加羌活有少陽證則加柴胡黃芩如發斑白虎湯竹葉石膏湯加玄參梔子桔梗鼠黏子連翹大青小青黛大劑與之二證若大便秘宜按之其邪已結於內便鞭宜察邪結中焦小承氣湯調胃承氣湯下之邪結下焦



少腹堅痛始用大承氣湯下之
傷寒溫疫其不可治及難治者皆屬下元虛
傷寒溫疫三陽證中往往多帶陽明者以手陽
明經屬大腸與肺爲表裏同開竅於鼻足陽明
經屬胃與脾爲表裏同開竅於口凡邪氣之入
必從口鼻故兼陽明證者獨多
邪在三陽法宜速逐遲則胃爛發斑或傳入於
裏則屬三陰邪熱熾者令陰水枯竭於法不治

矣此治之後時之過也

傷寒陰陽易之爲病其人身體重少氣少腹裏
急或引陰中拘攣熱上衝育頭重不欲舉眼中
生花膝脛拘急者燒裊散主之取婦人中裊近
陰處剪燒灰以水和服方寸七日三小便卽利
陰頭微腫則愈婦人病取男子裊襠燒灰

大病差後勞復者枳實梔子湯主之枳實三枚
梔子十四枚豉一升綿裹以清漿水七升空煮



取四升內枳實梔子煮取二升下豉更煮五六沸去滓溫分再服覆令微似汗若有宿食者加大黃如博棋子大五六枚傷寒差已後更發熱者小柴胡湯主之脉浮者以汗解之脉沉實者以下解之百合病者百脉一宗悉致其病也其證神思常默然飲食不美亦不惡如寒無寒如熱無熱口苦小便赤百合地黃湯主之汗後者百合知母

湯下後者滑石代赭湯吐後者百合雞子湯近代醫師鹵莽既不明傷寒治法又不識雜證類傷寒往往妄投汗下之藥以致虛人元氣變證叢生元氣本虛之人未有不因之而斃者矣戒之哉汗下之藥焉可嘗試也

時氣傷寒 除陰證不可服

苦參 一兩 水酒各一碗煎八分重者水醋各半服之一汗而愈不論傷寒久近立效本草云天



行尤良

暑○諸病喘嘔暴注下迫霍亂轉筋身熱脊鬱
小便濁赤皆屬於暑

忌破氣 升 復忌下 溼潤 辛溫 辛

燥 熱 發散 閉氣

諸藥俱見前

宜清暑益氣 健脾 甘寒 甘溫 辛寒

酸寒 苦寒

黃連 香薷 葛根 石膏


知母 甘草 人參 黃耆

白朮 白扁豆 神麴 橘皮

白茯苓 木瓜 麥門冬 五味子

白芍藥 白梅 烏梅

大約用清暑益氣湯香薷飲生脉散凡病
暑之人其氣必虛暑傷氣無氣以動故當
補氣爲本惟肺熱多火者忌人參朮



中暑猝昏暈急以童便灌入卽省

忌宜俱同暑

又方用絲瓜葉一片白鹽梅肉一枚并取
核中仁共研如泥新汲水調灌立瘥兼治
中暑霍亂有神

太陽病中暈

忌同暑

宜人參白虎湯有肺熱火病人不能服參者

用竹葉石膏湯脾胃作瀉者水調六一散

霍亂見胃虛條內忌宜俱同

症夏由於脾胃薄弱胃家有溼熱及畱飲所致

忌同前

宜益氣健脾 酸寒 苦寒 淡滲

人參 白朮 半夏 橘皮

白茯苓 白朮豆 白芍藥 木瓜

澤瀉 兼服生麥散

溼○諸瘕強直積飲痞膈中滿霍亂吐下體重
附腫肉如泥按之不起皆屬於溼經曰地之溼
氣感則害人皮肉筋脉故其病筋骨疼痛腰重
痛不可轉側身重四肢不利溼在上病嘔吐頭
重胸滿溼在中病腹脹中滿泄瀉溼在下病足
脛附腫脚氣腫瘡久不愈

忌溼潤 甘 鹹

諸藥俱見前

宜散 滲泄 燥 辛 苦

木瓜 薏苡仁 朮 石斛

萆薢 石菖蒲 茯苓 佐以防風


葛根 寒溼加半夏 五加皮

風溼加獨活 溼熱加黃蘗

車前子 木通 甚者加漢防己

脚氣由於溼熱

忌溫燥 溼熱 補氣 復忌破氣 升



諸藥俱見前

宜清熱 除溼 利小便 甘平 酸寒

苦寒 辛溫 淡滲

黃檗 石斛 麥門冬 木瓜

石菖蒲 薏苡仁 車前子 茯苓

木通 澤瀉 草薢 防己

燥○諸濕枯涸乾勁皺揭皆屬於燥角弓反張筋攣急不舒舌強不能言二便閉澀口渴口乾

舌苦皮膚皺揭毛髮脆折津液不生血枯胃槁以致飲食不化噎膈吐食

忌升散 破氣 下 辛燥 大熱 溫

諸藥俱見前

宜潤 益血 辛 甘寒 酸寒 鹹寒

有熱證者宜兼清熱

麥門冬 當歸 地黃 肉蓯蓉

酥 人乳 牛乳 蜜



胡桃

甘菊花

麻仁

胡麻

柏子仁

人參

松實

天門冬

五味子

酸棗仁

白芍藥

蕉漿

蘆根汁

童便

梨汁

韭汁

佐以薑汁

火○諸熱脊痠暴瘖冒昧躁擾狂越罵詈驚駭
附腫疼酸氣逆上衝禁慄如喪神守嘔嘔瘡瘍
喉痺耳鳴及聾嘔涌溢食不下目昧不明暴注

潤痰暴病暴死皆屬於火

忌補斂

升發

閉氣

辛燥

溫熱

諸藥俱見前

宜降折

下

鹹寒

苦寒

辛寒

甘寒

大黃

童便

芒硝

黃芩

黃連

黃礬

連翹

石膏

山梔

玄參

生甘草

知母

天門冬

麥門冬

生地黃

藍汁



虛者宜甘寒鹹寒以滋水不宜用苦寒傷

胃

猝眩什九竅流血多不治

忌同火

宜服童便

鹽湯

竹瀝

藍汁

梨

生犀角汁

猝心痛

忌同火

宜服山梔

白芍藥

延胡索

生甘草

鹽湯

蘇子

目暴赤腫痛甚見肝實條內忌宜俱同

二便忽閉以利小便爲先

忌同火

宜降潤

苦寒

甘寒

辛寒

利竅

大黃

蘇子

生蜜

麻仁

桃仁

石膏

知母

天門冬



麥門冬

黃芩

山梔

滑石

石瀉

豬苓

車前子

木通

海金沙

頭面赤腫

忌同火

宜清熱解毒

發散

苦寒

辛寒

甘寒

鹹寒

甘菊花

鼠黏子

連翹

荆芥

薄荷

蟬蛻

大黃

玄參

石膏

知母

竹葉

生甘草

童溺

忽大渴思水

忌同火

宜潤生津液

辛寒

甘寒

鹹寒

石膏

知母

玄參


麥門冬

竹葉

栝樓根

五味子

梨汁



口乾舌苦

蔗漿

童便

涼水

冰

忌宜俱同火

暴瘡

忌同火

宜降氣

發音聲

苦

甘寒

辛涼

鹹

寒

蘇子

枇杷葉

貝母

桔梗

百部

竹瀝

梨汁

天門冬

麥門冬

甘草

薄荷

玄參

桑白皮

童便

暴注

忌同火

宜利水

苦寒

酸寒

茯苓

黃連

黃芩

白芍藥

生甘草
葛根

滑石

木通



虛者加入參

蓮肉

白蘊豆

躁擾狂越罵詈驚駭

忌同火

宜清鎮

苦寒

辛寒

鹹寒

丹砂

牛黃

黃連

黃芩

山梔

滑石

石膏

知母

童便

大便閉者加大黃下之不行加

芒硝

禁慄如喪神守

忌同火

宜同躁擾狂越

氣逆衝上

忌同火

宜降氣

酸斂

甘寒

苦寒

鹹寒

蘇子

枇杷葉

橘紅


五味子

番降香

山茱萸

白芍藥

麥門冬



瘧經曰夏傷於暑秋必瘧瘧其證大都多熱多寒或熱多寒少或寒多熱少或單熱不寒或單寒不熱或先寒後熱或先熱後寒或有汗無汗或汗少汗多或自汗盜汗或頭疼骨痛或大渴引飲口苦舌乾或嘔吐不思食或煩躁不得眠或大便秘結或瀉利或連發或間發或三日發或發於陽或發於陰要皆中氣不足脾胃虛弱

○雜證門

麥門冬

知母

石膏

黃連

黃芩

生地黃

甘菊花

白芍藥

生甘草

竹葉

玄參

宜清熱和肝

酸寒

苦寒

辛寒

甘寒

忌同火

腦瘦脊瘕


童溺

石斛

黃檗

牛膝

桑白皮



暑邪乘虛客之而作雖隨經隨證投藥解散必先清暑益氣調理脾胃爲主有食者兼消導奪食有風兼散風有老痰伏飲者兼豁痰逐飲感瘴癘者兼消瘴癘汗多者固表無汗者解表泄利者升發兼利小便便燥者兼益陰潤燥病有陰陽藥分氣血證有緩急治因先後人有虛實法異攻補久而不解必屬於虛氣虛者補氣血虛者補血兩虛者氣血兼補非大補真氣大健脾胃不得瘳也

忌破氣 下

諸藥俱見前

瘳必由於中氣虛破氣則傷中氣邪不得解甚則中滿不思食作泄惡寒口乾惟傷食宜消不同此法
誤下則邪氣陷於內變爲滯下或腹滿腫脹嘔惡不思食凡屬破氣下泄藥切戒勿



施

宜清暑益氣 健脾開胃 兼消痰 宜分
臟腑手足六經所見證施治 先清暑熱多
者宜服白虎湯加減

硬石膏

自一兩至四兩

知母

自四錢至二兩

竹葉

白片百片

麥門冬

自八錢至三兩

梗米

自一小撮至二大撮

人素虛或作勞者加人參

自三錢至一兩

○有痰

加廣橘紅

三錢

竹瀝

一杯

大渴者加栝樓


根

三錢至六錢

○不渴者用清暑益氣湯○兼

飲食停滯者加枳實青皮草果一二劑食
消即止勿多服多服則損中氣其藥俱宜
黃昏煎以井水澄冷須露一宿五更時溫
服蓋瘧乃暑邪爲病暑得露則散也

足太陽經屬膀胱其證令人腰痛頭痛頭重寒
從背起先寒後熱焇焇暈暈然熱止汗出難已
或遍身骨痛小便短赤



羌活

一錢至三四錢

廣陳皮

去白二錢五分

黃芩

二錢前

胡

二錢甘草

炙五分 猪苓

一錢

知母

二錢五分 ○

若口渴者即兼陽明宜加石膏麥門冬倍知母渴而汗少或無汗并加葛根○若涉深秋或入冬無汗宜多加薑皮○因虛而無汗或汗少者加人參三五錢 麥門冬四五錢 佐以薑皮二三錢 露一宿發日五更溫服○因虛汗多者加黃耆三四錢 桂枝七八分 汗止

即去桂枝不可多服○若病人素有熱者勿服桂枝以芍藥五味子代之○若發於陰并加當歸○小便短澀或赤者與六一散二三服○有溼者以猪苓茯苓代滑石下午服理脾健胃藥

橘紅

二錢五分

白豆蔻

五分

白茯苓

三錢

山查

三錢

麥芽

炒三錢

藿香

一錢

人參

三錢

白朮

二錢


白芍藥

三錢

白藟豆

三錢

○有肺火



者去人參白朮加麥門冬五錢石斛三錢
烏梅肉一枚○停食者必惡食加山查傷
肉食者加芡連紅麴傷穀食者加枳實草
果各七分傷麪食者加炒萊菔子食消卽已
不可多服多服則損中氣○胃家素有溼
痰者其證不渴寒多方可用半夏橘紅二
朮大劑與之嘔甚者兼用薑皮
足陽明經屬胃其證發熱頭疼鼻乾渴欲引飲

目眴眴不得眠甚則煩躁畏火光人聲木聲

宜服大劑竹葉石膏湯無汗或汗少不嘔者

可加乾葛錢二三○病人虛而作勞者加人


參○汗多加白朮○痰多加貝母橘紅得

汗卽解○寒熱俱甚渴甚汗多寒時指爪

皆紫黯者加桂枝七八分○久而不解屬氣

虛用人參兩許薑皮兩許煎成露一宿五

更溫服○下午服理脾健胃藥如前方加



足少陽經屬膽其證往來寒熱口若耳聾胸脇痛或嘔

減亦如之

宜服小柴胡湯○渴者去半夏加石膏麥門

冬○肺家有熱者去人參加知母倍門冬

○有痰不渴者本方加貝母三錢至八錢 栝蒌

苓各三錢 薑皮二錢至四錢 ○病人陰虛而有熱

者雖嘔吐忌用半夏生薑誤投則損人津

液令人聲啞宜用竹茹橘皮麥門冬白茯苓烏梅以代之

○以上三陽經瘧邪客之者其證多熱多渴亦易得汗藥宜大劑急逐暑邪毋使遲留則病易愈繼以理脾開胃大補真氣茂不瘳矣邪在三陽藥宜辛寒如石膏知母柴胡甘寒如葛根麥門冬竹葉粳米苦寒如黃芩之屬爲君乃可以散暑邪除熱渴墜



頭疼兼寒甚者則間用辛溫如薑皮桂枝以爲嚮導以伏其邪則病易退凡寒甚者病因於虛或作勞者亦因於虛皆宜甘溫以人參黃耆朮爲君佐以辛甘如桂枝薑皮之屬脾胃虛弱飲食不消者則補之以參朮佐以消導如白豆蔻麥芽砂仁草豆蔻枳實橘皮山查之屬在陰分者則以當歸牛膝爲君佐以薑桂如熱甚而渴者去

薑桂加知母麥門冬竹葉牛膝鼈甲

足厥陰經屬肝其證先寒後熱色蒼蒼然善太息甚者狀如欲死或頭疼而渴

宜先服三黃石膏湯加柴胡鼈甲橘皮以祛

暑邪後用當歸兩許橘皮三四錢鼈甲四五錢

牛膝兩許柴胡一二錢濃煎露一宿發日五

更溫服○如熱甚而渴加栝樓根三四錢麥

門冬五六錢竹葉一二錢知母三四錢鼈甲五六錢



○如脾胃薄弱或溇泄去當歸加人參三五

錢 ○如有肺火不可服參者祇照本方多

服自愈 ○寒多或寒甚指爪青黯者加桂

枝薑皮人參

足太陰經屬脾其證先寒後熱或寒多若脾瘧必寒從中起善嘔嘔已乃衰然後發熱熱過汗出乃已熱甚者或渴否則不渴喜火

宜服桂枝湯建中湯 ○病人虛者以人參薑

皮各兩 濃煎露一宿五更溫服 ○有痰者

宜加朮橘皮各三錢


足少陰經屬腎其證寒熱俱甚腰痛脊強口渴寒從下起小便短赤

宜先服人參白虎湯加桂枝以祛暑邪後用

鼈甲四錢 牛膝兩許 熱甚者加知母麥門冬

各四錢 ○寒甚者加桂枝錢許 ○嘔則兼加薑

皮三四錢 ○如熱甚而嘔者去桂枝薑皮加竹




如三錢人參橘皮各三錢用牛膝桂枝者肝腎同一治故也

○瘧病多挾痰以故熱痰須用貝母爲君自三錢至八錢竹瀝竹茹栝樓根橘紅白茯苓稱是以佐之甚者可加霞天膏如寒痰發瘧寒多不渴者用半夏白朮橘皮爲君多加生薑皮

○瘧病多挾風有風者必用何首烏爲君白朮

橘皮爲臣葛根薑皮羌活以佐之不頭痛者除羌活

○暑邪盛解散不早陷入於裏則變爲滯下急投苓連芍藥滑石紅麴甘草佐以葛根升麻柴胡以表裏分消之脾胃薄弱者加人參藟豆蓮肉大劑與之以愈爲度滯下若愈瘧亦隨止卽不止其熱必輕仍隨經隨證以治之不煩多藥而自止也



又暑熱溼之邪內伏百藥不效者用獨雄丸
立愈

○凡勞瘧病人陰不足或作勞或房勞病發於
陰或間日一發或三日一發三日一發爲病
深須以鼈甲牛膝何首烏爲君橘皮爲佐發
於夜而便燥者加當歸脾胃弱者勿加佐以
薑皮熱甚勿入大劑與之日三乃差

附錄諸瘧主治

熱多宜 貝母 石膏 麥門冬

橘紅 乾葛 滑石 竹葉

牛膝 知母 黃芩 柴胡


白茯苓 烏梅 何首烏 牡蠣

鼈甲

寒多宜 桂枝 薑皮 人參

二朮 黃耆 當歸 橘紅

半夏 草豆蔻 白豆蔻 炙甘草



汗多宜

人參

白朮

黃耆

秋冬加桂枝

無汗宜

乾葛

柴胡

石膏

羌活

薑皮

人參

蒼朮

瘧母宜

鼈甲

射干

牡蠣

三稜

縮砂蜜

桂

橘皮

青皮

人參

○凡瘧疾多熱久不解者其人必本陰虛法當

益陰除熱非鼈甲牛膝不能除也多寒而久
不解者其人必本陽虛非人參白朮黃耆不
能除

○按瘧有山嵐瘴氣停痰留飲而發者古方類
用常山砒霜等吐之今人誤執其方見瘧輒
用不知二藥有大毒損人真氣犯之多致危
殆慎之慎之

滯下俗呼痢疾其證腹痛便膿血或赤或白或



赤白相雜或下純血或下紫黑血塊或如豆汁
或如魚凍或如屋漏水或下純黃積類多裏急
後重數登圜而不得便小便短赤不利或發熱
或口渴甚則嘔惡不思食此皆暑溼之邪與飲
食積滯膠固腸胃而作必先祛暑滲溼安胃爲
主傷氣分則調氣益氣傷血分則和血補血挾
瘀血則行血藥雖因證而設要皆以補養胃氣
爲急故其證以噤口痢爲最重胃氣一絕則不

可治矣故曰安穀則昌絕穀則亡俗治多藉口
迎而奪之之說輕用大黃朴硝及誤用巴豆牽
牛以致洞泄腸開而斃又有妄投訶子粟殼亞
芙蓉肉豆蔻收澀之劑以致便閉腹脹或溼熱
上攻肢節腫脹拘攣痛不可忍難以救療慎之
慎之

忌破氣 閉氣 收澀 燥 溫熱 鹹寒
滑膩



諸藥俱見前

宜清熱消積 開胃氣 升 利小便

黃連 黃芩 白芍藥 紅麴

山查 廣橘紅 升麻 葛根

甘草 滑石 蓮肉 白扁豆

烏梅 如胃弱加人參三四錢 蓮子四十粒

橘紅二錢 升麻七分 ○如腹痛以黃連四錢

白芍藥三錢 炙甘草一錢五分 黃檗一錢 升

麻七分 煎服 ○如裏急同上藥加當歸二錢

○如後重甚加檳榔一錢五分 枳殼一錢五分 木

香汁七匙 ○如口渴去木香倍滑石 ○如

小便赤澀短少或不利亦倍之 ○亦多倍

烏梅山查紅麴 ○白多加吳茱萸七分 ○

惡心欲嘔卽噤口痢多用人參蓮肉菡豆

白芍藥以綠色升麻七分 佐之 ○久痢不

止加肉豆蔻一錢 人參三錢 砂仁一錢五分 白

茯苓 二錢

○凡滯下非元氣壯實多噉能食之人慎勿輕用大黃巴豆牽牛等下藥

○復有毒痢一證或痧毒內陷下膿血各藥不效者加忍冬藤爲君地榆丹砂犀角汁次之
○凡產後滯下積滯雖多腹痛雖極不可用大黃等藥行之致傷胃氣遂不可救但用人參白芍當歸紅麴升麻益母草炙甘草滑石末

足矣若惡露未盡兼用乳香沒藥各七分炒

砂仁 一錢 久之自愈血虛可加阿膠 三錢

○凡胎前滯下宜用黃芩黃連白芍炙甘草橘紅赤麴枳殼蓮肉畧用升麻未滿七月勿用

滑石

瀉利俗呼泄瀉因於溼

忌溼潤 破氣 下 苦寒 滑利

諸藥俱見前



宜安胃補脾 升 利小便

人參 白茯苓 蓮肉 白扁豆

白朮 車前子 升麻 橘紅

藿香 木瓜 乾葛 炙甘草

白朮 虛寒者加肉豆蔻 補骨脂


吳茱萸 虛熱者去白朮加 川黃連

倍芍藥 蓮肉

○暑溼爲病則小便短赤或口渴倍用薑炒黃

連爲君佐以乾葛升麻○由於感風寒者二
求吳茱萸砂仁陳皮乾薑紫蘇主之○若由
飲食停滯者兼消導山查麥芽神麴陳皮肉
豆蔻

五疸方書所載五疸酒食大饑後過飽女勞失
治而成然其證必由溼熱傷脾及飲食停滯又
有瘀血發黃一證方所不載分別一誤則藥不
對證多致不救慎之慎之





忌破氣 閉氣 下 鹹 滑利 滯膩

潤 燥熱 有瘀血者兼忌酸寒

諸藥俱見前

宜清熱 利水 除溼 養胃氣 有停滯

者宜消積滯 有瘀血者宜行血

茵陳蒿 黃連 苜蓿

酒煎非此不愈

梔子 紫草 栝樓根 秦艽

黃芩 滑石 車前子 白蘚皮

仙人對坐草 白茯苓 連錢草

一名

蟹屬草一名九里香取汁入薑汁少許飲之良 ○虛者加人參 ○

停滯者加紅麴橘紅殼麥蘖山查 ○瘀血

加琥珀牡丹皮紅麴紅花桃仁延胡索蒲

黃五靈脂韭 ○元氣壯實者服前藥瘀血

不行可加熟大黃虛者勿用

痰

○由於熱

忌燥 溫熱 補斂 升

諸藥俱見前

宜降 潤 清熱 苦寒 辛寒 佐以鹹

寒

蘇子 橘紅 天門冬 枇杷葉

麥門冬 黃芩 桑白皮 薄荷

百部 栝樓根 栝樓仁 桔梗

貝母 蛤粉 竹瀝 童便

膠固者加霞天膏并用貓兒刺

○由於風寒

忌補斂 溼潤 酸 鹹

諸藥俱見前

宜降氣 辛散

橘紅 蘇子 杏仁 天麻

前胡 半夏 南星 葛根

桑白皮 薄荷 白朮 生薑汁



○由於溼

忌潤 鹹 酸 滯膩 發溼

諸藥俱見前

宜健脾 燥溼 辛散 佐以淡滲

人參 二朮 橘紅 半夏

桑白皮 白茯苓 澤瀉

飲如涎而薄者或如涎而稠者伏於胸中及脾
胃間或吐酸水苦水黃水綠水或伏而不吐上

支心胸胃脘作痛不可忍按之不得下或發寒
熱嘔吐不能飲食

忌宜俱同脾虛證內停飲條

諸氣氣有餘卽是火

忌升 閉氣 酸斂 滯膩

諸藥俱見前

虛者宜降 補斂 調溫 酸 辛 甘

蘇子 枇杷葉 橘紅 麥門冬



蘆根汁 甘蔗 番降香 沉水香

白豆蔻 鬱金 甘草 童便

白芍藥 五味子 因虛極而氣不得行

者加人參

實者宜破散 香燥 辛苦 辛寒

枳殼 青皮 檳榔 厚朴

木香 沉香 香附 烏藥

降香 藿香 縮砂蜜

鬱

忌酸飲 滯膩 補氣 閉氣

諸藥俱見前


屬情抱者宜開發志意 調氣散結 和中

健胛

遠志 貝母 鬱金 石菖蒲

香附 蘇子 橘紅 白芷蔻

木香 蘇合香 縮砂蜜 麥門冬



屬五臟者○木鬱達之宜升吐

升麻 柴胡 川芎 瓜蒂

人參 蘆

火鬱發之宜散

升麻 葛根 柴胡 防風

羌活

土鬱奪之宜下

檳榔 枳實 厚朴 大黃


金鬱泄之宜降

橘紅 蘇子 桑白皮 猪苓

澤瀉 木通 赤小豆 車前子

烏蠶魚

關格不得大小便爲關是熱在丹田也吐逆水
漿不得下爲格是寒反在胸中也是陰陽易位
故上下俱病先投辛香通竅下降之藥以治其
上次用下泄苦寒之藥以通二便此急證法難



緩治縱有裏虛通後再補

忌升 補斂 閉氣 酸

諸藥俱見前

宜降下 辛寒 辛溫

沉香 白豆蔻 丁香

龍腦香 蘇合香 橘紅

藿香 次用大黃 黃檗

知母 滑石 木通 車前子

牛膝

噦俗呼呃逆久病沉痾而發者屬真氣虛多不

治


忌破氣 升 散

宜諸藥俱見前

宜補斂 甘溫 甘寒

人參 黃耆 炙甘草 麥門冬

五味子 益智子 白芍藥 石斛



○傷寒失下而發者

忌補飲 酸 燥熱 滯膩

諸藥俱見前

宜下大小承氣之類便不鞭閉按之腹中和軟未經汗吐者宜辛寒解表白虎湯之類

○氣逆衝上而發者

忌升 補

諸藥俱見前

宜降氣 甘寒 鹹寒

蘇子 橘紅 枇杷葉 竹茹

蘆根汁 麥門冬 童便


○因痰水停膈而發者

忌升 潤 苦寒 甘寒 酸寒

諸藥俱見前

宜降氣 開痰 辛散

橘紅 蘇子 貝母 桑白皮



半夏

旋覆花

生薑

吐血咯血鼻衄齒衄耳衄舌上出血

忌升提發散 下 破血 補氣 閉氣

破氣 溫熱 辛燥 復忌極苦寒傷胃

諸藥俱見前

宜降氣 清熱 涼血益陰 兼行血 鹹

寒 酸寒 甘寒

蘇子 麥門冬 橘皮 枇杷葉

降香 鬱金 天門冬 沙參

牛膝 阿膠 生地黃 枸杞子


五味子 鱉甲 白芍藥 犀角汁

牡丹皮 青蒿 剪草 白藥子

童便 側柏葉 小蘗 茅根

櫻灰 藕節 當歸 蒲黃

蓄血俗名內傷或積勞或多怒或飽後行房或負重努力或登高墜下或奔逐過急皆致蓄血



其證多發熱其熱類外感而不頭疼不作渴天
明少間至午復劇有汗汗多劑頸而還自汗無
氣以息目光短不思飲食不得眠二便自利小
便或赤大便或泄

忌破氣 復忌補氣 下 苦寒 辛燥

諸藥俱見前

宜行血 辛溫 佐以鹹寒 瘀血行後宜

補血益脾和肝

桃仁 紅藍花 延胡索 桂有火之
人勿用


鬱金 當歸尾 蘇方木 乳香

番降香 沒藥 穿山甲 麝蟲

赤芍藥 五靈脂 蒲黃 紅麴

騏驎竭 韭汁 童便 桃梟

甚者用大黃花蕊石瘀行則止勿過劑如
元氣虛脾胃素弱者慎勿輕用大黃如瘀
血行後宜生地黃 川續斷 白膠



頭痛

○挾風寒者

忌補斂

諸藥俱見前

宜辛溫發散

當歸身

麥門冬

牛膝

白芍藥

炙甘草

酸棗仁

大棗

龍眼肉

枸杞子

山茱萸

二百五

○挾邪熱者

忌同挾風寒

宜辛寒若寒解散

羌活

防風

細辛

荆芥

薄荷

川芎

藁本

升麻

白芷

蔓荊子

生薑

葱白

石膏

薄荷

黃芩

酒炒


芽茶

黑豆

烏梅

甘菊花

土茯苓



熱極目昏便燥者加酒蒸大黃

○挾痰者

忌升 補斂 酸甘 滯膩

諸藥俱見前

宜豁痰降氣 辛燥

蘇子 橘紅 貝母 半夏

前胡 竹瀝 朮 天麻

○陰虛者

忌辛熱發散

諸藥俱見前

宜補血益陰 甘寒 酸寒

生地黃 甘菊花 當歸 天門冬

麥門冬 枸杞子 黃蘗 白芍藥

忍冬 五味子 烏梅

○肩稜骨痛

忌宜俱同陰虛頭痛



齒痛

忌升 補飲 燥熱 辛溫

諸藥俱見前

宜清熱涼血 苦寒 辛寒 甘寒 鹹寒

麥門冬 生地黃 赤芍藥 牡丹皮

竹葉 知母 黃連 黃芩

黃檗 玄參 石膏 薄荷

蘇子 甘草 童便

上下齦屬胃與大腸火宜石膏 熟大黃

麥門冬 黃芩 黃連 赤芍藥

生地黃 生甘草 青黛 細辛


西瓜皮灰 薄荷 枇杷葉

蘇子 木通

真牙浮動及黑爛屬腎虛有火已見腎虛條

內忌宜俱同

胃脘痛



○因火者

忌補飲 燥熱

諸藥俱見前

宜降 苦寒 甘寒 鹹寒 辛寒

蘇子 橘紅 黃連 山梔

麥門冬 炙甘草 石膏 知母

玄參 童溺

○因寒者

忌破氣 滯膩 苦寒

諸藥俱見前

宜辛溫發散


橘皮 草豆蔻 益智子 丁香

桂 白朮 藿香 白豆蔻

縮砂蜜 吳茱萸 厚朴 香附

乾薑

○因宿食者



忌升 補飲 苦寒

諸藥俱見前

宜消導 兼降氣

山查 橘皮 草果 紅麴

枳實 朮 檳榔 草豆蔻

青皮 厚朴 穀麥蘖 縮砂蜜

因脾胃虛弱以致食停者消導藥中加人

參

○因瘀血者

忌補氣 酸飲

諸藥俱見前

宜辛溫苦溫以行血

桃仁 延胡索 紅麴 紅花

山查肉 牡丹皮 韭菜 通草

番降香 鬱金 肉桂 三稜

童溺 琥珀 菴藺子 牛膝

赤芍藥

○因血虛者按之則痛止

忌破氣 復忌補氣 燥熱 辛溫

諸藥俱見前

宜潤 補斂 甘寒 甘溫

麥門冬 炙甘草 酸棗仁 石斛

白芍藥 生地黃 當歸

○因蟲者

忌補 升 發散 甘

諸藥俱見前

宜殺蟲 苦 酸

錫灰 苦棟根 檳榔 鶴虱

雷丸 使君子 蕪荑 薏苡仁根

宜大黃 烏梅

○因惱怒者

虛弱人忌破氣 壯實人忌補氣 總忌酸



欽升

諸藥俱見前

宜降氣 辛溫

蘇子 枇杷葉 白豆蔻

縮砂蜜 木香 橘紅 延胡索

五靈脂

○因痰飲者

忌宜俱見痰飲證下

腹痛

○因於寒

忌苦寒 下利

諸藥俱見前

宜溫中 辛散

白朮 厚朴 乾薑 吳茱萸

桂 炙甘草 木香 縮砂蜜

橘皮



○因於熱火在少腹則絞痛

忌辛熱 香燥 補斂

諸藥俱見前

宜甘 苦寒

山梔仁 麥門冬 石斛

甘草 桔梗 黃芩 黃連

滑石 木通 戎鹽

○諸痛不可按屬實

忌補氣 大熱

諸藥俱見前

宜破散 疏利 苦寒


枳實 青皮 檳榔 三稜

滑石 蓬莪茂 木通 大黃

用無者
勿用

○諸痛可按屬虛

忌破氣 破血 下利 發散



諸藥俱見前

宜補氣血 甘溫 酸斂

人參 黃耆 二朮 生地黄

當歸 炙甘草 白芍藥 薯蕷

酸棗仁 五味子

痺拘攣而痛也。因風寒溼三者合而成風氣勝者爲行痺，寒氣勝者爲痛痺，溼氣勝者爲着痺。

忌下 收斂 酸寒 苦寒 鹹寒

諸藥俱見前

宜辛散 行氣 燥溼 甘溫 淡滲

漆葉 續斷 黃耆 甘草


甘菊花 萆薢 防己 白朮


防風 羌活 獨活 秦艽

牛膝 木瓜 天麻 茯苓

澤瀉 萆薢 車前子 桑寄生

狗脊 蔓荊實 杜仲 白蘚皮





石斛

細辛

松節

松葉

菴耳

原蠶沙

威靈仙

海風藤

痿屬溼熱經日治痿獨取陽明

忌破氣 升 辛熱發散

諸藥俱見前

宜大補氣血 清熱除溼 甘寒 甘溫

苦寒 酸寒

人參

黃耆

二朮

炙甘草

生地黃

麥門冬

白芍藥

木瓜

石斛

薏苡仁

黃蘗

茯苓

澤瀉

車前子

木通

黃連

黃芩

交腸其病大小便易位而出或因人怒或因醉飽遂至臟氣乖亂不循常道法當宣吐以開提其氣使關門清利得司秘別之職則愈矣

忌破氣 燥熱

諸藥俱見前

宜升清降濁 兼補氣 淡滲

升麻 柴胡 蘇子 降香

橘紅 人參 朮 茯苓

澤瀉 猪苓 木通 滑石

車前子

鬼疰尸疰飛尸客忤此係天地陰邪殺厲之氣
乘虛中人或遍身青黯或忽消瘦聲啞面色青

黃不定或忽驚厥目直視手握拳或遍身骨節
疼痛非常

忌破氣 復忌補氣 升 燥熱 酸斂


諸藥俱見前

宜辟惡氣 安神鎮心 辛香發散 金石

鎮墜

牛黃 丹砂 蘇合香 天竺黃

琥珀 沉香 龍腦香 乳香



安息香 檀香 木香 麝香

真珠 雄黃 鬼臼 龍齒

犀角 金銀箔 虎骨 代赭石

天靈蓋 獾肝 生地黄 首蒲

遠志

○婦人門

赤白帶下婦人多憂思鬱怒損傷心脾肝火時發血走不歸經所以多患赤白帶也白帶多是

脾虛蓋肝氣鬱則脾受傷脾傷則溼土之氣下陷是脾精不守不能輸爲榮血而下白滑之物矣皆由風木鬱於地中使然耳法當開提肝氣補助脾元宜以補中益氣湯加酸棗仁茯苓山藥黃檗蒼朮麥門冬之類濃煎不時飲之再用六味地黃丸中加牡蠣粉海螵蛸杜仲牛膝蜜丸光大如豆空心饑時吞下五六錢陰虛火熾加枸杞子五味子黃檗白帶多屬氣虛補氣健



脾治法之要領也

帶下如濃泔而臭穢特甚者溼熱甚也且多有溼痰下墜者宜蒼朮白朮黃檗黃芩茯苓車前子爲主佐以升提

帶下如雞子清者脾腎虛極也面色必不華足脛必浮腰腿必酸宜五味子八味丸間用開脾養心之劑如歸脾湯之類陰虛有火宜八味丸中加五味子菟絲子車前子黃檗叔和云崩中

日久爲白帶漏下多時骨木枯蓋言崩久氣血虛脫而自滑之物下不止耳此證雖有氣血寒熱之分要歸總屬於虛

赤淋多因於心火肝火時熾不已久而陰血漸虛中氣漸損遂下赤矣治宜養心爲主兼以和肝緩中涼血清氣

赤帶久不止則血虛宜膠艾四物湯加便煅牡蠣粉酸棗仁麥門冬



標急而元氣不甚憊者先救其標標急而元氣衰劇者則當本而標之可也

忌破氣 降 溫熱

諸藥俱見前

宜補斂 清熱 辛甘 苦寒 佐以淡滲

生地黄 人參 白芍藥 阿膠

山茱萸 黃蘗 五味子 麥門冬

白膠 枸杞子 續斷 杜仲

牛膝 白茯苓 車前子 澤瀉

蛇床子 香附 補骨脂 牡蠣

艾 二朮


血枯經閉由於脾胃薄弱氣血不生


忌破氣 破血 燥熱 膩膈滑腸 升發

苦寒

諸藥俱見前

宜補脾胃 甘溫 甘平





人參

蓮肉

酸棗仁

白蘊豆

甘草

茯苓

薯蕷

橘紅

白芍藥

縮砂蜜

菟絲子

牛膝

牡丹皮

白膠

阿膠

芡實

麥門冬

經行先期爲血熱

忌升

補氣

辛溫

燥熱

香附

當歸

烏藥

艾

辛溫

餘忌藥俱見前

宜涼血清熱

補肝腎

兼降氣

甘寒

酸寒 苦寒

生地黃

牡丹皮

白芍藥

天門冬

麥門冬

枸杞子

杜仲

青蒿

枇杷葉

蘇子

鼈甲

阿膠

黃蘗

黃芩

知母

經行後期爲血虛

忌行血 破氣 燥熱 苦寒

諸藥俱見前

宜補肝腎 甘溫 酸溫

熟地黃 薯蕷 人參 菟絲子

山茱萸 杜仲 續斷 阿膠

艾 五味子 當歸 枸杞子

白膠 牛膝

月事過多屬心火盛脾氣弱

忌破氣 降 辛溫 苦寒

諸藥俱見前

宜涼血 欽攝 酸平 甘寒


麥冬 生地 萬泄 禁用 青蒿 生甘草

牡丹皮 白芍藥 酸棗仁 五味子

崩中屬氣血兩虛有熱

忌破氣 行血 降 溫熱 辛燥 苦寒

諸藥俱見前



宜補氣血 兼清熱 甘溫 甘寒 酸欬

人參 黃耆 生地黃 熟地黃

地榆 芍藥 白膠 河膠

香附 續斷 甘草 麥門冬

山茱萸 杜仲 五味子 白茅根

蒲黃炒 桑耳灰 側柏葉 艾葉

木耳灰

熱入血室類傷寒或經事適來忽住或屆期不

行忽發大熱口渴或厥但不頭疼為異於傷寒

耳

忌補氣 溫燥 辛燥 收斂 下泄 大


熱 升發

諸藥俱見前

宜行血清熱 甘寒 鹹寒 苦寒

生地黃 牡丹皮 蒲黃 蘇木

牛膝 延胡索 麥門冬 犀角



白芍藥 黃芩 童溺 荊芥穗

如便閉加大黃

種子

內分男女氣虛血虛精寒
血熱火熾精滑因證選用

忌破氣 破血 燥 過用辛熱

諸藥俱見前

宜調氣補血 男子宜固精

桑螵蛸

溫平治男
子精滑

柏實

甘溫治男子
精滑精寒

海狗腎

鹹熱治男
子精寒

魚膠

平治男
子精滑

陽起石

熱治男
子精寒

覆盆子

甘溫治男
子精滑

車前子

鹹寒治男
子火熾

鹿茸

溫鹹治男
子精寒

蓮鬚

甘溫治男
子精滑

巴戟天

溫治男
子精寒

何首烏

苦溫益男
子氣血

牛膝

苦平治男
子虛陰痿

補骨脂

辛溫治男
子精寒陰弱

沙苑蒺藜

甘平男
子固精益血

白膠

溫平治男
子血兩虛精寒

肉苁蓉

溫酸鹹治男
子血虛精寒

黃檗

苦寒治男
子火熾

人參


微溫治男
子虛脾胃薄弱

麥門冬

甘寒男
子血熱

五味子

酸溫治男
子精滑精寒





山茱萸

酸溫治男女
精滑精寒

天門冬

苦寒治男
女火熾

蓮肉

甘平治男女
胃弱精滑

熟地黃

甘寒男女
益血生精

白薇

溫平
女

當歸

辛溫
女

白芍藥

酸寒
女

紫石英

溫女

艾葉

辛溫
女

妊娠惡阻

忌破氣

升散

燥熱

苦寒

滑腸

膩

膈

諸藥俱見前

宜順氣

甘寒

酸寒

蘇子

橘紅

枇杷葉

白茯苓

麥門冬

蘆根

竹茹

木瓜

白芍藥

竹葉

人參

縮砂蜜

白梅

烏梅

安胎

忌破氣

破血

升散

辛熱

辛燥

諸藥俱見前

八月以後及胎前滯下者方可用枳殼氣虛者不用

三月以前宜養脾胃四月以後宜壯腰腎補

血益陰順氣總宜清熱

茯苓 麥門冬 薯蕷 人參

芍藥 白朮 橘紅 炙甘草

縮砂蜜 艾葉 杜仲 生地黄

益母草 白膠 阿膠 續斷

黃芩 枸杞子 青蒿子 桑寄生

鯉魚 烏雌雞 葱白


胎漏屬氣血虛有熱

忌宜俱同安胎條

難產

忌破氣 破血 收斂

諸藥俱見前



宜補氣血 滑利 潤

人參 柞樹枝 魚膠 冬葵子

千里馬 白芷梢 牛膝 桂心

當歸 芎藭 益母草 百草霜


石燕 弓弩 麻油 猪脂

酒 生雞子 兔頭 滑石

麝香

預防血暈一腹痛坐草時即用蘇木菊花心者

一兩生地黃一兩降香末二錢水三盃煎一盃加童便半盃兒墮地卽飲之永無惡血衝心之患房中常打醋炭萬一血暈亦須此藥更以家寶丹一丸灌下神效○凡婦人氣弱者無氣力送子出產門須服人參此藥能兼治橫生倒產世豎不知也○凡臨產交骨不開惟濃煮柞木枝湯飲之則自開柞木俗名一葉一刺其木枝幹直上每一葉下必發一刺○胞衣不下用乳



香沒藥末各七分五釐麝香一分芑硝一錢五分研細以酒調服立下飲熱童便以滋藥力更妙

產後諸病

忌破氣 升 汗 吐 下 燥 苦寒

大熱

諸藥俱見前

宜行血 次宜補血清熱 總宜補養肝脾

腎 辛溫 甘寒 酸寒

蘇木 黑豆 鹿角末 紅花

乳香 沒藥 牛膝 炮薑


當歸 脾胃弱者勿用 桃仁 胃弱者禁用亦不可過用

桂 天寒無火之人可用 益母草 澤蘭

乾地黃 續斷 白膠 杜仲

山茱萸 人參 青蒿 麥門冬

白芍藥 五味子



產後少腹痛按之痛甚有結塊名兒枕痛

忌酸斂 補氣 破氣 升 下 汗 燥

諸藥俱見前

宜行血活血散結 兼健脾

延胡索 紅藍花 牡丹皮 蘇方木

山查肉 益母草 蓬莪茂 蒲黃

白膠 當歸 黑豆 生地黃

澤蘭 牛膝 五靈脂 縮砂蜜

橘紅 童便 桃仁 乾薑

痛極加乳香沒藥各六七分天寒加桂暑月勿

用肺熱有火勿用


產後少腹痛按之即止者屬血虛


忌行血 破氣 汗 吐 下 燥 苦寒

大熱

諸藥俱見前

宜補血 補脾 和肝





乾地黃 白芍藥 當歸 續斷

白膠 阿膠 牛膝 人參

酸棗仁 麥門冬 炙甘草 大棗

薯蕷 橘皮

產後泄瀉

忌消導 滑腸 膩膈 發散 生冷 破

氣 苦寒

諸藥俱見前

宜溫中補氣 健脾開胃

人參 甘草 薯蕷 蓮肉

菹豆 茯苓 白芍藥 橘皮

車前子 肉豆蔻 內熱津液不足者少用

藿香 五味子 補骨脂 內熱火熾者勿用

縮砂蜜

產後發熱或自汗盜汗

忌苦寒 發散 升提 破氣 破血 下

辛燥 大熱 寒滑傷脾

諸藥俱見前

宜補血 涼血 補肝 補心 生津液

兼斂攝實表

乾地黄 炙甘草 白芍藥 五味子

麥門冬 酸棗仁 牡丹皮 童便

青蒿 鼈甲 澤蘭 黑豆

黃耆 肺熱者
禁用

產後頭痛由於血虛

忌發散 破血 升提 辛燥 大熱

諸藥俱見前


宜益血 涼血 降 甘溫 甘寒 佐以

酸寒

生地黄 甘菊花 烏梅 麥門冬

蘇子 童便 甘草 當歸

白芍藥 黑豆 五味子 鼈甲



產後發渴由於血虛有熱

忌同產後發熱

宜同產後發熱加蔗漿倍麥門冬五味子

產後氣喘由於氣血兩虛

忌同產後發熱

宜補氣血 潤肺 下降

人參 橘紅 生地黃 天門冬

麥門冬 蘇子 枇杷葉 栝樓仁

栝樓根 童便 五味子 竹茹

產後惡寒由於氣血兩虛

忌同產後發熱


宜補氣血 溫中 甘溫 佐以辛溫

人參 黃耆 炙甘草 乾地黃

龍眼肉 當歸 炮乾薑

產後小便不利或短赤由於腎水真陰不足

忌利小便 餘忌同產後發熱



諸藥俱見前

宜生津液 益陰 補血 涼血 清熱

甘溫 甘寒 酸寒

天門冬 麥門冬 生地黃 枸杞子

山茱萸 白芍藥 車前子 牛膝

五味子 青蒿子 鼈甲 竹葉

產後大便閉結由於血枯內熱

忌補氣 行血 辛熱 燥 下 升 苦

寒

諸藥俱見前

宜益血 涼血 潤燥 滋肝腎 生津液


生地黃 熟地黃 天門冬 麥門冬

五味子 蔗漿 牡丹皮 肉蓯蓉

當歸 麻仁 人乳 蜜

產後不得眠

忌同產後大便閉結



內熱 宜補心 降心火 補肝 補脾陰 兼清

生地黃 麥門冬 茯苓 丹參

沙參 酸棗仁 白芍藥 竹葉

遠志 蓮肉 龍眼肉

產後腹脹由於陰血虛脾陰虛

忌破氣寬中 升提發散 消導 吐下

甘 苦寒 鹹寒 大熱 溫燥 滯膩

諸藥俱見前

宜益脾陰 補脾 和肝 酸寒 收斂

甘溫


白芍藥 酸棗仁 人參 茯苓

石斛 橘皮 薯蕷 五味子

木瓜 蓮實 車前子 芡實

產後惡心欲嘔或吐由於胃虛

忌升提發散 溼潤 滯膩 苦寒 生冷



燥熱

諸藥俱見前

宜降氣 補氣 安胃 酸寒 佐以辛溫

蘇子 枇杷葉 竹茹 人參

橘紅 麥門冬 白芍藥 藿香

石斛 木瓜 白豆蔻 生薑

由於寒倍生薑白豆蔻藿香由於熱倍竹茹去生薑白豆蔻藿香

下乳汁

漏蘆 狗四足 猪四足 麥門冬

人參 栝樓仁 土瓜根 葵子


猪胰 木通

○小兒門

痘瘡

○血熱證

忌溫補 燥熱



天靈蓋 雞冠血 桑蠶 鮫鯉甲

人齒 官桂 附子 丁香

木香 冰片已上燥熱 餘忌藥俱見前

宜涼血 活血 解毒 甘寒 苦寒

犀角 生地黃 人中黃 紫草

黃連 麥門冬 牡丹皮 白芍藥

童溺 連翹 金銀花 玄參

貝母 蟬蛻 鼠黏子

○虛寒證

忌汗 吐 下 苦寒 酸寒

諸藥俱見前


宜辛甘發散 補氣 溫 瘡密者佐以解

毒

人參 紅鉛 黃耆 甘草

桂枝 丁香 當歸胃弱大便閉者禁用

蓮肉 糯米 大棗 龍眼肉



乾葛

木香

忍冬藤

痧癘此證多有嘔吐者勿治嘔吐但治痧毒則嘔自止况嘔中便有發散之義

忌破氣 溫補 酸飲 燥熱 辛溫 滯

脈

諸藥俱見前

宜清熱透肌 辛寒 甘寒 苦寒

石膏

鼠黏子

赤檉木

即西河柳

知母

甘草

玄參

麥門冬

連翹

薄荷

竹葉

黃連

黃芩

葛根

黃蘗

蟬蛻

栝樓根

青黛

蔗漿

貝母


如冬月佐之以辛散

荆芥

麻黃


去節沐蜜酒炒只可用一劑

痧癘者手太陰肺足陽明胃二經之火熱發而為病者也小兒居多大人亦時有之殆時氣瘟



疫之類歟其證類多欬嗽多嚏眼中如淚多泄瀉多痰多熱多渴多煩悶甚則躁亂咽痛唇焦神昏是其候也治法當以清涼發散爲主藥用辛寒甘寒苦寒以升發之惟忌酸收最宜辛散誤施溫補禍不旋踵辛散如荆芥西河柳乾葛石膏鼠黏子麻黃清涼如玄參竹葉栝樓根青黛薄荷甘寒如麥門冬生甘草蔗漿苦寒如黃芩黃連黃檗貝母連翹隨證輕重制劑大小中病則已毋太過焉

痧癘乃肺胃邪熱所致初發時必欬嗽宜清熱透毒不得止嗽癘後欬嗽但用貝母苦梗甘草薄荷栝樓根玄參麥門冬以清餘熱消痰壅則自愈慎勿用五味子等收斂之劑多喘喘者邪熱壅於肺故也慎勿用定喘藥惟應大劑竹葉石膏湯加西河柳兩許玄參薄荷各二錢如冬天寒甚痧毒鬱於內不得透出者加密酒炒麻



黃一劑立止凡熱勢盛者卽用白虎湯加西河柳忌用升麻服之必喘多泄瀉慎勿止瀉惟用黃連乾葛升麻甘草則瀉自止瘰家忌瀉瀉則陽明之邪熱得解是亦表裏分消之義也瘰後泄瀉及便膿血皆由熱邪內陷故也大忌止澀惟宜升散仍用升麻甘草乾葛黃連白芍藥白菹豆便膿血則加滑石未必自愈瘰後牙疳最危外用牡黃牛糞尖煨存性研極

細加真片腦一分研勻吹之內用連翹乾葛荆芥穗升麻玄參黃連甘草生地黃水煎加生犀角汁二三十匙調服緩則不可救藥

痧後元氣不復脾胃薄弱者宜用白芍藥炙甘草爲君蓮肉山藥白菹豆麥門冬青黛龍眼肉爲臣多服必漸強慎勿輕用參朮

痧後生瘡不已餘熱未盡故也宜用金銀花荆芥穗連翹玄參甘草懷生地鼈虱胡麻黃連木



通濃煎飲之良痧癘不宜依證施治惟當治本
本者手太陰足陽明二經之邪熱也解其邪熱
則諸證自退矣
嘔吐因傷乳食者

忌升 苦寒

諸藥俱見前

宜溫中 消導

橘皮 縮砂蜜 枳實 厚朴

穀麥蘖 草果 山查 紅麴

半夏 人參

○因寒者


忌破氣 升 苦寒

諸藥俱見前

宜辛熱 溫中

藿香 橘皮 丁香 人參

白朮 生薑 半夏 白豆蔻



○因暑者

忌升 破氣 溫熱

諸藥俱見前

宜清暑 補氣 安胃 兼利小便

黃連 香薷 人參 木瓜

茯苓 竹茹 石斛 橘皮

甘草 白蘊豆 麥門冬 白梅

滑石 木通 澤瀉

○有蟲者

忌升 甘

諸藥俱見前

宜酸斂 佐以苦寒

白芍藥 五味子 木瓜 黃連

棟根 烏梅 檳榔 梔子肉

木香 使君子 總之數嘔吐宜安胃

久則宜補氣



泄瀉

總忌破氣 下 滑利 滯膩
諸藥俱見前

○因食者

宜和胃消食

橘皮

草果

紅麴

穀麥蘖

白豆蔻

白朮

山查

白茯苓

肉豆蔻

縮砂蜜

○因溼者

宜燥脾 利水

二朮

橘皮

木瓜

茯苓

澤瀉

車前子

石斛

黃連

薯蕷

猪苓

升麻

葛根

○因暑者

前藥中加人參 蓮肉 白扁豆

總之當補脾胃兼升兼利小便



急驚

忌補斂 升 燥熱

諸藥俱見前

宜降 清熱 鎮墜 豁痰 和肝

丹砂 琥珀 牛黃 天竺黃

貝母 竹瀝 釣藤鈎 殭蠶

茯神 犀角 金箔 膽星

真珠 全蝎 龍腦 麝香

白檀香

慢驚多因久吐瀉大病後陰陽兩虛而成

忌破氣 下 升 苦寒 及治急驚藥

諸藥俱見前

宜補脾健胃 和肝益氣 甘溫 酸平

佐以辛熱

人參 黃耆 茯苓 白芍藥

甘草 龍眼肉 酸棗仁 石菖蒲



疔積

遠志

麥門冬

茯神

冬瓜仁

橘紅

忌破氣

酸斂

燥熱

諸藥俱見前

宜除疔熱

兼消導

苦寒

甘寒

佐以

辛寒辛溫

胡黃連

川黃連

肉豆蔻

穀麥蘖

神麴

山查

木香

橘皮

白蕪荑

使君子

蘆薈

白朮

白芙蓉花

五穀蟲

雷丸

青黛

厚朴

諸蟲

忌升

甘

黃芩

牽牛

諸藥俱見前

麻黃

葶藶

宜殺蟲

酸寒

苦寒

佐以

辛寒



胎毒

檳榔

雷丸

使君子

苦棟根

錫灰

鶴虱

盧會

芍藥

烏梅

黃連

黃芩

牽牛

忌補斂

燥熱

辛溫

諸藥俱見前

宜涼血清熱

解毒

兼發散於外

勿從

外治以致熱毒內攻

生地黄

玄參

牡丹皮

黃蘗

黃連

忍冬藤

甘草

連翹

麥門冬

貝母

犀角

荆芥

鼠黏子

牛黃

○外科

癘風


忌破氣

酸斂

燥熱

下

諸藥俱見前



宜涼血 殺蟲 祛風 苦寒 佐以辛寒

辛平

稀耒 天門冬 甘菊花 生地黃

青黛 漆葉 苦參 何首烏

鼈虱胡麻仁 白芷 荆芥

天麻 續斷 羌獨活 半枝蓮

白花蛇 烏梢蛇 皂角刺

癰疽先後發渴

忌升 破氣 辛溫 燥熱 吐 下

諸藥俱見前

宜活血 涼血 解毒散結

生地黃 連翹 忍冬藤 白芷

白及 白欬 茜草 紫花地丁

夏枯草 甘菊花 地榆 貝母

鼠黏子 黃檗 栝樓根 乳香

沒藥 芍藥 生萊豆 半枝蓮



腫瘍

白藥子 紅藥子 黃蠟 明礬
已潰者加人參黃耆麥門冬五味子

忌宜俱同癰疽先後發渴更忌當歸

癰疽毒氣攻心發譫語

宜以生菜豆粉丹砂乳香爲丸服之

潰瘍

忌閉氣 苦寒 破氣 又忌燥

諸藥俱見前

宜補氣血 甘 酸溫 佐以解毒

人參 紅鉛 胎骨 黃耆


當歸 地黃 芍藥 甘草


白及 白欬 忍冬藤 甘菊花

貝母 薯蕷 大棗 五味子

麥門冬

○散毒外傳





雄黃 雌黃 粉錫 礬石

龍腦香 松脂 地榆 水銀粉

鐵鏽 白及 白歛 漏蘆

檉木 青箱子 棟實 藺茹

石灰 鐵漿 苦參 苜蒲

槲皮 葵根 柳華 五加皮

梓葉 苧根 紫草 馬鞭草

艾灸

○止痛排膿外傳

白及 白歛 大黃 乳香

沒藥 丹砂 紅藥子 龍腦


金華 白藥子 麥飯石 米醋

蜜

○去瘀肉外傳

巴豆膏 輕粉 粉霜 烏梅肉灰

○蝕膿外傳



蛙竹屑 蔞茹

雄黃 白芷

大黃 巴豆

地榆 枯礬

○長肉收口外傳

仙人杖燒 人參

金華 白蠟

黃蠟 血竭

蛙竹屑 枯礬末

黃芩末 珠末

象牙末 鉛丹

紅粉霜 胡粉

芝蔴油 猪蹄湯

疥癩

忌補飲 溫熱

諸藥俱見前

宜涼血活血 解毒 祛風 汗 下

生甘草 辟虺雷 茜草 生地黃

貝母 紫花地丁 白藥子

大黃 金銀花 蒼耳草 連翹

夏枯草 鼠黏子 礬石已上 半枝蓮

牛黃 蟾酥 紅藥子 白及

白欽

內上

龍腦

鐵鋪

桑朮

銅青

雄黃

外上

瘰癧

馬刀

同屬少陽膽經治法亦同

忌補氣

辛熱

酸欽

諸藥俱見前

宜清熱散結

和肝涼膽

苦寒

甘寒

鹹寒佐以辛寒

連翹

玄參

忍冬藤

紫背天葵

乳香

麝香

夏枯草

鼠黏子

貝母

天明精

沒藥

薄荷

肥皂莢

皂角子

何首烏

柴胡

黃芩

甘草

昆布

牡蠣

鼈甲

栝樓根

惡實

漏蘆

守宮

蝦

貓頭

天荷葉

映山紅

海藻

海蛤

蘇合油


雄黃

礬石

斑貓

蟾酥

鼈虱胡麻



瘦癩

回燕窩泥

忌宜俱同癩癰兼宜 薜荔 半夏

文蛤 南星 通草 生薑

痔有內外
二證

忌破氣 降 燥熱 辛溫

諸藥俱見前

宜涼血 活血 除大腸熱 兼升 去血

過多者宜補血 甘寒 苦寒 酸寒 佐
以辛寒

生地黃 五倍子 黃連 黃芩

白芍藥 地榆 蝟皮 大小薊

黃蘗 側柏葉 槐實 皂莢灰

熊膽 升麻 鼈甲 紅藍花

龍腦香 茜草 黃耆 赤石脂

猪懸蹄 蛇蛻 榧實 白礬



金銀花 青黛 象牙末 蛙竹屑

牛角腮 白蠟

通腸漏

忌破氣 下發散 溫燥 辛熱

諸藥俱見前

宜涼血 清利溼熱 解毒 消漏管 補

氣血 長肉

槐實 黃連 黃芩 青黛

地榆 白及 忍冬藤 半枝蓮

生地黄已上涼血解毒 猪懸蹄 黃牛角腮

刺蝟皮 蛙竹屑 明礬 金頭蜈蚣

已上消漏管 黃耆 熟地黄 當歸

人參 白芍藥 五味子 牛膝

山藥 枯礬 黃蠟 白蠟

麻皮灰 鉛華 月經布 沒食子

已上補氣血長肉 天明精 地骨皮俱要鮮者

皮硝

文蛤

已上煎濃湯熏洗

乳巖乳癰內外吹

忌補氣

升

溫補

辛熱

燥

酸飲

諸藥俱見前

宜散結氣

和肝

涼血活血

清熱解毒

貝母

橘葉

連翹

栝樓根

山慈菇

山豆根

蒲公英

紫花地丁

黃連

甘草

柴胡

白芷

青皮

橘皮

牡鼠糞

王不留行

乳香

沒藥

漏蘆

夏枯草

忍冬藤

栝樓仁

頭垢

人爪

鯪鯉甲

半枝蓮

茜根

陰蝕

卽下部

忌同乳巖

宜涼血活血

除熱散毒

苦寒


辛寒

青黛

茜草

苦參

鮮地骨皮



金瘡

黃檗

小薊

艾葉

馬鞭草

木瓜

牛膝

木通

全蝎外

蛇床子外

橄欖核外

蛙竹屑外

猪脊髓外

青箱子外

膩粉外

官粉外

杏仁外

珠末外

皂角末外

鉛丹外

象牙末外

龍腦香外

白殭蠶外

粉霜外

煙膏外

天靈蓋外

滴乳石外

白蠟外

忌破氣

閉氣

升散

酸飲

苦寒

冷

利燥

酸寒

諸藥俱見前

宜止血

和血

涼血

甘溫

甘寒

佐

以辛溫

地黃

麤蟲

當歸

續斷

牛膝

甘草

麥門冬


地榆

半夏

茜草

白膠

杜仲



破傷風

芎藭

乳香

沒藥

艾葉

水楊花

釣樟根

黃荊子

炒黑

王不留行

古錢

自然銅

狗頭骨

黃麻皮灰

蘆竹籜

韭

大小薊

內外

劉寄奴

花蓋石

內外

騏驎竭

內外

古石灰

外

白蠟

外

降香

外

海螵蛸

外

桑柴灰

外

人骨灰

外

紫檀末

外

三七

外

忌同金瘡

宜同金瘡佐以祛風藥如白芷荊芥防風柴

胡之屬


跌撲傷損

忌同金瘡

宜同金瘡有瘀血停滯者宜加行血藥如桃

仁紅花蘇木然銅麤蟲千年灰古文錢之

屬



踈折挫閃

忌宜俱同金瘡跌撲

火灼

忌燥熱 及寒物塗罨

井泥 冰 凉水 芭蕉根

醋已上寒物塗罨餘忌藥俱見前

宜拔散火毒 辛散 潤 甘寒 辛寒

苦寒

柴胡 葛根 甘草 升麻

黃連 麥門冬 連翹 栝樓根

石膏 黃蘗 雞子油 柏白皮

生胡麻 食鹽 豆醬 黃芩

地榆 山梔

外用好酒滿浸傷處溫卽易之如遍體被傷用酒滿浸時時易之卽不死一方用蜜水潤之一方石灰水和生芝麻油敷治已



爛臭甚者神驗一方用黏米炒黑為末將菜汁調敷神效

漆瘡

宜蟹

茱萸皮

雞子白

杉材

石蟹

漆姑草

韭菜

炒熟

井中苔萍

神農本草經疏卷之二

神農本草經疏卷之三

玉石部上品

總七十三種今疏其要者一十四種

丹砂

雲母

石鍾乳

礬石

芒硝

朴硝

玄明粉

滑石

空青


紫石英

赤石脂

無名異

綠礬

鐵繡



爛臭甚者神驗一方用黏米炒黑為末將菜汁調敷神效

漆瘡

宜蟹

茱萸皮

雞子白

杉材

石蟹

漆姑草

韭菜

炒熟

井中苔萍

神農本草經疏卷之二

神農本草經疏卷之三

玉石部上品

總七十三種今疏其要者一十四種

丹砂

雲母

石鍾乳

礬石

芒硝

朴硝

玄明粉

滑石

空青

紫石英

赤石脂

無名異


綠礬

鐵繡



丹砂味甘微寒無毒主身體五藏百病養精神
安魂魄益氣明目通血脉止煩滿消渴益精神
悅澤人面殺精魅邪惡鬼除中惡腹痛毒氣疥
瘻諸瘡久服通神明不老輕身神仙能化爲汞
作末名真朱光色如雲母可析者良惡磁石
畏鹹水
疏○丹砂本稟地二之火氣以生而兼得平
天七之氣以成色赤法火中含水液爲龍爲
汞亦曰陰精七爲陽火之少故味甘微寒而

無毒蓋指生砂而言也藥性論云丹砂君爲
清鎮少陰君火之上藥辟除鬼魅百邪之神
物安定神明則精氣自固火不妄炎則金木
得平而魂魄自定氣力自倍五臟皆安則精
華上發故明目心主血脉心火寧謐則陰分
無熱而血脉自通煩滿自止消渴自除矣殺
精魅邪惡鬼除中惡腹痛者陽明神物故應
辟除不祥消散陰惡殺厲之氣也久服通神



明不老者古之真人飛丹煉石引納清和配
以金鈴按之法象自能合丹道而成變化也
青霞子及太清服煉靈砂法云能重能輕能
暗能明能黑能白能神能靈一解人擊力難
舉升萬斤遇火輕速上騰鬼神尋求莫知所
在先稟氣於甲受氣於丙出胎見壬結魄成
庚增光歸戊陰陽升降各本其原非虛語矣

主治參互

丹砂研飛極細令狀如飛塵以甘草生地黃
濃煎調分許與兒初生時服之能止胎驚解
胎毒 同真珠琥珀金箔牛黃生犀角天竺
黃滑石末治小兒急驚有神 入六一散治
暑氣伏於心經神昏口渴及泄瀉如火熱
入補心丹鎮心神定魂魄 入乳香托裏散
散癰疽熱毒發熱疼痛及毒氣攻心發譫語
簡誤



丹砂爲八石之主故列石部之首體中含汞
汞味本辛故能殺蟲殺精魅宜乎藥性論謂
其有大毒若經伏火及一切烹煉則毒等砒
礪服之必斃自唐以來上而人主下而縉紳
曾餌斯藥鮮克免者戒之戒之
雲母味甘平無毒主身皮死肌中風寒熱如在
車船上除邪氣安五藏益子精明目下氣堅肌
續絕補中療五勞七傷虛損少氣止痛久服輕


身延年悅澤不老耐寒暑志高神仙一名雲珠

色多赤一名雲華五色具一名雲英色多青一
名雲液色多白一名雲砂色青黃一名磷石色

正白

澤瀉爲之使忌羊
血用礬石則柔爛

疏○雲母本經載其味甘氣平詳其主治亦
應有溫韓保昇曰雲母色白而主肺此石藥
中溫良之品也以其法金故主身皮死肌及
中風寒熱如在車船上甘能緩溫能和故除



邪氣石性鎮墜能使火下火下則水上是既
濟之象也故安五臟益子精明日久服輕身
延年別錄主下氣堅肌續絕補中療五勞七
傷虛損少氣久服悅澤不老耐寒暑志高神
仙皆此意也其曰止痢者久痢則腸胃俱虛
甘溫足以回其虛下墜足以去其積故亦主
之也

主治參互

雲母得鈴丹熬成膏可貼一切癰疽瘡毒和
以昇丹細末更著奇效 經驗方云青城山
丈人觀主康道豐治百病雲母粉方用雲母
一斤析開揉入大瓶內築實封固以十斤頂
火煨赤取出却拌香茱紫連翹草二件合搗
如泥後以夾絹袋盛於大水盆內搖取粉餘
滓未盡再添草藥重搗取粉以木盆一面貯
灰於灰上印一淺坑鋪紙傾粉在內候乾焙



之以麩糊丸梧子大遇有疾者服之無不效
知成都府辛諫議曾患大風衆醫不愈道豐
進此服之神驗 千金方服食雲母法上白
雲母二十斤薄劈以露水八斗作湯分半淘
淨二次又作二斗湯納芒硝十斤木器中浸
二十日取出絹袋盛懸屋上勿見風日令燥
以鹿皮爲囊揉之從旦至午篩淨復揉得好
粉二十斤攪糊入竹筒內薄削封口漆固北
垣南下入地六尺覆土春夏四十日秋冬三
十日出之當成水若洞洞不消更埋三十日
此水能治萬病及勞氣風疼每以溫水一合
和服之日三服十日小便當變黃二十日腹
中寒澀消三十日齟齬更生四十日不畏風
寒五十日諸病皆愈顏色日少長生神仙一
深師方治痰飲頭痛往來寒熱雲母粉二兩
鍊過常山一兩爲末每服方寸匕湯服取吐




忌生芴生菜 仲景金匱方治牝瘧多寒雲
母燒二日夜龍骨蜀漆燒去腥等分爲末發
前漿水服半錢 千金方治赤白久痢積年
不愈飲調雲母粉方寸匕服神效 又方治
婦人帶下水和雲母粉方寸匕服神效 積
德堂方治婦人難產經日不生雲母粉半兩
溫酒調服入口卽產不順者卽順萬不失一
陸氏云此是何德揚方也已救三五十人

六

千金方治風癩遍身百計不愈煨雲母粉清
水調服二錢良 又方治一切惡瘡用雲母
粉傅之 聖惠方治火瘡敗壞雲母粉和生
羊髓傅之 事林廣記治金瘡出血雲母粉
敷之絕妙 千金翼治風熱汗出水和雲母
粉服三錢不過再服立愈

簡誤

雲母性雖甘平終屬石種與臟腑氣血實非




同類祇宜用以治病取效若夫益精明目輕身延年耐寒暑志高神仙皆必不然之論也姑俟世人試過乃敢信耳

石鍾乳味甘溫無毒主欬逆上氣明目益精安五藏通百節利九竅下乳汁益氣補虛損療脚弱疼冷下焦傷竭強陰久服延年益壽好顏色不老令人有子不煉服之令人淋

蛇床爲之使惡牡丹玄參

紫石

疏○石鍾乳稟石之氣而生本經謂其味甘氣溫無毒吳普曰神農辛斯言近之甄權以爲有大毒或是經火之故應云味甘辛氣大溫其性得火則有大毒乃爲得之其主欬逆上氣者以氣虛則不得歸元發爲斯證乳性溫而鎮墜使氣得歸元則病自愈故能主之也通百節利九竅下乳汁者辛溫之力也療脚弱疼冷者亦是陽氣下行之驗也甄權主



寒嗽通聲者辛以散邪結溫以祛寒氣故也
其他種種補益之說當是前人好事者溢美
之辭夷考其性恐無是理未足信也

主治參互

石鍾乳得牛黃白蠟象牙末真珠乳香沒藥
樺皮灰龜板灰俱存性細研枯白礬蛙竹屑
紅鉛治廣瘡結毒爛壞鼻梁及陰蝕陽物有
神 孫真人千金翼鍾乳煎治風虛勞損腰

脚無力補益強壯用鍾乳粉煉成者三兩以
夾絹袋盛之牛乳一大升煎減三之一去袋
飲乳分二服日一作不吐不利虛冷人微溏
無所苦一袋可煮三十度力盡別作袋每煎
訖須濯淨令通氣其滓和麩煨雞子食之此
崔尚書方也 宣明方治一切勞嗽胸膈痞
滿焚香透膈散用鵝管石雄黃佛耳草款冬
花等分爲末每用一錢安香爐上焚之以筒



吸煙入喉中日二次聖濟錄治肺虛喘急

九

連綿不息生鍾乳粉光明者五錢蠟三兩化
和飯甑內蒸熟研丸如梧子大每水下一丸

外臺秘要治乳汁不通氣少血衰脉澀不
行故少乳煉成鍾乳粉二錢濃煎漏蘆湯調
下或通草等分爲末米飲服方寸七日三服

大簡誤

石鍾乳辛溫若加火煅有毒無疑縱治虛寒

尚須審察况病涉溫熱者耶世人病陰虛有
熱者十之九陽虛內寒者百之一是以自唐
迄今因服鍾乳而發病者不可勝紀服之而
獲效得力者不聞一二其於事理可以燭照
經曰石藥之性悍味斯言也則其大畧可槩
見已慎毋輕信方士之言致蹈前人覆轍尊
生之士宜安常處順以道理自持脩短有命
無惑乎長年之說庶不爲其所誤矣



礬石味酸寒無毒主寒熱洩痢白沃陰蝕惡瘡
目痛堅骨齒除固熱在骨髓去鼻中息肉煉餌
服之輕身不老增年岐伯云久服傷人骨能使
鐵爲銅生河西山谷及隴西武都石門甘草爲之使惡

牡蠣畏麻黃

疏○礬石味酸氣寒而無毒其性燥急收澀
解毒除熱墜濁蓋寒熱洩痢皆溼熱所爲婦
人白沃多由虛脫澀以止脫故也陰蝕惡瘡

亦緣溼火目痛多由風熱除固熱在骨髓堅
齒者髓爲熱所劫則空故骨痿而齒浮礬性
入骨除熱故亦主之去鼻中息肉者消毒除
熱燥溼之功也

主治參互

礬石卽白礬得巴豆同煅令枯取礬研末以
鵝翎管吹入喉中流出熱涎立解喉痺其證
俗呼爲纏喉風是也皮膚疥癬膿窠坐板



肥疔等瘡皆資其用各合所宜以施之得
硫黃雄黃白附子海金沙蜜陀僧擦汗斑殊
效一年者去皮一次十年者去皮十次擦後
坐卧勿當風勿行房搖扇制半夏能散溼
痰及食積痰兼除五飲同芒硝可燒水銀
成粉治一切瘡中有蟲得黃蠟和丸名蠟
攀丸治一切腫毒有神凡治癰疽當服之以
護膜膜苟不破雖劇必瘥陳師古方中風

痰厥四肢不收氣閉膈塞者白礬一兩牙皂
角五錢爲末每服一錢溫水調下吐痰爲度
簡要濟衆方牙齒腫痛白礬一兩燒灰大
露蜂房一兩微炙每二錢水煎含漱去涎
千金方鼻中息肉用明礬一兩蓖麻仁七粒
鹽梅肉五箇麝香一字搗丸綿裹塞之化水
自下也夏子益奇疾方發斑怪證有人眼
赤鼻張大喘渾身出斑毛髮如銅鐵乃熱毒



氣結於下焦也。白礬滑石各一兩爲末。水三盃煎減半。不住服盡卽安。永類鈴方爛弦風眼。白礬煨一兩。銅青三錢。研末湯泡澄清點洗。千金方脚氣衝心。白礬三兩。水一斗五升。煎沸浸洗。張仲景金匱方女勞黃疸。日晡發熱而反惡寒。膀胱急。少腹滿。目盡黃。額上黑。足下熱。因作黑疸。其腹脹如水狀。大便必黑。時溇。此女勞之病。非水也。自大勞大

熱交接後入水所致。腹滿者難治。用礬石燒消石熬黃等分爲散。以大麥粥汁和服。方寸七日三服。病從大小便去。又金匱方婦人白沃。經水不利。子臙堅癖。中有乾血。下白物。用礬石燒杏仁一分。研勻。蜜丸棗核大。納入腸中。日一易之。千金翼婦人陰脫作痒。礬石燒研空心酒服。方寸七日三。劉禹錫傳信方。蛇咬蝎螫。燒刀矛頭令赤。置白礬於上。



汗出熱滴之立瘥此神驗之方也

簡誤

白礬本經主寒熱洩痢此蓋指洩痢久不止
虛脫滑洩因發寒熱礬性過澀澀以止脫故
能主之假令溼熱方熾積滯正多誤用收澀
爲害不一慎之婦人白沃多由虛脫故用收
澀以固其標終非探本之治目痛不由弩肉
及有外障亦非所宜除固熱在骨髓僅可資

其引導若謂其獨用反有損也礬性燥急而
能劫水故不利齒骨齒者骨之餘故也岐伯
云久服傷人骨故凡陰虛內熱火熾水涸發
爲咽喉痛者不宜含此目痛由陰虛血熱者
亦不宜用劫水損骨之藥豈可煉服輕身不
老增年徒虛語耳

芒硝味辛苦大寒主五藏積聚久熱胃閉除邪
氣破留血腹中痰實結搏通經脉利大小便及



月水被五淋推陳致新生於朴硝

疏○芒硝稟天地至陰極寒之氣所生故味苦辛性大寒乃太陰之精以消物爲性故能消五金八石况乎五臟之積聚其能比之金石之堅哉久熱卽是邪熱傷寒熱邪結中焦或停飲食則胃脹閉少少投之可立蕩除除邪氣者寒能除熱故也破留血者鹹能軟堅辛能散結也邪熱盛則經脈閉熱淫於內治

以鹹寒結散熱除則經脈自通二便自利月水復故五淋中惟石淋膏淋爲膠結難解病由於積熱非得辛苦大寒之藥以推蕩消散之不能除也推陳致新總述其體用之功耳由朴硝再煎而成故曰生於朴硝

主治參互

入仲景大承氣湯治傷寒七八日後邪結下焦少腹按之堅痛下之愈又治傷寒邪熱



失汗蓄血少腹或先因內傷雷血下焦入桃
仁承氣湯下之愈 千金方療漆瘡用湯漬
芒硝令濃塗之如乾卽易之 子母秘錄治
小兒赤遊行於體上下至心卽死以芒硝納
湯中取濃汁以拭丹上 百一選方治療關
格大小便不通脹滿欲死兩三日則殺人以
芒硝三兩紙裹三四重炭火燒之令內一升
湯中盡服當先飲湯一升已吐出乃服之

孫真人食忌主眼有翳取芒硝一大兩置銅
器中急火上煉之放冷後以生絹細羅點眼
角中每夜欲臥時一度點妙 姚和衆方治
小兒重舌馬牙硝塗於舌上下三日效 簡
要濟衆方治小兒鵝口用馬牙硝擦舌上日
五度效 梅師方治火焰丹毒水調芒硝末
塗之 信效方治死胎不下用芒硝末二錢
童便溫服 三因方治風熱喉痺及纏喉風



玉鑰匙用焰硝一兩半白殭蠶一錢白礬砂
半兩腦子一字研勻取少許數數吹之 普
濟方治重舌鵝口用竹瀝同焰硝點之
朴硝味苦辛寒大寒無毒主百病除寒熱邪氣
逐六府積聚結固留癖胃中食飲熱結破留血
閉絕停痰痞滿推陳致新能化七十二種石煉
餌服之輕身神仙煉之白如銀能寒能熱能滑
能澀能辛能苦能鹹能酸入地千歲不變色青

白者佳黃者傷人赤者殺人

疏○朴硝乃初次煎成者其氣味烈於芒硝
主治皆同總爲除邪熱逐六腑積聚結固留
癖胃中食飲停滯因邪熱結停痰痞滿破留
血閉絕之要藥與芒硝功用曾無少別文具
芒硝條下茲不復疏

主治參互

聖惠方治時氣頭痛不止用朴硝二兩搗羅




爲散用生油調塗於頂上。又方治乳石發
動煩悶及諸風熱用朴硝煉成者半兩細研
如粉每服以蜜水調下一錢七日三四服
簡要濟衆治小便不通膀胱熱白花散朴硝
不以多少研爲末每服二錢七溫茴香酒調
下無時服。入紫雪療傷寒溫疫溫瘧一切
積熱煩熱狂呼叫走瘴疫毒癘卒死腳氣五
尸五注心腹諸疾疔刺切痛解諸熱毒邪熱

發黃蠱毒鬼魅野道熱毒小兒驚癇百病黃
金一百兩石膏寒水石磁石滑石各三斤搗
碎水一斛煮四斗去滓入犀角屑羚羊角屑
青木香沉香各五兩玄參洗焙升麻各一斤
炙甘草八兩丁香一兩入前汁中煮取一斗
五升去滓入煉朴硝十斤消石三十二兩於
藥汁中微火煎之用柳木不住攪至水氣欲
盡傾水盆中待欲凝入麝香一兩二錢半硃



砂末三兩攪勻收之每服一二錢凉水服臨
時加減甚者一兩一碧雪治一切積熱天行
時疾發狂昏憤或咽喉腫塞口舌生瘡心中
煩躁或大小便不通胃火諸病朴硝芒硝馬
牙硝硝石膏膏水飛寒水石水飛各一斤以
甘草一斤煎水五升入諸藥同煎不住手攪
令消鎔得所入青黛一斤和勻傾盆內經宿
結成雪爲末每含嚙或吹之或水調服二三


錢欲通利則熱水服一兩 劉禹錫傳信方
治熱壅甘露飲涼胸膈驅積滯芒硝末一大
斤用蜜十二兩和勻入新竹筒內半筒已上
卽止不得令滿却入炊甑中令有藥處在飯
內其虛處出在上蒸之候飯熟取出綿濾入
磁鉢內竹篋攪勻勿停手待凝取入磁盒每
臥時含半匙漸漸嚙之如要通利卽多服之
簡便方治赤眼腫痛朴硝置豆腐上蒸化



取汁收點。外臺秘要治喉痺腫痛用朴硝一兩細細含嚙立效。或加丹砂一錢氣塞不通。加生甘草二錢半吹之。孫真人方治口舌生瘡用朴硝含之良。夏子益奇疾方灸瘡飛蝶因艾灸火瘡痂退落瘡內鮮肉片子飛如蝶狀騰空飛去痛不可言是血肉俱熱怪病也。用朴硝大黃各半兩爲末水調下微利卽愈。史記倉公傳云菑川王美人懷子

不乳來召淳于意意往飲以葇藥一撮以酒飲之。旋乳意復診其脉躁躁者有餘病卽飲以消石一劑出血豆比五六枚而安。此去蓄血之驗也。炮炙論治頭痛欲死用消石末吹鼻中卽愈。聖惠方治赤眼腫痛用消石末臨臥時以銅筋點黍米大入目眥至旦以鹽水洗去之。

玄明粉味辛甘性冷無毒治心熱煩躁并五藏




宿滯癥結明目退膈上虛熱消腫毒此卽朴硝煉成者

疏○玄明粉卽芒硝投滾湯沸化夜置冰霜之下結起在水面上者用白菜蕪切片煮汁投硝以結起多次者爲上其色瑩白其味辛鹹沉而降陰也入手少陰足厥陰陽明經其治邪熱在心煩躁者經曰熱淫於內治以鹹寒佐之以苦并主五臟宿滯癥結者卽燥糞

結痰瘀血宿食之謂辛能散結鹹能軟堅兼能潤下若能下洩故主之也目爲血熱所侵必赤腫作痛異常硝性峻利加以苦辛鹹寒之極故能散熱結逐熱血目病旣去必自明矣退膈上虛熱者當作實熱邪解心涼故熱退也消腫毒者卽軟堅散結之功也

主治參互
集簡方熱厥氣痛玄明粉三錢熱童便調下




傷寒蘊要傷寒發狂玄明粉二錢朱砂一
錢末之冷水服 聖濟總錄鼻血不止玄明
粉二錢水服

簡誤

硝者消也五金八石其堅莫比惟硝能銷之
苟非大辛至鹹極苦最烈之味其能消化之
乎消石朴硝一經澄煉便名芒硝馬牙硝風
化硝甜硝若經煅過卽名玄明粉究其功用

無堅不磨無結不散無熱不蕩無積不推可
謂直往無前物無畱礙之性也別錄謂煉餌
服之輕身神仙失其本矣故仲景於諸承氣
湯用之非邪結下焦堅實不可按者不用恐
其誤伐下焦真陰故也病不由於邪熱深固
閉結難通斷不可輕投至於血涸津枯以致
大腸燥結陰虛精乏以致大熱骨蒸火炎於
上以致頭痛目昏口渴耳聾咽痛吐血衄血



咳嗽痰壅虛極類實等證切戒勿施庶免虛
虛之咎而無悔不可追之大錯也至如唐玄
宗所召道士劉玄真謂服玄明粉遂無病長
生中所載有益精壯氣助陽補陰不拘丈夫
婦人幼稚襁褓不問四時冷熱俱治之說迺
是荒唐不經之語不識本草何緣載入豈歷
代董脩儒臣本不知醫但廣異聞未暇覈實
而誤收之耶正所謂盡信書則不如無書也

滑石味甘寒無毒主身熱洩瀉女子乳難
癃閉利小便蕩胃中積聚寒熱益精氣通九竅
六府津液去留結止渴令人利中久服輕身耐

饑長年

石韋爲之
使惡曾青

疏○滑石石中之得冲氣者也故味甘淡氣
寒而無毒入足太陽膀胱經亦兼入足陽明
手少陰太陽陽明經用質之藥也滑以利諸
竅通壅滯下垢膩甘以和胃氣寒以散積熱



甘寒滑利以合其用是爲祛暑散熱利水除
溼消積滯利下竅之要藥本經用以主身熱
洩瀉女子乳難蕩胃中積聚寒熱者解足陽
明胃家之熱也利小便瘕閉者通膀胱利陰
竅也其曰益精氣久服輕身耐饑長年此則
必無是理矣別錄通九竅津液去雷結止渴
令人利中者溼熱解則胃氣和而津液自生
下竅通則諸壅自洩也丹溪用以燥溼分水

道實大腸化食毒行積滯逐瘀血解燥渴補
脾胃降心火偏主石淋皆此意耳


主治參互

和甘草爲益元散又名天水散六一散太白
散解中暑傷寒疫癘并汗後遺熱勞復諸疾
兼解兩感傷寒百藥酒食邪熱毒煩滿短氣
腹脹悶痛淋瀝澀痛療身熱嘔吐洩瀉腸澼
下痢赤白除煩熱胸中積聚寒熱止消渴蓄



水婦人催生下乳治吹乳乳癰牙齙齒疳此藥大養脾胃之氣通九竅六腑去留結通經脉消水穀安魂定魄乃神驗之仙藥也劉河間傷寒直格本方白滑石水飛過六兩粉甘草一兩爲末每服三錢蜜少許溫水調下實熱則用新汲水下解利則葱豉湯下通乳用猪肉麩湯調下催生用香油漿水調下凡難產或死胎不下皆由風熱燥澀結滯緊歛不能舒緩故也此藥力至則結滯頓開而產矣如用以治痢照雷公炮製用牡丹皮同煮過加丹砂水飛細末每兩一錢名辰砂六一散治心經伏暑下痢純血煩躁口渴神昏不爽聖惠方治膈上煩熱多渴利九竅滑石二兩搗水三大盞煎二盞去滓入粳米煮粥食

急大便溏黑額黑滑石石膏等分研末大麥



汁服方寸七日三小便大利愈腹滿者難治
聖惠方治乳石發動煩熱煩渴滑石粉半
兩水一盞絞白汁頓服 廣利方氣壅關格
不通小便淋結臍下妨悶兼痛滑石粉水調
服一兩 楊氏產乳小便不通滑石末一升
車前汁和塗臍之四畔方四寸乾卽易之冬
月水和 聖惠方治婦人轉胞因過忍小便
而致滑石末葱湯服二錢 普濟方伏暑水

泄白龍丸滑石火煨過一兩硫黃四錢爲末
麩糊丸棗豆大每用淡薑湯隨大小服 又
方治伏暑或吐或瀉或瘧小便赤煩渴玉液
散用桂府滑石燒四兩藿香一錢丁香一錢
爲末米湯服二錢亦治霍亂 王氏痘癩方
治痘瘡狂亂循衣摸床大渴引飲用益元散
一兩加朱砂飛過二錢冰片三分麝香一分
用燈心湯調二三錢服 普濟方治風毒熱



瘡遍身出黃水桂府滑石末傅之次日愈先
以虎杖豌豆甘草等分煎湯洗後乃搽集
簡方治脚指縫爛滑石一兩石膏煅半兩枯
礬少許研摻之夏子益奇疾方載白礬石
條內

簡誤

滑石本利竅去溼消暑除熱逐積下水之藥
若病人因陰精不足內熱以致小水短少赤

澀或不利煩渴身熱由於陰虛火熾水涸者
皆禁用脾腎俱虛者雖作泄勿服


空青味甘酸寒大寒無毒主青盲耳聾明目利
九竅通血脉養精神益肝氣療目赤痛去膚翳
止淚出利水道下乳汁通關節破堅積久服輕
身延年不老令人不忘志高神仙能化銅鐵鉛
錫作金生益州山谷及越嵩山有銅處銅精熏
則生空青其腹中空三月中旬採亦無時



疏○空青感銅之精氣而結其味甘酸其氣
大寒無毒可知已色青法木故入肝而主目
盲目者肝之竅瞳子神光屬腎肝腎虛則內
熱怒則火起於肝故生內外障翳此目病所
由成也甘寒能除積熱兼之以酸則火自斂
而降矣熱退則障自消目自明耳者腎之竅
水涸火炎故耳聾腎家熱解則火息水生而
聽復聰矣九竅不利無非火壅肝家有火則

血熱氣逆故血脉不通涼肝除熱則精氣自
益陰足火清則竅自利而血脉自通精神自
長矣目赤痛膚翳淚出皆肝氣不足之候益
肝氣則諸證自除矣其曰利水道下乳汁通
關節破堅積者皆以熱除則氣血和平陰氣
自復五臟清寧則諸證自解聖藥神功於斯
顯矣

主治參互



空青得真珠貝子珊瑚石決明點目中內外
障翳有神 千金方眼目眈眈不明空青少
許漬露一宿點 聖濟總錄膚翳昏暗空青
二錢麩仁去皮一兩片腦三錢細研日點明
目去翳障 上珍之藥一時難構明目外無
別用故不著簡誤

紫石英味甘辛溫無毒主心腹欬逆邪氣補不
足女子風寒在子宮絕孕十年無子療上氣心
腹痛寒熱邪氣結氣補心氣不足定驚悸安魂
魄填下焦止消渴除胃中久寒散癰腫令人悅
澤久服溫中輕身延年

疏○紫石英稟土中之陽氣以生本經味甘
氣溫無毒別錄加辛雷公言大溫獨李當之
言大寒者是昧其性矣味厚於氣陽中之陰
降也入手少陰手厥陰足厥陰經少陰主心
屬陽而木熱虛則陽氣衰而寒邪得以乘之



或爲上氣欬逆或爲氣結寒熱心腹痛此藥
溫能除寒甘能補中中氣足心得補諸證無
不瘳矣驚悸屬心虛魂魄不安亦由心君怯
弱無以鎮壓諸經竝得鎮墜之力而心君有
以鎮攝卽重以去怯之義也其主女子風寒
在子宮絕孕無子者蓋女子繫胎於腎及心
胞絡皆陰臟也虛則風寒乘之而不孕非得
溫暖之氣則無以祛風寒而資化育之妙此

藥填下焦走腎及心包絡辛溫能散風寒邪
氣故爲女人煖子宮之要藥補中氣益心肝
通血脉鎮墜虛火使之歸元故又能止消渴
散癰腫令人悅澤及久服輕身延年也凡入
丸散用火煨醋淬七次碾末水飛過曬乾入
藥

主治參互

同白薇艾葉白膠當歸山茱萸川芎香附治




女人子宮虛寒絕孕無子 張文仲備急方
虛勞驚悸補虛止驚令人能食紫石英五兩
打如豆大水淘一遍以水一斗煮取三升細
細服 仲景金匱方治風熱痰癥及驚癇風
引湯紫石英白石英寒水石石膏乾薑大黃
龍齒牡蠣甘草滑石等分咬咀水一升煎去
三分食後溫呷無不效者

簡誤

紫石英其性鎮而重其氣煖而補故心神不
安肝血不足及女子血海虛寒不孕者誠爲
要藥然而止可暫用不宜久服凡係石類皆
然不獨石英一物也婦人絕孕由於陰虛火
旺不能攝受精氣者忌用

赤石脂味甘酸辛大溫無毒主養心氣明目益
精療腹痛洩瀉下痢赤白小便利及癰疽瘡痔
女子崩中漏下產難胞衣不出久服補髓好顏



色益智不饑輕身延年

白石脂功用大畧相同
石脂有五色舊經同一

條今用惟赤白
二者餘皆不用

疏○赤石脂稟土金之氣而色赤則象火故
其味甘酸辛氣大溫無毒氣薄味厚降而能
收陽中陰也入手陽明大腸兼入手足少陰
經經曰澀可去脫大小腸下後虛脫非澀劑
無以固之故主腹痛腸澼及小便利女子崩
中漏下也赤者南方之色離火之象而甘澀

則又有入血益血之功故主養心氣及益精
補髓好顏色也血足則目自明心氣收攝則
得所養而下交於腎故有如上功能也癰疽
因榮氣不從所生瘡痔因腸胃溼熱所致甘
溫能通暢血脉下降能滌除溼熱故主之也
其主難產胞衣不出者以其體重下降而酸
辛能化惡血惡血化則胞胎無阻滯之患矣
東垣所謂胞衣不出澀劑可以下之此之謂




也不饑輕身延年乃方士煉餌之法耳凡洩
利腸滯久則下焦虛脫無以閉藏其他固澀
之藥性多輕浮不能達下惟石脂體重而澀
直入下焦陰分故爲久利洩滯之要藥

主治參互

和劑局方冷痢腹痛下白凍如魚腦者桃花
丸主之赤石脂煨研乾薑炮等分爲末蒸餅
爲丸量大小服日三服 仲景方傷寒下利

便膿血不止桃花湯主之赤石脂一斤一半
全用一半末用乾薑一兩粳米半升水七升
煮米熟去滓每服七合納末方寸匕日三服
愈乃止 千金翼方痰飲吐水無時節者其
原因冷飲過度遂令脾胃氣弱不能消化飲
食飲食入胃皆變成冷水反吐不停赤石脂
散主之赤石脂一斤搗篩服方寸匕酒飲自
任稍加至三七服盡一斤則終身不吐痰水



又不下利補五臟令人肥健有人患痰飲服諸藥不效用此遂愈病人虛者宜之


簡誤

火熱暴注者不宜用滯下全是溼熱於法當忌自非的受寒邪下利白積者不宜用崩中法當補陰清熱不可全仗收澀滯下本屬溼熱積滯法當祛暑除積止澀之藥定非所宜慎之慎之

無名異味甘平無毒主金瘡折傷內損止痛生肌肉

疏○無名異稟地中陰水之氣以生本經味甘氣平無毒蘇頌鹹寒鹹能入血甘能補血寒能除熱故主金瘡折傷內損及止痛生肌肉也蘇頌醋摩傅腫毒癰疽者亦取其活血涼血之功耳

主治參互



集驗方打傷腫痛無名異爲末酒服起下四肢瘀血皆散矣。多能鄙事損傷接骨無名異甜瓜子各一兩乳香沒藥各一錢爲末每服五錢熱酒調服小兒三錢服畢以黃米粥塗紙上摻左顧牡蠣末裹之竹篋夾住。談野翁試效方臨杖預服無名異末臨時溫酒服三五錢則杖不甚痛亦不甚傷。除折傷腫毒外無他用故不著簡誤。

綠礬涼無毒治喉痺艸牙口瘡及惡瘡疥癬釀

綠礬

鯽魚燒灰和服療腸風瀉血

一名皂礬般赤醋并爲礬紅又名青

疏○綠礬氣味所稟與白礬同其酸涌澀收燥溼解毒化涎之功亦與白礬相似而力差緩本經主喉痺者酸涌化涎之功也艸牙口瘡惡瘡疥癬者燥溼除熱解毒之功也腸風瀉血者消散溼熱之後復有收澀之功也然



而諸治之外又善消積滯凡腹中堅肉積諸藥不能化者以礬紅同健脾消食藥爲丸投之輒消

主治叅互

得紅麴山查肉豆蔻消肉積加麥芽橘皮草果檳榔三稜蓬茂消一切肉積及米麩食堅積脾病黃腫用綠礬四兩煨成赤珠子當歸四兩酒浸七日焙百草霜三兩爲末以浸

藥酒打糊丸梧子大每服五丸至七丸溫水下一月後黃去立效楊真人濟急方酒黃水腫黃腫積痛青礬半斤醋一大碗和勻瓦盆內煨乾爲度平胃散烏藥順氣散各半兩爲末醋煮糊丸梧子大薑湯下二三十丸救急方食勞黃病身目俱黃青礬鍋內安炭煨赤米醋拌爲末棗肉和丸梧子大每服二三十九食後薑湯下聖惠方腹中食積綠



之立斃

綠礬礬紅雖能消肉食堅積然能令人作瀉
胃弱人不宜多用服此者終身忌食蕎麥犯
漿水漱淨摻之應加龍腦雄黃蓬砂芒硝
簡誤

鐵鏽主惡瘡疥癬和油塗之蜘蛛蟲等咬和蒜
磨傅之

一名
鐵衣

疏○鐵鏽得金氣之英華其味應辛苦氣應
寒惡瘡疥癬溼熱所生蜘蛛蟲咬毒氣傷血
辛苦能除溼熱寒能解熱毒氣故主之也又
秘法取露天入土者研極細同蟾酥腦麝以
金鍼刺入疔瘡中令至根然後以藥塞入能



拔疔根輒效蓋疔腫未有不因肝經風熱所致此藥屬金善能平木故有如是之功普濟方疔腫初起多年土內鏽釘火煨醋淬刮下鏽末研細每用少許人乳和挑破傅之

神農本草經疏卷之四

玉石部中品

總八十七種今疏其要者一十八種

雄黃 石硫黃 食鹽

水銀 石膏 金屑

靈砂 水銀粉 磁石

凝水石 陽起石 蜜陀僧

鐵落 珊瑚 瑪瑙



拔疔根輒效蓋疔腫未有不因肝經風熱所致此藥屬金善能平木故有如是之功普濟方疔腫初起多年土內鏽釘火煨醋淬刮下鏽末研細每用少許人乳和挑破傳之

神農本草經疏卷之四

玉石部中品

總八十七種今疏其要者一十八種


雄黃 石硫黃 食鹽

水銀 石膏 金屑

靈砂 水銀粉 磁石

凝水石 陽起石 蜜陀僧

鐵落 珊瑚 瑪瑙




太陰玄精 土蜂窩上細土

胡燕窩內土

雄黃味苦甘平寒大溫有毒主寒熱鼠瘻惡瘡
疽痔死肌療疥蟲蠹瘡目痛鼻中息肉及絕筋
破骨百節中大風積聚癰氣中惡腹痛鬼疰殺
精物惡鬼邪氣百蟲毒勝五兵殺諸蛇虺毒解
藜蘆毒悅澤人而鍊食之輕身神仙餌服之皆
飛入人腦中勝鬼神延年益壽保中不肌得銅

可作金

疏○雄黃稟火金之性得正陽之氣以生本
經味苦平氣寒有毒別錄加甘大溫甄權言
辛大毒察其功用應是辛苦溫之藥而甘寒
則非也氣味俱厚升也陽也入足陽明經其
主殺精物惡鬼邪氣及中惡腹痛鬼疰者蓋
以陽明虛則邪惡易侵陰氣勝則精鬼易憑
得陽氣之正者能破幽暗所以殺一切鬼邪



勝五兵也。寒熱鼠瘻惡瘡疽痔死肌疥蟲匿
瘡諸證皆溼熱留滯肌肉所致。久則浸淫而
生蟲。此藥苦辛能燥溼殺蟲。故爲瘡家要藥。
其主鼻中息肉者。肺氣結也。癰氣者。大腸積
滯也。筋骨斷絕者。氣血不續也。辛能散結滯。
溫能通行氣血。辛溫相合而殺蟲。故能搜剔
百節中大風積聚也。虺蛇陰物。藜蘆陰草。雄
黃稟純陽之氣。所以善殺百蟲。蛇虺毒及解

藜蘆毒也。別錄復有目痛及悅澤人面之語。
悉非正治。鍊餌之法。出自仙經。以銅爲金。亦
黃白術中事耳。

主治參互

同紅白藥子白及白歛乳香沒藥水片傳一
切腫毒癰疽。研細末入猪胆內。套指頭上。
治天蛇疔毒發於中指。同金頭蜈蚣牛角
腮猪懸蹄。猬皮象牙末黃蠟白礬治通腸漏。



同漆葉苦參刺蒺藜白芷荆芥天麻鼈蝨
胡麻半枝蓮豨蝨百部天門冬治天麻風眉
毛脫落 治暑毒瘡癩百法不效用雄黃研
細水飛九次竹筒盛蒸七次再研蒸餅和丸
梧子大每服甘草湯下七丸日三服其辭云
暑毒在脾溼氣連脚不泄則痢不痢則瘡獨
煉雄黃蒸餅和藥別作治療醫家大錯此管
人夢中所得之方今試之輒效 聖惠方傷

寒狐惑蟲食下部痛痒不止雄黃半兩燒於
瓶中熏其下部 肘後方五尸疰病發則變
痛無常昏恍沉重纏結臟腑上衝心脇卽身
中尸鬼接引爲害也雄黃大蒜各一兩杵丸
彈子大每熱酒服一九 夏氏奇疾方筋肉
蟲有蟲如蟹走於皮下作聲如小兒啼爲筋
肉之化雄黃雷丸各一兩爲末摻猪肉上炙
熟喫盡自安 積德堂方廣東惡瘡雄黃一



錢半杏仁三十粒去皮輕粉一錢爲末洗淨
以雄豬胆汁調上二三日卽愈百發百中天
下第一方也出武定侯府內入龍腦少許尤
良

簡誤

雄黃殺蛇蟲咬毒及傳疥癬惡瘡疔腫辟鬼
魅邪氣在所必用然而性熱有毒外用易見
其所長內服難免其無害凡在服餌中病乃

已毋盡劑也

石硫黃味酸溫大熱有毒主婦人陰蝕疽痔惡
血堅筋骨除頭禿療心腹積聚邪氣冷癬在脇
欬逆上氣脚冷疼弱無力及鼻衄惡瘡下部蠹
瘡止血殺疥蟲

能乾汞中其毒者黑鉛
煎湯解之或食冷猪血

疏○石硫黃稟火氣以生本經味酸氣溫有
毒別錄大熱黃帝雷公鹹有毒氣味俱厚純
陽之物也入手厥陰經經曰寒淫於內治以



溫熱冷癢在脇欬逆上氣寒邪在中也非溫劑無以除之又曰鞭則氣堅鹹以軟之心腹積聚邪氣堅積在中也非鹹劑無以軟之命門火衰則爲脚冷疼弱無力下焦溼甚則爲陰蝕疽痔腫瘡酸溫能補命門不足大熱能除下焦溼氣故主之也其主頭禿惡瘡疥蟲者悉取其除溼殺蟲之功耳本經又主堅筋骨及別錄療鼻衄止血者皆非其所宜夫熱

甚則骨消筋緩火載血上則錯經妄行豈有大熱之物反能療是證哉無是理也

主治參互

入雞子同艾葉煑食治婦人白帶因於虛寒者聖惠方諸瘡弩肉如蛇出數寸硫黃末一兩肉上薄之卽縮救急良方疥瘡有蟲硫黃末以雞子煎香油調搽極效

簡誤




硫黃古方未有服餌者本經所用止於治瘡
蝕攻積聚冷氣脚弱等而近世遂爲常服丸
散如來復丹半硫丸金液丹黑龍丹及諸方
書所載者不可縷指稱其功用亦未能殫述
然而人身之中陽常有餘陰常不足病寒者
少病熱者多苟非真病虛寒胡可服此大熱
毒藥假令果係虛寒證法當補氣以回陽亦
何須藉此毒石哉世人徒知其取效良捷而

不知其爲害之酷烈也戒之戒之

食鹽味鹹溫無毒主殺鬼蠱邪疰毒氣下部腫
瘡傷寒寒熱吐胸中痰癖止心腹卒痛堅肌骨
多食傷肺喜欬

疏○鹽稟水氣以生洪範潤下作鹹素問水
生鹹此鹽之根源也本經味鹹別錄鹹溫無
毒察其本具氣味則是鹹寒而非溫也氣薄
味厚陰也降也入足少陰亦入手少陰足陽



明手太陰陽明經其主腸胃結熱喘逆胸中
病及傷寒寒熱者皆熱邪在陽明也經曰熱
淫於內治以鹹寒正此之謂也五臟苦欲補
瀉云心欲軟急食鹹以軟之以鹹補之心虛
則邪熱客之而卒痛鹹寒能除熱補心故主
心腹卒痛也凡溼熱在下焦則爲蠱瘡留著
經絡則肌骨軟鹹寒能除溼熱故主之也或
以爲鹹能軟堅又何以堅肌骨不知肌骨軟

緩皆溼熱所致經曰熱則骨消筋緩又曰體
重附腫肉如泥皆屬於溼如夏月溼熱大盛
則肉食易於潰散得鹽性之鹹寒乃能堅久
不腐也鹹味涌泄所以能吐胸中痰癖及鬼
蠱邪疰毒氣悉皆吐出也多食傷肺喜欬者
肺主清肅多食則鹹味漬入肺竅故令欬也
目華子以之助水臟及霍亂心痛金瘡明目
止風淚邪氣一切蟲傷瘡腫火灼通大小腸



療疝氣諸治悉取其入腎入心走血軟堅除
熱潤下之功耳

主治參互

炒鹽三錢以炒砂仁五錢爲末泡湯井水澄
冷灌下治霍亂心腹絞痛有效一味炒作
湯治心經火熱作痛柳柳州纂救三死方
治霍亂上不得吐下不得瀉氣絕欲死者用
鹽一大匙熬令黃童子小便一升合和溫服

少頃吐下卽愈也孫真人方卒中尸道服

鹽湯取吐效甄權藥性論中惡心痛鹽如

雞子大青布裹燒赤納酒中頓服當吐惡物

愈唐璠經驗方風熱牙痛以槐枝煎濃湯

二盞入鹽一斤煮乾炒研日用揩齒以水洗

目梅師方蜈蚣咬人嚼鹽塗之或鹽湯洗

之妙經驗方蚯蚓咬毒形如大風眉鬚皆

落惟濃煎鹽湯浸身數遍卽愈浙西將軍張



韶病此每夕蚯蚓鳴於體一僧用此方而安
蚯蚓畏鹽故也

簡誤

內經曰鹹走血血病無多食鹹多食則脉凝
泣而色變凡血病及喘嗽水腫消渴法所大
忌以其或傷肺引痰或泣血脉或助水邪或
走精液故也

水銀味辛寒有毒主疥癩癩瘍白禿殺皮膚中

蝨墮胎除熱以傅男子陰陰消無氣殺金銀銅

錫毒鎔化還復爲丹久服神仙不死一名汞

得鉛

則凝得硫則結併棗肉人唾研則散別法煨爲
膩粉粉霜得紫河車則伏得川椒則收

疏○水銀從石中迸出爲石汞從丹砂中出
者爲硃裏汞卽丹砂中液也稟至陰之氣而
有汞故其味辛其氣寒而有毒善能殺蝨其
性下走無停歇故本經以之主疥癩癩瘍白
禿殺皮膚中蝨及墮胎除熱也至陰之精能




消陽氣故不利男子陰也神仙不死之說必
得鉛華相合乃能收攝真氣凝結爲丹卽道
家所謂太陽流珠常欲去人卒得金華轉而
相因之旨也伏鍊五金爲泥以其性能殺金
銀銅錫毒也鎔化還復爲丹亦出仙家烹鍊
耳

主治參互

得礬石丹砂芒硝雄黃黑鉛入陽城罐內如
法昇煉名紅粉霜能止痛生肌少加冰片研
勻擦廣瘡有效製法具礬輕粉同大風子
蛇床子樟腦輕粉枯礬雄黃胡桃油治疥癬
蟲瘡肘後方一切惡瘡水銀黃連胡粉熬
黃各一兩研勻傳之乾則以唾調

簡誤

陳藏器曰水銀入耳能食人腦至盡入肉令
百節攣縮倒陰絕陽人患瘡疥多以水銀塗



之性滑重直入肉宜謹之頭瘡切不可用恐
入經絡必緩筋骨寇宗奩云水銀入藥雖各
有法極須審謹有毒故也歷舉學士大夫惑
於方士之說服煅鍊水銀而暴卒者不可勝
數婦人誤服多致絕孕其爲毒害昭昭矣惟
宜外敷不宜內服入口爲厲可不戒哉

石膏味辛甘微寒大寒無毒主中風寒熱心下
逆氣驚喘口乾舌焦不能息腹中堅痛除邪鬼

產乳金瘡除時氣頭痛身熱三焦大熱皮膚熱
腸胃中膈氣解肌發汗止消渴煩逆腹脹暴氣
喘息咽熱亦可作浴湯


堅白明瑩者良浙人呼爲寒水石者真

疏○石膏稟金水之正得天地至清至寒之
氣故其味辛甘其氣大寒而無毒陰中之陽
可升可降入足陽明手太陰少陽經氣分辛
能解肌甘能緩熱大寒而兼辛甘則能除大
熱故本經主中風寒熱熱則生風故也邪火



上衝則心下有逆氣及驚喘陽明之邪熱甚則口乾舌焦不能息邪熱結於腹中則腹中堅痛邪熱不散則神昏譫語同乎邪鬼肌解熱散汗出則諸證自退矣惟產乳金瘡非其用也別錄除時氣頭痛身熱三焦大熱皮膚熱腸胃中膈氣解肌發汗止消渴煩逆腹脹暴氣喘息咽熱者以諸病皆由足陽明胃經邪熱熾盛所致惟喘息咽熱略兼手太陰病

此藥能散陽明之邪熱降手太陰之痰熱故悉主之也甄權亦用以治傷寒頭痛如裂壯熱如火日華子用以治天行熱狂頭風旋指齒東垣用以除胃熱肺熱散陽邪緩脾益氣者邪熱去則脾得緩而元氣回也潔古又謂止陽明經頭痛發熱惡寒日晡潮熱大渴引飲中暑及牙痛者無非邪在陽明經所生病也理陽明則茂不濟矣足陽明主肌肉手太




陰主皮毛故又爲發斑發疹之要品起死回生功同金液若用之甚少則難責其功世醫罔解茲特表而著之

主治參互

仲景白虎湯專解陽明邪熱其證頭疼壯熱口渴煩躁鼻乾目眴眴不得眠畏人聲木聲畏火若勞役人病此元氣先虛者可加人參名人參白虎湯發癰陽毒盛者白虎湯加竹

葉麥門冬知母以石膏爲君自一兩至四兩麥門冬亦如之知母自七錢至二兩竹葉自百片至四百片粳米自一大撮至四大撮甚則更加黃連黃蘗黃芩名三黃石膏湯自一劑至四劑婦人妊娠病此者亦同傷寒汗後煩熱不解竹葉石膏湯主之小兒痧癩發熱口渴唇焦咳嗽多嚏或多痰或作泄竹葉石膏湯加赤檉木枝兩許貝母栝樓根各



二三錢主之發癰亦同甚者加三黃 癰疾
頭痛壯熱多汗發渴亦用竹葉石膏湯二三
劑主之虛者加人參後隨證施治 中暑用
白虎湯虛者加人參 太陽中暈亦用竹葉
石膏湯 胃家實熱或嘈雜消渴善飢齒痛
皆須竹葉石膏湯主之

簡誤

石膏本解實熱祛暑氣散邪熱止渴除煩之
要藥溫熱二病多兼陽明若頭痛遍身骨痛
而不渴不引飲者邪在太陽也未傳陽明不
當用七八日來邪已結裏有燥糞往來寒熱
宜下者勿用暑氣兼溼作泄脾胃弱甚者勿
用瘧邪不在陽明則不渴亦不宜用產後寒
熱由於血虛或惡露未盡骨蒸勞熱由於陰
精不足而不由於外感金瘡下乳更非其職
宜詳察之竝勿誤用



金屑味辛平有毒主鎮精神堅骨髓通利五臟

除邪毒氣服之神仙


寇宗奭曰不日金屑更屑字者是已經磨屑可用之

義必須烹鍊鍛屑為箔方可入藥蘇頌曰金屑古方不見用惟作金箔入藥甚便又古方有金石凌紅雪紫雪華皆取金銀煑汁此通用經煉者假其氣爾生金有毒能殺人且難解有中其毒者惟鷓鴣肉可解之性惡錫畏水銀

疏○金屑稟西方剛利之性善能制木體重而降亦能鎮心心氣怯則驚邪易入精神不安五臟皆為之病肝經風熱則為驚癇失志

魂魄飛揚肝屬木而畏金與心為子母之臟故其病同一源治亦同法本經主鎮驚通利五臟邪氣及甄權療小兒驚傷五臟風癇失志鎮心安魂魄者亦兼實則瀉其子之義也本經又主堅骨髓者以肝心平風熱退則精血生骨髓自堅矣服之神仙乃出自仙經非醫方所述也

主治參互




入至寶丹治中風不語氣絕中惡蠱毒尸疰
難產血暈等證。入牛黃清心丸治諸風緩
縱不隨語言寒瀆恍惚怔忡痰涎壅塞驚恐
怕怖或喜怒無時癡狂昏亂。入紫雪治內
外煩熱口舌生瘡狂呼叫走瘴疫毒癘卒死
溫瘧五尸五疰蠱毒卒黃小兒驚癇百病紅
雪治療略同。金箔鎮心丸治小兒風壅痰
熱驚悸譫妄心神不寧。磨細屑挑開疔瘡

頭上沒入能拔疔根作鍼鍼疔瘡納藥拔疔

簡誤

太清法云金粟中宮陰已之氣性本剛服之
傷肌損骨予見今之以難求死者服金一二
分則心腹剝痛腸胃如裂而斃其爲損傷肌
骨槩可見矣惟作箔入藥可爲鎮心安神之
用如或止因心氣虛以致神魂不安並無驚
邪外入者當以補心安神爲急而非金箔所




能定矣

靈砂味甘溫無毒主五藏百病養神安魂魄益氣明目通血脉止煩滿益精神殺精魅惡鬼氣久服通神明不老輕身神仙令人心靈一名二氣砂

疏○靈砂硫汞制而成乃水火既濟二氣交合奪造化之功竊陰陽之妙可以變化五行升降氣血爲除邪養正扶危救急之靈丹也

故能主五臟百病益精神安魂魄及益氣養神也其主明目通血脉止煩滿殺精魅惡鬼氣者特其餘事耳得陰陽之妙故能令人心靈心靈則神明自通不老輕身神仙所自來矣又能主上盛下虛痰涎壅盛頭旋吐逆霍亂反胃心腹冷痛諸證更爲鎮墜之神丹也
修治用水銀一兩硫黃六銖細研炒作青砂頭後入水火既濟爐抽之如束鍼紋者成



就也又按胡演丹藥秘訣云升靈砂法用新
鍋安道遙爐上蜜揩鍋底文火下燒入硫黃
二兩鎔化投水銀半斤以鐵匙急攪作青砂
頭如有焰起噴醋解之待水不見星取出細
研盛入水火鼎內鹽泥固濟下以自然火升
之乾水十二盞爲度取出夾鍼紋者成矣

主治參互

小兒方霍亂吐逆不問虛實冷熱二氣

散一名青金丹用水銀硫黃等分研不見星
每服一字生薑湯調下 直指方冷氣心痛
靈砂三分五靈脂一分爲末稀糊丸麻子大
每服二十九食前石菖蒲生薑湯下 又方
九竅出血因暴驚而得其脉虛者靈砂丹三
十粒人參湯下三服愈此證不可認作血得
熱則妄行而用涼藥誤矣何者驚則氣浮神
魂發越陽氣暴壅故也得鎮墜則神魂復安



而血自循經矣。和劑局方有養正丹又名交泰丹。用黑鉛硃砂水銀硫黃炒成卽靈砂意也。其用亦與靈砂略同。


簡誤

靈砂雖稱水火既濟陰陽配合然而硃汞有
毒性亦下墜止可藉其墜陽交陰却病于一
時安能資其養神益氣通靈于平日哉。凡胃
虛嘔吐傷暑霍亂肺熱生痰病屬于虛非關

驟發者咸在所忌。

水銀粉味辛冷無毒主通大腸傳小兒疳痺瘰
癧殺瘡疥癬蟲及鼻上酒皸風瘡瘙痒又名汞
粉輕粉膩粉。畏磁石石黃忌一切血本出於丹砂故也土茯苓黑鉛鐵漿可制其毒。


疏○水銀粉升鍊水銀而成其味本辛氣冷
無毒療體與水銀相似第其性稍輕浮爾大
腸熱燥則不通小兒疳痺因多食甘肥腸胃



結滯所致辛涼總除腸胃積滯熱結故主之也其主癩癧瘡疥癬蟲及鼻上酒皸風瘡瘙痒者皆從外治無非取其除熱殺蟲之功耳升煉輕粉法用水銀一兩白礬二兩食鹽一兩同研不見星鋪於鐵器內以小烏盆覆之鹽泥封固盆口以炭火打三炷香取開則粉升於盆上矣

主治參互

活幼口議小兒吮乳不止服此立效膩粉一錢鹽豉七粒去皮研勻丸麻子大每服三丸藿香湯下。經驗方小兒吃泥及膿肚用膩粉一分砂糖和丸麻子大空心米飲下一丸良久泄出泥土瘡。聖惠方大小便閉脹悶欲死二三日則殺人膩粉一錢生麻油一合相和空心服。萬表積善堂方下疳陰蝕瘡輕粉末乾摻之卽結靨而愈。永類鈴方廉




瘡不合葱汁調輕粉傅之 又秘法升丹靈

藥方治癰疽惡瘡楊梅諸瘡拔毒長肉神驗
水銀二兩黑鉛七錢硃砂雄黃各三錢白礬
火硝各二兩半其法先用鉛化開投水銀凝
成餅入硃砂雄黃研勻然後將硝礬鎔化投
前四味末入內離火急攪令勻用陽城確盛
之鐵盞蓋口上架鐵梁鍊線紫緊鹽泥固濟
神仙爐內文武火升鍊盞中時時以水擦之

火漸加以三分爲率每焚官香一炷則加一
分如是鍊三炷官香爲度候冷取開於盞底
刮取研如飛麴甘草湯飛過三次入龍腦香
少許點廣瘡上數數以指蘸藥按之三日自
脫神方也

簡誤

水銀粉下膈涎消積滯并小兒涎潮瘰癧藥
多用然而其性有毒走而不守若服之過劑



或不得當則毒氣熏蒸竄入經絡筋骨莫之
能出痰涎既去血液隨亡筋失所養營衛不
從變爲筋攣骨痛或結腫塊漏瘡或手足皸
裂頑痺等證遂成痼疾貽害無窮蓋此物本
成於汞則汞之毒尚存又得火煨則火之毒
氣未出本經言其無毒誤也凡閉結由於虛
血不能潤澤小兒疳病脾胃兩虛小兒慢驚
痰涎壅上楊梅結毒發於氣虛久病之人咸

不宜服宗奭有云病屬於驚尤須審謹蓋驚
爲心氣不足不可下下之裏虛驚氣人心不
可治其人本虛便須禁此慎之至也


磁石味辛鹹寒無毒主周痺風溼肢節中痛不
可持物洗洗酸消除大熱煩滿及耳聾養腎藏
堅骨氣益精除煩通關節消癰腫鼠瘦頸核喉
痛小兒驚癇鍊水飲之亦令人有子一名玄石

即吸鍊石入藥須火燒醋淬
研末水飛或醋煑三日候



疏○磁石生於有鐵處得金水之氣以生本
經味辛氣寒無毒別錄甄權鹹有小毒大明
甘瀟平藏器鹹溫今詳其用應是辛鹹微溫
之藥而甘寒非也氣味俱厚沉而降陽中陰
也入足少陰兼入足厥陰經其主周痺風溼
肢節中痛不可持物洗洗酸者皆風寒溼三
氣所致而風氣尤勝也風溼末疾發於四肢
故肢節痛不能持物風溼相搏久則從火化

而骨節皮膚中洗洗酸也辛能散風寒溫能
通關節故主之也鹹爲水化能潤下軟堅辛
能散毒微溫能通行除熱故主大熱煩滿及
消癰腫鼠瘻頸核喉痛者足少陽少陰虛火
上攻所致鹹以入腎其性鎮墜而下吸則火
歸元而痛自止也夫腎爲水臟磁石色黑而
法水故能入腎養腎臟腎主骨故能強骨腎
藏精故能益精腎開竅於耳故能療耳聾腎



主施泄久秘固而精氣盈益故能令人有子
小兒驚癇心氣怯痰熱盛也鹹能潤下重可
去怯是以主之甄權云補男子腎虛風虛身
強腰中不利加而用之宗奭云養腎氣填精
髓腎虛耳聾目昏者皆用之

主治參互

直指方耳卒聾閉吸鐵石半錢入病耳內鐵
砂末入不病耳內自然通透 千金方陽事

不起磁石五斤研清酒漬二七日每服三合
日三夜一 倪微德原機啓微集眼昏內障
神光寬大漸散昏如霧露中行漸睹空花物
成二體久則光不收及內障磁硃丸真磁石
火煨醋淬七次二兩硃砂一兩神曲生用三
兩爲末更以神麩末一兩煮糊加蜜丸梧子
大每服二十丸空心飯湯下 千金方金瘡
血出磁石末傅之止痛斷血 諸藥石皆有



毒且不宜久服獨磁石性稟冲和無猛悍之氣更有補腎益精之功故不著簡誤大都漬酒優於丸散石性體重故爾

凝水石味辛甘寒大寒無毒主身熱腹中積聚邪氣皮中如火燒煩滿水飲之除時氣熱盛五臟伏熱胃中熱煩滿止渴水腫小腹痺久服不饑一名寒水石一名白水石色如雲母可析者良鹽之精也

石膏亦名寒水石與此不同

疏○凝水石生於鹵地稟積陰之氣而成本經味辛氣寒別錄加甘大寒無毒經曰小熱之氣涼以和之大熱之氣寒以取之又曰熱淫於內治以鹹寒大寒微鹹之性故主身熱邪氣皮中如火燒煩滿及時氣熱盛五臟伏熱胃中熱也易飢作渴亦胃中伏火也甘寒除陽明之邪熱故能止渴不飢水腫者溼熱也小便多不利以致水氣上溢於腹而成腹



痺辛鹹走散之性故能除熱利竅消腫也療
腹中積聚者亦取其辛散鹹軟之功耳

主治叅互

永類方男女轉脬不得小便寒水石二兩滑
石一兩葵子一合爲末水一斗煮五升時服
一升卽利 經驗方小兒丹毒皮膚熱赤寒
水石半兩白土一分爲末米醋調塗之

簡誤

凝水石按本文云鹽之精則與石膏方解石
大相懸絕矣因石膏有寒水石之名而王隱
君復云寒水石又名方解石以致混淆難辨
其功能各不同用者自宜分別生鹵地味辛
鹹碎之如朴硝者是凝水石其氣大寒能除
有餘邪熱凡陰虛火旺咳嗽吐血多痰潮熱
骨蒸并脾胃作泄者不宜服經曰諸腹脹大
皆屬於熱者宜之諸溼腫滿屬脾土者忌之



太宜詳審慎勿有誤

陽起石味鹹微溫無毒主崩中漏下破子藏中
血癥瘕結氣寒熱腹痛無子陰痿不起補不足
療男子莖頭寒陰下溼痒去臭汗消水腫久服
不飢令人有子

白色瑩明若狼牙者爲上凡用火煨酒淬七次研細木飛日乾

疏○陽起石稟純陽之氣以生本經味鹹氣
微溫無毒觀圖經所載齊州陽起山其山常
有煖氣雖盛冬大雪徧境獨此山無少積蓋

石氣熏蒸也其爲氣之溫煖當不甚微矣味
鹹而氣溫入右腎命門補助陽氣并除積寒
宿血畱滯下焦之聖藥故能主崩中漏下及
破子臟中血癥瘕結氣寒熱腹痛及男子莖
頭寒陰痿不起陰下溼痒令人有子也真陽
足則五臟之氣充溢邪溼之氣外散故久服
不飢并去臭汗也別錄又主消水腫者蓋指
真火歸元則能煖下焦熏蒸糟粕化精微助



脾土以制水也

主治參互

同破故紙鹿茸臘胸臍菟絲子狗陰莖肉菘
容巴戟天治命門虛寒陰痿不起精寒無嗣
服之能令陽道豐隆使人有子總治男子九
醜之疾

簡誤

陰虛火旺者忌之陽痿屬於失志以致火氣
閉密不得發越而然及崩中漏下由於火盛
而非虛寒者竝不得服


蜜陀僧味鹹辛平有小毒主久痢五痔金瘡面

上癩野面膏藥用之

舊出南閩中銀銅治處今甚難得但取真銷銀鋪鑪

底用

疏○蜜陀僧感銀銅之氣而結故其味鹹辛
氣平有小毒久痢五痔大腸溼熱積滯也辛
主散結滯鹹主潤下除熱大腸清寧則久痢



五痔自瘳矣體重能消磨堅積味鹹能入血涼血故又主金瘡及滅面上癩黚也

主治參互

聖惠方鼻皴赤炮蜜陀僧二兩細研人乳調夜塗旦洗活人心鑑夏月汗癩如癩用蜜陀僧入錢雄黃四錢先以薑片擦熱仍以薑片醮末擦之次日卽焦壽域方骨疽出骨一名多骨瘡不時出細骨乃母受胎未及一

月與六親骨肉交合感其精氣故有多骨之名以蜜陀僧末桐油調勻攤貼之卽愈

簡誤

蜜陀僧惟治黚傳面外今人無復用以服食者大都可外敷不可內服此藥難得真者銷銀爐底乃硝銅之氣所結能爛一切物故益不宜輕用

鐵落味辛甘平無毒主風熱惡瘡疽瘡痂疥



氣在皮膚中除胸膈中熱氣食不下止煩去黑
子可以染皂

疏○鍊落是銀家燒鐵赤沸砧上煨之如皮
甲落下者本出於鍊不離金象體重而降故
素問有生鍊落飲以療病狂怒者云生鍊落
下氣疾也又狂怒屬肝氣暴升故取金氣以
制之也其主氣在皮膚中及除胸膈中熱氣
食不下止煩者皆制木散熱之功也本經又

主風熱惡瘡瘍疽瘡痂疥者皆肝心火熱所
致辛平能除二經之火熱故主之也蘇恭以
之炒熱投酒中飲療賊風瘧大明治驚邪癩
癩小兒客忤並煎服之悉此意耳

主治參互

鐵稱錘燒紅淬入米泔中百次乘熱熏洗陰
癬頑瘡皆有效別敷殺蟲涼血藥彌佳
珊瑚味甘平無毒主宿血去目中腎鼻衄末吹



鼻中

疏○珊瑚得水中之陰氣以生味甘氣平性
主消散故能去目中腎及消宿血止鼻衄也

主治參互

同貝子真珠瑪瑙琥珀石蟹爲極細末點入
目中去膚腎 甘平無毒主療亦稀故無簡
誤

瑪瑙味辛寒無毒主辟惡熨目赤爛

疏○瑪瑙玉之屬也觀陳藏器云研木不熱
其性寒可知矣寒而帶辛故能辟惡及熨目
赤爛也同珊瑚輩爲末點目去障翳尤妙
太陰玄精味鹹溫無毒主除風冷邪氣溼痺益
精氣婦人痼冷漏下心腹積聚冷氣止頭疼解
肌其色青白龜背者良

疏○大陰玄精出於鹽鹵之地乃至陰之精
凝結而成故其形皆六出象老陰之數也本



經味鹹氣溫無毒然詳其所主味應帶辛氣
應作寒非辛寒則不能除風冷邪氣淫痺及
止頭疼解肌等證鹹能軟堅故主心腹積聚
鹹能潤下入腎滋水故主益精氣本經誤認
爲溫故有婦人痢冷漏下冷氣之治皆非所
宜也

主治參互

圖經本草正陽丹治傷寒二日頭疼壯熱四

肢不利太陰玄精石硝石硫黃各二兩蓬砂
一兩細研入瓶固濟以火半斤於瓶子周一
寸煬之約近半日候藥青紫色住火待冷取
出用臘月雪水拌勻入罐子中屋後井陰下
陰乾又入地理二七日取出研細麩糊丸雞
頭實大先用熱水浴後以艾湯研下一丸以
衣蓋汗出爲瘥入來復丹治緩急諸病但
有胃氣無不獲安



簡誤

傷寒陰證不宜服鹹能走血用以引經入腎則可多則反瀉腎傷血矣血病無多食鹹戒之

土蜂窩上細土

本經無氣味云主腫毒醋和爲泥傅之亦主蜘蛛咬必是甘平無毒之物甘爲土化故能解諸毒也

胡燕窩內土無毒主風瘙癢癰及惡刺瘡浸淫瘡遍身至心者死竝水和敷之

疏○胡燕卽玄鳥春分後至窠取四方溼土爲之其氣味必甘寒故藏器以之療諸瘡瘍蓋諸痛痒瘡瘍皆屬心火而甘寒最能解火毒土性能化一切毒故也


主治參互


入回燕膏貼癰瘰有效回燕者朝北燕窠土



神農本草經疏卷之四


也
上
也







國立中央圖書館, TAIWAN, R.O.C.





NATIONAL CENTRAL LIBRARY, TAIWAN, R.O.C.






NATIONAL CENTRAL LIBRARY TAIWAN R.O.C.







國立中央圖書館, TAIWAN, R.O.C.



神農本草經疏卷之五

玉石部下品

總九十三種今疏其要者二十三種

伏龍肝

石灰

百草霜附

砒霜

鑄墨

硃砂

鉛丹

鉛

粉錫

東壁土

赤銅屑


銅青

井底泥

代赭

戎鹽

地漿



自然銅

梁上塵

礞石

麥飯石

花乳石

蓬砂

鉛霜

古文錢

伏龍肝味辛微溫主婦人崩中吐血止欬逆止


血消癰腫毒氣此竈中對釜月下黃土以年久如赤色石中黃者佳研細水飛

用

疏○伏龍肝得火土之氣而成本經味辛氣微溫無毒甄權言鹹其質本土味應有甘以

竈有神故古方多以之治顛狂寐魘及卒中邪惡等證本經主婦人崩中吐血止欬逆止血者蓋以失血過多中氣必損甘能補中微溫能調和血脈故主之也消癰腫毒氣者辛散鹹軟之功也日華子主催生下胞及小兒夜啼者取其土中有神而性本冲和復能鎮重下墜也

主治參互



千金方卒中惡氣伏龍肝末一雞子大水服
取吐救急方產後血氣攻心痛惡露不下
竈中心土研末酒服二錢瀉出惡物立效
傷寒類要妊娠熱病伏龍肝末雞子許大水
調服之仍以水和塗臍上方寸乾則再上
外臺秘要一切癰腫伏龍肝以蒜和作泥貼
之乾再易或雞子黃和亦可

簡誤

陰虛吐血者不宜用以其中有火氣故也癰
腫毒盛難消者不得獨用

石灰味辛溫主疽瘍疥癢熱氣惡瘡癩疾死肌
墮眉殺痔蟲去黑子息肉療髓骨疽

疏○石灰燒青石而成故其味辛氣溫本經
不言其毒觀所主皆不入湯其爲毒可知矣
火氣未散性能灼物故主去黑子息肉及墮
眉也其主疽瘍疥癢熱氣惡瘡癩疾死肌髓



骨疽者皆風熱毒氣浸淫於骨肉皮膚之間
辛溫能散風熱毒氣且能蝕去惡肉而生新
肌故爲諸瘡腫毒要藥也辛而燥故又能殺
痔蟲古方多用合百草團未治金瘡殊勝者
以其性能堅物使不腐壞且血見石灰則止
而百草又能活血涼血故也

○古墓中石灰名地龍骨火毒已出燥烈大減
故主頑瘡瘦瘡膿水淋漓及歛諸瘡口尤效

○船油灰名水龍骨得油性之潤復得水氣
之陰故主金瘡跌撲傷損破皮出血及諸瘡
瘦血風腫瘡也

○主治參互
入三仙膏點一切癰疽腫毒輕者可消重者
勢亦減
普濟方疣痣癩贅石灰一兩用桑
灰淋汁熬成膏刺破點之
又方去癰疽瘡
肉石灰半斤麥稈灰半斤淋汁煎成霜密封



每以針劃破塗之自腐落有毒不入湯丸故
無簡誤

○百草霜乃煙氣結成其味辛氣溫無毒辛主
散故能消化積滯及下食也凡血見灰則止
此藥性能止血復能散瘀滯故主上下諸血
及崩中帶下胎前產後諸病

主治參互

筆峰雜興方胎動下血或胎已死百草霜二

錢櫻灰一錢伏龍肝五錢爲末每服二錢白
湯入酒及童便調下 杜壬方治橫生倒逆
胎前產後虛損月候不調崩中帶下百草霜
白芷等分爲末每服二錢童子小便醋各少
許調勻熱湯化服不過二服瘥

簡誤

雖能止血無益腸胃救標則可治本則非故
不宜多服



砒霜味苦酸有毒主諸瘧風痰在胸膈可作吐
藥不可久服能傷人飛鍊砒黃而成

畏葶豆冷水入藥醋

者莫殺
毒用

疏○砒霜稟火之毒氣復兼煅煉本經雖云
味苦酸而其氣則大熱性有大毒也酸苦涌
泄故能吐諸瘧風痰在胸膈間大熱大毒之
物故不可久服能傷人也更善落胎及枯痔
殺蟲

簡誤

按砒黃既已有毒見火則毒愈甚而世人多
用砒霜以治瘧不知內經云夏傷於暑秋必
痲瘧法當清暑益氣健脾是爲正治豈宜用
此大熱大毒之藥如果元氣壯實有痰者服
之必大吐雖暫獲安而所損真氣實多矣初
燒霜時人在上風十餘丈外立下風所近草
木皆死以之毒鼠鼠死貓犬食之亦死人服



至一錢許則立斃若得酒及燒酒服則腸胃腐爛頃刻殺人雖菘豆冷水亦難解矣其於鈎吻射罔之毒殆又甚焉奈何今人用之治瘡是以必死之藥治必不死之病豈不誤哉除枯痔殺蟲用於外傳之藥此外慎毋服之切戒切戒

鎔墨主蟲毒中惡血暈吐血亦塗金瘡生肌止

血

疏○鎔墨釜月中墨也本經無氣味然觀其所主大約與伏龍肝相似而其用則少劣也凡血見灰見黑則止蟲毒惡氣得辛溫則散故本經主蠱毒中惡吐血血暈以酒或水細研溫服亦塗金瘡生肌止血也慎勿入傅面瘡藥中其黑入肉如黥不能去也血暈宜用米醋研服

硃砂味鹹苦辛溫有毒不宜多服主積聚破



結血爛胎止痛下氣療欬嗽宿冷去惡肉生好
肌柔金銀可爲鐸藥形如牙硝光淨者良

凡用水飛

去塵穢入焚器
中重湯煮乾

疏○礪砂乃鹵液所結秉陰毒之氣含陽毒
之精其味極鹹極苦極辛氣溫有毒甄權酸
鹹有大毒能消五金八石腐壞人腸胃生食
之化人心爲血其毒之猛烈如此可畏矣其
主積聚結血宿冷者以鹹能入血軟堅辛能

散結溫能除冷故也積聚散則痛自止氣自
下因寒以致頑痰壅結則欬作故暫用以
散之柔金化石之性故能爛胎及去惡肉也
金石見之卽化其能生好肌乎此前人之誤
耳

主治叅互

普濟方損目生瘀赤肉弩出不退杏仁百粒
蒸熟去皮尖研濾取淨汁入礪砂末一分水



煑化日點一二次自落。白飛霞方鼻中息肉礪砂點之卽落此方須入明礬牛黃鉛粉象牙末真珠末乃佳。集效方面上疣目礪砂少許礪砂鐵鏞麝香等分研搽三次自落急以甘草汁浸洗。

簡誤

按礪砂大熱有毒之物近出於唐世而方書不著古人單服一味伏火作丸子亦有兼礪

黃馬牙硝葦合餌者不知方出何時殊非古法此物雖能攻積聚凝結化有形癖塊然多食腐壞人腸胃觀其柔化金銀銅錫及庖人煮硬肉入礪少許卽爛可以類推矣惟去惡肉及惡瘡息肉目翳弩肉是其所長亦須與真牛黃龍腦鉛華象牙末等同用其內服諸方雖唐慎微已收附本草末然服必害人命悉不敢載一名狄鹽一名北庭砂一名氣砂



一名透骨將軍中其毒者生菘豆研汁一二升飲之畏漿水忌羊血

鉛丹味辛微寒主吐逆胃反驚癇癩疾除熱下

氣止小便利除毒熱臍攣金瘡溢血鍊化還成

丸光久服通神明

自炒成者佳市中多雜砂土礬紅不堪用

疏○鉛丹即熬鉛所作黃丹故其味辛氣微

寒性應無毒鉛稟先天壬癸之氣得火成丹

則又有靈通變化之神其體重而降胃反吐

逆火氣上升也驚癇癩疾心氣虛怯也得潤

下鎮重之性則火不上炎熱氣自下心腎得

交而前證除矣稟天一所生之氣故能除熱

毒及金瘡溢血也止小便利者心與小腸為

表裏心神寧斂則小便自有節也臍攣者即

小兒臍風也風熱入肝則筋自攣急辛寒鎮

重能散風熱金液之性能平肝木故主之也

久服通神明者以其得先天之氣故能鎮心



安神也。今世又用以解散熱毒，長肉去瘀，治惡瘡腫毒，及入膏藥爲外科必用之物。

主治參互

單用傅瘡能止痛，長肉生肌。入一切膏藥貼惡瘡腫毒。仲景柴胡加龍骨牡蠣湯治傷寒八九日下之胸滿煩驚，小便不利，譫語身重者，鉛丹、龍骨、柴胡、牡蠣、黃芩、生薑、人參、桂枝、茯苓各一兩，半夏二合，半大黃二兩。

十

棗六枚以水八升煮取四升，內大黃更煮一兩沸，去渣溫服一升。集驗方治吐逆不止。碧霞丹黃丹四兩，米醋半升，煎乾炭火三秤，就銚內煨紅，冷定爲末，粟米飯丸，梧子大，每服七丸，醋湯下。劉涓子鬼遺方小兒癰瘡壯熱不寒，黃丹二錢，蜜水和服，冷者酒服。名鬼哭丹。痘疹方痘疹生，翳黃丹輕粉等分爲末，吹少許入耳內，左患吹右，右患吹左。

子母秘錄小兒重舌黃丹一豆大安舌下

十一

普濟方小兒口瘡糜爛黃丹一錢生蜜一兩
相和蒸黑每以雞毛蘸搽甚效 集玄方金
瘡出血不止以藥速合則內潰傷肉只以黃
丹滑石等分爲末傅之 陸氏積德堂方血
風腫瘡黃丹一兩黃蠟一兩香油五錢熬膏
先以葱椒湯洗貼之 集效方遠近腫瘡黃
丹水飛炒黃礬酒浸七日焙各一兩輕粉半

兩研細以苦茶洗淨輕粉填滿次用黃丹護
之外以礬末攤膏貼之勿揭動一七見效

簡誤

吐逆由於胃虛及因寒發吐者皆不宜服

鉛味甘無毒鎮心安神治傷寒毒氣反胃嘔噦
蛇蝎所咬炙熨之

疏○鉛稟先天壬癸之氣以生一者數之始
水者物之初故曰天一生水中含生氣爲萬



物之先金丹之母八石之祖五金之寶壬金
爲清癸水爲濁清爲陽氣濁爲陰質陽氣爲
生陰質有毒範以法象招攝陰陽烹煉得宜
是成丹藥餌之仙去生氣之初味因應甘潤
下之性無毒可知心藏神而法火寧謐則安
妄炎則病重而潤下使水火既濟而不妄炎
故主鎮心安神傷寒毒氣者卽陽證熱毒也
先天真水性含生氣而屬至陰故能解之也

反胃嘔噦者火氣上浮陰陽將離故氣逆升
而發嘔噦也茲得鎮墜以下之則陽火歸元
而前病自止矣蛇蝎之毒無非熱氣諸毒得
水則解故亦主之也五行萬物之中能解一
切毒氣者無過先天生氣土中冲氣鉛兼有
之故爲解諸毒之首藥也

主治參互

黑鉛入養正丹治一切上盛下虛孤陽發越



上浮煩躁面赤恍忽驚惕嘔吐反胃等證用
此以鎮墜陽氣使火入陰分則上焦得寧而
後可以隨證施治。入黑錫丹治一切下元
虛冷陽氣垂絕陰陽將離及沉寒痼冷諸病。
聖濟錄治小兒驚熱心肺積熱夜臥多驚
鉛霜牛黃各半分鐵粉一分研勻每服一字
竹瀝調下。普濟方驚風痲疾喉閉牙緊鉛
白霜一字蟾酥少許爲末烏梅肉蘸藥於齦

上搯之仍吹通關藥良久便開。聖濟錄治
消渴煩熱鉛白霜枯白礬等分爲末蜜丸芡
實大綿裹含化嚥汁又方鉛白霜一兩黃消
石一兩爲末每冷水服一錢。喉痺腫痛鉛
白霜甘草各半兩青黛一兩爲末醋糊丸芡
子大每含嚥一丸立效。宣明方治口疳齩
爛氣臭血出不拘大人小兒鉛白霜銅綠各
二錢白礬豆許爲末掃之。普濟方梳髮令



黑鉛霜包梳日日梳之勝於染者

十四

簡誤

鉛性沉重未經烹煉癸水之陰質尚存多服能損傷心脾蓋金石與人身氣血異悟真篇云非類難爲巧是已凡脾胃虛寒陽火不足飲食不化下部陰溼諸證法咸忌之

粉錫味辛寒無毒主伏尸毒螫殺三蟲去蠶瘕

療惡瘡墮胎止小便利

一名鉛粉一名胡粉一名官粉

疏○粉錫陶隱居云卽化鉛所作胡粉也其味辛氣寒無毒體用與鉛相似性善殺蟲故去伏尸三蟲蠶瘕寒能解熱毒故療惡瘡毒螫重而下降故能墮胎澀而黏膩故止小便利甄權主積聚不消炒焦止小兒疳痢藏器主久痢成疳和雞子白服以糞黑爲度皆爲其消積殺蟲止痢也附李時珍云胡粉卽鉛之變黑爲白者也其用雖與鉛及黃丹同



內有豆粉蛤粉雜之止能入氣分不能入血
分此爲稍異人服食之則大便色黑者此乃
還其本質所爲色壞還爲鉛也亦可入膏藥
代黃丹用

主治叅互

肘後方勞復食復欲死者水調胡粉少許與
之子母秘錄小兒腹脹或腹皮青色不速
治須臾死胡粉鹽熬色變以摩腹上救急

方杖瘡腫痛水粉一兩赤石脂生一錢水銀
一分以麻油杵成膏攤油紙貼之內消者填
滿緊縛備急方陰股常溼胡粉摻之邵
真人方黃水膿瘡官粉煨黃松香各三錢黃
丹一錢飛礬二錢爲末香油二兩熬膏傅之
備急方小兒疳瘡熬胡粉豬脂和塗集
簡方妒精陰瘡鉛粉二錢銀杏七箇銅銚內
炒至銀杏黃去杏取粉出火毒研搽效聖



惠方翻花惡瘡胡粉一兩臘脂一兩爲末鹽湯洗淨傅之日五次 孫氏集效方血風腫瘡官粉四兩水調入盃內以斬艾燒煙熏乾入乳香少許同研香油調作隔紙膏反覆貼之 千金方小兒丹毒唾和胡粉從外至內傅之 又方瘡傷水溼胡粉炭灰等分脂和塗孔上水卽出也 又方蠅蝮尿瘡酢和胡粉塗之 直指方發背惡瘡諸癰腫好錫粉

二兩真麻油三兩慢火熬以柳枝急攪至滴水成珠入白膠末少許入斃器水浸二日油紙攤貼名神應膏

簡誤

胡粉雖能消疔逐積殺蟲止痢然其性冷走而不守脾胃虛弱者不宜用娠婦忌之

東壁土主下部瘡脫肛

疏○東壁土先得太陽真火之氣其氣溫和




其味甘無毒脾主四肢而惡溼下部生瘡溼
氣侵脾也得陽氣之壯故能燥溼除瘡脫肛
亦大腸溼熱所致甘溫而燥故亦主之藏器
止洩痢霍亂煩悶者取其土能補脾胃溫能
和中也得太陽初氣能祛暑溼之邪故又主
溫瘧及猝中暑熱攪土漿與之卽解

主治參互

甄權法同蜣殼爲末傅豌豆瘡 肘後方藥

毒煩悶欲死者東壁土調水三升頓飲之
通變要法解烏頭毒不拘川烏草烏毒用多
年陳壁土泡湯服之 外臺秘要肛門突出
東壁土一升研末傅肛門頭出處以長皂莢
炙熟互熨之 氣味甘溫性無偏至故不著
簡誤

赤銅屑主賊風反折燒赤銅五斤內酒二斗中
百遍服



疏○赤銅屑日華子云若平微毒亦能接骨
理傷功用與自然銅相等第其性有毒耳本
經主賊風反折者風氣通於肝肝屬木金能
平之故也藏器曰赤銅屑能鐸人骨及六畜
有損細研酒服直入骨損處六畜死後取骨
視之猶有鐸痕可驗朝野僉載云定州崔務
墮馬折足醫者取銅末和酒服之遂瘥及亡
後十年改葬視其脛骨折處猶有銅束之也

打熟銅不堪用

銅青平微毒治婦人血氣心痛合金瘡止血明
目去膚赤息肉生銅皆有青青則銅之精華淘
洗用

疏○銅稟土中陰氣以生青則其英華秀出
於外所結凡銅入地久或沃以鹹酸之味乃
生青其義可見矣本經氣平無毒然觀今人
用入吐風痰藥應是酸苦澀之味而氣則微



寒也酸入肝而主斂故能止血合金瘡風熱入肝經則目生膚翳息肉或赤爛淚出苦寒能除風熱則所苦去而目自明矣本經又主婦人血氣心痛者蓋若能泄結而平則又兼辛散之義也

主治參互

經驗方碧林丹治痰涎潮盛卒中不語及一身風癱用生綠二兩研細水化去石慢火熬

乾取辰日辰時辰位上修合再研入麝香一分糯米粉糊丸彈子大陰乾卒中者每丸作二服薄荷酒研下吐出青碧涎瀉下惡物大效又方口鼻疔瘡人中白一錢銅綠三分研傅之本衛生易簡方爛弦風眼銅青水調塗盪底以艾重乾刮下塗爛處

共九簡誤

目痛膚翳不由風熱外侵而因於肝虛血少



者非所宜用

井底砂泥作至冷主治湯火燒瘡用之

疏○井底砂稟地中至陰之氣味甘而大寒者也故本經主湯火燒瘡用又能療妊娠熱病取傅心下臍及丹田可護胎無失時肘後方臥忽不寤勿以火照火照之殺人但痛囓其踵及足拇指甲際而多唾其面以井底泥塗其目令人垂頭於井中呼其姓名便甦

代赭石味苦甘寒無毒主鬼疰賊風蟲毒殺精物惡鬼腹中毒邪氣女子赤沃漏下帶下百病產難胞衣不出墮胎養血氣除五藏血脉中熱血痺血癆大人小兒驚氣入腹及陰痿不起人藥

煨赤醋淬三次研水飛過用
畏天雄附子乾薑爲之使

疏○代赭石稟土中之陰氣以生本經味苦氣寒別錄加甘無毒氣薄味厚陰也降也入手少陰足厥陰經少陰爲君主之官虛則氣




怯而百邪易入或鬼疰邪氣或精物惡鬼或驚氣入腹所自來矣得鎮重之性則心君泰定而幽暗破邪無從着矣其主五臟血脉中熱血痺血瘀賊風及女子赤沃漏下帶下百病皆肝心二經血熱所致甘寒能涼血故主如上諸證也甘寒又能解毒故主蠱毒腹中毒也經曰壯火食氣少火生氣火氣太盛則陰痿反不能起苦寒泄有餘之火所以能起

陰痿也重而下墜故又主產難胞不出及墮胎也

主治參互

仲景旋覆代赭湯治傷寒汗吐下後心下痞鞭噫氣不除者代赭一兩旋覆花三兩人參二兩生薑五兩大棗十二枚半夏半升甘草三兩水一斗煮取六升去滓再煮取三升溫服一升日三服直指方急慢驚風弔眼撮口



搖弱不定代赭石火燒醋淬七次細研水飛日乾每服一錢或半錢煎真金湯調下連進三服兒脚脛上有赤斑卽是驚氣已出病當安也無者不治如慢驚用冬瓜仁煎湯調亦妙普濟方婦人血崩代赭石煨爲末白湯服二錢

簡誤

下部虛寒者不宜用陽虛陰痿者忌之

戎鹽味鹹寒無毒主明目目痛益氣堅肌骨去毒蠱心腹痛溺血吐血齒舌血出一名胡鹽一名青鹽

疏○戎鹽稟水中至陰之氣凝結而成不經煎煉而生於涯埃坂墳之陰其味鹹氣寒無毒入手足少陰經經曰熱淫於內制以鹹寒血熱則目痛不明鹹寒能入血除熱故主目痛明目也心腹痛者心虛而邪熱客之也吐



血齒舌上出血者火迫血妄行溢出於上也
鹹主潤下俾火氣不上炎則有坎離交之象
焉故能主諸證也溺血者小腸熱也心與小
腸爲表裏心火降則小腸熱自除也經曰熱
傷氣又曰腎主骨熱則氣散骨消筋緩鹹能
入腎寒能除熱故主益氣堅肌骨也鹹爲水
化諸毒得水則解故又能去毒蠱日華子云
助水臟益精氣除五臟癥結心腹積聚者取

其入腎及軟堅除熱之功耳

主治參互

仲景金匱方戎鹽湯治小便不通用戎鹽彈
丸大一枚茯苓半斤白朮二兩水煎服之
唐氏經驗方風熱牙痛青鹽一斤槐枝半斤
水四盃煎汁二盃煮鹽至乾炒研日用揩齒
洗目 普濟方風眼爛弦戎鹽水化點之
簡誤同食鹽



地漿寒主解中毒煩悶

疏○地漿弘景云此掘地作坎以水沃其中攪令濁俄頃取之以解中諸毒蓋取土爲萬物之母諸毒遇土則化故也山中有毒草人不識煮食之無不死又楓樹輩食之令人笑不止惟飲地漿皆瘥餘藥不能救也


主治參互

聖惠方熱渴煩悶地漿一盞飲之 千金方

中暑霍亂不吐不利脹痛欲死地漿三五盞服卽愈大忌米湯 金匱方中閉口椒毒吐白沫身冷欲死者地漿飲之 集玄方中砒霜毒地漿調玄明粉服之立解

自然銅味辛平無毒療折傷散血止痛破積聚生邕州山巖中出銅處於坑中及石間採得方圓不定其色青黃如銅不從鑛煉故號自然銅

入藥火煨醋淬七次研細水飛過用



疏○自然銅粟土金之氣以生故其味辛氣平無毒乃入血行血續筋接骨之神藥也凡折傷則血瘀而作痛辛能散瘀滯之血破積聚之氣則痛止而傷自和也大明主消瘀血排膿續筋骨治產後血邪安心止驚悸以酒磨服者可謂悉其用矣寇宗奭云有人以自然銅飼折翅胡雁後遂飛去今人打撲損傷研細水飛過同當歸沒藥各半錢以酒調服

仍以手摩痛處卽時見效

主治參互

同乳香沒藥麝蟲五銖古錢麻皮灰血竭胎骨作丸煎當歸地黃續斷牛膝牡丹皮紅花濃湯送下治跌撲損傷或金刃傷骨斷筋皆效

簡誤

雷公云石髓鉛卽自然銅也凡使勿用方金



牙其方金牙真似石髓鉛若誤餌吐殺人石髓鉛色似乾銀泥味微甘也凡使中病乃已不可過服以其有火金之毒走散太甚

梁上塵主腹痛噎中惡鼻衄小兒軟瘡

疏○梁上塵乃是空中煙氣結成本經無氣味應是辛苦之物辛能散苦能洩故主腹痛噎膈中惡也體輕而上騰故入肺味辛而清熱故又主鼻衄及小兒軟瘡也一名倒掛塵

一名烏龍尾

主治參互

孫氏集效方喉痺乳蛾烏龍尾枯礬猪牙皂莢以鹽炒黃等分爲末或吹或點皆妙一法用燈心以鹽中苦鹵浸過入雞子殼中煨存性取出研細加龍腦香一二分研勻明礬末五分同梁上倒掛塵五分青魚膽調點入喉治喉痺咽痛有效



礞石治食積不消留滯藏府宿食癥塊久不瘥
及小兒食積羸瘦婦人積年食癥攻刺心腹一
名青礞石

疏○礞石稟石中剛猛之性體重而降能消
一切積聚痰結其味辛鹹氣平無毒辛主散
結鹹主軟堅重主墜下故本經所主諸證皆
出一貫也今世又以之治小兒驚痰喘急入
滾痰丸治諸痰怪證

主治參互

王隱君養生主論滾痰丸通治痰為百病惟
水瀉娠婦不宜服礞石焰硝各二兩煨過研
飛曬乾一兩大黃酒蒸八兩前胡八兩沉香
五錢為末水丸梧子大常服一二十丸欲利
大便則服一二百丸溫水下

簡誤

礞石消積滯墜痰涎誠為要藥然而攻擊太



過性復沉墜凡積滯癥結脾胃壯實者可用
虛弱者忌之小兒驚痰食積實熱初發者可
用虛寒久病者忌之如王隱君所製滾痰丸
謂百病皆生於痰不論虛實寒熱槩用殊爲
未妥不知痰有二因因於脾胃不能運化積
滯生痰或多食酒麪溼熱之物以致膠固稠
黏咯唾難出者用之豁痰利竅除熱泄結應
如桴鼓因於陰虛火炎煎熬津液凝結爲痰

或發熱聲啞痰血雜出者如誤投之則陰氣
愈虛陽火反熾痰熱未退而脾胃先爲之敗
矣可見前人立方不能無敵是在後人善於
簡擇耳

麥飯石

疏○麥飯石出自蘇頌圖經附於薑石條內
因薑石有疔腫之用故引及之其味氣必與
薑石相似但得火煨醋淬之後復有溫暖收



歛之功昔呂子華秘方麥飯石膏治發背瘡神效取此石碎如棋子炭火燒赤投米醋中浸之良久又燒又浸如此十次研末極細如飛塵鹿角一具連腦骨者二三寸截之炭火燒令煙盡卽止白歛末與石末等分鹿角倍之用三年米醋入銀石器內煎令魚目沸卽下前藥不佳手攪熬一二時稀稠得所傾出待冷以鵝翎拂膏於腫上四圍赤處中畱腫

頭洩氣如未膿卽內消已作頭卽撮小已潰卽排膿若病久肌肉爛落見出筋骨者卽塗細布上貼之乾卽易逐日瘡口收斂但中膈不穴者卽無不瘥已潰者用時先以猪蹄湯洗去膿血挹乾然後上藥其瘡切忌手觸動嫩肉仍不可以口氣吹風及腋氣月經孕婦見之合藥時亦忌此等初時一日一換十日後二日一換此藥要極細方有效若不細塗



之卽痛也煨久亦無效臨用方煨煨過卽研
若飛塵一二兩可治一癰疽矣
花乳石主金瘡止血又療產婦血暈惡血出陝
華諸郡色正黃形之大小方圓無定欲服者當
以大火燒之金瘡止血刮末傅之卽合仍不作
膿潰或名花蓋石

疏○花乳石本經無氣味詳其所主應是酸
辛溫之藥其功專於止血能使血化爲水婦
人血暈惡血上薄也消化惡血則暈自止矣
以酸斂之氣復能化瘀血故傅金瘡卽合仍
不作膿也

主治參互

葛可久十藥神書花乳石散治五內崩損噴
血出升斗用此治之花蓋石煨存性研如粉
以童子小便一鍾男入酒一半女入醋一半
令溫食後調服三錢甚者五錢能使瘀血化



爲黃水後以獨參湯補之按此石性溫味辛
又加火煨虛勞吐血多是火炎迫血上行於
藥性非宜除是膈上原有瘀血停凝者乃可
暫用亦須多服童便獨參湯乃肺熱咳嗽所
忌尤不宜於虛勞內熱火炎之人戒之戒之
和劑局方花蓋石散治一切金刃箭鏃傷
及打撲傷損狗咬至死者急以藥摻傷處其
血化爲黃水再摻便活更不疼痛如內損血

入臟腑熱童便入酒少許熱調一錢服立效
婦人產後敗血不盡血暈惡血奔心胎死
腹中胞衣不下至死但心頭溫煖者急以童
便調服一錢取下惡物愈若膈上有血化爲
黃水卽時吐出或隨小便出甚效用硫黃四
兩花蓋石一兩並爲粗末以膠泥固濟日乾
瓦礫一箇盛之泥封口烘乾安在四方磚上
磚上書八卦五行字炭一秤簇匝從巳午時



自下生火煨至炭消冷定取出爲細末甕瓶收貯封固取用無時

簡誤

無瘀血停畱者不宜內服不由內傷血凝胸膈板痛而因火炎血溢以致吐血者忌之蓬砂味苦辛煖無毒消痰止咳破癥結喉痺及鐸金銀用一名鵬砂

疏○蓬砂出於西南番採取煎淋而結亦如

硝石礪砂之類本經味苦辛氣煖無毒然詳其用味應有鹹氣亦微煖色白而體輕能解上焦胸膈肺分之痰熱辛能散苦能洩鹹能軟故主消痰止咳喉痺及破癥結也寇宗奭云含化嚙津治喉中腫痛膈上痰熱初覺便治不能成喉痺也兼能去口氣消障翳除噎膈反胃積塊瘀肉陰癢骨硬惡瘡折傷及口齒諸病



主治參互

同龍腦香人中白青黛爲末傅口舌瘡效
經驗方咽喉腫痛破棺丹用蓬砂白梅等分
搗丸芡子大每噲化一丸 集玄方小兒陰
癩腫大不消鵬砂一分水研塗之大效 直
指方弩肉瘵突南鵬砂黃色者一錢龍腦香
少許研末燈草蘸點之

簡誤

蓬砂其性能柔五金去垢膩剋劑爲用消散
爲能宜攻有餘難施不足此暨用之藥非久
服之劑

鉛霜冷無毒消痰止驚悸解酒毒療胸膈煩悶
中風痰實止渴

封經久
成霜

一名鉛白霜用鉛雜水銀十五
分之一合鍊作片置醋堯中密

疏○鉛霜乃鉛假汞氣交感因醋以拔其英
華所結道家謂之神符白雪其味甘酸氣大



寒無毒凡中風驚悸未有不因痰熱所生胸膈煩悶多渴亦火熱炎灼所致甘寒能除熱生津則痰結消驚悸平風自愈也其主解酒毒者亦取其除熱生津之意耳并治吐逆鎮驚去怯黑鬚髮

主治參互

諸方俱見鉛條下
簡要濟眾治室女月露滯澀心煩恍惚鉛白霜細研爲散每服一錢

地黃汁一合調下
十全普救方治鼻衄鉛

白霜爲末取新汲水調服一字

簡誤

鉛霜墜痰去熱定驚癇止吐逆皆有奇效然其性極冷非久服常用之物病已卽去之胃弱脾虛腸滑者不宜用風寒咳嗽多痰者并忌之

古文錢平治翳障明目療風赤眼鹽鹵浸用婦




人橫逆產心腹痛月隔五淋燒以醋淬用

疏○古文錢其金毒火毒悉去性應平無毒而寇宗奭云古錢其銅焦赤有毒不知本草內赤銅之毒已微况古錢又多於古穴坑塹中得之歷年既久毒性必失甚則有但存形質者其味辛氣平平即涼也目赤翳障肝經風熱也辛涼能散風熱則翳障赤痛除目自明矣婦人生產橫逆者血氣壅塞道路不開

也心腹痛者亦氣血結聚也月隔者月事不來胞脉閉也五淋者衝任熱壅也此藥能走下焦陰分散凝滯之氣血開壅塞之道路則諸證無不除矣又能注跌撲損傷其爲散凝滯之藥無疑

主治參互

同自然銅胎骨廢蟲血竭無名異黃荊子沒藥乳香狗骨治跌撲損傷及金刃傷神效



腎虛而內障生花者必不宜用

青囊錄跌撲損傷半兩錢五箇火煨醋淬四十九次甜瓜子五錢真珠二錢研末每服一字好酒調隨上下食前後 古方麥斗散治一切傷損自然銅煨一兩古文錢煨一兩麝香五分爲末每服五分酒下

簡誤



神農本草經疏卷之六

草部上品之上

總八十七種今疏其要者三十二種



黃精

菖蒲

甘菊花

人參

天門冬

甘草

乾地黃

朮

菟絲子

牛膝


茺蔚子

萎蕤

芩柴胡

麥門冬

獨活羌活附



神農本草經疏卷之六

草部上品之上

總八十七種今疏其要者三十二種



黃精

菖蒲

甘菊花

人參

天門冬

甘草

乾地黃

朮

菟絲子

牛膝


茺蔚子

萎蕤

芩柴胡

麥門冬

獨活羌活附



久服輕身延年不饑黃帝曰太陽之草名曰黃

草犀根

百草花

卷柏

辟虺雷

藥王

石斛

巴戟天

菴藟子

遠志

草龍膽

細辛

薯蕷今呼山藥

薏苡仁

澤瀉

升麻

車前子

木香

精餌之可以長生

疏○黃精君純得土之冲氣而稟乎季春之令故味甘氣和性無毒其色正黃味厚氣薄土位乎中脾治中焦故補中脾土爲後天生氣之源故益氣中氣強脾胃實則風濕之邪不能干故除風濕五臟之氣皆稟胃氣以生胃氣者卽後天之氣也斯氣盛則五臟皆實實則安故安五臟臟安則氣血精三者益盛



氣滿則不饑久服輕身延年著其爲効之極
功也雖非治療之所急而爲養性之上藥故
仙經累贊其能服餌駐顏久而彌勝矣

主治參互

黃精同漆葉桑椹何首烏茅山朮作丸餌可
以變白久之殺三蟲能使足溫而不寒 同
朮久服可輕身涉險不饑 同地黃天門冬
釀酒可去風益血氣

簡誤

雷公云凡使勿用鈎吻真似黃精只是葉有
毛鈎子二箇是別認處若誤服害人黃精葉
似竹葉以溪水洗淨後蒸從巳至子竹刀薄
切爆乾用

菖蒲味辛溫無毒主風寒濕痺欬逆上氣開心
孔補五藏通九竅明耳目出音聲主耳聾癱瘡
溫腸胃止小便利四肢濕痺不得屈伸小兒溫




瘡身積熱不解可作浴湯久服輕身聰明耳目
不忘不迷惑延年益心智高志不老

一寸九節者良露根

者不可用忌餽雜羊肉不可犯鐵令人吐逆

疏○菖蒲君正稟孟夏六陽之氣而合金之
辛味以生者也其味苦辛其氣大溫陽精芳
草故無毒陽氣開發外充百骸辛能四達以
散邪結此通利心脾二經之要藥也蓋苦可
燥濕溫能辟寒辛可散結風寒濕三者合而

成痺去此三邪痺自愈矣陽氣開發芬芳輕
揚氣重于味辛兼橫走故能下氣開心欬逆
者氣逆之候也下氣則欬逆上氣可去五臟
之壅遏既徹則九竅應之而通故聰明耳目
出音聲主耳聾辛以散之故治癰瘡氣味辛
溫氣厚發熱故溫腸胃膀胱虛寒則小便不
禁腸胃既溫則膀胱與焉故止小便脾主四
肢脾濕既祛則四肢濕痺不得屈伸自利山



嵐瘴氣最能使小兒發瘡寒濕之甚莫過山嵐既散其邪則病本已拔瘡焉得而不已焉作浴湯及久服輕身者除濕之驗也不迷惑益心智高志者心竅開利也其曰補五臟延年者單指巖棲脩煉之士辟穀服餌之用以其助發陽氣辟除陰嵐兼可參合養性諸藥如黃精青黏地黃天門冬之屬資其宣導臻乎太和故亦爲仙經要藥至于世俗之人五

慾熾然六淫迭至詎可窮年卒歲久餌偏燥之物乎

主治參互

菖蒲同熟地黃黃檗作丸治腎虛耳聾若中年預服可使老而聽聰 同二朮木瓜薏仁石斛草薺黃檗爲除濕強步之要藥兼治下部膿窠濕瘡如神 佐人參麥門冬酸棗仁茯苓神遠志生熟地黃爲補心之劑如心氣鬱



結者加沉香能益火以開心 兼辟蚤蟲

五

簡誤

雷公云凡使勿用泥菖夏菖其二件相似如竹根鞭形黑氣穢味腥不堪用凡使採石上生者根條嫩黃緊硬節稠一寸有九節者是真也採得後用銅刀刮去黃黑皮硬節一重了用嫩桑條相拌蒸出爆乾去桑條剉用

菊花味苦甘平無毒主風頭眩腫痛目欲脫淚出皮膚癩肌惡風濕痺療腰痛去來陶陶除胸中煩熱安腸胃利五脉調四肢久服利血氣輕身耐老延年

疏○菊花發生於春長養於夏秀英於秋而資味乎土歷三時之氣得天地之清獨稟金精專制風木故爲去風之要藥苦可泄熱甘能益血甘可解毒平則兼辛故亦散結苦入心小腸甘入脾胃平幸走肝膽兼入肺與大



腸其主風頭眩腫痛目欲脫淚出皮膚癩肌
惡風濕痺者諸風掉眩皆屬肝木風藥先入
肝肝開竅于目風爲陽邪勢必走上血虛則
熱熱則生風風火相搏故也腰痛去來陶陶
者乃血虛氣滯之候苦以泄滯結甘以益血
脉辛平以散虛熱也其除胸中煩熱者心主
血虛則病煩陰虛則熱收于內故熱在胸中
血益則陰生陰生則煩止苦辛能泄熱故煩

六

熱並解安腸胃利五脉調四肢利血氣者卽
除熱祛風益血入心入脾入肝之驗也久服
輕身耐老延年者物久則力專力專則氣化
化則變常其釀酒延齡和藥變白皆服餌專
氣之功故亦爲仙經所錄矣生搗最治疗瘡
血線疔猶爲要藥疔者風火之毒也三六九
十二月採葉莖花根四物並陰乾百日等分
搗末酒調下錢許又可蜜丸如桐子大每七



九日三服皆酒吞一年變白二年齒生三年
返老仙人王子喬方也

主治參互

甘菊花祛風要藥風木通肝肝開竅于目故
爲明目之主同地黃黃檗枸杞子白蒺藜五
味子山茱萸當歸羚羊角羊肝治肝腎俱虛
目痛加決明子木賊草穀精草柴胡可以去
外翳 同黃連玄參甘草生地黃荆芥穗決

明子連翹桔梗柴胡川芎羌活童便可治風
熱目痛 君川芎細辛藜蘆本當歸生熟地黃
天麥門冬白芍藥甘草童便治血虛頭痛亦
主頭眩暈因痰結而作者無痰藥不効 與
枸杞子相對蜜丸久服則終身無目疾兼不
中風及生疔疽 連根生用爲君加紫花地
丁益母草金銀花半枝連貝母連翹生地黃
括樓根白芷白及蒼耳子夏枯草可治疔瘡



甚者以蟾酥丸發汗大便閉者汗後以玉樞丹下之如無玉樞丹以大戟加蚤休棗肉丸服三錢必下矣忌甘草犯之則死爲大戟也人參味甘微寒微溫無毒主補五藏安精神定魂魄止驚悸除邪氣明目開心益智療腸胃中冷心腹鼓痛胸脇逆滿霍亂吐逆調中止消渴通血脉破堅積令人不忘久服輕身延年扶苓爲之使

八

疏○人參得土中清陽之氣稟春升少陽之令而生故味甘微寒而無毒氣味均齊不厚不薄升多于降潔古謂其氣味俱薄浮而升陽中之陽也又曰陽中微陰蓋亦指其生長真元之氣而言歟神農微寒別錄微溫二義相蒙世鮮解者蓋微寒者春之寒也微溫者亦春之溫也神農直指所稟故曰微寒別錄兼言功用故又曰微溫旣云微矣寒不甚寒



則近于溫溫不甚溫則近于寒故知寒溫雖
別言微則一也以言乎天則得其生生升發
之氣以言乎地則得其清陽至和之精狀類
人形上應瑤光故能回陽氣于垂絕却虛邪
于俄頃功魁羣草力等九丹矣其主治也則
補五臟蓋臟雖有五以言乎生氣之流通則
一也益真氣則五臟皆補矣其曰安精神定
魂魄止驚悸開心益智者以心藏神肝藏魂

肺藏魄腎藏精與志脾藏意與智故也心腎
虛則精神不安矣肝肺虛則魂魄不定矣驚
悸者心脾二經之病也心脾虛則驚悸心脾
之氣強則心竅通利能思而智益深矣邪氣
之所以久留而不去者無他真氣虛則不能
敵故留連而不解也茲得補而真元充實則
邪自不能容譬諸君子當陽則小人自退清
陽之氣下陷則耳目不聰明兼之目得血而



能視陽生則陰長故明目真氣內虛故腸胃
中冷氣壯陽回則不冷矣心腹鼓痛者心脾
虛故也二臟得補其痛自止所謂按之快然
者是也故經曰可按者虛也不可按者實也
不可按者勿用胸脇逆滿者氣不歸元也得
補則氣實而歸元也脾胃俱虛則物停滯而
邪客之故霍亂吐逆也補助脾胃之元氣則
二證自除調中者脾治中焦脾得補則中自

調矣消渴者津液不足之候也氣回則津液
生津液生則渴自止矣通血脈者血不自行
氣壯則行故通血脈破堅積者真氣不足則
不能健行而磨物日積月累遂成堅積譬夫
磨管納物無力則不轉不轉則停積矣脾主
消化真陽之氣回則脾強而能消何堅積之
不磨哉令人不忘者心主記脾主思心脾二
臟之精氣滿則能慮而不忘矣久服輕身延



年者純陽則充舉氣積則身輕五臟皆實延年可知矣斯皆敦本之論也

主治參互

人參補五臟陽氣之君藥開胃氣之神品
同大棗白芍藥龍眼肉甘草酸棗仁補脾陰
腎氣衰陽痿以之爲君加鹿茸肉蓯蓉巴
戟天五味子麥門冬菟絲子山茱萸地黃枸
杞杜仲柏子仁乃扶衰之要劑兼令人有子

君藿香木瓜搗紅治胃虛弱嘔吐及胃如
妊娠嘔吐加竹茹枇杷葉 同白朮吳茱萸
治脾泄久不止 君五味子吳茱萸補骨脂
肉豆蔻治腎泄 同白芍藥炙甘草治血虛
腹痛鼓痛 同乾薑白朮炙甘草治中寒泄
瀉下利清穀甚則加肉桂附子 同附子乾
薑肉桂治寒厥指爪青黯便清蹇臥 同附
子五味子治陽氣脫溫腸胃中冷 君五味


子麥門冬治肺虛氣喘夏月服之益氣除熱
止消渴名生脉散 加白朮又治中暑傷氣
倦怠 同沉水香白芍藥治真氣虛氣不歸
元因而胸脇逆滿 同茯苓遠志益智棗仁
麥門冬治精神恍惚魂魄不定驚悸 同沉
水香茯神治心虛邪客之作痛 同鹿角膠
杜仲續斷當歸地黃蘇木治負重努力內傷
失血去蘇木加生地黃治胎漏不安 同黃

耆白芍藥五味子治汗多亾陽 同蘇木麥
門冬治產後氣喘 在白虎湯治勞傷元氣
人患熱病渴甚并頭疼 在敗毒散治氣虛
人患四時不正傷寒 在參蘇飲治肺虛人
傷風 同鼈甲青皮乾漆麝肉桂牡蠣射
干消瘧母 同甘菊花當歸地黃枸杞子蒺
藜甘草柴胡則明目 同黃連紅麴白芍藥
滑石末升麻治滯下腹痛赤色 同黃連烏



梅蓮肉升麻滑石末肉豆蔻治滯下久不止
同白朮木瓜茯苓藿香炙甘草止虛煩躁
同牛黃犀角天竺黃釣藤鈎丹砂雄黃真
珠茯神遠志治驚癇 同地黃阿膠麥門冬
山茱萸五味子續斷杜仲治血崩加牛膝大
薊鹿角膠治血淋 同橘皮紫蘇木瓜白朮
竹茹治惡阻安胎熱多者去朮紫蘇加麥門
冬 同五加皮白蘚皮石南葉石斛秦艽木

瓜薏苡仁草薺牛漆沉香菖蒲二朮治痺
同黃檗黃耆白朮五味子麥門冬木瓜白芍
藥薏苡仁白茯苓治痿 同附子白朮芍藥
甘草茯苓治慢驚慢脾風 同白朮黃耆芍
藥治自汗 同生薑皮各兩許水煎露一宿
五更溫服治氣虛久瘡不止 同蘇木當歸
童便治產後血暈 同石菖蒲蓮肉等分水
煎治產後不語 同乳香丹砂鷄子白薑汁



三是調勻別用當歸兩許煎濃同吞治橫生
倒養難產神効 同附子肉桂麥門冬五味
子治房勞過度脫陽欲絕下部虛冷 同黃
耆天門冬五味子牛膝枸杞菖蒲治中風不
語

簡誤

人參論其功能之廣具如本經所說信非虛
語第其性亦有所不宜世之錄其長者或遺

其短摘其瑕者并棄其瑜是以或當用而後
時或非宜而妄設不蒙其利徒見其害二者
之誤其失則一遂使良藥不見信于世粗工
互騰其口說惜哉豈知人參本補五臟真陽
之氣者也若夫虛羸尪怯勞役饑飽所傷努
力失血以致陽氣短乏陷入陰分發熱倦怠
四肢無力或中熱傷暑暑傷氣無氣以動或
嘔吐泄瀉霍亂轉筋胃弱不能食脾虛不磨



食或真陽衰少腎氣乏絕陽道不舉完穀不化下利清水中風失音產後氣喘小兒慢驚吐瀉不止痘後氣虛潰瘍長肉等證投之靡不立効惟不利于肺家有熱咳嗽吐痰吐血衄血齒衄內熱骨蒸勞瘵陰虛火動之候蓋肺者華蓋之臟也位乎上象天屬金喜清肅而惡煩熱真氣無虧則寧謐清淨以受生氣之熏蒸而朝百脉苟縱恣情慾虧損真陰火

空則發熱起于下炎燦乎上則肺先受之火乃肺之賊邪邪氣勝則實實則肺熱鬱結爲痰喉痒而發嗽血熱妄行溢上竅王好古所謂肺熱還傷肺是已又有痧疹初發身雖熱而斑點未形傷寒始作形證未定而邪熱方熾若誤投之鮮克免者斯皆實實之害非藥可解經曰實實虛虛損不足而益有餘如是者醫殺之耳可不戒哉可不慎哉



天門冬味苦甘平大寒無毒主諸暴風濕偏痺
強骨髓殺三蟲去伏尸保定肺氣去寒熱養肌
膚益氣力利小便冷而能補久服輕身益氣延
年不機忌舞


疏○天門冬正稟大寒初之氣以生得地之
陰精獨厚味雖微苦甘而帶辛其氣大寒其
性無毒要以甘多者爲勝味厚于氣陰也降
也除肺腎虛熱之要藥也其主諸暴風濕偏

痺殺三蟲去伏尸保定肺氣去寒熱者蓋以
熱則生風暴則屬火其言濕者乃濕熱之謂
苦以洩濕寒以除熱熱去則風止濕洩則痺
瘳偏痺者濕熱所致也強骨髓者腎爲作強
之官而主骨濕熱不去下流客腎能使人骨
痿腎欲堅急食苦以堅之天門冬黃蘗之屬
是已且腎者水臟也平則溫而堅虛則熱而
軟味苦氣寒正入腎而除熱堅軟故強骨也



三蟲伏尸必生于脾腎俱虛內熱氣弱之人
若能殺蟲辛能散結故殺三蟲而除伏尸也
肺爲華蓋之臟喜清肅而惡煩熱亦畏濕熱
平則安和發聲清亮一受火熱則爲賊邪所
干而痰壅欬逆氣喘吐血寒熱聲啞之證出
焉熱洩則痰散而肺清肺清則津液流通氣
得下降而諸證自止矣養肌膚益氣力利小
便者肺主皮毛脾氣散精上歸于肺通調水

道下輸膀胱又肺爲水之上源朝百脉而主
氣熱邪退則肺得所養故能養肌膚益氣力
利小便也冷而能補者熱盛則肺腎俱虛除
虛熱卽補肺腎也久服輕身益氣延年不饑
者熱退則水足水足則精固精固則腎氣益
實腎爲先天真氣之源腎實骨強延齡可知
已要之道書所錄皆指遺世獨立辟穀服餌
之流者設非謂恒人亦可望此也



主治參互

痰之標在脾胃與肺其本在腎若非腎家有
火炎上薄肺煎熬津液而成黏膩則痰何自
而生耶天門冬味苦氣大寒能清熱保肺下
通于腎故同麥門冬百部桑白皮枇杷葉玄
參貝母童便竹瀝爲清肺消痰止嗽必用之
藥 同地黄麥門冬五味子黃蘗車前子枸
杞牛膝爲九補陰除熱滋腎家燥脾胃弱者

加山藥白茯苓砂仁以佐之 同麥門冬五
味子熬膏入煉蜜益肺甚妙亦治消渴 同
甘菊花釀酒除一切風能愈大風病水瘰則
除風熱兼除煩悶 同生地黃麥門冬白芍
藥鼈甲牛膝杜仲續斷童便治吐血 同乾
漆百部鼈甲青黛獺肝象膽殺三蟲而除勞
瘵 同薏苡仁桑黃白及紫苑百部百合能
除肺痿吐膿血 同青蒿鼈甲麥門冬銀柴



胡牛膝白芍藥地骨皮五味子能治婦人骨
蒸 同麻子仁麥門冬生地黃童便能除大
腸熱燥胃強者略加槌仁 同熟地黃胡麻
仁和蜜久服駐顏不饑

簡誤

天門冬味苦平辛其氣大寒若因陰虛水涸
火起下焦上炎于肺發爲痰喘者誠哉要藥
也然大寒而苦不利脾胃陰虛之人脾胃多

弱又以苦寒損其胃氣以致泄瀉惡食則危
殆矣何者後天元氣生於胃氣五臟之氣皆
因之以爲盛衰者也強則喜食而甘味弱則
惡食而不甘味陰虛精絕之病正賴脾胃之
氣強能納能消以滋精氣若脾胃先困則是
後天生氣之源絕矣九餌雖佳總統於食湯
液雖妙終屬於飲若非胃氣無損焉能納而
消之以各歸其根奏平定之功哉必不得已



當以薏苡仁白茯苓山藥甘草白芍藥同用
或用麥門冬以代之可也誤用之必泄

甘草味甘平無毒主五藏六腑寒熱邪氣堅筋
骨長肌肉倍力金瘡癰解毒溫中下氣煩滿短
氣傷藏欬嗽止渴通經脉利氣血解百藥毒爲
九土之精安和七十二種石一千二百種草久
服輕身延年二月八月除日採根暴乾十日成
木苦參爲使反大戟芫花甘遂
海藻惡遠志忌宿肉令人陰痿

疏○甘草味甘氣平無毒正稟土中冲和之
陽氣以生故別錄稱之爲九土之精可升可
降陰中陽也主五臟六腑寒熱邪氣堅筋骨
者以其得土中冲陽之氣味甘平性和緩故
能解一切毒氣安臟腑除邪熱也五臟之寒
熱邪氣旣解則臟氣和而真氣生氣日以盛
故筋骨堅長肌肉倍力者甘能益脾脾主肌
肉兼主四肢脾強則四肢生力故長肌肉倍



力也主金瘡癰者甘入血分而能緩中且傷
則熱熱而後癰甘溫益血而除熱煩熱解故
癰散也溫中下氣者甘味屬土土位乎中故
溫中甘能緩中散結故下氣煩滿短氣者是
勞傷內乏陽氣不足故虛而煩滿短氣甘溫
能益血除大熱助氣故煩滿短氣竝除也甘
平且和和能理傷故治傷臟肺苦氣上逆嗽
乃肺病甘以緩之故治咳嗽血不足則內熱

內熱則津液衰少而作渴甘能入脾益血故
止渴血虛則經脈不通能益血則經脈自通
矣甘能益血而溫氣分故利血氣蕪解一切
金石草木蟲魚禽獸之毒者凡毒遇土則化
甘草爲九土之精故能解諸毒也久服輕身
延年者爲其益血安和五臟也

主治參互

諸毒遇土則化甘草爲土精故能化毒解一



切邪氣佐黃耆防風能運毒走表爲痘疹氣
血兩虛者首尾必資之劑 得白芍藥則補
脾甲已化土故也 同人參黃耆白朮大棗
當歸身麥門冬加升麻柴胡爲補中益氣藥
專理饑飽勞役內傷陽氣下陷發熱 同人
參乾薑肉桂則溫中 同麥門冬蘇子枇杷
葉則下氣 同黃連芍藥升麻滑石解熱毒
滯下 同桔梗玄參鼠黏子栝樓根清利咽

喉虛熱 同人參菖蒲益智龍眼肉遠志治
健忘 同麥門冬石膏竹葉知母除煩悶躁
渴頭疼解肌 同紫花地丁金銀花甘菊夏
枯草益母草貝母白及白芷消一切疔腫
同川黃連止小兒胎毒驚癇 同黃連木通
赤芍藥生地黃瀉心經有餘之火 同預知
子貫衆解一切蠱毒 單用水炙百偏煎熬
劬許治懸癰如神 炙則補傷寒病瘥後血



虛

簡誤

甘能緩中故中滿者忌之嘔家忌甘酒家亦
忌甘諸濕腫滿及脹滿病咸不宜服

乾地黃味甘苦寒無毒主折跌絕筋傷中逐血
痺填骨髓長肌肉作湯除寒熱積聚除痺主男
子五勞七傷女子傷中胞漏下血破惡血漏血
利大小腸去胃中宿食飽力斷絕補五藏內傷


不足通血脈益氣力利耳目生者猶良 生地

黃大寒主婦人崩中血不止及產後血上薄心
悶絕傷身胎動下血胎不落墜墜腕折瘀血雷
血鼻衄吐血皆持飲之久服輕身不老

採得卽用者爲


生曬乾收者爲乾以法製過者爲熟

疏○乾地黃稟仲冬之氣以生黃者土之正
色兼稟地之和氣故味甘氣寒而無毒別錄
又云苦者以其兼入心脾也此乃補腎家之



要藥益陰血之上品本經主折跌絕筋傷中
逐血痺者肝藏血而主筋補肝則榮血調榮
血調則傷中自去痺者血分之病因虛而風
寒濕邪客之故筋拘攣而痛養血和肝痺必
瘳矣作湯除寒熱積聚除痺者血和則結散
故諸證自除也其曰填骨髓長肌肉主男子
五勞七傷者地黃爲至陰之藥正補腎水真
陰而益血血主則髓滿陰足則肌肉自長五

勞七傷皆陰虛內熱真陰不足之候甘寒能
除內熱而益精髓故勞傷自除也女子傷中
胞漏下血者陰虛則火熾而血熱火能銷物
造化自然之道也涼血益血則胞漏自止矣
下血者血熱也涼血則下血自愈榮血滯則
爲惡血生地黃能行血故破惡血溺血者腎
與小腸熱也益陰涼血則溺血自止二便自
利矣胃爲足陽明胃家濕熱盛則食不消生



地黃能瀉脾胃中濕熱濕熱去而脾胃安則宿食自去飽而努力則腸胃筋脉有絕傷之患形屬血故行血益血則諸傷自理矣五臟咸屬陰陰卽精血補精血則五臟內傷不足自愈矣通血脉益氣力利耳目者皆臟安之驗也又主婦人崩中血不止及產後血上薄心悶絕傷身胎動下血胎不落墜墜踈折瘀血留血衄血吐血生者搗汁飲之皆涼血行

血之功也久服輕身不老則益陰填髓補五臟之能事畢矣又按目華子云助心膽氣強筋骨長志安魂定魄除驚悸者膽爲五臟六腑之首行春升之氣故十一臟皆取決於膽爲中正之官地黃入手足少陰亦入足厥陰心與肝爲子母之臟膽爲肝之腑肝主筋腎主骨腎藏精與志肝藏魂肺藏魄心膽二經虛則病驚悸生地黃爲手少陰之要藥能涼



心助膽補肝心涼則熱不薄肺肝肺清寧則
魂魄自定膽氣壯則驚自除肝腎足則筋骨
自強心腎交濟則志自長矣

主治參互

生地黃同大小蘗各半俱搗取自然汁和童
便飲治一切血熱妄行吐血齒鼻衄神効
取汁和麵作餠飪冷淘治蟲心痛 同苧麻
根搗汁碗許加炒砂仁末三錢治胎動下血

同麥門冬治產後煩悶 同當歸赤芍藥

乳香沒藥肉桂炒黃荊子末治一切跌打折
傷瘀血作痛 同金銀花甘草荊芥穗玄參
連翹黃檗地榆白芷木通治血分濕熱生膿
瘡痛甚者濃煎恣飲立差 入瓊玉膏爲陰
陽兩補之要劑 乾地黃同沙苑蒺藜肉蓯
蓉鹿茸山茱萸五味子能益男子精 同人
參枸杞五味子麥門冬鹿茸車前子覆盆子



兔絲子多服令人有子 得青蒿子鼈甲銀
柴胡沙參天麥二冬黃檗甘草地骨皮牡丹
皮白芍藥牛膝能治骨蒸勞熱 同人參遠
志麥門冬酸棗仁栝子仁茯神甘草治心虛
驚悸怔忡健忘 同黃耆黃連黃檗酸棗仁
五味子白芍藥麥門冬龍眼肉牡蠣粉治盜
汗久不止 得麥門冬五味子牛膝枸杞子
車前子阿膠天門冬治溺血 同人參麥門

冬五味子牛膝漬酒能益氣力逐及奔馬
同當歸白芍藥川芎阿膠鹿角膠能益母安
胎 同砂仁治胎動下血腰痛 同青蒿地
骨皮麥門冬白芍藥山茱萸枇杷葉治婦人
月事先期 同生薑治產後中風 同當歸
川芎蒲黃黑豆炒炮薑澤蘭益母牛膝續斷
杜仲鹿角膠治一切產後血虛發熱 得肉
桂及乳香沒藥五靈脂治兒枕痛夏月去桂



同芍藥當歸川芎阿膠蘄艾香附治經事
不調 同甘菊花女貞實枸杞子白蒺藜能
明目益精 同黃連連翹薄荷甘草甘菊花
木通治目暴赤痛 同鹿茸五味子人參人
乳粉白茯苓能生齒 同何首烏桑椹甘菊
鱧腸蜀椒能烏鬚髮

簡誤

生地黃性大寒凡產後惡食作瀉雖見發熱

惡露作痛不可用誤用則泄不止胃氣者後
天元氣之本也胃困則飲食不運精血不生
虛熱何自而退故并當歸忌之凡見此證宜
多加炮薑桂心人參必自愈凡陰虛咳嗽內
熱骨蒸或吐血等候一見脾胃薄弱大便不
實或天明腎泄產後泄瀉產後不食俱禁用
生地黃當歸誤則同於前轍慎之凡胸膈多
痰氣道不利升降窒塞藥宜通而不宜滯湯



液中禁入地黃

廿九

木味苦甘溫無毒主風寒濕痺死肌瘡疸止汗
除熱消食主大風在身而風眩頭痛目淚出消
痰水逐皮間風水結腫除心下急滿及霍亂吐
下不止利腰臍間血益津液暖胃消穀嗜食作
煎餌久服輕身延年不饑

茅山者爲勝忌蛤
雀棧李松菜青魚

疏○木稟初夏之氣以生其味苦其氣溫從
火化也正得土之冲氣故別錄益之以甘表

土德也故無毒其氣芳烈其味甘濃其性純
陽爲除風痺之上藥安脾胃之神品本經主
風寒濕痺死肌瘡疸者正以風寒濕三者合
而成痺痺者拘攣而痛者是也經曰地之濕
氣感則害人皮肉筋骨死肌者濕毒侵肌肉
也瘡者風寒乘虛客於肝脾腎所致也疸者
脾胃虛而濕熱瘀滯也如上諸病莫不由風
寒濕而成木有除此三邪之功故能祛其所

致之疾也止汗除熱消食者濕熱盛則自汗
濕邪客則發熱濕去而脾胃燥燥則食自消
汗自止熱自除也又主大風在身面者木氣
芳烈而悍純陽之物也風爲陽邪發於陽部
故主之也風眩頭痛目淚出者陽虛則風客
之而眩痰厥則頭痛風熱壅則目淚出也消
痰水逐皮間風水結腫除心下急痛及霍亂
吐下不止者濕客於胃則滯而生痰客於脾

則生水脾虛濕勝則爲水腫濕客中焦則心
下急滿脾胃俱虛則中焦不治而濕邪客之
則爲霍亂吐下不止也利腰臍間血者血屬
陰濕爲陰邪下流客之使腰臍血滯而不得
通利濕去則諸證無不愈矣益津液煖胃消
穀嗜食者濕去則胃強而津液自生寒濕散
則胃自煖邪去而脾胃健則消穀而嗜食矣
煎餌久服輕身延年不饑者未爲陽藥故善




除陰濕濕去則脾胃之氣旺陽主氣氣盛則
身輕脾主四肢濕去則脾健健則四肢利故
能涉險負重也仙經云氣滿不思食是以延
年而不饑也

主治參互


朮爲陽草氣勝黃精除濕祛寒疎風辟惡其
功能也單餌則延年輕身不饑兼濟則觀所
從何道故同人參茯苓白芍藥甘草橘皮蓮

肉縮砂則健脾開胃消飲食爲壯脾胃之要
劑調中之正法 同藿香橘皮茯苓人參木
瓜猪苓澤瀉縮砂則治霍亂吐瀉轉筋 同
乾葛防風茯苓炙甘草車前子猪苓澤瀉則
治濕勝作泄若雷奔 同秦艽草薢木瓜薏
苡仁桑寄生石斛黃耆地黃石菖蒲桂枝甘
草晚蠶沙則治一切痛痺及關節不利熱者
去桂枝加黃檗 得黃檗牛膝木瓜石斛能



健步潜行 得苦參牡蠣治小兒胃家濕熱
飲食不生肌肉 君人參芍藥木瓜薏苡茯
苓桑白皮赤小豆車前橘皮佐以猪苓澤瀉
能治一切水腫日重則倍人參夜重則加地
黃芍藥俱與朮倍 君枳實橘皮砂仁半夏
人參則除心腹脹痛消宿食開胃去痰涎除
傷食發寒熱及泄瀉 同人參橘紅白茯苓
木瓜藿香治反胃吐逆因於寒則加生薑因

於熱則加竹茹枇杷葉逆水蘆根 君黃耆
生地黃佐以黃檗治一切膿瘡濕毒攻注足
脛成瘡久不愈作丸餌良 倍茯苓脩事如
經驗方能烏鬚駐顏 同麥門冬石斛黃檗
白芍藥木瓜薏苡仁五味子爲治痿要藥
同生薑藿香檳榔能治山嵐瘴氣 同四物
湯麥門冬荆芥防風地榆能治腸風下血
同雄羊肝治雀盲 同補骨脂川椒茴香青




鹽川棟子黃檗治疔 同熟地桑椹脩事探
目精月華乾則蜜丸日三服可變白 爲末
和芝蔴研爛入水攪勻絞汁濾淨曝乾每三
錢空心酒服能滋脾胃

簡誤

未本經無分別陶弘景有赤白二種近世乃
有蒼白之分其用較殊要之俱爲陽草故祛
邪之功勝而益陰之効虧藥性偏長物無兼

力此天地生物自然之道也凡病屬陰虛血
少精不足內熱骨蒸口乾唇燥咳嗽吐痰吐
血鼻衄齒衄咽塞便秘滯下者法咸忌之木
燥腎而閉氣肝腎有動氣者勿服劉涓子癰
疽論云潰瘍忌白朮以其燥腎而閉氣故反
生膿作痛也凡臟皆屬陰世人但知朮能健
脾此蓋指脾爲正邪所干朮能燥濕濕去則
脾健故曰補也寧知脾虛而無濕邪者用之




反致燥竭脾家津液是損脾陰也何補之足
云此最易誤故特表而出之

菟絲子味甘平無毒主續絕傷補不足益氣
力肥健汁去面黥養肌強陰堅筋骨主莖中寒
精自出溺有餘瀝口苦燥渴寒血爲積久服明
目輕身延年

得酒良宜
凡不啻矣

疏○菟絲子君稟春末夏初之氣以生凝乎
地之冲氣以成感秋之氣而實故本經言其

味辛平別錄益之以甘者正雷公所謂稟中
和凝正陽之氣而結者也其爲無毒明矣五
味之中惟辛通四氣復兼四味經曰腎苦燥
急食辛以潤之菟絲子之屬是也與辛香燥
熱之辛迥乎不同矣學者不以辭害義可也
爲補脾腎肝三經要藥主續絕傷補不足益
氣力肥健者三經俱實則絕傷續而不足補
矣脾統血合肌肉而主四肢足陽明太陰之




氣盛則力長而肥健補脾故養肌益肝腎故
強陰堅筋骨煖而能補腎中陽氣故主莖中
寒精自出溺有餘瀝口苦燥渴者脾腎虛而
生內熱津液因之不足也二臟得補則二病
自愈寒血爲積者勞傷則血瘀陽氣乏絕則
內寒血隨氣行氣弱不能統血以行久而爲
積矣凡勞傷皆脾腎肝三臟主之肝脾氣王
則瘀血自行也久服明目輕身延年者自得

血而能視肝開竅於目瞳子神光屬腎肝腎
實則目自明藏實精滿則身自輕延年可必
矣

主治參互

君蓮實山藥人參能實脾止泄嗜食加五味
子肉豆蔻砂仁能治腎泄 同五味子沙苑
蒺藜覆盆子蓮鬚山茱萸巴戟天車前子沒
食子枸杞子能益脾腎固精種子 同甘菊



花沙苑蒺藜甘枸杞子熟地黄羚羊角穀精
草決明子能明目。君术人參牛膝胡麻仁
治丈夫腰膝積冷痛或頑麻無力。單服偏
補人衛氣能助人筋脉。王好古云能補肝
臟虛故去風專主腰膝腰膝者肝腎之所治
也。苗生研塗面斑神效。

簡誤

腎家多火強陽不痿者忌之。大便燥結者亦

忌之

牛膝君味苦酸平無毒。主寒濕痿痺四肢拘攣
膝痛不可屈伸逐血氣傷熱火爛墮胎療傷中
少氣男子陰消老人失溺補中續絕填骨髓除
腦中痛及腰脊痛婦人月水不通血結益精利
陰氣止髮白久服輕身耐老。忌牛肉牛乳

疏○牛膝君稟地中陽氣以生氣則兼乎木
火之化也故其味苦酸平無毒味厚氣薄走



而能補性善下行故入肝腎主寒濕痿痺四肢拘攣膝痛不可屈伸者肝脾腎虛則寒濕之邪客之而成痺及病四肢拘攣膝痛不可屈伸此藥既稟地中陽氣所生又兼木火之化其性走而下行其能逐寒濕而除痺也必矣蓋補肝則筋舒下行則理膝行血則痛止逐血氣猶云能通氣滯血凝也詳藥性氣當作痺傷熱火爛血焦枯之病也血行而活痛

自止矣入肝行血故墮胎傷中少氣男子陰消老人失溺者皆腎不足之候也腦爲髓之海腦不滿則空而痛腰乃腎之腑脊通髓於腦腎虛髓少則腰脊痛血虛而熱則髮白虛羸勞頓則傷絕肝藏血腎藏精峻補肝腎則血足而精滿諸證自瘳矣血行則月水自通血結自散久服輕身耐老悉如上說不復具疏

主治參互

君木仙茅木瓜石斛茯苓石南葉五加皮草
薛生地黃黃耆芍藥虎骨沉香桂治諸痺
同甘菊花石斛木瓜何首烏生地黃虎骨沉
水香人參木黃耆天門冬麥門冬杜仲續斷
芍藥橘皮黃檗桑寄生白蘚皮治一切痿痺
四肢拘攣筋骨疼痛 君當歸地黃能下死
胎加朴硝立下胞衣 君木瓜石斛草薛生

地黃黃檗五加皮骨碎補續斷金銀花白及
芍藥甘草甘菊根紫花地丁茜草連翹治鶴
膝風 根苗同用二三兩濃煎調鼈甲末三
錢空心服治瘡在陰分久不瘥者三劑必已
胃虛者加人參兩許橘皮去白五錢 君青
蒿生地黃麥門冬甘枸杞子熬膏治婦人血
虛發熱內熱口乾舌苦 治小便不利莖中
痛欲死兼治婦人血結腹堅痛鮮牛膝三四




兩白酒煎濃服之立愈。金瘡作痛生搗傅之立瘥。

簡誤

誤用傷胎經閉未久疑似有娠者勿用上焦藥中勿入血崩不止者忌之。

茺蔚子味辛甘微溫微寒無毒主明目益精除水氣療血逆大熱頭痛心煩久服輕身莖主癰瘰癧可作浴湯一名益母草。忌鐵

疏○茺蔚子稟地中之陽氣以生兼感乎上天春夏之氣而成亦陽草也味辛甘微溫微寒無毒入手足厥陰經爲婦人胎產調經之要藥此藥補而能行辛散而兼潤者也目者肝之竅也益肝行血故明目益精其氣純陽辛走而不守故除水氣肝臟有火則血逆肝涼則降而順矣大熱頭痛心煩皆血虛而熱之候也清肝散熱和血則頭疼心煩俱解微




溫微寒說見人參條內

主治參互

午月五日采紫花益母草搗汁分貯瓷器內各少許曬乾剔取和蜂蜜封固加入參琥珀乳香沒藥血竭沉香丹砂五靈脂催生及胞衣不下神効兼產後血暈瘀血薄心惡露不行腹痛少腹兒枕痛調經治血閉經阻經行作痛 單用和童便服能下死胎及治熱入

血室發熱煩躁類傷寒 君四物湯杜仲阿膠真川續斷爲丸安胎止痛 得生地黃白芍藥麥門冬枇杷葉青蒿子五味子阿膠治血熱經行先期及胎漏下血 同生甘菊蒼耳草金銀花紫花地丁各一握貝母鼠黏子白芷殭蠶白及白欵生甘草連翹生地黃各三錢煑夏枯草汁和藥同煎濃頓飲之消一切疔腫發背及無名腫毒



簡誤

益母草辛甘爲陽故性善行走能行血通經
血崩禁用瞳子散大禁用惟熱血欲貫瞳人
者與涼血藥同用則不忌

萎蕤味甘平無毒主中風暴熱不能動搖跌筋
結肉諸不足心腹結氣虛熱濕毒腰痛莖中寒
及目痛眦爛淚出久服去面黑點好顏色潤澤
輕身不老

疏○萎蕤稟天地清和之氣而得稼穡之甘
故本經味甘平無毒主諸不足久服好顏色
潤澤輕身不老別錄又主心腹結氣虛熱腰
痛莖中寒目痛眦爛淚出甄權主內補不足
去虛勞客熱頭痛不安加而用之良甘華子
謂其除煩悶止渴潤心肺補五勞七傷虛損
腰脚疼痛詳味諸家所主則知其性本醇良
氣味和緩譬諸盛德之人無往不利終始一



節故可長資其利用而不窮正如斯藥之能
補益五藏滋養氣血根本既治餘疾自除夫
血爲陰而主駐顏氣爲陽而主輕身陰精不
足則發虛熱腎氣不固則見骨痠及腰脚痛
虛而火炎則頭痛不安日痛昏爛淚出虛而
熱壅則煩悶消渴上盛下虛則莖中寒甚則
五勞七傷精髓日枯而成虛損之證矣以一
藥而所主多途爲効良夥非由滋益陰精增

長陽氣其能若是乎迹其所長殆亦黃精之
類歟其主中風暴熱不能動搖跌筋結肉濕
毒等證皆是女萎之用以本經二物混同一
條故耳或謂卽青黏理或有之純而不駁和
而不偏有益無損故無簡誤 晉彭城樊阿
少師事華陀陀授以漆葉青黏散服之利五
藏去蟲輕身益氣年至五百餘歲青黏生豐
沛彭城及朝歌一名地節一名黃芝主理五




藏益精氣本出於迷人入山見仙人服之以
告陀陀以爲佳語阿阿秘之人見阿之壽而
氣力強盛問之因醉誤說人服多驗後無復
有人識青黏者或云卽黃精之正葉者又云
卽萎蕤 同黃精桑椹何首烏能駐顏
芘胡君味苦平微寒無毒主心腹去腸胃中結
氣飲食積聚寒熱邪氣推陳致新除傷寒心下
煩熱諸痰熱結實胸中邪逆五藏間遊氣大腸

停積水脹及濕痺拘攣亦可作浴湯久服輕身

明目益精

半夏爲之使


疏○柴胡稟仲春之氣以生兼得地之辛味
春氣生而升故味苦平微寒而無毒爲少陽
經表藥主心腹腸胃中結氣飲食積聚寒熱
邪氣推陳致新除傷寒心下煩熱者足少陽
膽也膽爲清淨之府無出無入不可汗不可
吐不可下其經在半表半裏故法從和解小



柴胡湯之屬是也。其性升而散，屬陽，故能達表散邪也。邪結則心下煩熱，邪散則煩熱自解。陽氣下陷則爲飲食積聚，陽升則清氣上行，脾胃之氣行陽道則飲食積聚自消散矣。諸痰熱結實胸中邪逆五臟間遊氣者，少陽實熱之邪所生病也。柴胡苦平而微寒，能除熱散結而解表，故能愈以上諸病。大腸停積水脹及濕痺拘攣者，柴胡爲風藥，風能勝濕，故也。

主治參互

仲景小柴胡湯中同人參半夏黃芩治傷寒往來寒熱口苦耳聾胸脇痛無汗又治少陽經瘧往來寒熱亦治似瘧非瘧大便不實邪不在陽明者。在大柴胡湯治傷寒表裏俱急傷寒百合證有柴胡百合湯。東垣治元氣勞傷精神倦怠用參耆白朮炙甘草當



歸佐以柴胡升麻引脾胃之氣行陽道名補
中益氣湯。本方去當歸加茯苓猪苓澤瀉
乾葛神麴名清暑益氣湯。同四物湯去當
歸加澤蘭益母草青蒿能治熱入血室。同
升麻乾葛等能升陽散火。同生地黃黃蘗
黃連甘草甘菊玄參連翹羌活荆芥穗治暴
赤眼。

簡誤

柴胡性升而發散病人虛而氣升者忌之。嘔
吐及陰虛火熾炎上者法所同忌。瘧非少陽
經者勿入。治瘧必用柴胡其說誤甚不可久
服亦無益。精明目之理盡信書則不如無書。
此之謂也。按今柴胡俗用有二種。色白黃而
大者爲銀柴胡用以治勞熱骨蒸。色微黑而
細者用以解表發散。本經並無二種之說。功
用亦無分別。但云銀州者爲寂。則知其優於



升散而非除虛熱之藥明矣。衍義所載甚詳，故并錄之。


附衍義曰：柴胡本經並無一字治勞。今人方中鮮有不用者。嗚呼！凡此誤世甚多。嘗原病勞，有一種真藏虛損，復受邪熱，邪因虛而致勞，故曰勞者牢也。當須斟酌用之。如經驗方中治勞熱青蒿煎之用柴胡，正合宜耳。服之無不効。熱去即須急已。若或無表熱，得此愈甚，雖至死人亦不悟。目擊甚多，可不戒哉。可不慎哉。日華子又謂補五勞七傷藥性論亦謂治勞乏羸瘦。若此等病，苟無實熱，醫者執而用之，不亦何待注釋本草一字亦不可忽。萬世之後，所誤無窮耳。

麥門冬君味甘平微寒無毒。主心腹結氣傷中傷飽胃絡脉絕羸瘦短氣身重目黃心下支滿虛勞客熱口乾燥渴止嘔吐愈痿癭強陰益精。



消穀調中保神定肺氣安五藏令人肥健美顏
色有子久服輕身不老不饑
疏○麥門冬在天則稟春陽生生之氣在地
則正感清和稼穡之甘木經甘平平者冲和
而淡也別錄微寒著春德矣入足陽明兼入
手少陰太陰實陽明之正藥主心腹結氣者
邪熱之氣結於心腹間也以其清和微寒而
平緩故能散熱結而下逆氣也傷中傷飽以

致胃絡脉絕者脾主肌肉五臟之氣皆稟於
胃胃病則脾無所稟故羸瘦而短氣也身重
目黃者脾胃濕熱也心下支滿者脾虛而濕
滯中焦也虛勞客熱口乾燥渴者因虛勞而
熱客中焦故口乾而燥渴陽明之熱上衝則
兼嘔吐也痿癭者陽明濕熱病也陽明濕熱
盛則上熏蒸於肺而爲痿癭治痿獨取陽明
治本之道也陰精生於五味五味先入脾胃




脾胃得所養則能散精於各臟而陰精充滿故能強陰益精也中焦者脾胃之所治也脾胃安則中焦治故能消穀而調中也保神定肺氣則兼潤乎心肺矣胃氣盛則五臟之氣皆有所稟而安脾胃俱實則能食而肥健脾統血心主血五臟之英華皆見於面血克臟安則華彩外發而顏色美矣脾胃強則後天之元氣日盛下氣則陽交於陰交則虛勞愈

而內熱不生內熱去則陰精日盛故有子斷穀固著於仙經却乃已疾之良藥故久服延年輕身而不老不饑也

主治參互

同人參五味子爲生脉散能復脉通心夏月暑傷氣服之良酒後飲之解酒毒肺熱者去人參加甘枸杞子作飲治一切虛勞客熱同五味子枸杞地黃牛膝鼈甲酸棗仁天冬



治五勞七傷胃強者可加當歸火盛者可入黃檗砂仁甘草三物俱遞減。治陽明瘧大渴引飲煩躁或嘔吐麥門冬石膏知母竹葉各數兩病人虛者加人參兩許痰多者加貝母橘紅各兩許。藥性論云麥門冬止煩渴主大水面目肢節浮腫下水治肺痿吐膿宜同天門冬薏苡仁黃檗芍藥茯苓石斛桑根白皮五味子牛膝煮飲彌佳。止泄精宜兼

覆盆蒺藜黃檗五味子。同茯苓車前黃連石斛猪苓澤瀉療心腹結氣身重目黃。日華子治五勞七傷安魂定魄止渴肥人時疾熱狂頭痛止嗽故同石膏知母竹葉梗米專療時氣頭痛大渴煩躁及發狂甚者須各數兩濃煎頓飲乃佳虛羸人因作勞內傷而發者可量加人參名人參白虎湯有肺熱者勿人人參。崔元亮海上方同黃連治消渴。



衍義治心肺虛熱虛勞客熱入沙參五味子
同青蒿龜甲牛膝地黃芍藥天門冬枸杞
子五味子胡黃連山藥茯苓山茱萸蜜丸治
骨蒸勞熱

簡誤

麥門冬性寒雖主脾胃而虛寒泄瀉及痘瘡
虛寒作泄產後虛寒泄瀉者咸忌之

獨活味苦甘平微溫無毒主風寒所擊金瘡止

痛黃豚癩瘡女子疝瘕療諸賊風百節痛風無
久新者久服輕身耐老一名羌活

瘡作瘡

疏○獨活稟天地正陽之氣以生故味苦甘
平甄權索古益之以辛微溫無毒氣味俱薄
浮而升陽也足少陰引經氣分之藥羌活性
溫辛苦氣厚於味浮而升陽也手足太陽行
經風藥竝入足厥陰少陰經氣分羌活氣雄
獨活氣細故雄者治足太陽風濕相搏頭痛



肢節痛一身盡痛者非此不能除乃却亂反
正之主君藥也細者治足少陰傷風頭痛兩
足濕痺不能行動非此不能除而不治太陽
之證各列君部之中非比柔儒之主小無不
入大無不通故能散肌表八風之邪利周身
百節之痛其主風寒所擊金瘡止痛者金瘡
爲風寒之所襲擊則血氣壅而不行故其痛
愈甚獨活之苦甘辛溫能辟風寒邪散則肌

表安和氣血流通故其痛自止也黃豚者腎
之積腎經爲風寒乘虛客之則成黃豚此藥
本入足少陰故治黃豚癰與瘰皆風邪之所
成也風去則癰瘰自愈矣女子疝瘕者寒濕
乘虛中腎家所致也苦能燥濕溫能辟寒辛
能發散寒濕去而腎臟安故主女子疝瘕及
療諸賊風百節痛風無久新也輕身耐老定
非攻邪發散之藥所能爲可久服哉本經載




之誤矣二藥木一種第質有虛實老嫩氣有厚薄之不同耳

主治參互

君麻黃甘草主冬月卽病傷寒太陽經頭疼發汗解表 君麥門冬前胡黃芩佐以甘草治春時瘟疫邪在太陽頭痛 入葛根湯治太陽陽明頭痛兼遍身骨痛口渴煩熱不得眠若渴甚煩熱甚頭痛甚則加石膏知母竹

葉各兩許 瘡發太陽經頭痛者於治瘡藥中加之痛止則去之 同白朮蒼朮秦艽生地黃薏苡仁木瓜石斛黃檗治下部一切風濕濕熱 同生地黃赤芍藥生甘草牡丹皮石膏等水煎治風熱上攻牙腫痛 同萊菔子炒香只取菟活爲末每服二錢溫酒調下一日一服二日二服三日三服治妊娠浮腫由於風濕出許學士本事方 人睛忽垂至




鼻如黑角塞痛不可忍或時時大便血出痛
名曰肝脹羌活一味煎汁服數盞自愈出夏
子益奇疾方

簡說

獨活羌活陽草中之風藥也本爲祛風散寒
除濕之要品風能勝濕以其性燥故也本經
別錄並載主中風及諸風不知真中風惟西
北邊塞高寒之地風氣剛猛虛人當之往往

猝中或口眼歪邪或口噤不語或手足癱瘓
左右不仁或剛痙柔痙卽角弓反張此藥與
諸風藥並用可也若夫江南吳楚越閩百粵
鬼方梁州之域從無剛勁之風多有濕熱之
患質脆氣虛多熱多痰其患中風如前等病
外證雖一一相似而其中實非何者此皆劉
河間所謂將息失宜水不制火丹溪所謂中
濕中痰中氣是也此則病係氣血兩虛虛則



內熱煎熬津液結而爲痰熱則生風故致猝
倒亦如真中風狀而求其治療之方迥若天
淵外邪之氣勝則實實則瀉之祛風是已內
而真氣不足則虛虛則補之調氣補血生津
清熱是已倘誤用風藥反致燥竭其津液血
愈不足而病愈沉困命曰虛虛攻補既謬灰
生遂殊粗工懵昧執迷不悟茲特表而明之
又有血虛頭痛及遍身疼痛骨痛因而帶寒

熱者此屬內證誤用反致作劇

升麻味甘苦平微寒無毒主解百毒殺百精老
物殃鬼辟瘟疫瘴氣邪氣蠱毒入口皆吐出中
惡腹痛時氣毒癘頭痛寒熱風腫諸毒喉痛口
瘡久服不夭輕身長年

疏○升麻稟天地清陽之氣以生陽草也故
味甘苦平微寒無毒潔古又云性溫味辛微
苦氣味俱薄浮而升陽也爲足陽明太陰引




經的藥得葱白白芷緩帶脉之縱急亦入手
陽明大腸升陽氣於至陰之下春氣生生而
上升升麻正得之故主解百毒感清陽之氣
者必能破幽暗故殺百精老物殃鬼辟瘟疫
瘴氣邪氣蠱毒入口皆吐出凡云甘者其氣
必和升則必散和而散故主中惡腹痛時氣
毒癘頭痛寒熱風腫諸毒喉痛口瘡者手少
陽足陽明太陰熱極故也散三經之火則二

證愈矣末載久服不夭輕身長年此豈發散
之藥所能哉無是理也

主治參互

升麻葛根湯散足陽明之熱邪發手太陰陽
明之斑痧及天行豌豆瘡水煎綿沾拭之
引葱白散手陽明風邪引石膏止陽明經齒
痛或加生地黃麥門冬知母牡丹皮黃檗連
翹玄參彌良 醋炒綠色升麻君蓮肉人參




治噤口痢有神 同石膏知母麥門冬竹葉
治陽明熱極發斑頭疼口渴 佐參耆引清
陽之氣上升行陽道故補脾胃藥中不可闕
入升陽散火湯治陽氣鬱遏及元氣不足
陽氣下陷 同荆芥防風黃芩甘草白芷能
去皮膚風邪 同葛根荆芥菊花甘草解肌
肉間風熱兼發浮汗 同葛根連翹玄參甘
草生地黃麥門冬治牙根浮爛惡臭 爲小

兒斑疹及天行瘡子家聖藥天行瘡子卽痘
也未見點時可用見標之後不可用 同鬱
金服治蠱毒不吐則下 同射干水煎服治
射工溪毒并以滓塗之 同生地黃麥門冬
牛膝蒲黃水煎治小兒尿血 佐黃連紅麴
滑石白芍藥蓮肉甘草爲治一切滯下要藥

簡誤


升麻屬陽而性升其功用具如經說凡吐血



鼻衄咳嗽多痰陰虛火動腎經不足及氣逆嘔吐驚悸怔忡癩狂等病法咸忌之誤用多致危殆

車前子味甘鹹寒無毒主氣癰止痛利水道小便除濕痺男子傷中女子淋瀝不欲食養肺強陰益精令人有子明目療赤痛久服輕身耐老葉及根味甘寒主金瘡止血衄鼻瘀血血痕下血小便赤止煩下氣除小蟲

疏○車前子稟土之冲氣兼天之冬氣以生故味甘寒而無毒別錄兼鹹故走水道其主氣癰止痛通腎氣也小便利則濕去濕去則痺除傷中者必內起煩熱甘寒而潤下則煩熱解故主傷中女子淋瀝不欲食是脾腎交病也濕去則脾健而思食氣通則淋瀝自止水利則無胃家濕熱之氣上熏而肺得所養矣男女陰中俱有二竅一竅通精一竅通水



命門真陽之火卽係先天之元氣道家謂之君火後天之精氣亦與之合而繫焉膀胱者濕熱濁陰之水滲出下竅爲小便道家謂之民火是也二竅不竝開故水竅常開則小便利而濕熱外洩不致鼓動真陽之火則精竅常閉而無漏洩久久則真火寧謐而精用益固精固則陰強精盛則生子腎氣固卽是水臟足故明目及療赤痛輕身耐老卽強陰益

精之驗肝腎膀胱三經之要藥也○葉及根味甘寒金瘡必發熱熱則痛極甘寒能涼血除熱故主金瘡血熱則妄行溢出上竅故主吐衄及尿血便赤止煩下氣○明醫雜錄云根葉治鼻衄尿血熱痢搗汁飲之子主氣癰利水道療肝中有風熱衝目若人服固精藥久服此一世卽有子

主治參互



同木通沉香橘皮升麻治氣癰 同二木宣
木瓜石斛川草薢茯苓五加皮治濕痺 獨
用爲末米飲下二錢七治暴瀉神効 君白
芍藥白茯苓白朮豆豉甘草治水泄 同生
地黃牛膝天門冬麥門冬黃檗五味子甘枸
杞子人參白膠治尿血及婦人血淋 入十
子衍宗丸爲生精種子要藥 入金匱腎氣
丸則固精益陰 獨用炒爲末專治濕勝水

瀉 同五味子覆盆子蓮子蓮鬚山茱萸肉
沒食子沙苑蒺藜人參麥門冬牛膝白膠魚
膠能強陰固精種子 同生地黃甘菊花決
明子玄參蜜蒙花連翹黃連柴胡生甘草治
暴赤目痛

簡誤

車前子性走下竅雖有強陰益精之功若遇
內傷勞倦陽氣下陷之病皆不當用腎氣虛



脫者忌與淡滲藥同用


木香味辛溫無毒主邪氣辟毒疫溫鬼強志主
淋露療氣劣肌中偏寒主氣不足消毒殺鬼精
物溫瘡蠱毒行藥之精久服不夢寤寤寐輕身
致神仙

疏○青木香味辛溫無毒是稟夏秋之陽氣
以生兼得土之陽精故無毒性屬純陽故主
邪氣辟毒疫溫鬼陽主清明開發故強志及

不夢寤寤寐行藥之精皆陽盛氣烈之功也

主治參互

同延胡索治一切女人血氣刺心痛不可忍
同牽牛雷丸檳榔殺一切蟲佐黃連芍
藥治一切滯下惟身熱作嘔逆口渴者勿用
同橘皮砂仁白豆蔻紫蘇葉調一切氣不
通順及冷氣攻痛作泄大怒後氣逆胸膈脹
滿兩脇作痛



簡誤

詳其治療與今白木香當是兩種按圖經謂生永昌又云今惟廣州舶上有來者一云出大秦國一云產崑崙則所出地土各異是名同而實異可知已藥性論云當以崑崙來者爲勝此絕不可得又云西胡來者劣今市肆所有正白木香也其味辛其氣溫專主諸氣不順求其能辟毒疫溫鬼殺鬼精物恐或未

然也肺虛有熱者慎毋犯之元氣虛脫及陰虛內熱諸病有熱心痛屬火者禁用傷寒類要所載治天行熱病若發赤豆斑用青木香水煮服者蓋指崑崙來者一種定非坊間所市廣州舶上世所常用之白木香也

薯蕷味甘溫平無毒主傷中補虛羸除寒熱邪氣補中益氣力長肌肉主頭面遊風頭風眼眩下氣止腰痛補虛勞羸瘦充五藏除煩熱強陰



久服耳目聰明輕身不饑延年

疏○薯蕷得土之冲氣兼稟春之和氣以生
故味甘溫平無毒觀其生搗敷癰瘡能消熱
腫是微寒之驗也甘能補脾脾統血而主肌
肉甘溫能益血脾治中焦故主傷中補虛羸
補中益氣力長肌肉充五藏除煩熱強陰也
其主寒熱邪氣及頭面遊風頭風眼眩下氣
止腰痛者正以其甘能除大熱甘能益陰氣

甘能緩中甘溫平能補肝腎藥性論云薯蕷
臣能補五勞七傷去冷是也蓋寒熱邪氣者
陰不足則內熱內虛則外邪客之熱則生風
緩則下氣下氣則陽交於陰五勞既去五藏
既充則久服耳目聰明輕身延年之効自著
矣

主治參互

同地黃枸杞牛膝甘菊花白茯苓五味子則




補肝腎益陰氣治一切虛羸強陰長肌增力
明目同蓮肉白藕豈人參白芍藥茯苓炙
甘草橘皮則補脾健胃止泄瀉加木瓜藿香
安吐逆同羊肉肉蓯蓉作羹可扶衰補虛
羸

簡誤

諸萹薯蕷確係兩種譬諸米穀其種有杭糯
秈黍稷之不同是也入藥必以冀州所產者

爲勝總之南方不迨北地圖經并載入四明
則誤矣不宜與麩同食
薏苡仁味甘微寒無毒主筋急拘攣不可屈伸
風濕痺下氣除筋骨邪氣不仁利腸胃消水腫
令人能食久服輕身益氣


疏○薏苡仁正得地之燥氣兼稟乎天之秋
氣以生故味甘淡微寒無毒陽中陰降也經
曰地之濕氣感則害人皮肉筋脉又曰風寒



濕三者合而成痺此藥性燥能除濕味甘能入脾補脾兼淡能滲泄故主筋急拘攣不可屈伸及風濕痺除筋骨邪氣不仁利腸胃消水腫令人能食久服輕身總之濕邪去則脾胃安脾胃安則中焦治中焦治則能榮養乎四肢而通利乎血脈也甘以益脾燥以除濕脾實則腫消脾強則能食濕去則身輕如是則已上諸疾不求其愈而自愈矣

主治參互

同木瓜石斛草薺黃檗生地黃麥門冬治痿厥
同五加皮牛膝石斛生地黃甘草主筋拘急加二朮菖蒲甘菊花可治痺佐以附子能治胸痺偏緩
獨用數兩淘淨煮濃湯頓飲可治肺經因濕火所傷吐膿血一切肺痿肺癰咳嗽涕唾上氣經曰治痿獨取陽明陽明者胃與大腸也二經濕熱盛則成痿熏蒸



於肺則發肺癰及吐血咳嗽涕唾穢濁蓋肺與大腸爲表裏腑熱必傳於臟大腸與胃家之濕熱散則痰自愈吐膿血咳嗽亦竝止矣


簡誤

薏苡乃除濕燥脾胃之藥凡病人大便燥小水短少因寒轉筋脾虛無濕者忌之妊娠禁用

澤瀉味甘鹹寒無毒主風寒濕痺乳難消水養

五藏益氣力肥健補虛損五勞除五藏痞滿起陰氣止洩精消渴淋瀝遂膀胱三焦停水久服耳目聰明不饑延年輕身面生光能行水上扁鵲云多服病人眼


疏○澤瀉稟地之燥氣天之冬氣以生故味甘寒別錄益之以鹹腎與膀胱爲表裏鹹能入腎甘能入脾寒能去熱蓋淡滲利竅之藥也其曰主風寒溼痺乳難消水養五臟皆以



利水燥溼則脾得所養脾得所養則五臟皆得所養益氣力肥健者皆水利則溼去溼去則脾強之功效也又云主腹痞滿淋瀝逐膀胱三焦停水其能利水祛溼益無疑矣洩精者溼熱下流客腎與膀胱是民火扇君火也故精搖而洩病在脾胃溼熱盡則洩精自止矣止消渴者單指溼熱侵脾脾為邪所干則不能致津液也總之其性利水除溼則因溼熱所生之病靡不除矣

主治參互

水腫晝劇夜平者陽水也澤瀉同猪苓白茯苓人參白朮白芍藥赤小豆桑白皮橘皮治之多服必愈夜劇晝平者陰水也同車前子赤茯苓生地黃白芍藥赤小豆桑根白皮木瓜石斛薏苡仁治之多服必愈入五苓散四苓散治一切溼熱入六味地黃丸除陰



虛病有溼熱者、同人參白朮半夏茯苓橘
皮紫蘇猪苓爲治飲之要藥一切停飲停水
無不効、仲景治心下支飲澤瀉五兩朮二
兩水二升煎取半升分溫再服、素問身熱
解墮汗出如浴惡風少氣名曰酒風服之以
澤瀉朮各十分糜銜五分合以二指撮食後
服之、飲證病甚欲咳者用澤瀉五兩炒朮
二兩水三升煮濃服必効、仲景治水摘渴
煩小便不利或吐或瀉五苓散主之

簡誤

澤瀉本經及藥性論目華子皆曰補虛損五
勞久服耳目聰明不饑延年及仙經斷穀腎
虛精自出補女人血海令人有子等條則悖
謬之談文不屬理非神農氏之言明矣扁鵲
云多服病人眼乃爲確論也澤瀉善逐水病
人無溼無飲而陰虛及腎氣乏絕陽衰精自



流出腎氣不固精滑目痛虛寒作泄等候法

咸禁用誤犯令人虛極

遠志君味苦溫無毒主欬逆傷中補不足除邪

氣利九竅益智慧耳目聰明不忘強志倍力利

丈夫定心氣止驚悸益精去心下膈氣皮膚中

熱面目黃久服輕身不老好顏色延年並名小

情補陰氣止
虛損勞洩

疏○遠志感天之陽氣得地之芳烈而生故

無毒亦陽草也其菖蒲之流乎其味苦溫兼

微辛為手少陰經君藥兼入足太陰經若能

洩熱溫能壯氣辛能散鬱故主欬逆傷中補

不足養性全神明故除邪氣陽主發散故利

九竅心氣開通則智慧自益經曰心為君主

之官神明出焉天君既定五官自明故耳目

聰明不忘強志陽氣盛則力增長男子屬陽

故利丈夫定心氣止驚悸者心臟得補而實



故心氣定而驚悸止也。心火不妄動則陽不妄舉，精不搖矣。故益精心下膈氣，是心氣鬱而不舒也。皮膚中熱，面目黃者，溼熱在上部也。若以洩之溫以暢之，辛以散之，則二證自去矣。久服輕身不老，好顏色延年者，心主血，心氣足則血色華於面。君主強明則十一官皆得職，故延年不老。陽氣日積，故身輕也。人之心腎晝夜必交，心家氣血旺盛則腎亦因

之而實，腎藏精與志，腎實故志強也。莖名小草，性味略同，功用相近，故亦主益精補陰，氣止虛損，夢洩。

主治參互

同茯神、人參、地黃、酸棗仁、丹砂爲鎮心定驚要藥。同人參、白芍藥、酸棗仁、茯神、炙甘草、天竺黃、鈞藤、鈞治兒心虛易驚，加白檀香治一切驚及慢驚。同茯神、天竺黃、鈞藤、鈞丹。



砂金箔真珠琥珀胆星犀角治小兒急驚
同人參栢子仁酸棗仁麥門冬五味子當歸
身茯神茯苓益智仁生地黃甘草沉香治心
氣弱心血少餒怯易驚夢寐多魘神不守舍
怔忡健忘失志陽痿 同茯神人參白朮龍
眼酸棗仁木香炙甘草能歸脾益智 入當
歸六黃湯能止陰虛盜汗 加甘草治婦人
血噤失音小兒容忤 古今錄驗及范汪方

治胸痺心痛逆氣膈中飲不下小草丸小草
桂心蜀椒去目乾薑細辛各三兩附子二分
炮去皮臍其爲末蜜丸如梧子大先食米汁
下三丸日三不知稍增以知爲度禁豬肉冷
水生葱菜 遠志一味煎酒治一切癱疽發
背病從七情憂鬱惱怒而得者服之皆愈
陳言三因方用遠志酒治一切癱疽發背惡
候浸大有效血陰毒在中則不痛傅之卽痛




有憂怒等氣積怒攻則痛不可忍傳之卽不
痛或蘊熱在內熱逼人手不可近傳之卽清
涼或氣虛冷潰而不斂傳之卽斂此本韓大
夫宅用以救人方極驗若七情內鬱不問虛
實寒熱治之皆愈用遠志不拘多寡米泔浸
洗槌去心爲末每服三錢溫酒一盞調澄少
頃飲其清以滓敷患處

簡誤

心經有實火爲心家實熱應用黃連生地黃
者禁與參朮等補陽氣藥同用

龍膽味苦澁大寒無毒主骨間寒熱驚癇邪氣
續絕傷定五藏殺蠱毒除胃中伏熱時氣溫熱
熱洩下痢去腸中小蟲益肝膽氣止驚惕久服
益智不忘輕身耐老


疏○草龍膽稟天地純陰之氣以生故其味
大苦澁其性大寒而無毒足厥陰足少陰足



陽明三經藥入足少陰除本經之熱腎主骨
故主骨間寒熱極生風則發驚搖重則變
爲癇病溼熱邪氣之在中下二焦者非此不
去熱去則諸證自解五臟有熱則不安熱除
則五臟自定苦澁而寒故殺蠱毒大苦大寒
故能滌除胃中所伏實熱及時氣溫熱熱洩
下痢去腸中小蟲熱清則肝膽之氣亦清故
益肝膽氣而止驚惕也久服益智不忘輕身
耐老則非其任矣

主治參互

草龍膽同白芍藥甘草茯神麥門冬木通主
小兒驚癇入心壯熱骨熱時疾熱黃口瘡
同苦參牛膽治穀疸 同苦參蛆蟲灰青黛
治小兒一切疳熱狂語及瘡疥 治虻蟲攻
心如刺吐清水龍膽二兩去頭剉水二盞煎
取一盞去滓隔宿勿進食平旦時一頓服之




卽差 同生地黃等分治溼熱傷血分浸大腸以致卒下血多服必効

簡誤

草龍膽味既大苦性復大寒純陰之藥也雖能除實熱胃虛血少之人不可輕試凡病脾胃兩虛因而作泄者忌之凡病虛而有熱者勿用亦勿空腹服餌之令人溺不禁以其太苦則下泄太甚故也炮炙論以銅刀切去鬚

土頭剉碎甘草汁中浸一宿漉出曝乾用細辛味辛溫無毒主欬逆頭痛腦動百節拘攣風溼痺痛灸肌溫中下氣破痰利水道開胸中除喉痺齟鼻風癩疾下乳結汗不出血不行安五藏益肝膽通精氣久服明目利九竅輕身長年


疏○細辛稟天地陽升之氣以生故其味辛溫而無毒入手少陰太陽經風藥也風性升



升則上行辛則橫走溫則發散故主欬逆頭
痛腦動百節拘攣風溼痺痛或肌蓋痺及或
肌皆是感地之溼氣或兼風寒所成風能除
溼溫能散寒辛能開竅故療如上諸風寒溼
疾也別錄又謂溫中下氣破痰開胸中除喉
痺鼻下乳結汗不出血不行益肝膽通精
氣皆升發辛散開通諸竅之功也其曰久服
明目利九竅輕身長年者必無是理蓋辛散
升發之藥其可久服哉

主治參互

同石膏能治陽明火熱上攻以致齒痛 得
當歸芍藥芎藭牡丹藜本甘草白薇通治婦
人子宮冷不受孕 得鯉魚膽青羊肝甘菊
花決明子療目痛 得甘草療傷寒少陰咽
痛 得藜本芎藭白芷荆芥防風治風頭痛
得紫蘇防風甘草桔梗杏仁薄荷桑白皮



能解利傷風寒鼻塞

簡誤

細辛風藥也其性升燥發散故凡病內熱及
火升炎上上盛下虛氣虛有汗血虛頭痛陰
虛咳嗽法皆禁用卽入風藥亦不可過五分
以其氣味俱厚而性過烈耳

石斛味甘平無毒主傷中除痺下氣補五藏虛
勞羸瘦強陰益精補內絕不足平胃氣長肌肉

逐皮膚邪熱癩氣脚膝疼冷痺弱久服厚腸胃
輕身延年定志除驚

疏○石斛稟土中冲陽之氣兼感春之和氣
以生故其味甘平而無毒氣薄味厚陽中陰
也入足陽明足少陰亦入手少陰甘能除熱
甘能助脾甘能益血平能下氣味厚則能益
陰氣故主傷中下氣補五藏虛勞羸瘦強陰
益精補內絕不足平胃氣長肌肉久服厚腸



胃輕身延年定志除驚者以其入胃入腎入
心脾補益四經則四經所生病皆得治療蓋
皆益脾益胃益腎益心之功力也又主除痺
逐肌膚邪熱拂氣脚膝疼冷痺弱者兼能除
脾胃二經之溼故也

主治參互

同麥門冬白茯苓橘皮甘草則益胃強四肢
同麥門冬五味子人參炙甘草白芍藥枸

杞牛膝杜仲則理傷中補五藏虛勞羸瘦強
陰益精 同枇杷葉麥門冬橘皮則下氣
得木瓜牛膝桑白皮石南葉白蘚皮黃檗茯
苓菖蒲則主諸痺及逐皮膚邪熱拂氣冷痺
弱 夏月一味酒蒸泡湯代茶頓健足力

簡誤


宜入湯酒不宜入丸其味不苦而帶甘其形
長而細中堅實者良酒洗蒸晒乾用慎毋誤



用木斛味大苦餌之損人亦不入上焦藥

巴戟天味辛甘微溫無毒主大風邪氣陰痿不起強筋骨安五藏補中增志益氣療頭面遊風少腹及陰中相引通下氣補五勞益精利男子疏○巴戟天稟土德真陽之精氣兼得天之陽和陽主發散散則橫行是當木之令而兼金之用也故其味辛別錄益之以甘而本經又曰微溫無毒宜其然也其主大風邪氣及

頭面遊風者風爲陽邪勢多走上經曰邪之所湊其氣必虛巴戟天性能補助元陽而兼散邪况真元得補邪安所留此所以愈大風邪氣也主陰痿不起強筋骨安五臟補中增志益氣者是脾腎二經得所養而諸虛自愈矣其能療少腹及陰中引痛下氣并補五勞益精利男子者五藏之勞腎爲之主下氣則火降火降則水升陰陽互宅精神內守故主



腎氣滋長元陽益盛諸虛爲病者不求其退而退矣


主治參互

得黃檗橘核荔枝核牛膝川草薺木瓜金零子懷生地黄治疝氣因于腎虛得五味子肉蓯蓉鹿茸山茱萸栝子仁補骨脂枸杞子治陰痿去鹿茸肉蓯蓉加黃檗牛膝麥門冬生地黃車前子治陰虛白濁久不愈得鹿

角栝子仁天門冬遠志蓮鬚覆盆黃檗治夜夢鬼交泄精同甘菊花石菖蒲何首烏刺蒺藜黑豆山茱萸天門冬治頭面上風得熟大黃治飲酒人脚弱

簡誤

巴戟天性溫屬陽故凡病相火熾盛思慾不得便赤口苦目昏目痛煩躁口渴大便燥閉法咸忌之



菴藹子味苦微寒微溫無毒主五藏瘀血腹中
水氣臚脹留熱風寒溼痺身體諸痛療心下堅
膈中寒熱周痺婦人月水不通消食明目久服
輕身延年不老

疏○菴藹子得土之烈氣而微感天之陰氣
味厚氣薄故味苦微寒微溫無毒察其功用
必應兼辛藥性論加辛是也何者苦以洩下
溫以開通使非兼辛胡能主五藏瘀血及腹

中水氣臚脹留熱風寒溼痺身體諸痛療心
下堅膈中寒熱周痺婦人月水不通消食明
目耶正以其散中有補補而能行故列上經
也

主治參互

同牛膝茜草白及消腹癰去留血又主瘀血
腹脹俗呼爲單腹脹四肢不腫者是其候也
善辟蛇蛇着之卽爛



簡誤

此行血散結之藥婦人月事不以時至審察未定者不可輕用瘀血病見之不審者勿試卷栢味辛甘溫平微寒無毒主五藏邪氣女子陰中寒熱痛癥瘕血閉絕子止欬逆治脫肛散淋結頭中風眩痿廢強陰益精久服輕身和顏色令人好容顏

疏○卷栢稟石之氣兼感天之陽氣以生故

味辛溫別錄益之以甘平微寒無毒入足厥陰少陰血分藥也故主五臟邪氣女子陰中寒熱痛癥瘕血閉絕子又主痿廢強陰益精久服輕身和顏色當是理榮血之要藥行而能補者也別錄又謂止欬逆治脫肛散淋結頭中風眩其亦辛能散結辛能潤燥甘能緩中甘能益血之謂歟

簡誤



孕婦禁用

辟虺雷味苦大寒無毒主解百毒消痰祛大熱療頭瘰辟瘟疫其狀如瓮塊蒼木節中有眼


疏○辟虺雷感天地陰寒之精其味苦氣大寒無毒故主解百毒消痰祛大熱療頭痛辟瘟疫豫章人專以此和諸草搗汁治疔瘡有神

藥王味甘平無毒解一切毒止鼻衄吐血祛煩

躁苗莖青色花黃色葉摘之有汁搗汁飲驗

疏○藥王稟天地清和生發之氣以生故其味甘平無毒甘能解毒故主解一切毒平能涼血清熱故止鼻衄吐血祛煩躁也

草犀根味辛平無毒主解諸藥毒嶺南及睦婺間如中毒草此藥及千金籐竝解之亦主蠱毒溪毒惡刺虎狼蟲虺等毒天行瘧瘴寒熱咳嗽痰壅飛尸喉閉瘡腫小兒寒熱丹毒中惡注忤




痢血等竝煮汁服之其功用如犀故名草犀解毒爲最

疏○草犀根得地之辛味感天之寒氣以生本草祇言辛平詳治療功能專主解諸藥毒亦主蠱毒溪毒惡刺虎狼蟲虺等毒天行瘧瘴寒熱咳嗽痰壅飛尸喉閉瘡腫小兒寒熱丹毒中惡疔疔痢血並煮汁服之其功用如犀故名草犀解毒爲最生衢婺江饒間苗高

二三尺獨莖根如細辛研服更良生水巾者名水犀也

百草花主百病長生神仙亦煮花汁釀酒服之異類云鳳剛者漁陽人也常採百花水漬封泥埋之百日煎爲丸卒歿者內口中卽活胡剛服藥百餘歲入地肺山列仙傳云堯時赤松子服之得仙也

疏○百草花當取羣草中之芳烈者大都百



花必在春時春者天地發生萬物之氣也花者華也因得天地發生之和氣抽其精英而爲花故主百病長生神仙亦煮花汁釀酒服管有採百花水漬泥封埋之百日煎爲丸卒灰者內口中卽活其功固可驗矣

已上三種一種唐本餘二種陳藏器餘已下却有旱藕石藥仙人草會州白藥陳思岌千里及鐵葛伏鷄子根陳家白藥龍珠

槌胡根甜藤孟娘萊吉祥草郎耶萊菁菜
蓼蕎等功効雖多所產土地不一罕識難
致坊間無有故皆存而不論以俟後之博
物君子



天名精

决明子

丹參

續斷

漏蘆

營實

肉蓯蓉

防風

蒲黃

絡石 木蓮

蒺藜

黃耆

藍寶

芍藥

黃連



總五十三種今疏其要者二十五種

草部上品之下



神農本草經疏卷之七

神農本草經疏卷之六



天名精

决明子

丹參

續斷

漏蘆

營實

肉蓯蓉

防風

蒲黃

絡石 木蓮

蒺藜

黃耆

藍寶

芍藥

黃連



總五十三種今疏其要者二十五種

草部上品之下



神農本草經疏卷之七

神農本草經疏卷之六




茵陳蒿
忍冬
長松
沙參
王不留行
茵陳蒿
忍冬
蛇床子
景天
五味子
蘭草
茜根

疏○藍實稟天地至陰之精故其味苦寒而

罔毒

無毒其用主解諸毒殺蠱蛟疰鬼螫毒久服
頭不白頭白者血熱也藍能涼血而解熱故
令髮不白也熱去而血得所養故身輕其葉
汁解百藥毒解狼毒射罔毒藥性論云藍實
味甘能填骨髓益心力汁止心煩躁由此觀
之苦寒而兼甘可知矣目華子又云治天行
熱狂疔瘡遊風熱毒腫毒風疹除煩止渴殺
疰解毒藥毒箭金瘡血悶排膿小兒熱疖小



兒丹熱最爲要藥其功用之廣具如本草所載
蓼藍最堪入藥甘藍人食去熱黃

主治參互

藍汁入麝香雄黃治蜘蛛咬有神 乾藍爲
末同犬肉空腹食之主長肉內塞

簡誤

虛寒人及久泄畏寒腹中覺冷者勿服

芎藭味辛溫無毒主中風入腦頭痛寒痺筋攣

緩急金瘡婦人血閉無子除腦中冷動面上遊

風去來目淚出多涕唾忽忽如醉諸寒冷氣心

腹堅痛中惡卒急腫痛脇風痛溫中內寒

動宜作痛


疏○芎藭稟天之溫氣地之辛味辛甘發散

爲陽是則氣味俱陽而無毒陽主上升辛溫

主散入足厥陰經血中氣藥扁鵲言酸以其

入肝也故主中風入腦頭痛寒痺筋攣緩急

金瘡婦人血閉無子別錄除腦中冷動面上




遊風去來目淚出多涕唾忽忽如醉諸寒冷
氣心腹堅痛中惡卒急腫痛脇風痛溫中內
寒已上諸病皆病在血分正以其性走竄而
絕無陰凝黏滯之性故入血藥上行而不可
多用耳

主治參互

同地黃當歸芍藥爲四物湯通主入血分補
益 同荆芥白芷當歸地黃芍藥朮甘草治

破傷風冬月加桂枝 同當歸地黃乾漆延
胡索五靈脂芍藥牡蠣粉京三稜治血痕
同白芷茜根黃耆金銀花生地黃能排膿消
瘀血 同甘菊花當歸地黃天門冬白芍藥
炙甘草專主血虛頭痛火盛者加童便服
同當歸尾桂心牛膝治子死腹中 同續斷
懷熟地白膠杜仲山茱萸五味子人參黃耆
酸棗仁治血崩久不止



簡誤

芎藭性陽味辛凡病人上盛下虛虛火炎上嘔吐咳嗽自汗易汗盜汗咽乾口燥發熱作渴煩躁法並忌之

黃連味苦寒微寒無毒主熱氣目痛背傷淚出明目腸澼腹痛下痢婦人陰中腫痛五藏冷熱久下洩澼膿血止消渴大驚除水利骨調胃厚腸益膽療口瘡久服令人不忘

疏○黃連稟天地清寒之氣以生故氣味苦寒而無毒味厚於氣味苦而厚陰也宜其下洩欲使上行須加引導入手少陰陽明足少陽厥陰足陽明太陰爲病酒之仙藥滯下之神草六經所至各有殊功其主熱氣目痛背傷淚出明目大驚益膽者涼心清肝膽也腸澼腹痛下痢別錄兼主泄澼泄者瀉利也澼者大腸下血也俗呼爲臟毒除水利骨厚腸



胃療口瘡者滌除腸胃脾三家之溼熱也久服令人不忘者心家無火則清清則明故不忘禪家習定多飲苦茗亦此義爾

主治參互

同赤椶木葉入三黃石膏湯治痧癘已透而煩躁不止有神 入當歸六黃湯加棗仁龍眼治盜汗有神 同地黃甘菊荆芥穗甘草稍芎藭柴胡蟬蛻木通治風熱上攻目赤痛


黃連末一兩同雄羊肝一具生搗勻衆手丸如梧子每服以滾漿水吞廿一九諸眼目疾及障翳青盲皆主之禁食豬肉雖油汁亦勿入口作六劑必效矣 同當歸甘菊花人乳浸蒸入明礬銅綠各少許洗目甚效 同芍藥蓮子菡豆升麻甘草滑石紅麴治一切滯下膿血 同槐花枳殼乳香沒藥治滯下純血腹痛灸服神效 同五穀蟲蘆薈白蘘



黃青黛白槿花白芙蓉花治小兒一切疳熱
如神 同赤小豆爲細末傅痔瘡妙 同乾
葛甘草升麻芍藥治痧癘後泄瀉 同五味
子麥門冬乾葛治酒病酒傷如神 同五味
子甘草煮濃汁漱口治口糜口瘡良 同麥
門冬五味子治卒消渴小便多良 同人參
蓮子治虛人患滯下及老人產婦滯下不止

簡誤

黃連味大苦氣大寒羣草中清肅之物其處
上經譬猶臯陶之在虞廷明刑執法以禁民
邪是其職也稷契夔龍之事則非其任矣故
祛邪散熱蕩滌腸胃肅清神明是其性之所
長而於補益精血溫養元氣則其功泊如也
凡病人血少氣虛脾胃薄弱血不足以致驚
悸不眠而兼煩熱躁渴及產後不眠血虛發
熱泄瀉腹痛小兒痘瘡陽虛作泄行漿後泄



瀉老人脾胃虛寒作瀉陰虛人天明溇泄病
名腎泄真陰不足內熱煩躁諸證法咸忌之
犯之使人危殆大忌猪肉

絡石味苦溫微寒無毒主風熱死肌癰傷口乾
舌焦癰腫不消喉舌腫不通水漿不下大驚入
腹除邪氣養腎主腰髓痛堅筋骨利關節久服
輕身明目潤澤好顏色不老延年

傷宜
作瘍

疏○絡石稟少陽之令兼得地之陰氣其味

苦其氣溫微寒而無毒入足陽明手足少陰
足厥陰少陽經故主風熱死肌癰傷口乾舌
焦癰腫不消喉舌腫水漿不下皆苦溫通氣
血血屬陰陰寒入血而除熱之效也又能除
邪氣養腎主腰髓痛堅筋骨利關節療蛇毒
心悶刀斧傷擣封立差皆涼血除熱之功也
本經久服輕身明目潤澤好顏色不老延年
陳藏器以爲能變白亦指益陰涼血而言也



生石上者良


主治參互

絡石搗汁入諸解毒藥治發背癰疽神驗
外臺秘要治喉痺喘息不通須臾欲絕以絡
石二兩水一升煎取一大盞去滓細細喫須
臾卽通

簡誤

陰臟人畏寒易泄者勿服

○木蓮薜荔也附木而生得木氣故名木蓮俗
呼鬼假頭黃綠樹木牆壁三五十年漸大枝
葉繁茂葉長二三寸厚若石韋生子似蓮房
打破有白汁停久如漆六七月實內空而紅
則滿腹細子大如稗子一子一鬚其味微澀
其殼虛輕一年一熟子亦入藥頌曰薜荔絡
石極相類莖葉粗大如藤狀木蓮更大於絡
石四時不凋蓋稟天地陰寒之氣而生者也



故其味酸寒辛平無毒用其葉研爛絞汁和
蜜飲數升并傳癰上能消背癰下利卽愈考
木蓮無經文者爲其與絡石相類也俱以杜
仲牡丹爲之使惡鐵落畏貝母菖蒲
蒺藜子味苦辛溫微寒無毒主惡血破癥結積
聚喉痺乳難身體風痒頭痛欬逆傷肺肺痿止
煩下氣小兒頭瘡癰腫陰癩可作摩粉其葉主
風癢可煮以浴久服長肌肉明目輕身

九

疏○蒺藜有二種一種同州沙苑白蒺藜一
種秦州刺蒺藜白者感馬精所生刺者感地
中陽氣所生本經苦溫別錄加辛及微寒竝
無毒夫苦能泄溫能宣辛主散主潤故刺蒺
藜主惡血破癥結積聚喉痺乳難身體風癢
頭痛欬逆小兒頭瘡癰腫陰癩葉主風癢可
煮以浴辛入肝肝主風也藥性論云白蒺藜
味甘微腥甘中必有辛辛能潤故主欬逆傷



肺肺痿止煩下氣久服長肌肉明目輕身以
其入腎益精故也專餌長年效可責矣單行
雜療主治良多本草諸方咸堪選用形如羊
腎圓而細色如菘豆嚼之作漿豆腥氣爲未
煮之則香同新茶者真


主治參互

刺蒺藜同何首烏菴菴葉胡麻地黃木瓜荆
芥穗天門冬黃檗治遍身風癢 同州白蒺

藜得蓮鬚山茱萸五味子蓮肉覆盆子魚膠
龍骨白膠能固精益腎令人有子兼主小便
遺瀝 得甘菊花甘枸杞子决明子女貞寶
槐角子能明目 外臺秘要單服能復明三
十年目疾

簡誤


同州蒺藜性能固精命門火熾陽道數舉交
媾精不得出者勿服



黃耆味甘微溫無毒主癰疽久敗瘡排膿止痛
大風癩疾五痔鼠瘻補虛小兒百病婦人子藏
風邪氣逐五藏間惡血補丈夫虛損五勞羸瘦
止渴腹痛洩痢益氣利陰氣生白水者冷補其
莖葉療渴及筋攣癰腫疽瘡

疏○黃耆稟天之陽氣地之冲氣以生故味
甘微溫而無毒氣厚於味可升可降陽也入
手陽明太陰經甘乃土之正味故能解毒陽

能達表故能運毒走表甘能益血脾主肌肉
故主久敗瘡排膿止痛風爲陽邪凡賊風虛
邪之中人也則病癘風經曰邪之所湊其氣
必虛性能實表則能逐邪驅風故主大風癩
疾五痔鼠瘻補虛兼主小兒天行痘瘡之在
陽分表虛氣不足者小兒胎毒生瘡癩別錄
又主婦人子藏風邪氣逐五藏惡血者血不
自行隨氣而行叅合血藥則能之矣補丈夫




虛損五勞羸瘦者通指因勞陽氣乏絕所生病也甘溫益元氣甘溫除大熱故通主之氣旺則津液生故止渴血虛則腹痛中焦不治亦腹痛脾胃之氣不足則邪客之而洩痢補中氣則諸證自除矣益氣利陰氣者陽生陰長故也

主治參互

黃耆在補中益氣湯甘溫能除大熱爲治勞

倦發熱之要劑 同生熟地黃黃蘗黃芩黃連當歸加酸棗仁炒熟研爲治陰虛盜汗之正法 本方去三黃加入參五味子酸棗仁治表虛自汗 同桂枝白芍藥防風炙甘草能實表治表虛畏風傷風自汗 與茅山朮生地黃等分牛膝黃蘗減半作丸治積年溼毒臙瘡百藥不效 外臺秘要主甲疽瘡腫爛生脚指甲邊赤肉出黃耆二兩藺茹三兩



若酒漬一宿豬脂五合微火上煎取三合絞
去滓以封瘡上日三度易其肉卽消 同白
芷白及甘草金銀花皂角刺排膿止痛 同
人參甘草治天行痘瘡陽虛無熱證


簡誤

黃耆功能實表有表邪者勿用能助氣氣實
者勿用能內塞補不足胸膈氣閉悶腸胃有
積滯者勿用能補陽陽盛陰虛者忌之上焦

熱甚下焦虛寒者忌之病人多怒肝氣不和
者勿服痘瘡血分熱盛者禁用

肉蓯蓉味甘酸鹹微溫無毒主五勞七傷補中
除莖中寒熱痛養五藏強陰益精氣多子婦人
癥瘕除膀胱邪氣腰痛止痢久服輕身

疏○肉蓯蓉得地之陰氣天之陽氣以生故
味甘酸鹹微溫無毒入腎入心包絡命門滋
腎補精血之要藥氣本微溫相傳以爲熱者



誤也甘爲土化酸爲木化鹹爲水化甘能除
熱補中酸能入肝鹹能滋腎腎肝爲陰陰氣
滋長則五臟之勞熱自退陰莖中寒熱痛自
愈腎肝足則精血日盛精血盛則多子婦人
癥瘕病在血分血盛則行行則癥瘕自消矣
膀胱虛則邪客之得補則邪氣自散腰痛自
止久服則肥健而輕身益腎肝補精血之效
也若曰治痢豈滑以導滯之意乎此亦必不

能之說也軟而肥厚大如臂者良

主治參互

肉從容得白膠杜仲地黃當歸麥門冬主婦
人不孕 同人參鹿茸牡狗陰莖白膠杜仲
補骨脂主男子陽痿老人陽衰一切腎虛腰
痛兼令人有子 同地黃枸杞牛膝鼈甲天
門冬麥門冬當歸白膠杜仲青蒿五味子黃
檗山茱萸治五勞七傷莖中寒熱痛婦人癥



痕獨用數兩浸去鹹味并去鱗甲及中心膜淡白酒煮爛頓食治老人便燥閉結有神


簡誤

泄瀉禁用腎中有熱強陽易興而精不固者忌之

防風味甘辛溫無毒主大風頭眩痛惡風風邪目盲無所見風行周身骨節疼痺煩滿脇痛脇風頭面去來四肢攣急字乳金瘡內瘻久服輕

身葉主中風熱汗出

疏○防風稟天地之陽氣以生故味甘溫別錄兼辛而無毒氣厚味薄升也陽也入手陽明足少陽厥陰風藥也治風通用升發而能散故主大風頭眩痛惡風風邪周身骨節疼痺脇痛脇風頭面去來四肢攣急下乳金瘡因傷於風內瘻其云主目無所見者因中風邪故不見也煩滿者亦風邪客於胸中故煩



滿也風寒溼三者合而成痺祛風燥溼故主
痺也發散之藥焉可久服其曰輕身亦溼去
耳別錄云又頭者令人發狂又尾者發痼疾
子似胡荽而大調食用之香而療風更優也

主治參互

防風同黃耆芍藥則能實表止汗 同荆芥
穗白芷生地黃地榆黃耆治破傷風有神
同甘草桔梗紫蘇桑根白皮杏仁細辛解利

傷風去紫蘇換薄荷加石膏兼除風熱 用
麻黃易紫蘇治風寒鬱於腠理皮膚緻密無
汗 入羌活湯兼除太陽經傷風寒頭痛
亦入治風痺藥用若入治大風厲風藥中須
加殺蟲藥活血藥乃可不宜純用風藥也

簡誤

南方中風產後血虛發瘧俗名角弓反張諸
病血虛瘧急頭痛不因於風寒溼泄不因於



寒溼二便秘澀小兒脾虛發搖慢驚慢脾風
氣升作嘔火升發嗽陰虛盜汗陽虛自汗等
病法所同忌犯之者增劇

蒲黃味甘平無毒主心腹膀胱寒熱利小便止
血消瘀血久服輕身益氣力延年神仙

疏○蒲黃得地之陰氣兼得金之辛味其言
甘平者是兼辛而言也非辛則何以能散邪
又稟天之陽氣故曰微寒而無毒也如是則

甘能和血辛能散結微寒能除熱入手少陰
太陽太陰足陽明厥陰故主心腹膀胱寒熱
利小便止血消瘀血久服輕身益氣力者是
血熱瘀血傷損之病去而身輕力長也欲止
血熱用欲消血生用產泰州

主治參互

得炒黑乾薑炒黑豆澤蘭當歸川芎牛膝生
地黃治產後諸血病同車前子牛膝生地



黃麥門冬治溺血 同阿膠白膠人參麥門
冬赤茯苓車前子杜仲川續斷治血崩血淋
生納舌下數數易之消重舌 治一切跌
撲傷損瘀血停滯腹中生蒲黃煮濃和童便
飲之良 能破血故治癥結五勞七傷停積
瘀血胸前痛卽發吐衄悉和涼血行血藥主
之

簡誤

一切勞傷發熱陰虛內熱無瘀血者禁用

續斷味苦辛微溫無毒主傷中補不足金瘡癰
傷折跌續筋骨婦人乳難崩中漏血金瘡血內
漏止痛生肌肉及跪傷惡血腰痛關節緩急久
服益氣力 地黃爲之使

疏○續斷得土金之氣而兼稟乎天之陽氣
以生本經味苦微溫別錄益之以辛曾得蜀
中者嘗之其味帶甘應云味苦甘辛微溫無




毒使非味甘焉能主傷中補不足非辛焉能
主金瘡癰傷折跌續筋骨婦人乳難辛能潤
苦溫能散甘能益血故別錄又主崩中漏血
金瘡血內漏止痛生肌肉及腕傷惡血腰痛
關節緩急本經久服益氣力傷去血生之效
也入足厥陰少陰爲治胎產續絕傷補不足
療金瘡理腰腎之要藥莖方葉似苧相對生

主治參互

欲行血理傷當以當歸牛膝肉桂延胡索同
用 欲止血補不足療崩中則與白膠阿膠
地黃麥門冬杜仲五味子山茱萸人參枸杞
子黃耆同用 欲安胎則與涼血補血順氣
藥同用 欲療金瘡則與金瘡藥同用

簡誤

禁與苦寒藥同用以治血病及與大辛熱藥
用於胎前雷公云草茆根真似續斷誤服之



令人筋軟

漏蘆味苦鹹寒大寒無毒主皮膚熱惡瘡疽痔
溼痺下乳汁止遺溺熱氣瘡癢如麻豆可作浴
湯久服輕身益氣耳目聰明不老延年

疏○漏蘆得地味之苦鹹稟天氣之大寒故
無毒若能下洩鹹能軟堅寒能除熱入足陽
明少陽太陽手太陰陽明寒而通利之藥也
故主皮膚熱惡瘡疽痔溼痺下乳汁別錄又

主止遺溺熱氣瘡癢如麻豆可作浴湯又本
經久服輕身益氣耳目聰明不老延年者蓋
亦通指熱散病除則臟腑自安精神自倍而
臻乎壽考也

主治叅互

漏蘆同貝母連翹甘草金銀花橘葉鼠糞白
芷山荳根山茨菇夏枯草治乳巖乳癰 同
連翹生甘菊紫花地丁貝母金銀花甘草夏



枯草治發背瘰癧排膿止痛 同黃耆人參
排膿長肉加狗蹄豬蹄汁能下乳


簡誤

妊娠禁用瘡瘍陰證平塌不起發者真氣虛
也法當內塞漏蘆苦寒非所宜設

營實味酸溫微寒無毒主癰疽惡瘡結肉跌筋
敗瘡熱氣陰蝕不瘳利關節久服輕身益氣根
止洩痢腹痛五藏客熱除邪逆氣疽癩諸惡瘡

金瘡傷撻生肉復肌

疏○營實華於春而實於夏味酸得木之化
其氣芬芳宜其有溫之義別錄微寒以其得
春之氣也故無毒其主惡瘡結肉跌筋敗瘡
熱氣陰蝕不瘳利關節別錄止洩痢腹痛五
臟客熱除邪逆氣疽癩諸惡瘡金瘡傷撻生
肉復肌豈非酸能收斂溫能通暢微寒能除
熱而兼主乎發生之用也俗名薔薇白花野




者良

主治叅互

葛洪治金瘡發熱用薔薇根灰一方寸七日
三 外臺秘要治鯁薔薇根木水服方寸七
日三 又方治少小睡中遺尿不自覺以薔
薇根剉以酒飲之 肘後方治口瘡以根煮
濃汁溫含冷易神驗 用之頗稀不著簡誤
天名精味甘寒無毒主瘀血血痕欲死下血止

血利小便除小蟲去痺除胸中結熱止煩渴逐
水大吐下久服輕身耐老 坦承爲之使

疏○天名精稟天地清陰之氣故味甘辛氣
寒而無毒陰入血甘亦入血辛能散結寒能
除熱故主瘀血血痕欲死下血止血小便不
利由於內熱除熱則小便自利也小蟲者溼
熱所生也辛寒能散溼祛熱則小蟲自除也
除痺者去溼之功也除胸中結實止煩渴祛



熱散結益陰之功也逐水者溼熱散則水自消也唐本注云卽鹿活草也別錄一名天蔓精南人呼爲地菘非鶴蝨亦非豨薟乃荔枝草也爲消痔瘡之聖藥味甘辛故有薑稱其主破血生肌利小便殺三蟲除諸毒腫疔瘡癩痔金瘡內射身癢癰癢不止者搯之立已涼血除熱散結之力也

簡誤

脾胃寒薄性不喜食冷易泄無渴者勿服
決明子味鹹苦甘平微寒無毒主青盲目淫膚赤白膜眼赤痛淚出療唇口青久服益精光輕身

疏○決明子得水土陰精之氣而兼稟乎清陽者也故其味鹹平別錄益以苦甘微寒而無毒鹹得水氣甘得土氣苦可洩熱平合胃氣寒能益陰洩熱足厥陰肝家正藥也亦入



膽腎肝開竅於目瞳子神光屬腎故主青盲
目淫膚赤白膜眼赤痛淚出別錄兼療唇口
青本經久服益精光輕身益陰洩熱者大補
肝腎之氣所致也亦可作枕治頭風明目

主治參互


得沙苑蒺藜甘菊花枸杞子生地黃女貞實
槐實穀精草補肝明目益精除肝臟熱之要
藥 得生地黃甘菊花荆芥黃連甘草玄參

連翹木通治暴赤風眼淚痛 療目疾外無

他用故無簡誤

丹參味苦微寒無毒主心腹邪氣腸鳴幽幽如
走水寒熱積聚破癥除瘕止煩滿益氣養血去
心腹痼疾結氣腰脊強脚痺除風邪留熱久服
利人 畏鹹水反藜蘆

疏○丹參本經味苦微寒陶云性熱無毒觀
其主心腹邪氣腸鳴幽幽如走水寒熱積聚




破癥除瘕則似非寒藥止煩滿益氣及別錄
養血去心腹痼疾結氣腰脊強脚痺除風邪
留熱久服利人又決非熱藥當是味苦平微
溫入手足少陰足厥陰經心虛則邪氣客之
爲煩滿結氣久則成痼疾肝虛則熱甚風生
肝家氣血凝滯則爲癥瘕寒熱積聚腎虛而
寒溼邪客之則腰脊強脚痺入三經而除所
苦則上來諸證自除若能洩溫能散故又主

腸鳴幽幽如走水久服利人益氣養血之驗
也北方產者勝俗名逐馬

主治參互

入天王補心丹則補心 同牛膝地黃黃耆
黃蘗則健步 同當歸牛膝細辛則下死胎
同鼈甲牡蠣牡丹皮青蒿延胡索牛膝乾
漆水赤蓼子主寒熱積聚破癥除瘕心腹痼
疾結氣 同麥門冬沙參五味子甘草青蒿



栝樓止煩滿 同人參麥門冬酸棗仁地黃
益氣養血 同牛膝葶藶木瓜豨薟杜仲續
斷主腰脊強脚痺除風邪畱熱 聖惠方獨
用一兩爲末熱酒每服二錢主寒疝少腹及
陰相引痛自汗出欲死 千金方治墮胎下
血亦獨用丹參十二兩酒五升煮取三升溫
服日三 蕭炳云酒浸服之治風軟脚可逐
奔馬故名奔馬草曾用有效 梅師方治中

熱油及火燒除外痛用丹參八兩細剉以水
微調取羊脂二斤煎三上三下以傳瘡上

簡誤

妊娠無故勿服

茜根味苦寒無毒主寒溼風痺黃疸補中止血
內崩下血膀胱不足踈跌蠱毒久服益精氣輕
身

疏○茜根稟土與水之氣而兼得天令少陽



之氣以生本經味苦寒甄權云甘潔古微酸
鹹溫無毒蓋盡之矣入足厥陰手足少陰行
血涼血之要藥也非苦不足以洩熱非甘不
足以和血非鹹不足以入血軟堅非溫少陽
之氣不足以通行故主痺及疽疸有五此其
爲治蓋指蓄血發黃而不專於溼熱者也痺
者血病行血軟堅則痺自愈甘能益血而補
中病去血和補中可知已苦寒能下洩熱氣

故止內崩及下血除熱故益膀胱踈跌則血
瘀血行則踈跌自安涼無病之血行已傷之
血故治蠱毒藥性論味甘主六極傷心肺吐
血瀉血目華子味酸止鼻洪帶下產後血暈
乳結月經不止腸風痔瘻排膿治瘡癰泄精
尿血撲損瘀血皆取其涼血行血苦寒泄熱
之功耳

主治參互



同地黃麥門冬當歸身阿膠茅根童便主吐血
衄血諸血熱妄行溢上竅 同牛膝地黃黃耆地榆芍藥荆芥穗治腸風下血 佐地榆治橫痃魚口有神 同麝蟲乳香沒藥桂心牛膝地黃主蹶跌

簡誤


病人雖見血證若加泄瀉飲食不進者勿服五味子味酸溫無毒主益氣欬逆上氣勞傷羸

瘦補不足強陰益男子精養五藏除熱生陰中

肌

菴容爲之使惡
姜雞勝烏頭

疏○五味子得地之陰而兼乎天之陽氣故本經味酸氣溫味兼五而無毒王好古云味酸微苦鹹陰中微陽入足少陰手太陰血分足少陰氣分主益氣者肺主諸氣酸能收正入肺補肺故益氣也其主欬逆上氣者氣虛則上壅而不歸元酸以收之攝氣歸元則欬



逆上氣自除矣勞傷羸瘦補不足強陰益男子精別錄養五臟除熱生陰中肌者五味子專補腎兼補五臟腎藏精精盛則陰強收攝則真氣歸元而丹田煖腐熟水穀蒸糟粕而化精微則精自生精生則陰長故主如上諸疾也藥性論云五味子君能治中下氣止嘔逆補諸虛勞令人體悅澤除熱氣病人虛而有氣兼嗽者加而用之日華子云煖水臟下

氣賁狹冷氣消水腫反胃心腹氣脹止渴除煩熱解酒毒壯筋骨皆其極功也

主治參互

同人參麥門冬名生脉散能復脉通心入八味丸代附子能潤腎強陰同吳茱萸山茱萸肉豆蔻補骨脂人參治腎洩良同懷乾地黃甘枸杞子車前子覆盆子肉從容白膠麥門冬人參杜仲白蒺藜黃檗主令人有



子 同天麥二冬百部阿膠薄荷葉主肺虛
久嗽 君乾葛白菴豆解酒毒良

簡誤

痧癘初發及一切停飲肝家有動氣肺家有
實熱應用黃芩瀉熱者皆禁用
蘭草味辛平無毒主利水道殺蠱毒辟不祥除
胸中痰癖久服益氣輕身不老通神明

疏○蘭草稟天地清芬之氣以生故其味辛

氣平無毒入手太陰足陽明經肺主氣肺氣
鬱結則上竅閉而下竅不通胃主納水穀胃
氣鬱滯則水穀不以時化而為痰癖蠱毒不
祥之氣亦胃中受病辛平能散結滯芬芳能
除穢惡則上來諸證自瘳大都開胃除惡清
肺消痰散鬱結之聖藥也久服等語亦言其
效之極功

主治參互




同藿香枇杷葉石斛竹茹橘紅開胃氣之神品
加入沉水香鬱金白豆蔻真蘇子蘆根
汁下氣開鬱治噎膈之將成者 同栝樓根
麥冬黃連竹葉蘆根汁治消渴
忍冬味甘溫無毒主寒熱身腫久服輕身長年
益壽

疏○忍冬卽金銀花藤一名鷲鷲藤感土之
冲氣稟天之春氣故味甘微寒而無毒主寒

熱身腫久服輕身長年益壽者甘能益血甘
能和中微寒卽生氣也氣味如斯所主宜矣
主治參互

同甘菊花紫花地丁夏枯草白及白欬貝母
連翹鼠黏子治一切腫毒加辟虺雷治一切
疥瘡 君地榆芍藥黃連甘草升麻治一切
血痢 單味葵膏小兒服之可稀痘 肘後
方忍冬藤葵膏治飛尸伏尸遁尸沉尸風尸



尸疰

蛇床子味苦辛甘平無毒主婦人陰中腫痛男子陰痿溼癢除痺氣利關節癩癰惡瘡溫中下氣令婦人子藏熱男子陰強久服輕身好顏色令人有子

疏○蛇床子味苦平別錄辛甘無毒今詳其氣味當必兼溫燥陽也故主婦人陰中腫痛男子陰痿溼癢除痺氣利關節惡瘡別錄溫

中下氣令婦人子藏熱男子陰強久服輕身令人有子蓋以苦能除溼溫能散寒辛能潤腎甘能益脾故能除婦人男子一切虛寒溼所生病寒溼既除則病去身輕性能益陽故能已疾而又有補益也 雷公云凡使須用濃藍汁并百部自然汁二味同浸三伏時漉出日乾却用生地汁拌蒸從午至亥日乾用此藥只令陽氣盛數號曰鬼考也



主治參互

蛇床子同巴戟天遠志牛膝何首烏陽起石
治男子陰痿溼癢 同巴戟天牛膝杜仲續
斷地黃黃蘗白膠治婦人陰中腫痛 同黃
蘗山茱萸肉五味子茯苓車前子香附川續
斷補骨脂治一切帶下赤者加白膠阿膠

簡誤

蛇床子性溫燥腎家有火及下部有熱者勿

服

景天味苦酸平無毒主大熱火瘡身熱煩邪惡
氣諸蠱毒痂疔寒熱風痺諸不足花主女人漏
下赤白輕身明目久服通神不老

疏○景天卽慎火草也味苦平別錄酸無毒
今詳其功用當是大寒純陰之草也性能涼
血解毒故主大熱火瘡身熱煩邪惡氣諸蠱
毒痂疔寒熱風痺諸不足熱解則毒散血涼



血涼則陰生故也花功用具如經說第大若
寒之藥而云輕身明目通神不老未可嘗試
也

主治參互

治毒虺蛇傷取汁飲并敷傷處立效 治一
切赤遊風各種火丹之神藥也故知其性大
寒其味大苦耳

簡誤

一切病得之寒溼惡寒喜熱者勿服

茵陳蒿味苦平微寒無毒主風溼寒熱邪氣熱
結黃疸通身發黃小便不利除頭熱去伏瘕久
服輕身益氣耐老面白悅長年

疏○茵陳蒿感天地苦寒之味而兼得春之
生氣以生者也其味苦平微寒無毒故主風
溼寒熱邪氣熱結黃疸通身發黃小便不利
及頭熱皆溼熱在陽明太陰所生病也苦寒



能燥溼除熱溼熱去則諸證自退矣去伏瘕
及久服輕身益氣耐老面白悅長年未有修
事者日華子云石茵陳味苦涼無毒卽山茵
陳也入足陽明太陰足太陽三經除溼散熱
結之要藥也

主治參互

茵陳性苦寒能除一切溼熱五疸雖各有其
因然同爲溼熱所成故得黃連乾葛黃蘗首

猶五味子治酒疸如神 得二朮茯苓澤瀉
車前子木通橘皮神麴紅麴麥門冬治穀疸
同生地黃仙人對坐草石斛木瓜牛膝黃
蘗治疸因酒色而得病名女勞疸 仲景茵
陳湯治穀疸寒熱不食食卽頭眩心胸不安
茵陳六兩梔子十四枚大黃二兩以水一斗
先煮茵陳減六升內二味煮取三升去滓分
溫三服小便當利尿如皂角汁狀色正赤一



宿腹減黃從小便去也 又茵陳五苓散總

治諸疸

簡誤

蓄血發黃者禁用

沙參味苦微寒無毒主血積驚氣除寒熱補中
益肺氣療胸痺心腹痛結熱邪氣頭痛皮間邪
熱安五藏補中久服利人

疏○沙參稟天地清和之氣本經味苦微寒

無毒王好古謂甘而微苦苦者味之陰也寒
者氣之陰也甘乃土之冲氣所化合斯三者
故補五臟之陰故主血積驚氣除寒熱補中
益肺氣別錄又療胸痺心腹結熱邪氣頭痛
皮間邪熱者若能洩熱寒能除熱甘能緩急
益血補中故療諸因熱所生病而其功用馴
致安五臟補中久服利人也入手太陰經

主治參互




同天門冬麥門冬百部五味子桑白皮治肺
痿肺熱 同貝母枇杷葉栝樓甘草桑白皮
百部天門冬款冬花治久嗽 葛洪治卒得
諸疝少腹及陰中相引痛如絞自汗出欲死
搗細末酒服方寸匕立差

簡誤

臟腑無實熱肺虛寒客之作嗽者勿服

王不畱行味苦甘平無毒主金瘡止血逐痛出
刺除風痺內寒止心煩鼻衄癰疽惡瘡瘦乳婦
人難產久服輕身耐老增壽

疏○王不畱行稟土金火之氣故味苦甘平
平者辛也其氣應溫而無毒若能洩辛能散
甘入血溫能行故主金瘡止血逐痛出刺除
風痺內寒癰疽惡瘡瘦乳婦人難產入血活
血之要藥也若夫心煩鼻衄應是血分熱病
非同涼血藥用未見其可也入足厥陰經



主治參互


同漏蘆貝母鮫鯉甲青皮沒藥山茨菇山豆
根栝樓根治乳巖乳癰 同鮫鯉甲白芷通
草猪蹄汁煮服下乳 爲末和蟾酥治疔瘡
酒服取汗 千金方有王不留行湯治癰疽
妬乳月蝕白禿及面上瘡去蟲止痛王不留
行東南桃枝東行吳茱萸根皮各五兩蛇床
子一升牡荊子苦竹葉刺蒺藜子各三升大

麻子一升以水二斗半煮水一斗頻頻洗之
簡誤

孕婦勿服

長松味甘溫無毒主風血冷氣宿疾溫中去風
草似松葉上有脂山人服之

疏○長松生太行西北五臺諸山得天地溫
和之氣而生故性味甘溫而無毒主風血冷
氣宿疾溫中去風出陳藏器治大風惡疾眉



髮墮落百骸腐潰每一兩入甘草少許水煎
服旬日卽愈又解諸蟲毒當是祛風之仙藥
也






NATIONAL CENTRAL LIBRARY, TAIWAN, R.O.C.

西人其草... 仙菜







NATIONAL CENTRAL LIBRARY, TAIWAN, R.O.C.



20250007 NATIONAL CENTRAL LIBRARY, TAIWAN R.O.C.







國立中央圖書館 國立中央圖書館, TAIWAN, R.O.C.



神農本草經疏卷之八

草部中品之上

總六十二種今疏其要者三十種

乾薑

生薑

菴耳實

乾葛

栝樓根

苦參

當歸

麻黃

通草

芍藥


瞿麥

玄參

秦艽

百合

知母



霍亂脹滿風邪諸毒皮膚間結氣止唾血生者	乾薑味辛溫大熱無毒主胸滿欬逆上氣溫中止血出汗逐風溼痺腸澼下痢寒冷腹痛中惡	貝母	白芷	淫羊藿
		黃芩	狗脊	茅根
		紫菀	紫草	前胡
		白鮮	紫參	藜蘆
		草薺	白薇	大青

尤良

疏○乾薑稟天地之陽氣故味辛而氣溫雖熱而無毒辛可散邪理結溫可除寒通氣故主胸滿欬逆上氣溫中出汗逐風溼痺下痢因於寒冷止腹痛其言止血者蓋血虛則發熱熱則血妄行乾薑炒黑能引諸補血藥入陰分血得補則陰生而熱退血不妄行矣治腸澼亦其義也生薑能通神明辟惡氣故主




中惡霍亂脹滿風邪諸毒皮膚間結氣惟唾
血定非寒證別錄載之誤矣

主治參互

乾薑生用同橘皮烏藥白豆蔻除胸滿欬逆
上氣 同紫蘇桂枝能溫中出汗加朮則能
逐風溼痺 同朮茯苓人參甘草治下利寒
冷腹痛 炒黑同生地黃白芍藥當歸牛膝
治產後惡露不盡血虛發熱 同地黃地榆

芍藥麥門冬人參黃耆甘草升麻治腸澼下
血 同藿香縮砂橘皮紫蘇木香治中惡去
木香加木瓜則治霍亂脹滿加桂枝并治風
邪諸毒皮膚間結氣 同橘皮人參止胃虛
嘔逆 同橘皮朮貝母茯苓治痰瘧久不愈
同人參朮桂枝橘皮治寒瘧 同人參朮
甘草治虛寒泄瀉中寒作泄

簡誤



乾薑大辛辛能散氣走血久服損陰傷目陰
虛內熱陰虛欬嗽吐血表虛有熱汗出自汗
盜汗臟毒下血因熱嘔惡火熱腹痛法竝忌
之

生薑味辛微溫主傷寒頭痛鼻塞欬逆上氣止
嘔吐久服去臭氣通神明

疏○生薑所稟與乾薑性氣無殊第消痰止
嘔出汗散風祛寒止泄疎肝導滯則功優於

乾者主治簡誤竝與前同

藁耳實味苦甘溫葉味苦辛微寒有小毒主風
寒頭痛風溼周痺四肢拘攣痛惡肉死肌膝痛
溪毒久服益氣耳目聰明強志輕身

疏○藁耳蒼耳也得土之冲氣兼稟天之春
氣故味甘溫而別錄益之以苦當是無毒葉
味苦辛微寒有小毒苦以燥溼甘以和血溫
則通暢春氣發生而升故主風寒頭痛風溼



周痺四肢拘攣惡肉死肌膝痛溪毒也祛風
療溼之藥食療聖惠千金外臺秘要諸方咸
堪選用亦無簡誤

葛根味甘平無毒主消渴身大熱嘔吐諸痺起
陰氣解諸毒療傷寒中風頭痛解肌發表出汗
開腠理療金瘡止痛脇風痛 生根汁大寒療
消渴傷寒壯熱 葛穀主下痢十歲已上 葉
主金瘡止血 花主消酒一名雞薺根一名鹿

霍

殺野葛也
豆百藥毒

疏○葛根稟天地清陽發生之氣其味甘平
其性升而無毒入足陽明胃經解散陽明溫
病熱邪之要藥也故主消渴身大熱熱壅胸
膈作嘔吐發散而升風藥之性也故主諸痺
生氣升騰故起陰氣甘者土之冲氣春令少
陽應兼微寒故解諸毒及別錄療傷寒中風
頭痛解肌發表出汗開腠理甘能和血而除



熱故又主療金瘡止痛及脇風痛也

主治參互

葛根湯治陽明胃經溫病邪熱頭疼發渴煩
悶鼻乾不得眠如渴甚嘔甚則加石膏麥門
冬知母竹葉 葛根升麻湯治斑痧初發點
粒未形 同一切補腎益精藥作丸餌則起
陰令人有子 同升麻入升陽散火升陽除
溼升陽益胃清暑益氣補中益氣等湯用

簡誤

傷寒頭痛兼項強腰痛及遍身骨疼者足
太陽也邪猶未入陽明故無渴證不宜服五
勞七傷上盛下虛之人暑月雖有脾胃病不
宜服

栝樓根味苦寒無毒主消渴身熱煩滿大熱補
虛安中續絕傷除腸胃中痼熱入疸身面黃唇
乾口燥短氣通月水止小便利 實名黃瓜主



胸痺悅澤人面

莖葉療中熱傷暑

枸杞子爲之使惡乾

薑畏牛膝乾漆反烏頭

疏○枯樓根稟天地清寒之氣故味苦氣寒而無毒能止消渴身熱煩滿大熱熱散則氣復故又主補虛安中涼血則血和故主續絕傷并除腸胃中痼熱苦寒能除熱故主八疸身面黃唇乾口燥短氣血涼則不瘀故通月水膀胱熱解則小便不頻故能止小便利黃

瓜主胸痺及傷寒結胸悅澤人面枯樓仁主消痰莖葉療中熱傷暑者皆以其清寒散熱故也

主治參互

根同貝母竹瀝竹茹荆瀝天門冬消痰同
金銀花連翹貝母白及甘草消一切腫毒
實同黃連枳實爲小陷胸湯治傷寒虛結胸

簡誤




脾胃虛寒作泄者勿服

苦參味苦寒無毒主心腹結氣癥瘕積聚黃疸
溺有餘瀝逐水除癰腫補中明目止淚養肝膽
氣安五藏定志益精利九竅除伏熱腸澀止渴
醒酒小便黃赤療惡瘡下部蠶平胃氣令人嗜
食輕身

玄參爲之使惡目毋
漏蘆菟絲子反參蘆

疏○苦參稟天地陰寒之氣而生其味正苦
其氣寒而沉純陰無毒足少陰腎經君藥也

苦以燥脾胃之溼兼洩氣分之熱寒以除血
分之熱熱則生風風溼合則生蟲故主心腹
結氣癥瘕積聚黃疸溺有餘瀝逐水除癰腫
明目止淚利九竅除伏熱腸澀止渴醒酒小
便黃赤療惡瘡下部蠶瘡胃家溼熱盛則口
淡不思食食亦不生肌肉溼熱散則胃氣平
和而令人嗜食矣其曰補中養肝膽氣安五
臟定志益精輕身者通指熱散溼除則臟腑



氣血安和而致然也味既至苦性復陰寒善能殺蟲故藥性論治熱毒風皮肌煩燥生瘡赤癩眉脫主除大熱嗜睡

主治參互

臘月米醋漬入甕中封固主一切天行熱病頭疼口渴身熱甚者發狂飲碗許得吐則愈汗亦如之 同胡麻刺蒺藜荆芥穗甘菊花稀莖白芷當歸川芎地黃天門冬何首烏牛

膝漆葉秦艽龍膽草治大麻風 同牡蠣粉
白朮青黛治童子胃熱羸瘦疳虵 同龍膽
草爲末牛膽和丸梧子大生大麥湯服五丸
日三治穀疸食勞頭旋心怫鬱不安而發黃
疸由失饑大食胃氣溼熱衝熏所致 集驗
方治熱毒足腫疼欲脫酒煮苦參以漬之

簡誤

苦參雖能洩血中之熱除溼熱生蟲爲癘然



以其味大苦氣大寒久服能損腎氣肝腎虛
而無大熱者勿服

當歸味甘辛溫大溫無毒主欬逆上氣溫瘧寒
熱洗洗在皮膚中婦人漏下絕子諸惡瘡瘍金
瘡灸飲之溫中止痛除客血內寒中風瘖瘖作瘖
不出溼痺中惡客氣虛冷補五藏生肌肉惡煎

唐本當歸海
藻杜蒙

疏○當歸稟土之甘味天之溫氣別錄兼辛

大溫無毒甘以緩之辛以散之潤之溫以通
之暢之入手少陰足厥陰亦入足太陰活血
補血之要藥故主欬逆上氣也溫瘧寒熱洗
洗在皮膚中者邪在厥陰也行血則厥陰之
邪自解故寒熱洗洗隨愈也婦人以血為主
漏下絕子血枯故也諸惡瘡瘍其已潰者溫
補內寒則補血而生肌肉也金瘡以活血補
血爲要破傷風亦然並灸飲之內虛則中寒



甘溫益血故能溫中血凝則痛活血故痛自
止血溢出膜外或在腸胃則容血得溫得辛
則容血自散也內寒者甘溫益血之效也中
風痙瘓卽角弓反張也汗不出者風邪乘虛
容血分也得辛溫則血行而和故瘓自柔而
汗自出也痺者血分爲邪所容故拘攣而痛
也風寒溼三者合而成痺血行則邪不能容
故痺自除也中惡者內虛故猝中於邪也容

氣者外來之寒氣也溫中則寒氣自散矣虛
冷者內虛血不榮於肉分故冷也補五臟生
肌肉者臟皆屬陰陰者血也陰氣足則榮血
旺而肌肉長也患人虛冷加而用之

主治參互

同川芎芍藥地黃名四物湯主婦人血分百
病加炒黑乾薑炒黑豆澤蘭牛膝益母草蒲
黃治婦人產後百病 同桂枝朮菊花牛膝



主痺 同牛膝鼈甲橘皮生薑治瘧在陰分
久不止 同酸棗仁遠志人參茯神治心血
虛不得眠 同黃耆生熟地黃黃芩黃連黃
檗治盜汗 同荆芥白芷芍藥地黃治破傷
風 同續斷牛膝杜仲地黃鹿角屑桂治一
切折傷踉蹌跌挫閃作疼 同川芎人參治難
產及倒生 同益母草紅藍花蒲黃牛膝治
產後血上薄心 同白膠地黃芍藥續斷杜

仲治婦人血閉無子 同地榆金銀花滑石
紅麴治滯下純血裏急後重

簡誤

當歸性辛溫雖能活血補血終是行走之性
故致滑腸又其氣與胃氣不相宜故腸胃薄
弱洩瀉澹薄及一切脾胃病惡食不思食及
食不消竝禁用之卽在產後胎前亦不得入
麻黃味苦溫微溫無毒主中風傷寒頭痛溫瘧



發表出汗去邪熱氣止欬逆上氣除寒熱破癥
堅積聚五藏邪氣緩急風脇痛字乳餘疾止好
唾通腠理疎傷寒頭疼解肌洩邪惡氣消赤黑
斑毒不可多服令人虛

疏○麻黃稟天地清陽剛烈之氣故本經味
苦其氣溫而無毒詳其主治應是大辛之藥
藥性論加甘亦應有之氣味俱薄輕清而浮
陽也升也手太陰之藥入足太陽經兼走手

少陰陽明輕可去實故療傷寒爲解肌第一
專主中風傷寒頭痛溫瘧發表出汗去邪熱
氣者蓋以風寒溼之外邪客於陽分皮毛之
間則腠理閉拒榮衛氣血不能行故謂之實
此藥輕清成象故能去其壅實使邪從表散
也欬逆上氣者風寒鬱於手太陰也寒熱者
邪在表也五臟邪氣緩急者五緩六急也風
脇痛者風邪客於脇下也斯皆衛實之病也



衛中風寒之邪既散則上來諸證自除矣其
曰消赤黑斑毒者若在春夏非所宜也破癥
堅積聚亦非發表所能潔古云去榮中寒邪
洩衛中風熱乃確論也多服令人虛走散真
元之氣故也


主治叅互

仲景治傷寒有麻黃湯大小青龍湯治肺病
上氣有射干麻黃湯厚朴麻黃湯 同石膏

杏仁桑白皮甘草治寒邪鬱於肺經以致喘
滿欬嗽 仲景治少陰病發熱脉沉有麻黃
附子細辛湯及麻黃附子甘草湯 同桂可
治風痺冷痛 蜜炒麻黃治冬月瘡疱爲風
寒所鬱以致倒靨喘悶一服立解

簡誤

麻黃輕揚發散故專治風寒之邪在表爲入
肺之要藥然其味大辛氣大熱性輕揚善散



亦陽草也故發表最速若夫表虛自汗陰虛盜汗肺虛有熱多痰欬嗽以致鼻塞瘡疱熱甚不因寒邪所鬱而自倒厯虛人傷風氣虛發喘陰虛火炎以致眩暈頭痛南方中風癱瘓及平日陽虛腠理不密之人皆禁用汗多亡陽能損人壽戒之戒之自春深夏月以至初秋法所同禁

通草味辛甘平無毒主去惡蟲除脾胃寒熱通

利九竅血脉關節令人不忘療脾疸常欲眠心煩嘔出音聲療耳聾散癰腫諸結不消及金瘡惡瘡鼠瘻踈折鼈鼻息肉墮胎去三蟲

疏○通草者卽木通也稟清秋之氣兼得土之甘淡故其味辛平別錄加甘無毒又云微寒味甘而淡氣平味薄降也陽中陰也入足少陰太陽亦入手少陰太陽能助西方秋氣下降故利小便專瀉氣滯肺受熱邪津液氣



化之源絕則寒水斷流膀胱受溼熱癰閉則
約束小便不通宜此治之其證胸中煩熱口
燥舌乾咽乾大渴引飲小便淋瀝或閉塞不
通脛酸脚熱竝宜此主之本經主除脾胃寒
熱者以其通氣利溼熱也其曰通利九竅血
脈關節以其味淡滲而氣芬芳也令人不忘
者心主記心家之熱去則心清而不忘矣溼
熱生蟲故又主惡蟲療脾疸常欲眠心煩噦

者脾家溼熱壅盛則成疸心脾之熱不清則
昏昏欲眠而心煩噦音聲出於肺肺家之溼
熱去則肺金之氣清而音聲出矣治耳聾者
洩腎家之溼火也散癰腫諸結不消及金瘡
惡瘡鼠瘻踠折鼷鼻息肉墮胎又藥性論治
五淋利小便開關格下水排膿止痛及治人
多睡水腫浮大陳士良主理溼熱小便數急
疼少腹虛滿目華子主婦人血閉月候不勻



乳結下乳者皆通竅之所致也

主治參互

同茯苓澤瀉燈心車前子猪苓治膀胱溼熱
癃閉如疏中所引東垣所說 入導赤散者
以其能瀉丙丁之火則肺不受邪能通水道
水源既清則津液自化而諸經之溼與熱得
由小便洩去故也 同牛膝生地黃天麥門
冬五味子黃蘗甘草治尿血 同牛膝生地

黃延胡索治婦人經閉及月事不調

簡誤

木通性通利凡精滑不夢自遺及陽虛氣弱
內無溼熱者禁用妊娠忌之

○通脫木卽今之通草也稟土之清氣兼得天
之陽氣故味甘淡氣寒無毒東垣甘平陽中
陰降也陽中之陰必下降故主利陰竅治五
淋除水腫癃閉瀉肺解諸毒蟲痛明目退熱



下乳催生以其色白體輕氣寒味淡故入手
太陰經引熱下降以利小便故又入足陽明
胃經通氣上達而下乳汁及除寒熱不通之
氣以其氣寒而降也

主治參互

佐番降香紅麴鯨鯉甲山查沒藥治上部內
傷

簡誤

虛脫人禁用孕婦勿服

芍藥味苦酸平微寒有小毒主邪氣腹痛除血
痺破堅積寒熱疝瘕止痛利小便益氣通順血
脈緩中散惡血逐賊血去水氣利膀胱大小腸
消癰腫時行寒熱中惡腹痛腰痛

甄權主婦人血閉不通

日華子主女人一切病胎前產後諸疾治風補
勞退熱除煩益氣日赤腸風瀉血元素主瀉
肝安脾肺收胃氣止瀉利固膝理和血脈收陰
氣欬逆氣好古主理中氣治脾虛中滿心下
痞滿下痛喜噫肺急脹逆喘欬太陽欬翳目澀
肝血不足陽維病若寒熱帶脈病若腹痛滿腰



溶落如坐水中時
珍止下利腹痛後重

疏○芍藥稟天地之陰而兼得甲木之氣本
經味苦平無毒別錄加酸微寒氣薄味厚升
而微降陽中陰也又可升可降陰也降也爲
手足太陰引經藥入肝脾血分圖經載有二
種金芍藥色白木芍藥色赤赤者利小便散
血白者止痛下氣赤行血白補血白補而赤
瀉白收而赤散酸以收之甘以緩之甘酸相

合用補陰血通氣而除肺燥故本經主邪氣
腹痛除血痺破堅積寒熱疝瘕通順血脈散
惡血逐賊血消癰腫婦人血閉不通目赤腸
風瀉血赤所治也緩中去水氣利膀胱大小
腸中惡腹痛腰痛女人一切病胎前產後諸
病治風補勞退熱除煩益氣瀉肝安脾肺收
胃氣止瀉利固腠理和血脈收陰氣斂逆氣
理中氣治脾虛中滿心下痞脇下痛善噫肺



急脹逆喘欬太陽歟目澀肝血不足陽維
病苦寒熱帶脉病苦腹痛滿腰溶溶如坐水
中止下痢腹痛後重白所治也詳味圖經以
金木分赤白厥有深旨芍藥味酸寒得木化
金色白故白者兼金氣者也專入脾經血分
能瀉肝家火邪故其所主收而補制肝補脾
陡健脾經脾主中焦以其正補脾經故能緩
中土虛則水泛濫脾實則水氣自去故去水

氣土堅則水清故利膀胱大小腸中焦不治
則惡氣乘虛而客之爲腹痛補脾則中自和
而邪不能留腹痛自止矣脾虛則溼氣下流
客腎故腰痛得補則脾氣運而上行故腰痛
自愈女人以血爲主脾統血故治女人一切
病胎前產後無非血分所關酸寒能涼血補
血故主胎產諸病土實則金肅而木氣自斂
故治風除熱益血故能補勞退熱除煩脾統



後天元氣得補則旺故益氣酸寒能瀉肝肝
平則脾不爲賊邪所干脾健則母能令子實
故安脾肺胃氣屬土土虛則緩而散木化作
酸故收胃氣脾虛則中氣下陷而成瀉利東
垣以中焦用白芍藥則脾中升陽又使肝膽
之邪不敢犯則瀉利自止矣肺主皮毛腠理
脾主肌肉而爲肺之母母能令子實故固腠
理脾統血脾和則血脉自和酸斂入陰故收

陰氣斂逆氣理中氣脾虛則中滿實則滿自
消治中則心下不痞瀉肝則脇下不痛善噫
者脾病也脾健則不噫肝脾之火上炎則肺
急脹逆喘欬酸寒收斂以瀉肝補脾則肺自
寧急脹逆喘欬之證自除涼血補血則太陽
歛衄自愈脾虛則目澀得補則澀除肝家無
火則肝血自足陽維病苦寒熱及帶脉病苦
腹痛滿腰溶溶如坐水中皆血虛陰不足之




候也肝脾和陰血旺則前證自瘳矣木芍藥
色赤赤者主破散主通利專入肝家血分故
主邪氣腹痛其主除血痺破堅積者血瘀則
發寒熱行血則寒熱自止血痺疝瘕皆血凝
滯而成破凝滯之血則痺和而疝瘕自消涼
肝故通順血脉肝主血入肝行血故散惡血
逐賊血榮氣不和則逆於肉裏結爲癰腫行
血涼血則癰腫自消婦人經行屬足厥陰肝

經入肝行血故主經閉肝開竅於目目赤者
肝熱也酸寒能涼肝故治目赤腸風下血者
溼熱傷血也血涼則腸風自止矣

主治參互

白芍藥酒炒爲君佐以炙甘草爲健脾最勝
之劑能治血虛腹痛 同黃連滑石甘草升
麻人參蓮肉菡豆紅麴乾葛爲治滯下之神
藥 同人參白朮茯苓炙甘草肉豆蔻橘皮



車前子治脾虛洩瀉 酒炒白芍藥二兩炙
甘草二錢蓮子去心五十粒水煎治痘瘡有
熱作洩熱甚加酒炒黃連一錢 同荆芥防
風生地黃黃耆炙甘草治腸風下血 同當
歸地黃牛膝炒黑乾薑續斷麥門冬五味子
治產後血虛發熱 君白芷炙甘草治痘瘡
血虛發癢 同黃耆防風治表虛傷風自汗
赤芍藥同藿香橘皮木瓜甘草治中惡腹

痛 同芎藭紅花生地黃當歸白芷荆芥治
破傷風發熱疼痛 同牛膝當歸地黃延胡
索山查澤蘭紅藍花五靈脂治初產惡露不
下腹痛冬月加肉桂 同金銀花白芷鯨鯉
甲紫花地丁夏枯草茜草生甘菊消一切癰
腫 同香附當歸地黃延胡索青皮治經阻
腹痛加五靈脂蒲黃能散惡血逐敗血
簡誤



白芍藥酸寒凡中寒腹痛中寒作泄腹中冷
痛腸胃中覺冷等證忌之赤芍藥破血故凡
一切血虛病及泄瀉產後惡露已行少腹痛
已止癰疽已潰竝不宜服
瞿麥味苦辛寒無毒主關格諸癰結小便不通
出刺決癰腫明目去翳破胎墮子下閉血養腎
氣逐膀胱邪逆止霍亂長毛髮

疏○瞿麥稟陰寒之氣而生故味苦寒別錄

兼辛無毒苦辛能破血陰寒而降能通利下
竅而行小便故主關格諸癰結小便不通因
於小腸熱甚者寒能散熱辛能散結故決癰
腫除溼熱故明目去翳辛寒破血故破胎墮
子而下閉血也去腎家溼熱故云養腎氣逐
膀胱邪逆者亦洩溼熱故也溼熱客中焦則
清濁不分而爲霍亂通利溼熱則霍亂自解
矣用蓋殼不用莖葉入藥先須以葶竹瀝



浸一伏時漉出曬乾

主治參互

入八正散利小腸實熱結閉 千金方立效
散治下焦結熱小便淋閉或有血出或大小
便出血瞿麥穗一兩炙甘草七錢五分山梔
仁炒半兩爲末每服七錢連鬚葱白七箇燈
心五十莖生薑五片水二盞煎至七分時時
溫服

簡誤

瞿麥苦寒兼辛性猛利善下逐凡腎氣虛小
腸無大熱者忌之胎前產後一切虛人患小
水不利法竝禁用水腫蠱脹脾虛者不得施
玄參味苦鹹微寒無毒主腹中寒熱積聚女子
產乳餘疾補腎氣令人明目主暴中風傷寒身
熱支滿狂邪忽忽不知人溫瘧洒洒血痲下寒
血除胸中氣下水止煩渴散頸下核癰腫心腹



痛堅癥定五藏久服補虛明目強陰益精

忌犯銅器

時 頸權殺癩瘰癧
珍解斑毒利咽喉

疏○玄參正稟北方水氣而兼得春陽之和
故味苦而微寒無毒別錄兼鹹以其入腎也
爲足少陰經君藥黑乃水色苦能下氣寒能
除熱鹹能潤下軟堅故主腹中寒熱積聚女
子產乳餘疾補腎氣令人明目者益陰除熱
故補腎而明目也熱則生風故主暴中風及

療傷寒至春變爲溫病身熱支滿狂邪忽忽
不知人主溫瘧洒洒者邪熱在表也胸中氣
亦邪熱也止煩渴散頸下核癰腫者解熱軟
堅之效也心腹痛亦熱也堅癥者內熱血瘀
而乾也益陰除熱故定五臟久服補虛強陰
益精也散結氣而能軟堅故主瘰癧也散結
涼血降火故解斑毒利咽喉也下寒血三字
疑有誤



主治參互

同升麻甘草等分水煎治發斑咽痛出活人
書 同鼠黏子半生半炒各兩許爲末新汲
水服治急喉痺風 同地黃甘菊花蒺藜枸
杞子柴胡能明目 同貝母連翹甘草栝樓
根薄荷夏枯草治癰癤 同知母麥門冬竹
葉治傷寒陽毒汗下後熱毒不散心下懊懣
煩不得眠心神顛倒欲絕 同黃連大黃等

分蜜丸如梧子每三四十九白湯下治三焦
積熱 經驗方治勞香玄參一斤甘松六兩
爲末煉蜜一斤和勻入瓶中封閉地中埋窖
十日取出更用灰末六兩煉蜜六兩同和入
瓶更窖五日取出燒之嘗令聞香其疾自愈
簡誤

血少目昏停飲寒熱支滿血虛腹痛脾虛泄
瀉竝不宜服



秦艽味苦辛平微溫無毒主寒熱邪氣寒溼風痺肢節痛下水利小便療風無問久新通身攣急

疏○秦艽感秋金之氣故味苦平別錄兼辛微溫而無毒潔古氣微溫味苦辛亦可云微寒陰中微陽可升可降降多於升入手足陽明經若能洩辛能散微溫能通利故主寒熱邪氣寒溼風痺肢節痛下水利小便性能祛

風除溼故別錄療風無問久新及通身攣急能燥溼散熱結故日華子治骨蒸及疳熱甄權治酒疸解酒毒元素除陽明風溼及手足不遂腸風瀉血養血榮筋好古泄熱益膽氣咸以其除溼散結清腸胃之功也雷公云左文列爲秦卽治病右文列爲艽卽發脚氣先以布拭上黃肉毛令盡用還元湯浸一宿曬乾用



主治參互

秦朮同乾葛山茵陳五味子黃連白菹豆木
通首菑治酒疽 聖惠方治小便難腹滿不
急治之殺人用秦朮一兩去苗細剉以水一
大盞煎取七分去滓每於食前分爲三服
同意苡仁木瓜五加皮黃檗蒼朮牛膝治下
部溼熱作疼或生溼瘡 孫真人治黃疽皮
膚眼睛如金色小便赤取秦朮五兩牛乳三

升煮取一升去滓納芒硝一兩分作三服
正元廣利方療黃疽心煩煩熱口乾皮肉皆
黃以秦朮三兩牛乳一大升同煮取七合去
滓分溫再服差此方出許仁則 崔元亮集
驗方凡發背疑似者須便服秦朮牛膝煎當
卽快利三五行卽差

簡誤

下部虛寒人及小便不禁者勿服



百合味甘平無毒主邪氣腹脹心痛利大小便
補中益氣除浮腫臃脹痞滿寒熱通身疼痛及
乳難喉痺止涕淚

疏○百合得土金之氣而兼天之清和故味
甘平亦應微寒無毒入手太陰陽明亦入手
少陰故主邪氣腹脹所謂邪氣者卽邪熱也
邪熱在腹故腹脹清其邪熱則脹消矣解利
心家之邪熱則心痛自瘳腎主二便腎與大

腸二經有熱邪則不通利清二經之邪熱則
大小便自利甘能補中熱清則氣生故補中
益氣清熱利小便故除浮腫臃脹痞滿寒熱
通身疼痛乳難足陽明熱也喉痺者手少陽
三焦手少陰心家熱也涕淚肺肝熱也清陽
明三焦心部之熱則上來諸病自除

主治參互


仲景治傷寒病百合證有柴胡百合湯同



知母貝母天門冬麥門冬百部桑根白皮薏
苡仁枇杷葉治肺熱欬嗽及吐膿血 同麥
門冬白芍藥甘草通脫木利大小便 同知
母柴胡竹葉治寒熱邪氣通身疼痛 同白
芍藥炙甘草麥門冬五味子補中益氣 同
白芍藥白茯苓車前子桑根白皮治浮腫
簡誤
中寒者勿服

知母味苦寒無毒主消渴熱中除邪氣肢體浮
腫下水補不足益氣療傷寒久瘧煩熱脇下邪
氣膈中惡及風汗內疸多服令人洩

疏○知母稟天地至陰之氣故味苦氣寒而
無毒藥性論兼平日華子兼甘皆應有之入
手太陰足少陰經苦寒能除煩熱至陰能入
骨故主消渴熱中除邪氣脾腎俱虛則溼熱
客之而成肢體浮腫肺爲水之上源腎屬水




清熱滋肺金益水臟則水自下矣補不足者
清熱以滋金水之陰故補不足熱散陰生故
益氣苦寒至陰之性煩熱得之卽解故療傷
寒久瘧煩熱及脇下邪氣凡言邪者皆熱也
膈中惡卽邪惡之氣中於膈中也風汗者熱
則生風而汗自出也內疸者卽女勞色疸也
熱火旣散陰氣卽生故主上來諸證也多服
令人洩者陰寒之物其味復苦則必傷脾胃

生發之氣故作洩也

主治參互

入白虎湯解傷寒陽明證口渴頭疼煩熱鼻
乾不得眠加竹葉麥門冬名竹葉石膏湯治
陽明經前證大渴引飲頭疼欲破因作勞而
得者加人參名人參白虎湯汗後煩熱不解
亦用之 同麥門冬石膏貝母橘紅鼈甲青
蒿牛膝治久瘧煩熱而渴 同貝母天門冬



麥門冬沙參甘草桑白皮枇杷葉五味子百
部治陰虛欬嗽 同黃檗車前子木通天門
冬生甘草治強陽不痿

簡誤

陽痿及易舉易痿洩瀉脾弱飲食不消化胃
虛不思食腎虛溲洩等證法並禁用


貝母味辛苦平微寒無毒主傷寒煩熱淋瀝邪
氣疝瘕喉痺乳難金瘡風癩療腹中結實心下

滿洗洗惡風寒目眩項直欬嗽上氣止煩熱渴

出汗安五藏利骨髓

厚朴白薇爲之使
畏秦朮反烏頭

疏○貝母在地則得土金之氣在天則稟清
肅之令故味辛平別錄兼苦微寒無毒入手
太陰少陰陰中微陽可升可降陰也色白象
金而主肺肺有熱因而生痰或爲熱邪所干
喘嗽煩悶必此主之其主傷寒煩熱者辛寒
兼苦能解除煩熱故也淋瀝者小腸有熱也



心與小腸爲表裏清心家之煩熱則小腸之熱亦解矣邪氣者邪熱也辛以散結苦以泄邪寒以折熱故主邪氣也經曰一陰一陽結爲喉痺一陰者少陰君火也一陽者少陽相火也解少陰少陽之熱除胸中煩熱則喉痺自愈矣乳難者足厥陰足陽明之氣結滯而不通辛能散結氣通其結滯則乳難自瘳熱解則血涼血涼則不痛故主金瘡熱則生風

故主風痙別錄又療腹中結實心下滿洗洗惡風寒者肺主皮毛也目眩者熱上攻也項直卽風痙也欬嗽上氣氣上逆也煩熱渴邪不解汗不出者邪熱盛也其性專能散結除熱則上來諸證皆自愈矣病去則五臟自安骨髓自利也

主治參互

同知母前胡葛根麥冬甘草治陽明斑痧初




發壯熱喘嗽有痰不得眠卽本經所謂傷寒
煩熱邪氣 君橘皮前胡石膏知母麥門冬
竹瀝治痰癰 同知母天麥門冬桑白皮枇
杷葉百部桔梗甘草治肺熱欬嗽及胸中煩
熱 同生甘菊紫花地丁金銀花白及白欬
鼠黏子甘草夏枯草治一切熱毒消一切癰
疽 同鼠黏子玄參栝樓根白僵蠶甘草桔
梗治風癰 同鬱金橘葉連翹栝樓根鼠黏

子夏枯草山茨菇山豆根玄參消一切結核
乳巖瘰癧 同百部百合薏苡仁麥冬蘇子
鬱金童便竹瀝魚腥草治肺熱吐膿血 同
番降香鬱金橘紅遠志蘇梗蘇子香附白豆
蔻開鬱痰加撫芎神麴并解一切氣鬱

簡誤

寒溼痰及食積痰火作嗽溼痰在胃惡心欲
吐痰飲作寒熱脾胃溼痰作眩暈及痰厥頭



痛中惡嘔吐胃寒作泄法應以辛溫燥熱之藥如南星半夏天麻蒼白朮茯苓之類治之者竝禁用

白芷味辛溫無毒主女人漏下赤白血閉陰腫寒熱風頭侵目淚出長肌膚潤澤可作面脂療風邪久渴宜作嘔吐兩脇滿風痛頭眩目痒可作膏藥面脂潤顏色

疏○白芷得地之金氣兼感天之陽氣故味

辛氣溫無毒其氣香烈亦芳草也入手足陽明足太陰走氣分亦走血分升多於降陽也性善祛風能蝕膿故主婦人漏下赤白辛以散之溫以和之香氣入脾故主血閉陰腫寒熱風頭侵目淚出辛香散結而入血止痛故長肌膚芬芳而辛故能潤澤辛香溫散得金氣故療風邪久瀉風能勝溼也香入脾所以止嘔吐療兩脇風痛頭眩目痒祛風之效也



兼可作膏藥面脂潤顏色乃祛風散結之餘
事耳

主治參互

同芍藥黃耆當歸地黃續斷杜仲益母草香
附白膠主漏下赤白加牛膝主血閉陰腫寒
熱 同甘菊細辛藜本決明子蒺藜子荆芥
穗辛夷治頭風侵目淚出 同黃耆甘草地
黃麥冬五味子能長肉 同黃耆甘草茜草

皂角刺金銀花夏枯草地黃赤芍藥排膿止
痛消癰腫 同升麻柴胡乾葛羌活治溼泄
同羌獨活防風荆芥蒺藜胡麻仁甘菊花
何首烏治風邪 同貝母漏蘆連翹金銀花
夏枯草蒲公英紫花地丁橘皮消乳癰結核
衍義蝕膿方白芷一兩單葉紅蜀葵根二
兩白芍藥白礬燒枯各半兩別研餘俱爲細
末黃蠟丸如梧子大空腹及飯前米飲下十



九或十五丸俟膿盡仍別以他藥補之 同
雄黃燒可以辟蛇 同白芍藥治痘瘡作痒
及皮膚搔痒

簡誤

白芷性升而溫嘔吐因於火者禁用漏下赤
白陰虛火熾血熱所致者勿用癰疽已潰宜
漸減去

淫羊藿味辛寒無毒主陰痿絕陽莖中痛利小
便益氣力强志堅筋骨消瘰癧赤癰下部有瘡
洗出蟲丈夫久服令人無子著類爲
之使


疏○淫羊藿本得金土之氣而上感天之陽
氣故其味辛甘其氣溫而無毒本經言寒者
誤也入手厥陰爲補命門之要藥亦入足少
陰厥陰可升可降陽也辛以潤腎甘溫益陽
氣故主陰痿絕陽益氣力强志莖中痛者肝
腎虛也補益二經痛自止矣膀胱者州都之



官津液藏焉氣化則能出矣辛以潤其燥甘
溫益陽氣以助其化故利小便也肝主筋腎
主骨益腎肝則筋骨自堅矣辛能散結甘能
緩中溫能通氣行血故主瘰癧赤癰及下部
有瘡洗出蟲丈夫久服令人無子者因陽旺
則陽道數舉頻御女而精耗散故無子也一
名仙靈脾柳文作毘毘者人臍也臍爲命蒂
故主入命門脩事如雷公法

主治參互

淫羊藿陽草也甘溫益陽氣辛則走而能補
宜與白蒺藜甘枸杞肉蓯蓉五味子牛膝山
茱萸同用爲補陽之妙劑 漬醇酒飲益丈
夫興陽道理腰膝冷亦治偏風不遂大約每
藿一斤漬酒十斤如常法勿令過醉脩事時
忌雞犬婦人見 與五味子等分爲末煉蜜
丸如梧子大每三十九薑茶湯下治三焦欬



嗽腹滿不飲食氣不順 聖濟總錄治目昏
生翳用仙靈脾生王瓜卽小栝樓紅色者等
分爲末每服一錢茶下日三服 百一選方
治病後青盲目日近者可治仙靈脾一兩淡
豆豉一百粒水一碗半煎一碗頓服卽愈
普濟方治小兒雀盲仙靈脾晚蠶蛾各半兩
炙甘草射干各二錢半爲末羊肝一枚切開
摻藥末二錢紫定以黑豆一合米泔一盞同

煮熟分二次食以汁送之 痘疹入目用仙
靈脾葳靈仙等分爲末每服五分米湯下

簡誤

虛陽易舉夢遺不止便赤口乾強陽不痿竝
忌之

黃芩味苦平大寒無毒主諸熱黃疸腸澼洩痢
逐水下血閉惡瘡疽蝕火瘍療痰熱胃中熱小
腹絞痛消穀利小腸女子血閉淋露下血小兒

腹痛

其子主腸澼膿血

山茱萸龍骨爲之使
惡蔥實畏丹砂牡丹

四十

蘆菴

疏○黃芩稟天地清寒之氣而兼金之性故
味苦平無毒別錄益之以大寒味厚氣薄陰
中微陽可升可降陰也入手太陰少陰太陽
陽明亦入足少陽其性清肅所以除邪味苦
所以燥溼陰寒所以勝熱故主諸熱諸熱者
邪熱與溼熱也黃疸腸澼洩痢皆溼熱勝之

病也折其本則諸病自瘳矣苦寒能除溼熱
所以小腸利而水自逐源清則流潔也血閉
者實熱在血分卽熱入血室令人經閉不通
溼熱解則榮氣清而自行也惡瘡疽蝕者血
熱則留結而爲癰腫潰爛也火瘍者火氣傷
血也涼血除熱則自愈也別錄消痰熱者熱
在胸中則生痰火在少腹則絞痛小兒內熱
則腹痛胃中溼熱去則胃安而消穀也淋露




下血是熱在陰分也其治往來寒熱者邪在少陽也五淋者溼熱勝所致也苦寒清肅之氣勝則邪氣自解是伐其本也

主治參互

入仲景小柴胡湯治傷寒寒熱邪在少陽亦治少陽瘧往來寒熱傷寒心下痞滿瀉心湯凡四方皆用黃芩以其主諸熱利小腸故也又太陽病下之利不止喘而汗出者有葛根

黃芩黃連湯又太陽少陽合病下利黃芩湯成無已言黃芩苦而入心泄痞熱是黃芩能入手少陰陽明手足太陰少陽六經明矣蓋以苦入心寒勝熱泄心火去脾溼則胃火不熏蒸於肺乃所以救肺也 同芍藥黃連炙甘草車前子防風升麻治溼熱作泄腹痛 同芍藥黃連炙甘草滑石升麻治滯下腹痛 潔古風熱有痰睂眶作痛酒浸黃芩同白




芷天麻等分爲末每服二錢茶調下 同芍
藥麥門冬白朮能安胎清熱 一味爲末酒
服治灸瘡血出不止 一切火丹爲細末雞
子清調敷又治驢馬負重傷破洗淨傅之主
生肌肉

簡誤

黃芩爲苦寒清肅之藥功在除熱邪而非補
益之品當與黃連並列雖能清溼利熱消痰

然苦寒能損胃氣而傷脾陰脾肺虛熱者忌
之故凡中寒作泄中寒腹痛肝腎虛而少腹
痛血虛腹痛脾虛泄瀉腎虛溇瀉脾虛水腫
血枯經閉氣虛小水不利肺受寒邪喘欬及
血虛胎不安陰虛淋露法並禁用

狗脊味苦甘平微溫無毒主腰背強機關緩急
周痺寒溼膝痛頗利老人療失溺不節男子脚
弱腰痛風邪淋露少氣目闇堅脊利俛仰女子



傷中關節重

華薜爲之使惡敗醬

疏○狗脊稟地中冲陽之氣而兼感乎天之陽氣故其味苦其氣平別錄云甘微溫無毒兼火化也若能燥溼甘能益血溫能養氣是補而能走之藥也人足少陰腎主骨骨者腎之餘也腎虛則腰背強機關有緩急之病滋腎益氣血則腰背不強機關無緩急之患矣周痺寒溼膝痛者腎氣不足而爲風寒溼之

邪所中也茲得補則邪散痺除而膝亦利矣老人腎氣衰乏肝血亦虛則筋骨不健補腎入骨故利老人也失溺不節腎氣虛脫故也經曰腰者腎之府動搖不能腎將憊矣此腰痛亦指腎虛而爲溼邪所乘者言也氣血不足則風邪乘虛客之也淋露者腎氣與帶脉衝任俱虛所致也少氣者陽虛也目得血而能視水旺則瞳子精明肝腎俱虛故目闇女



子傷中關節重者血虛有溼也除溼益腎則諸病自瘳堅脊俯仰利矣

主治參互

得鹿茸白欽艾茯苓蛇床子治室女衝任帶
脉三經虛寒下白帶 得牛膝兔絲子地黃
山茱萸白膠杜仲固精強骨壯腰腎 得沉
香牛膝石斛木瓜五加皮白蘚皮菊花漆葉
蒺藜子能通利關節除五緩六急

簡誤

腎虛有熱小水不利或短澀赤黃口苦舌乾
皆忌之

茅根味甘寒無毒主勞傷虛羸補中益氣除瘀
血血閉寒熱利小便下五淋除客熱在腸胃止
渴堅筋婦人崩中久服利人

疏○茅根正稟土之冲氣而兼感乎春陽生
生之氣以生故其味甘氣寒而無毒入手少



陰足太陰陽明勞傷虛羸必內熱甘能補脾
甘則雖寒而不犯胃甘寒能除內熱故主勞
傷虛羸益脾所以補中除熱所以益氣甘能
益血血熱則瘀瘀則閉閉則寒熱作矣寒涼
血甘益血熱去則血和和則瘀消而閉通通
則寒熱自止也小便不利由於內熱也熱解
則便自利淋者血分虛熱所致也涼血益血
則淋自愈而腸胃之容熱自解津液生而渴

亦止矣肝藏血而主筋補血涼肝則筋堅矣
血熱則崩涼血和血崩自愈矣血熱則妄行
溢出上竅爲吐爲咯爲鼻衄齒衄涼血和血
則諸證自除益脾補中利小便故亦治水腫
黃疸而兼理傷寒噦逆也

主治參互

同麥冬生地枸杞子治勞傷內熱
同生地
麥冬蘇子枇杷葉白芍藥甘草蒲黃童便治



諸血 同牛膝生地黃童便治血熱經枯而
閉 同竹茹麥冬石膏人參治傷寒胃熱噦
逆 同芍藥赤小豆赤白茯苓車前子薏苡
仁木瓜石斛木通治水腫 同枇杷葉竹茹
麥門冬治火炎內熱反胃上氣 同生地天
麥門冬車前子牛膝白茯苓黃檗五味子枸
杞子童便治溺血

簡誤

因寒發噦中寒嘔吐溼痰停飲發熱竝不得
服

紫菀味苦辛溫無毒主欬逆上氣胸中寒熱結
氣去蠱毒痿癎安五藏療欬唾膿血止喘悸五
勞體虛補不足小兒驚癇

款冬爲之使惡瞿麥
雷丸遠志畏茵陳蒿

疏○紫菀感春夏之氣化而兼得地中之金
性故味苦溫別錄兼辛無毒入手太陰兼入
足陽明苦以泄之辛以散之溫以行之辛先



入肺肺主諸氣故主欬逆上氣胸中寒熱結
氣去蠱毒亦辛之力也痿廢者陽明之溼熱
熏蒸於肺則肺熱而津液不能下滴傷其氣
化以困水之上源故爲痿廢也肺爲五臟之
華蓋而主諸氣肺安則能朝百脉散精布液
於各臟故云安五臟也療欬逆吐膿血止喘
悸者散肺家之邪也能安五臟故治五勞及
體虛不足小兒驚癇亦虛而有熱故也熱散
則驚癇自止矣得蜜蒸焙良

主治參互

古今傳信方治久嗽紫苑欬冬花各一兩百
部半兩爲末作散每服三錢生薑三片烏梅
一枚同煎湯下食後臨臥各一服入噲化
丸治陰虛欬嗽千金方治婦人卒不得小
便紫苑末以井花水服三撮便通小便血服
五撮便止斗門方治纏喉風喉閉飲食不



通欲死者返魂草根一莖洗淨納入喉中取
惡涎出卽瘥神效更以馬牙硝津嚙之卽絕
根一名紫苑南人呼爲夜牽牛 全幼心鑑
治小兒欬嗽聲不出者紫苑末杏仁泥等分
入蜜同研丸芡實大每服一九五味子湯化
下

簡誤

觀其能開喉痺取惡涎則辛散之功烈矣而
其性溫肺病欬逆喘嗽皆陰虛肺熱證也不
宜專用及多用卽用亦須與天門冬百部麥
冬桑白皮苦寒之藥參用則無害

紫草味苦寒無毒主心腹邪氣五疸補中益氣
利九竅通水道療腹腫脹滿痛以合膏療小兒
瘡及面皴

疏○紫草稟天地陰寒清和之氣故味苦氣
寒而無毒入足少陰厥陰爲涼血之聖藥故



主心腹邪熱之氣五疳者溼熱在脾胃所成去溼除熱利竅其疳自愈邪熱在內能損中氣邪熱散卽能補中益氣矣苦寒性滑故利九竅而通利水道也腹腫脹滿痛者溼熱滯於脾胃則中焦受邪而爲是病溼熱解而從小便出則前證自除也合膏藥療小兒痘瘡及面皴皆涼血之效也

主治 赤豆

同紅花子生地黃甘草貝母牡丹皮濃煎加生犀角汁量兒大小以四十九匙至半盞爲度治痘瘡深紅色或紫或黑陷乾枯便閉神效若在一朝及二朝內稍有元氣雖危可生痘疔痘毒咸治之惟痘毒須加黃耆金銀花鼠黏子痘瘡夾斑疹者加硬石膏麥冬知母竹葉一二劑卽去之

簡誤



紫草苦寒而能通利九竅痘瘡家氣虛脾胃
弱泄瀉不思食小便清利者俱禁用

前胡味苦微寒無毒主療痰滿胸脇中痞心腹
結氣風頭痛去痰實下氣治傷寒寒熱推陳致

新明目益精

半夏爲之使惡
皂莢畏藜蘆

疏○前胡得土金之氣而感秋冬之令故味
苦微寒無毒入手太陰少陽陽中之陰降也
應有甘辛平寒而能降所以下氣故除痰滿

胸脇中痞心腹結氣痰厥頭風痛去痰下氣
治傷寒寒熱推陳致新能去實熱及時氣內
外俱熱單煮服之亦治一切氣破痰結及邪
熱骨節煩悶氣喘欬嗽兼散風邪也

主治參互

同白前杏仁桑白皮甘草桔梗能豁風熱痰
壅喘嗽下氣 入青礞石滾痰丸中代黃芩
治一切實痰有殊功其用黃芩者誤也 同



羌活乾葛柴胡黃芩栝樓根治時疫寒熱


簡誤

前胡苦辛微寒之藥也能散有餘之邪熱實痰而不可施諸氣虛血少之病故凡陰虛火熾煎熬真陰凝結爲痰而發欬嗽真氣虛而氣不歸元以致胸脇逆滿頭痛不因於痰而因於陰血虛內熱心煩外現寒熱而非外感者法竝禁用明目益精厥理亦謬

白鮮味苦鹹寒無毒主頭風黃疸欬逆淋瀝女子陰中腫痛溼痺死肌不可屈伸起止行步癢四肢不安時行腹中大熱飲水欲走大呼小兒驚癇婦人產後餘痛

惡蟬蛸枯梗
茯苓華薺

疏○白鮮皮稟天地清燥陰寒之氣其味苦寒別錄兼鹹無毒降多於升陰也入足太陰陽明兼入手太陽苦能泄熱寒能除熱故主頭風有火證性寒而燥能除溼熱故主五疸



欬逆者實火上衝也得寒而散則欬逆止矣
淋瀝及女子陰中腫痛亦皆下部溼熱乘虛
客腎與膀胱所致也溼痺死肌不可屈伸起
止行步者地之溼氣感則害人皮肉筋脉也
脾主四肢惡溼而喜燥今爲溼邪所干故四
肢不安也時行腹中大熱因而飲水大呼欲
走者邪熱盛也小兒驚癇亦熱則生風之候
也散溼除熱蔑不濟矣婦人產後餘痛應是
血虛而熱非所宜也


主治參互

得牛膝石斛薏苡仁黃檗蒼朮療足弱頑痺
去下部溼熱多加金銀花佐以漢防已治下
部一切溼瘡

簡誤

中下部虛寒之人雖有溼證勿用

紫參味苦辛寒微寒無毒主心腹積聚寒熱邪



氣通九竅利大小便療腸胃大熱唾血衄血腸

中聚血癰腫諸瘡止渴益精

畏辛夷 散瘰癧 婦人血閉

不通 好古主狂瘧 蘇恭主金瘡

疏○紫參稟地之陰氣兼得天之寒氣故味苦辛氣寒而無毒氣味俱厚陰也降也入足厥陰亦入足太陽陽明專入血分爲除熱散結逐血之要藥故主心腹積聚寒熱邪氣通九竅利大小便畧同紫草也苦以燥溼洩熱

辛以散結寒以除邪氣故療腸胃大熱唾血衄血腸中聚血亦主癰腫諸瘡者榮氣熱則畱瘀而成癰腫血涼而活則自散也能散瘀血故主婦人血閉不通瘧有血蓄則狂陽明熱則衄血溼熱在腸胃則血瘀滯而成血痢除熱活血故亦主金瘡

主治參互

仲景金匱玉函經滯下純血紫參湯主之



聖惠方治吐血不止用紫參阿膠甘草等分
爲末烏梅湯或糯米湯服一二錢

簡誤


婦人血枯經閉禁用男子勞傷吐血陽氣虛
乏脾胃弱者禁用

藁本味辛苦溫微溫微寒無毒主婦人疝瘕陰
中寒腫痛腹中急除風頭痛長肌膚悅顏色辟
霧露潤澤療風邪痺曳金瘡可作沐藥而脂

實主風流四肢

慈前
茹


疏○藁本感天之陽氣兼得地之辛味故味
辛氣溫別錄兼苦從火化也無毒入足太陽
經溫能通苦能洩大辛則善散氣厚則上升
陽也婦人疝瘕陰中寒腫痛腹中急皆太陽
經寒溼邪爲病也風頭痛者風中於太陽經
也此藥正入本經故悉主之凡癰瘡皆血熱
壅滯毒氣浸淫於肌肉以致潰爛不收辛散



苦洩則毒解滯消肌肉自長矣悅顏色者卽去風作面脂之義也辟霧露療風邪者辛溫芬芳開發升散之力也彈曳金瘡及甄權治一百六十種惡風鬼疰流入腰痛冷能化小便通血作沐藥面脂日華子去皮膚疵疔酒齧粉刺元素主太陽經頭痛顛頂痛及大寒犯腦痛連齒頰東垣主頭面身體皮膚風溼皆風邪溼氣干犯太陽經所致也好古主督脉爲病脊強而厥者督脉並足太陽經夾脊而上故也

主治參互

同羌活細辛川芎葱白治寒邪鬱於足太陽經頭痛顛頂痛非此不能除 與木香同用治霧露療清邪中於上焦 與白芷同作面脂 治小兒疥癬煎湯浴之并以浣衣 治風又治溼各從其類也



簡誤

溫病頭疼發熱口渴或骨疼及傷寒發於春
夏陽證頭疼產後血虛火炎頭痛皆不宜服
草薺味甘平無毒主腰背痛強骨節風寒溼
周痺惡瘡不瘳熱氣傷中悲怒陰痿失溺關節
老血老人五緩意苳為之使畏葵根大黃柴胡前胡
疏○草薺得火土之氣而兼稟乎天之陽氣
故味甘平無毒陽中之陰降也入足陽明

五十六

少陰厥陰為祛風除溼補益下元之要藥故
主腰背痛強骨節風寒溼周痺惡瘡不瘳熱
氣傷中悲怒陰痿失溺關節老血老人五緩
正以苦能燥溼甘入脾而益血故悉主之甄
權又主冷風痺腰脚癱緩不遂手足驚掣
男子腰痛久冷腎間有溼膀胱宿水目華子
主頭旋癩疾補水臟堅筋骨益精明目中風
失音海藏主肝虛李氏治白濁莖中痛痔漏




壞瘡已上諸證無非陽明溼熱流入下焦客
於肝腎所致此藥祛陽明之溼熱以固下焦
故能去濁分清而療下元虛冷溼邪爲病也

主治參互

得牛膝木瓜薏苡仁黃蘗骨碎補續斷杜仲
石斛生地黃狗脊治腰脊痛強骨節加朮菖
蒲茯苓治周痺 同黃耆生地黃金銀花皂
角刺皂莢子牛膝木瓜石斛薏苡仁海風藤

白殭蠶胡麻治惡瘡久不瘳 同蓮子茯苓

車前子木通澤瀉牛膝黃蘗甘草可分清除
溼 楊氏家藏方治真元不足下焦虛寒小
便頻數白濁如膏有革解分清飲 又楊子
建萬金護命方云凡人小便頻數不計度數
便時莖中痛不可忍者此疾必先大腑不通
水液只就小腸大腑愈加乾竭甚則渾身熱
心躁如此卽重證也此疾本因貪酒色積有




熱毒腐物瘀血之類乘虛流入於小腸故便時作痛也不飲酒者必平生過食辛熱葷膩之物又因色傷而然此乃小便頻數而痛與淋證澀而痛者不同也宜用萆薢一兩水浸少時以鹽半兩同炒去鹽爲末每服二三錢水一盞煎八分和滓服之使水道轉入大腸仍以葱湯頻洗穀道令氣得通則小便數及痛自減也

簡誤

萆薢本除風溼若下部無溼陰虛火熾以致溺有餘瀝莖中痛此真陰不足之候也無溼腎虛腰痛竝不宜服

○菝葜土茯苓與萆薢形雖不同而主治不甚相遠李氏疑爲一物數種理或然也總之皆善除溼祛風消水去濁分清固下焦元氣故能興陽道而主諸痺及惡瘡不瘳也主治及




簡誤並同前忌茗醋

白薇味苦鹹平大寒無毒主暴中風身熱支滿
忽忽不知人狂惑邪氣寒熱酸疼溫瘧洗洗發
作有時療傷中淋露下水氣利陰氣益精久服
利人

五十九

疏○白薇全稟天地之陰氣以生本經味苦
鹹平別錄益之以大寒無毒可知已暴中風
身熱支滿者陰虛火旺則內熱熱則生風火
氣煩灼故令支滿火旺內熱則痰隨火湧故
令神昏忽忽不知人也狂惑邪氣寒熱酸疼
皆熱邪所致也陰氣不足則陽獨盛而爲熱
心腎俱虛則熱收於內而爲寒此寒熱之所
以交作寒熱作則榮氣不能內榮是以肢體
酸疼也先熱而後寒者名曰溫瘧瘧必因暑
而發陰氣不足則能冬不能夏至夏而爲暑
邪所傷秋必發爲溫瘧故知溫瘧之成未有




不由陰精不守而得者若夫陰精內守則暑不能侵瘧何自而作耶上來諸證皆由熱淫於內之所發經曰熱淫於內治以鹹寒此藥味苦鹹而氣大寒宜其悉主之也別錄療傷中淋露者女子榮氣不足則血熱血熱故傷中淋露之候顯矣除熱益陰則血自涼榮氣調和而前證自瘳也水氣亦必因於溼熱能除熱則水道通利而下矣終之以益精者究

其益陰除熱功用之全耳

主治參互

婦人調經種子方中往往用之不孕緣於血少血熱其源必起於真陰不足真陰不足則陽勝而內熱內熱則榮血日枯是以不孕也益陰除熱則血自生旺故令有孕也其方以白薇爲君佐以地黃白芍藥當歸蕤蓉白膠黃檗杜仲山茱萸天麥門冬丹參蜜丸久服




可使易孕 凡溫瘧癰瘡久而不解者必屬陰虛除瘧邪藥中多加白薇主之則易瘳凡治似中風證除熱藥中亦宜加而用之良天行熱病得愈或愈後陰虛內熱及餘熱未除者隨證隨經應投藥中宜加之

簡誤

白薇苦鹹大寒之藥凡傷寒及天行熱病或汗多亡陽或內虛不思食食亦不消或下後

內虛腹中覺冷或因下過甚洩瀉不止皆不可服

大青味苦大寒無毒主療時氣頭痛大熱口瘡疏○大青稟至陰之氣故味苦氣大寒無毒甄權云大青臣味甘能去大熱治溫疫寒熱蓋大寒兼若其能解散邪熱明矣經曰大熱之氣寒以取之此之謂也時行熱毒頭痛大熱口瘡為胃家實熱之證此藥乃對病之良



藥也

主治參互

千金方小兒口瘡大青十八銖黃連十二銖
水三升煮一升日二服以瘥爲度 肘後方
熱病下利困篤者大青湯大青四兩甘草赤
石脂各三兩豉八合水一斗煮三升分三服
不過二劑差 保幼大全方小兒卒然肚皮
青黑乃血氣失養風寒乘之危惡之候也大

青爲末納口中以酒送下


簡誤

大青乃陰寒之物止用以祛除天行熱病而
不可施之虛寒脾弱之人

神農本草經疏卷之八

本草經疏卷八

綠君亭



神農本草經疏卷九

草部中品之下

總七十八種今疏其要者三十六種又移入木部一種果部一種菜部四種

艾葉

惡實

水萍

王瓜

地榆

大小薊

海藻


澤蘭
地

昆布

防己

天麻

阿魏



神農本草經疏卷九

草部中品之下

總七十八種今疏其要者三十六種又移入木部一種果部一種菜部四種

艾葉

惡實

水萍

王瓜

地榆

大小薊

海藻

澤蘭
地

昆布

防己

天麻

阿魏



高良薑

百部根

懷香子

款冬花

紅藍花

牡丹

京三稜

薑黃

青黛

鬱金

蘆薈

延胡索

肉豆蔻

補骨脂

縮砂蜜

蓬莪茂

白前

白藥子

莎草根

胡黃連

鱧腸

使君子

白豆蔻

剪草

藿香

木部
移入

豆蔻

果部
移入

假蘇

蘇

香薷

薄荷

已上菜
部移入

艾葉味苦微溫無毒主灸百病可作煎止下痢

吐血下部蟹瘡婦人漏血利陰氣生肌肉辟風


寒使人有子作煎勿令見風

弘景搗汁止傷血
殺蛇蟲蘇恭止痢


血下血膿血痢主崩血金瘡安胎苦酒
作煎治癰大明治婦人帶下霍亂轉筋

疏○艾葉稟天地之陽氣以生故味苦微溫

熱則大熱可升可降其氣芳烈純陽之草也



故無毒入足太陰厥陰少陰三經燒則熱氣
內注通筋入骨故灸有病性能通竅辟惡殺
鬼精故止鬼擊吐血芳烈之氣必燥故主下
部蠶瘡其治婦人漏血利陰氣生肌肉者皆
以之導引涼血補血藥爲用者也使人有子
蓋指氣血兩虛之人風寒乘虛入子宮不孕
者設也辟風寒其性辛溫也搗汁服止傷血
者生寒而兼辛散也殺虵蟲者辛而苦也主
衄血者傷寒邪熱鬱而不汗則發衄也風邪
入大腸則下血溼熱傷脾胃則下痢膿血糞
則上升故亦止崩漏也理金瘡血熱則行也
胎爲風寒之氣所犯則不安風寒散則胎自
安也苦酒作煎治癰甚良者殺蟲之功也治
婦人帶下溫中除溼而升也止霍亂轉筋者
因寒而得也爲治白帶之要藥調經之妙品
故婦人方多須之



主治參互

艾葉能灸百病陳久者良 入紅鉛蒸臍補
陽虛溫脾胃 治婦人月事不調血少無熱
證者同香附醋浸入四物湯加阿膠枳殼神
効 金匱要略婦人有漏下者有半產後下
血不絕者有妊娠下血者竝以膠艾湯主之
阿膠二兩艾葉三兩芍藥甘草各二兩當歸
地黃各三兩芍藥四兩水五升清酒五升煮

取三升內膠令消盡每溫酒一升日三服

妊娠產後血虛人作痢下血用膠艾湯新艾
阿膠白芍藥人參橘皮甘草胎前加黃芩產
後入當歸 燒烟入管中熏狐惑蟲鼠良
非時不正之氣傷人發爲頭痛壯熱因於寒
者用乾艾葉三升水一斗煮取一升頓服取
汗出肘後方 婦人良方治妊娠風寒卒中
不省人事狀如中風用熟艾三兩米醋和炒



極熱以絹包熨臍下良久卽解 虻蟲咬或
心痛如刺口吐清水白熟艾一升水三升煮
取一升服吐蟲出或取生艾搗汁五更先食
香脯一片乃飲一升當下蟲出 鷲掌風用
斬艾五兩水四五碗煮五六滾入大口甌覆
以麻布二層熏掌心如冷頓熱再熏如神
發背初起急灸瘡頭不痛灸至痛痛灸至不
痛奪命神方也縱潰毒氣外洩不致內攻矣

若未潰瘡頭用溼紙貼上看先乾處是也卽
於此灸 廉瘡年久口冷不合者用艾烟熏
之

簡誤

艾性純陽善辟風寒溼氣及非時邪氣然性
氣芳烈而燥熱凡婦人胎動不安由於熱而
不由於寒妊娠下痢膿血由於暑溼腸胃熱
甚而非單溼爲病崩中由於血虛內熱經事



先期由於血熱吐血不由於鬼擊中惡霍亂
轉筋不由於寒邪而由於脾胃虛弱停滯或
傷暑所致不孕由於血虛而不由於風寒入
子宮法並忌之

惡實味辛平主明目補中除風傷

疏○惡實至秋而成得天地清涼之氣本經
言辛平藏器兼苦升多於降陽也入手太陰
足陽明經爲散風除熱解毒之要藥辛能散

結若能洩熱結散則臟氣清明故明目而
補中風之所傷衛氣必壅壅則發熱辛涼解
散則表氣和風無所留矣故除風傷藏器主
風毒腫諸瘻元素主潤肺散結氣利咽膈去
皮膚風通十二經者悉此意耳故用以治癰
癤痘瘡尤獲奇驗

主治參互


同赤檉木爲癰家要藥 同浮萍等分爲末



治風熱癰瘰薄荷湯下每服二錢日進二服
同紫草犀角生地黃治天行痘瘡血熱乾
枯不得出有神 痘疹要訣治咽喉痘瘡牛
旁子二錢桔梗一錢五分粉草節七分水煎
服 和濟局方治痘瘡出不快時壯熱狂躁
咽膈壅塞大便秘澀小兒咽腫不利牛旁子
炒一錢二分荆芥穗二分甘草四分水煎溫
服已出亦可服名必勝散若大便利者勿用

延年方治風齶牙疼單用一味煎湯含漱
吐去 袖珍方治便癰腫痛用牛旁子二錢
炒研入蜜一匙朴消一匙空心溫酒服 劉
禹錫傳信方療暴中風用緊細牛旁子根取
時避風以竹刀或荆刀刮去土用生布拭了
搗絞取汁一大升和蜜四大合溫分二服得
汗出便瘥

簡誤



惡實性冷而滑利痘瘡家惟宜於血熱便閉
之證若氣虛色白大便自利或泄瀉者慎勿
服之痧癘不忌泄瀉故用之無妨癰疽已潰
非便閉不宜服

水萍味辛酸寒無毒主暴熱身癢下水氣勝酒
長鬚髮主消渴下氣以沐浴生毛髮久服輕身
一名水花

疏○水萍專得水氣之清陰故味辛氣寒別
錄兼酸無毒蓋其體輕浮其性清燥能祛溼
熱之藥也熱氣鬱於皮膚則作癢味辛而氣
清寒故能散皮膚之溼熱也寒能除熱燥能
除溼故下水氣酒性溼熱而萍之質不沉於
水其氣味辛寒輕清而散故能勝酒血熱則
鬚髮焦枯而易墮涼血則榮氣清而鬚髮自
長矣別錄主消渴者以溼熱之邪去則津液
自生而渴自止也其曰下氣以沐浴生毛髮



者亦以寒能除熱涼血之驗也熱邪不干榮
氣清旺則能獲輕身矣

主治參互

蘇頌曰治惡疾癘瘡遍身者濃煮汁浴半日
多効 聖惠方少年面皰按浮萍翕之亦可
飲汁少許 千金翼方治小便不利膀胱水
氣流滯浮萍目乾爲末服方寸匕日二服良
子母秘錄風熱丹毒浮萍搗汁傅之令遍

去風丹採浮萍詩曰天生靈草無根幹不
在山間不在岸始因飛絮逐東風汎梗青青
飄水面神仙一味去沉疴采時須在七月半
選甚癰風與大風些小微風都不筭豆淋酒
化服三九鐵撲頭上也出汗其法以紫背浮
萍曬乾爲細末煉蜜丸彈子大每服一九以
豆淋酒化下治癰瘡三十六種風有驗

簡誤



表氣虛而自汗者勿用

王瓜味苦寒無毒主消渴內疽瘰癧血月閉寒熱酸疼益氣愈瘰療諸邪氣熱結鼠瘻散癰腫留血婦人帶下不通下乳汁止小便數不禁逐四肢骨節中水療馬骨刺人瘡

一名土瓜


疏○王瓜稟土中清肅陰寒之氣故味苦氣寒而無毒其能除溼熱熱毒大約與栝樓性同故其主治內疽消渴邪氣熱結鼠瘻癰腫

等證皆與栝樓相似而此則入血分諸病爲多耳簡誤主治與栝樓亦略相當不復贅

地榆味苦甘酸微寒無毒主婦人乳痃痛七傷帶下五漏止痛除惡肉止汗療金瘡止膿血諸瘻惡瘡熱瘡消酒除消渴消絕傷產後內塞可作金瘡膏得髮良

惡麥門冬

疏○地榆稟地中陰氣而兼得乎天之微陽故味苦甘酸氣則微寒而無毒氣薄味厚沉




而降陰也入足厥陰少陰手足陽明經婦人
乳痠痛者厥陰肝經有熱以致血分熱壅所
致也七情傷於帶脉故帶下也五漏者陽明
大腸溼熱傷血病也血熱則腫而作痛惡肉
者亦血熱極則瘀故腫而成惡肉也傷則出
血血出必發熱而作痛金瘡是也膿血不止
皆血熱所致諸癢惡瘡莫不由血熱所生苦
寒能涼血洩熱熱散則血活腫消故竝主如

上諸疾也性行而帶補味兼甘酸故補絕傷
及產後內寒也消滲除渴明目止純血痢疳
痢極効治腸風者皆善祛溼熱之功也沉寒
入下焦故多主下部溼熱諸病


主治參互

地榆得金銀花等分佐以芍藥甘草枳殼黃
連烏梅治血痢如熱在心經下利純鮮血則
加生犀角汁十五匙神驗 綿地榆四兩爲



君加金銀花兩許鮫鯉甲三片土炒研細水
酒煎濃空心溫熱服治橫痃魚口有神雖甚
四服無不消者若已成膿更加鹽水炒黃者
五錢白芷二錢主速潰易合去鮫鯉甲并加
牛膝木瓜僵蠶黃燖治下疳陰蝕極効 聖
惠方治婦人漏下赤白不止令人黃瘦地榆
三兩米醋一斤煮十餘沸去滓食前稍熱服
一合 崔元亮海上方治赤痢骨立者地榆

一斤水三升煎一升半去滓再煎如稠飴絞
濾空腹時服三合日再服 活法機要治久
病腸風痛癢不止地榆五錢蒼朮一兩水二
鍾煎一鍾空心服一日一服 肘後方治下
血不止二十年者地榆鼠尾草各二兩水二
升煮一升頓服若不斷以水漬屋塵飲一小
盃投之 宣明方治結陰下血腹痛不已地
榆四兩炙甘草三兩每服五錢水一盞入縮



砂七枚煎半盞分二服 肘後方治小兒疳
痢地榆煑汁熬如飴糖與服便已 千金方
治大指腫痛地榆煑汁漬之半日愈

簡誤

地榆性寒而下行凡脾胃虛寒作泄白痢久
而胃弱胎產虛寒泄瀉血崩脾虛作泄法竝

禁服

大小蘗根味甘溫主養精保血大蘗主女子赤

白沃安胎止吐血鼻衄令人肥健

疏○大蘗根稟土之冲氣兼得天之陽氣故
味甘氣溫而無毒目華子涼當是微寒陶云
有毒誤也女子赤白沃血熱所致也胎因熱
則不安血熱妄行溢出上竅則吐衄大蘗根
最能涼血血熱解則諸證自愈矣其性涼而
能行行而帶補補血涼血則榮氣和榮氣和
故令肥健也




主治參互

大薊葉得地榆茜草牛膝金銀花治腸癰腹
癰少腹癰生搗絞汁入前四味濃汁和童便
飲良 得炒蒲黃櫻皮灰調汁半升治崩中
下血立瘥 又治瘀血作暈跌撲損傷作痛
俱生取汁入酒并童便服 又治惡瘡疥癬
同鹽搗罾之 藥性論云大薊亦可單用味
苦平止崩中下血生取根搗絞汁服半升許


立瘥 日華子云大薊葉涼治腸癰腹藏瘥
血血暈撲損可生研酒并小便任服惡瘡疥
癬鹽研卷傳又名刺薊山牛旁

○小薊根苗氣味甘溫微寒無毒其所稟與大
薊皆同得土中冲陽之氣而兼得乎春氣者
也故主養精保血精屬陰氣血之所生也甘
溫益血而除大熱故能養精而保血也 陳
藏器云破宿血生新血暴下血血崩出血嘔



血等絞取汁作煎和沙糖合金瘡及蜘蛛蛇
蝎毒服之亦佳 日華子云小薊根涼無毒
治熱毒風并胸膈煩悶開胃下食退熱補虛
損苗去煩熱生研汁服小薊力微只可退熱
不似大薊能補養下氣 食療云小薊根主
養氣取生根葉搗取自然汁服一盞亦佳又
取葉煑食之除風熱根上崩中又女子月候
傷過搗汁半升服之金瘡血不止按葉封之

夏月熱煩悶不止搗葉取汁半升服立瘥
聖惠方治心熱吐血口乾用刺薊葉及搗絞
取汁每服一小盞頓服 又方乳石發動壅
熱心悶吐血以生刺薊搗取汁每服三合入
蜜少許攪勻服之 外臺秘要治鼻塞不通
小薊一把水二升煑取一升去滓分服 梅
師方治卒吐血及瀉鮮血取小薊葉搗汁溫
服 簡要濟衆治九竅出血以刺薊一握絞




取汁以酒半盞調和頓服如無餅汁只搗乾者爲末冷水調三錢 又方治小兒浸淫瘡痛不可忍發寒熱刺薊末新水調傅瘡上乾即易之

簡誤

大小崩性下行以其能下氣故主崩衄多効惟不利於胃弱泄瀉及血虛極脾胃弱不思飲食之證

海藻味苦鹹寒無毒主瘰癧氣頸下核破散結氣癰腫癥瘕堅氣腹中上下鳴下十二水腫療皮間積聚暴癩瘡氣熱結利小便

疏○海藻全稟海中陰氣以生故味苦鹹寒而無毒氣味俱厚純陰沉也苦能洩結寒能除血熱鹹能軟堅潤下故本經主瘰癧氣頸下核破散結氣癰腫癥瘕堅氣及腹中上下鳴下十二水腫療皮間積聚暴癩瘡氣結熱




利小便潔古專消瘦瘤馬刀瘰癧諸瘡堅而不潰者經云鹹能軟堅榮氣不從外爲浮腫隨各引經治之腫無不消反甘草一云有小毒

主治參互

危氏得効方治蛇盤瘰癧頭項交接者海藻菜以蕎麥麵炒過白殭蠶等分爲末以白梅泡湯和丸梧子大每服六十九米飲下必泄

出毒氣宜加連翹 范汪方海藻酒治瘦氣及項下瘰癧用海藻一斤絹袋盛之以清酒二斤浸之春夏二日秋冬三日每服兩合日三酒盡再作其滓曝乾爲末每服方寸七日三服不過兩劑卽瘥 雷公云凡使須用生烏荳并紫背天葵同蒸一伏時曝乾用宜以淡白酒先洗淨爲佳

簡談




脾家有溼者勿服

澤蘭味苦甘微溫無毒主乳婦內訶中風餘疾
大腹水腫身面四肢浮腫骨節中水金瘡癰腫
瘡膿產後金瘡內寒

防已爲之使
根名地笋

疏○澤蘭感土澤之氣故味苦甘而入血兼
得乎春氣故微溫而無毒桐君兼酸故入足
厥陰大陰經若能洩熱甘能和血酸能入肝
溫通榮血故又主癰腫瘡膿及婦人吹乳乳

結止衄血并中風餘疾佐以益脾土之藥而
用防已爲之使則主大腹水腫身面四肢浮
腫骨節中水氣日華子云澤蘭通九竅利關
脉養血氣破宿血消癥瘕產前產後百病通
小腸長肉生肌消撲損瘀血治鼻洪吐血頭
風目痛婦人勞瘦丈夫面黃又藥性論云澤
蘭使味苦辛主產後腹痛頻產血氣衰冷成
勞瘦羸又治通身面目大腫主婦人血瀝腰




痛總其洩熱和血行而帶補之能也

十八

主治參互

澤蘭婦人方中最高為急用古人治婦人澤蘭丸甚多澤蘭得炒黑豆炮乾薑當歸芎藭乾地黃牛膝益母草赤芍藥蒲黃五靈脂治產後惡露不盡少腹作痛俗名兒枕痛寒月加桂多火及內熱虛勞人去桂加童便去五靈脂加人參鼈甲香附麥門冬治產後諸虛

百病肺熱者去人參雷公云凡使須要別識雌雄其形不同大澤蘭莖葉皆圓眼青黃能生血調氣養榮氣與小澤蘭迥別採得後看葉上斑根須尖此藥能破血通久積凡修事大小澤蘭須細剉之用絹袋盛懸於屋南畔角上令乾用子母秘錄治小兒疳瘡嚼澤蘭心封上澤蘭氣味和平除婦人產後他用甚稀故無簡誤




昆布味鹹寒無毒主十二種水腫癭瘰聚結氣
瘦瘡

疏○昆布得水氣以生故味鹹氣寒而性無
毒鹹能軟堅其性潤下寒能除熱散結故主
十二種水腫癭瘰聚結氣瘦瘡東垣云癭堅
如石者非此不除正鹹能軟堅之功也詳其
氣味性能治療與海藻大略相同故同一簡
誤也

主治參互

外臺秘要項下卒腫其囊漸大欲成癭者昆
布海藻等分爲末蜜丸杏核大時時含嚥汁
聖惠方癭氣結核癭癭腫硬以昆布一兩
洗去鹹曬乾爲散每以一錢綿裹好醋浸過
含之嚥汁味盡再易之項下五癭同此 廣
濟方治膀胱結氣急宜下氣用昆布一斤白
米泔浸一宿洗去鹹味以水一斛煮熟劈細



入葱白一握寸斷之更煮極爛乃下鹽酢摻
薑橘椒末調和食之仍食粱米粳米飯極能
下氣

防已味辛苦平溫無毒主風寒溫瘧熱氣諸癩
除邪利大小便療水腫風腫去膀胱熱傷寒寒
熱邪氣中風手脚攣急止洩散癰腫惡結諸癰
疥癬蟲瘡通腠理利九竅

疏○防已得土中陽氣而兼感乎秋之燥氣

以生故味辛苦平溫無毒潔古謂其大苦辛
寒爲得之然性燥而不淳善走下行長於除
溼以辛能走散兼之氣悍故主風寒溫瘧熱
氣諸癰除邪氣除溼下行故利大小便此本
經所載也別錄療水腫風腫去膀胱熱通腠
理利九竅止泄者皆除溼之功也其曰傷寒
寒熱邪氣中風手脚攣急則寒非燥藥可除
不宜輕試又曰散癰腫惡結諸癰疥癬蟲瘡




非在下部者亦不宜用治溼風口眼喎邪手足拘痛真由中風溼而病者方可用之雷痰非由脾胃中溼熱而得者亦不宜服肺氣喘嗽不因風寒溼所鬱腠理壅滯者勿用惟治下焦溼熱腫洩脚氣行十二經溼爲可任耳生漢中內有淡黑紋暈如車輻解者良凡修事以車前草根相對蒸半日曬乾殺雄黃毒惡細辛畏草薺女苑鹵鹹伏硝石殷孽爲之

使

主治參互

凡用防已於下部溼熱藥中亦必以二朮茯苓黃檗甘草草薺木瓜石斛薏苡仁等補益之藥爲主而使防已爲使乃無瞑眩之患陶曰防已是療風水要藥潔古曰去下焦溼腫及痛并洩膀胱火邪必用漢防已龍膽草爲君黃檗知母甘草佐之防已乃是太陽本經



藥也 本草十劑云通可去滯通草防己之屬是也夫防己大苦寒能瀉血中溼熱通其滯塞亦能瀉大便補陰瀉陽助秋冬瀉春夏之藥也比之於人則險而健者也幸災樂禍能首爲亂階然善用之亦可敵兇突險此膜眩之藥也故聖人有而不廢大抵聞其臭則可惡下咽則令人心煩亂飲食減少至於十二經有溼壅塞不通及下注脚氣暨膀胱

積熱非此藥不可真行經之仙藥無可代之者若夫飲食勞倦陰虛生內熱元氣穀食已虧以防已洩大便則重亡其血此不可用一也如人大渴引飲是熱在上焦肺經氣分宜滲泄而防已乃下焦血分藥此不可用二也外傷風寒邪傳肺經氣分溼熱而致小便黃赤乃至不通此上焦氣病禁用血藥此不可用三也大抵上焦溼熱者皆不可用下焦溼



熱流入十二經致二陰不通者然後審而用
之 張仲景方治皮水附腫按之沒指不惡
風水氣在皮膚中四肢聶聶動者防已茯苓
湯主之防已黃耆桂枝各三兩茯苓六兩甘
草三兩水一升煎半升日二服 又方治風
水惡風汗出身重脈浮防已黃耆湯主之防
已一兩黃耆二兩二錢半白朮七錢半炙甘
草半兩剉散每服五錢生薑四片棗一枚水

一盞半煎八分溫服良久再服腹痛加芍藥
又治風溼相搏關節沉痛微腫惡風方同
上

簡誤

防已固爲去下焦血分溼熱之要藥然其性
悍其氣猛能走竄決防大苦大寒能傷胃氣
凡胃虛陰虛自汗盜汗口苦舌乾腎虛小水
不利及胎前產後血虛雖有下焦溼熱慎毋



用之犯之爲害非細


天麻味辛平無毒主諸風溼痺四肢拘攣小兒風癘驚氣利腰膝強筋力久服益氣輕身

疏○天麻得土之辛味兼感天之陽氣以生故其味辛氣平無毒大明云暖浮而升陽也入足厥陰經厥陰爲風木之臟諸風溼痺四肢拘攣小兒風癘驚氣皆肝臟爲邪氣所客致病天麻入肝味辛氣暖能逐風溼外邪則

肝氣平和前證自瘳矣肝主筋位居於下故能利腰膝強筋力也風溼纏注則身重氣乏能除風溼則身自輕氣自益也凡頭風眩暈與夫痰熱上壅以致頭痛及眩或四肢溼痺麻木小兒風癘驚悸等證所必須之藥

主治參互

同木半夏黃芩前胡橘皮茯苓治痰厥頭痛
同木橘皮茯苓車前治飲在心下作支滿



同南星前胡橘皮白前消一切風痰

簡誤

風藥多燥風能勝溼故也凡病人覺津液衰少口乾舌燥咽乾作痛大便閉濇病火炎頭暈血虛頭痛及南方似中風皆禁用之阿魏味辛平無毒主殺諸小蟲去臭氣破癥積下惡氣除邪鬼蠱毒

疏○阿魏稟火金之氣而兼得乎天之陽氣

故其味辛平溫而無毒氣味俱厚陽也入足太陰陽明經其氣臭烈殊常故善殺諸蟲專辟惡氣辛則走而不守溫則通而能行故能消積利諸竅除穢惡邪鬼蠱毒也蘇恭曰體性極臭而能止臭亦奇物也

主治參互

同人參橘紅京三稜蓬莪茂砂仁治一切肉食堅積入膏藥同麝香硫黃蘇合油貼一切



痞塊 同安息香百部青黛丹砂治尸疰惡氣

簡誤

阿魏之氣臭烈人之血氣聞香則順聞臭則逆故凡脾胃虛弱之人雖有痞塊堅積不可輕用當先補養胃氣胃氣強則堅積可漸磨而消矣故古人治大積大聚消其大半而止正此謂也

高良薑大溫主暴冷胃中冷逆霍亂腹痛

疏○高良薑稟地二之氣以生本經大溫藏器辛溫元素辛熱純陽浮也入足陽明太陰經二經爲客寒所犯則逆冷霍亂腹痛諸病生焉辛溫煖脾胃而逐寒邪則胃中冷逆自除霍亂腹痛自愈矣甄權治腹內久冷氣痛去風冷痺弱大明主轉筋瀉痢反胃解酒毒消宿食蘇頌治惡心嘔清水皆取其煖胃溫



中散寒祛冷之功也

主治參互

外臺秘要霍亂吐利高良薑炙令香每用五兩以酒一升煮三四沸頓服亦治腹痛中惡曾濟方霍亂嘔甚不止用高良薑生剉二錢大棗一枚水煎冷服立定 永類鈴方心脾冷痛用高良薑三錢五靈脂六錢爲末每服三錢醋湯調下

簡誤

高良薑辛溫大熱惟治客寒犯胃胃冷嘔逆及傷生冷飲食致成霍亂吐瀉之要藥如胃火作嘔傷暑霍亂火熱注瀉心虛作痛法咸忌之

百部根微溫

蜀本云微寒

主欬嗽上氣

疏○百部根正得天地陰寒之氣故蜀本云微寒日華子言苦本經言微溫者誤也苦而



下洩故善降肺氣升則喘嗽故善治咳嗽上
氣能散肺熱故藥性論主潤益肺其性長於
殺蟲傳尸骨蒸勞往往有蟲故亦主之疳熱
有蟲及虻蟲寸白蟲蟻蟲皆能殺之又燒熏
樹木蛙蟲觸烟卽死亦殺蠅蠊目葦子論之
詳矣陶云殺蝨濃煎洗牛馬蝨卽去陳藏器
云火炙酒浸空腹飲去蟲蠶咬兼疥癬瘡

主治參互

同桑根白皮天麥二冬貝母枇杷葉五味子
紫菀治一切虛嗽但不能治食積嗽 千金
方單用一味熬膏入蜜不時取服可療三十
年嗽 楊氏經驗方治遍身黃腫取鮮百部
根洗搗罨臍上以糯米飯半升拌酒半合揉
和蓋在藥上用帛包住過一二日後口內作
酒氣則水從小便出腫自消矣 聖濟總錄
百蟲入耳百部炒研細末生油調敷耳門上



簡誤

百部味苦脾虛胃弱人宜兼保脾安胃藥同
用庶不傷胃氣

藜香子味辛平無毒主諸瘵霍亂及蛇傷

疏○藜香得土金之冲氣而兼稟乎天之陽
故其味辛平亦應兼甘無毒辛香發散甘平
和胃入足太陰陽明太陽少陰經故主霍亂
香氣先入脾脾主肌肉故主諸瘵脾主四肢

故主脚氣通腎氣膀胱爲腎之腑故主膀胱
腎間冷氣及治疝氣胃和則熱解熱解則口
臭自除


主治參互

藜香酒炒得川棟子荔枝核橘核肉桂蒼朮
木瓜牛膝治寒溼成疝 得炒砂仁食鹽則
主中惡腹痛霍亂腹痛吐逆 古方惡毒癰
腫或連陰髀間疼痛急攣牽入少腹不可忍



一宿則殺人者用懷香苗葉搗取汁一升服
之日三四進用其滓以貼腫上冬間根亦可
用此外國方永嘉已來用之起死神効
簡誤
懷香辛溫胃腎多火陽道數舉得熱則嘔者
勿服
欬冬花味辛甘溫無毒主欬逆上氣善喘喉痺
諸驚癇寒熱邪氣消渴喘息呼吸

疏○欬冬花得天地陰寒之氣而兼稟乎金
水之性故凌冰雪而獨秀其味辛甘溫而無
毒陰中含陽降也辛能散而能潤甘能緩而
能和溫則通行不滯善能降下欬逆上氣善
喘喉痺諸驚癇寒熱邪氣消渴喘息呼吸一
皆氣升火炎之病也氣降則火自降氣降則
陽交於陰水火既濟既濟則火不上炎氣不
逆升肺不受邪得清肅之常道而諸證自退



矣杏仁爲之使得紫菀良

主治參互

欵冬花雖畏貝母然得貝母桑根白皮紫菀
枇杷葉栝樓根百部天麥門冬杏仁治喘逆
及咳嗽反良物有相制故也如半夏畏生薑
得之則制其毒而愈能奏効也 得麻黃杏
仁桑根白皮甘草治風寒鬱實熱於上焦肺
分作喘其効甚速 一味燒烟吸之治喘嗽

具如本草註中所載 濟生方痰嗽帶血欵
冬花百合蒸焙等分爲末蜜丸龍眼大每臥
時嚼一丸薄荷湯下 欵冬花古今方用之
爲治嗽要藥以其辛溫散而能降於肺無迂
無分寒熱虛實皆可施用故無簡誤

紅藍花味辛溫無毒主產後血暈口噤腹內惡
血不盡絞痛胎死腹中竝酒煮服亦主蠱毒下
血堪作燕脂其苗生搗碎傳遊腫其子吞數顆



主天行瘡子不出其燕脂主小兒聾耳滴耳中
疏○紅藍花稟土與火之氣潔古海藏皆兼
甘苦溫陰中之陽故入心海藏以爲肝經血
分藥也入酒良乃行血之要藥其主產後血
暈口噤者緣惡血不下逆上衝心故神昏而
暈及口噤入心入肝使惡血下行則暈與口
噤自止腹內絞痛由於惡血不盡胎死腹中
非行血活血則不下瘀行則血活故能止絞

痛下死胎也凡蠱藥之毒必傷血分此藥能
行血活血則毒可解子主天行瘡子者痘瘡
因血分有毒血行則毒散故主之也小兒聾
耳亦血凝也血散則耳腫自消矣

主治參互

熱病胎死腹中新汲水濃煮紅藍花汁和童
便熱飲之立瘥胞衣不下產後血暈竝同此
法無不立効 同延胡索當歸生地黃牛膝



赤芍藥益母草川芎或九或煎治經阻少腹
作痛及結塊良。其子主天行痘瘡血熱有
功宜同生犀角紫草生地黃用。燕脂其汁
所造也痘瘡初發時以之抹眼眶及眼角可
免瘡子入眼。同薄荷金絲荷葉汁入礬末
少許滴入耳中治聾耳。同冰片真珠細末
治痘毒及痘疔剔破令人吮出惡血抹入瘡
眼中良。

簡誤

紅藍花本行血藥也血暈解留滯行卽止過
用能使血行不止而斃世人所不知者


牡丹味辛苦寒微寒無毒主寒熱中風癱瘓痲
驚癩邪氣除癥堅瘀血留舍腸胃安五藏療癰
瘡除時氣頭痛客熱五勞勞氣頭腰痛風噤癩
疾

疏○牡丹皮稟季春之氣而兼得乎木之性



陰中微陽其味苦而微辛其氣寒而無毒其
色赤而象火故入手少陰厥陰足厥陰亦入
足少陰經辛以散結聚苦寒除血熱入血分
涼血熱之要藥也寒熱者陰虛血熱之候也
中風痲痺驚癇皆坐陰虛內熱榮血不足
之故熱去則血涼涼則新血生陰氣復陰氣
復則火不炎而無因熱生風之證矣故悉主
之癰瘡者熱壅血瘀而成也涼血行血故療

癰瘡辛能行血苦能泄熱故能除血分邪氣
及癥堅瘀血畱舍腸胃臟屬陰而藏精喜清
而惡熱熱除則五臟自安矣別錄并主時氣
頭痛客熱五勞勞氣頭腰痛者泄熱涼血之
功也甄權又主經脈不通血瀝腰痛此皆血
因熱而枯之候也血中伏火非此不除故治
骨蒸無汗及小兒天行痘瘡血熱東垣謂心
虛腸胃積熱心火熾甚心氣不足者以牡丹



皮爲君亦此意也忌胡荽赤花者利白花者
補

主治參互

神不足者手少陰志不足者足少陰故仲景
腎氣丸用之治神志之不足究竟牡丹皮乃
入心經正藥心主血涼血則心不熱而陰氣
得寧用之腎經藥中者陰陽之精互藏其宅
神志水火藏於心腎卽身中坎離也交則陰

陽和而百病不生不交則陰陽否而精神離
矣欲求弗夭其可得乎 入清胃散治陽明
胃經血熱齒痛 潔古曰葉爲陽發生也花
爲陰成實也丹者赤色火也故能瀉陰胞中
之火四物湯加之治婦人骨蒸又曰牡丹皮
入手厥陰足少陰故治無汗之骨蒸然須與
青蒿子天麥門冬沙參地黃五味子牛膝枸
杞之屬同用始得其力



簡誤

牡丹皮本入血涼血之藥然能行血凡婦人血崩及經行過期不淨竝忌與行血藥同用京三稜味苦平無毒主老癖癥瘕結塊俗傳昔人患癥癖死遺言令開腹取之得病塊堅硬如石文理有五色人謂異物竊取剖成刀柄後因以刀刈三稜柄消成水乃知此可療癥癖也黃色體重狀若鯽魚而小者良

疏○京三稜稟火土之氣故本經味苦平潔古兼甘亦應兼辛兼甘故無毒入足厥陰亦入足太陰從血藥則治血從氣藥則治氣老癖癥瘕積聚結塊未有不由血瘀氣結食停所致若能泄而辛能散甘能和而入脾血屬陰而有形此所以能治一切凝結停滯有形之堅積也又主產後惡血血結通月水墮胎止痛利氣者亦散血行氣之功用也潔古用



以治心膈痛飲食不消海藏用以通肝經積
血皆與作者之意合也


主治參互

同蓬莪菹青皮香附延胡索肉桂牡蠣鼈甲
人參則消一切堅癥老癥之積聚 同青皮
紅藍花當歸川芎生地黃芍藥桂心牛膝延
胡索五靈脂則治產後一切惡血停滯雷結
及月水凝蓄不通少腹作痛不可按 同橘

皮青皮縮砂蜜紅麴山查麥芽人參肉苳蔻
黃連則消一切食積并氣壅塞不利 子母
秘錄治小兒氣癥三稜煮汁作羹粥與奶母
食日亦以棗許與兒食小兒百日及十歲已
下癩熱疔癬皆理之合人參彌良

簡誤

京三稜潔古謂其辛苦甘無毒陰中之陽能
瀉真氣真氣虛者勿用此見諦之言也故凡



用以消導必資人參芍藥地黃之力而後可
以無弊觀東垣五積方皆有人參意可知已
何者蓋積聚癥癖必由元氣不足不能運化
流行致之欲其消也必藉脾胃氣旺能漸漸
消磨開散以收平復之功如砥一味專用克
削則脾胃之氣愈弱後天之氣益虧將見故
者不去新者復至矣戒之哉
薑黃味辛若大寒無毒主心腹結積疰忤下氣

破血除風熱消癰腫功力烈於鬱金

疏○薑黃得火氣多金氣少故其味苦勝辛
劣辛香燥烈性不應寒宜其無毒陽中陰也
降也入足太陰亦入足厥陰經若能泄熱辛
能散結故主心腹結積之屬血分者兼能治
氣故又云下氣總其辛苦之力破血除風熱
消癰腫其能事也日華子謂其能治癥瘕血
塊又通月經及撲損瘀血蘇頌謂其祛邪辟



惡治氣脹及產後敗血攻心方書用以同肉桂枳殼治右脇痛臂痛有效戴元禮云能入手臂治痛何莫非下氣破血辛走苦洩之功歟察其氣味治療乃介乎京三稜鬱金之藥也

主治參互

得常歸生地黃牛膝延胡索肉桂治一切積血在腹中作痛 經驗方治中寒心痛難忍

薑黃一兩桂三兩爲末醋湯服一錢 產寶方治產後血痛有塊用薑黃桂心等分爲末酒服方寸匕血下盡卽愈

簡誤

凡病人因血虛臂痛血虛腹痛而非瘀血凝滯氣逆上壅作脹者切勿誤用誤則愈傷血分令病轉劇慎之慎之

青黛味鹹寒無毒主解諸藥毒小兒諸熱驚癇



發熱天行頭痛寒熱並水研服之亦摩傳熱瘡
惡腫金瘡下血蛇犬等毒染澱亦堪傳熱毒惡
腫蛇虺螫毒

疏○青黛外國藍靛之英華也粟水土陰寒
之氣以生故味鹹寒而無毒甄權謂其甘平
以其得土氣之厚也故可解諸藥毒及小兒
諸熱驚癇發熱天行頭痛寒熱並水研服之
亦磨傳熱瘡惡腫金瘡下血蛇犬等毒波斯

國來及太原產者勝如不可得卽用染甕上
沫之紫碧色者亦可

主治參互

得蕪萸使君子肉胡黃連蘆會殺蟲除熱及
小兒一切疳積病 醫學正傳治心口熱痛
薑汁調一錢服之 聖惠方治內熱吐血青
黛二錢新汲水下 中藏經治肺熱咯血用
青黛一兩杏仁以牡蠣粉炒過一兩研勻黃



蠟化和作三十餅子方名青餅子每服一餅以乾柿半箇夾定溼紙裹煨香嚼食粥飲送下日三服生生編治小兒夜啼青黛水研服之宮氣方治小兒疳痢歌云孩兒雜病變成疳不問強羸女與男煩熱毛焦鼻口燥皮膚枯槁四肢癱腹中時時更下痢青黃赤白一般般眼澀面黃鼻孔赤穀道開張不可看此方便是青黛散孩兒百病服之安活

人書治傷寒赤斑青黛二錢水研服

簡誤

青黛既稟陰寒之氣而生解毒除熱固其所長古方多有利用之於諸血症者使非血分實熱而病生於陰虛內熱陽無所附火氣因空上炎發爲吐衄咯唾等證用之非宜血得寒則凝凝則寒熱交作胸膈或痛愈增其病矣醫師宜詳辨之



鬱金味辛苦寒無毒主血積下氣生肌止血破

惡血血淋尿血金瘡

疏○鬱金稟天令清涼之氣而兼得土中金
火之味故其味辛苦其氣寒而無毒潔古論
氣味俱薄陰也降也入酒亦能升入手少陰
足厥陰兼通足陽明經辛能散苦能洩故善
降逆氣入心肝胃三經故治血積氣降而和
則血凝者散故主生肌止血其破惡血治血

淋尿血主金瘡者調氣行血之功也單用亦
治女人宿血氣心痛冷氣結聚溫醋磨服之
入心涼血故潔古用以涼心入足陽明故治
陽毒入胃下血頻痛其性輕揚能開鬱滯故
爲調逆氣行瘀血之要藥


主治參互

鬱金同韭菜番降香當歸生地黃童便能治
怒氣傷肝吐血又治鼻衄唾血喉中血腥氣



及經脈逆行有痰方加竹瀝 鬱金七兩同
明礬三兩爲細末薄米糊爲丸梧子大每服
五十九丸白湯下昔人曾治婦人癲狂十年不
愈初服此藥心胸間有物脫去卽神氣洒然
再服而蘇此驚憂痰血總聚心竅所致此藥
入心去惡血明礬化頑痰故也 龐安常傷
寒論云痘癰始有白泡忽搐入腹漸作紫黑
色無膿日夜叫亂者鬱金一枚甘草二錢半

水半碗煮乾去甘草切片微火烘燥爲末入
真片腦半錢每用一錢以生豬尾血五七滴
新汲水調下不過二服甚者毒氣從手足心
出如癰狀乃瘥此乃五死一生之候也 又
范石湖文集云嶺南有采生之害其術於飲
食中行厭勝法致魚肉能反生於人腹中而
人已死則陰役其家初得覺胸腹痛次日刺
人十日則生在腹中也凡胸膈痛卽用升麻



或膽礬吐之若膈下痛急以米湯調鬱金末
二錢服卽瀉出惡物或合升麻鬱金服之不
吐則下李巽巖侍郎爲雷州推官鞠獄得此
方活人甚多

簡誤

鬱金本入血分之氣藥其治已上諸血證者
正謂血之上行皆屬於內熱火炎此藥能降
氣氣降卽是火降而其性又入血分故能降
下火氣則血不妄行丹溪不達此理乃謂其
上行治血則誤矣凡病屬眞陰虛極陰分火
炎薄血妄行溢出上竅而非氣分拂逆肝氣
不平以致傷肝吐血者不宜用也卽用之亦
無効

盧會味苦寒無毒主熱風煩悶胸膈間熱氣明
目鎮心小兒癩癩驚風療五疳殺三蟲及痔病
瘡癩解巴豆毒俗呼爲象膽蓋以其味苦如膽



故也生波斯國似黑錫

疏○盧會稟天地陰寒之氣故其味苦其氣寒其性無毒寒能除熱若能泄熱燥溼苦能殺蟲至苦至寒故爲除熱殺蟲之要藥其主熱風煩悶胸脇間熱氣明日鎮心小兒癩癩驚風療五疳殺三蟲者熱則生風熱能使人煩悶熱除則風熱煩悶及胸脇間熱氣自解涼肝故明目除煩故鎮心小兒癩癩驚風熱

所化也五疳同爲內熱脾胃停滯之證三蟲生於腸胃溼熱痔病瘡癩亦皆溼熱下客腸臟致血凝滯之所生故悉主之能解巴豆毒亦除熱之力也詳其功用是足厥陰足太陰二經藥亦可兼入手少陰經

主治參互

同厚朴橘紅甘草青黛蕪荑百草霜旋復花爲末以砂仁湯吞治小兒諸疳一歲一分甚



効 衛生易簡方治脾疳與使君子等分爲末每服一二錢米飲調下 李恂用以主小兒諸疳熱 甄權單用殺疳虻及吹鼻殺腦疳除鼻癢 蘇頌研末傅鬚齒甚効治溼癬出黃水有神 治大便不通真蘆會研細七錢朱砂研如飛麵五錢滴好酒和丸每服三錢酒吞朝服暮通暮服朝通須天晴時修合爲妙

簡誤


其味至苦其性大寒主消不主補凡兒脾胃虛寒作瀉及不思食者禁用 延胡索味辛溫無毒主破血產後諸病因血所爲者婦人月經不調腹中結塊崩中淋露產後血暈暴血衝上因損下血或酒摩及煑服 疏○延胡索稟初夏之氣而兼得乎金之辛味故味辛氣溫而無毒入足厥陰亦入手少



陰經溫則能和暢和暢則氣行辛則能潤而走散走散則血活血活氣行故能主破血及產後諸病因血所爲者婦人月經之所以不調者無他氣血不和因而凝滯則不能以時至而多後期之證也腹中結塊產後血暈暴血衝上因損下血等證皆須氣血和而後愈故悉主之也崩中淋漓利守不利走此則非與補氣血藥同用未見其可

主治參互


君當歸生地黃牛膝益母草童便則主產後血暈有神得四物湯白膠牛膝香附則主婦人經阻少腹作痛或結塊活人書治小便尿血用延胡索一兩朴硝七錢半爲末每服四錢水煎服非蓄血瘀滯者不可用勝金方治膜外氣疼及氣塊延胡索不限多少爲末猪胰一具切作塊子炙熟蘸末頗食之



聖惠方治熱厥心痛或發或止久不愈身
熱足寒者用延胡索去皮金鈴子肉等分爲
末每溫酒或白滾湯下二錢 濟生方治婦
女血氣腹中刺痛經候不調用延胡索去皮
醋炒當歸酒浸炒各一兩橘紅二兩爲末酒
煮米糊丸梧子大每服一百九空心艾醋湯
下 聖惠方治產後諸病凡產後穢汚不盡
腹滿及產後血暈心頭硬或寒熱不禁或心

悶手足煩熱氣力欲絕諸病竝用延胡索炒
研酒服二錢 直指方治疝氣危急用延胡
索鹽水炒全蝎去毒生用等分爲末空心鹽
酒下 又方治冷氣腰痛用延胡索當歸桂
心等分爲末溫酒服三四錢隨量頻進以止
爲度 聖惠方治墜落車馬筋骨痛不止延
胡索末豆淋酒服二錢日二服


簡誤



此藥性溫味辛能走而不能守故經事先期
及一切血熱爲病凡崩中淋露皆應補氣血
涼血清熱則愈一切辛走之藥法所應禁
肉荳蔻味辛溫無毒主鬼氣溫中治積冷心腹
脹痛霍亂中惡冷疰嘔沫冷氣消食止洩小兒
乳霍糯米粉裹煨去粉搗碎忌銅鐵器

疏○肉荳蔻稟火土金之氣故味辛氣溫而
無毒入足太陰陽明經亦入手陽明大腸辛

味能散能消溫氣能和中通暢其氣芬芳香
氣先入脾脾主消化溫和而辛香故開胃胃
喜煖故也故爲理脾開胃消宿食止洩瀉之
要藥香能辟惡除不祥又中氣不虛則邪惡
之氣不能入故主鬼氣及溫中脾主中焦胃
爲後天生氣之本脾胃之陽氣旺則積冷心
腹脹滿霍亂中惡冷疰嘔沫冷氣食不消洩
不止小兒乳霍諸證自除矣



主治參互

君人參補骨脂吳茱萸五味子砂仁爲治腎
泄及冷泄之聖藥 得縮砂蜜橘皮人參紅
麴山查肉霍香麥芽爲開胃進飲食消宿食
止瀉之上劑 獨用修事爲末以棗肉和丸
或爲末縮砂湯下名公子登筵散言服之卽
可赴席其開胃進食消導之功烈矣 百一
選方治久瀉不止用肉苳蔻一兩木香二錢

五十

五分爲末棗肉和丸米飲下四五十丸又方
肉苳蔻煨一兩熟附子七錢爲末糊丸米飲
服四五十丸 瑞竹堂方治老人虛瀉肉苳
蔻三錢煨研乳香一兩爲末 全幼心鑑治
小兒泄瀉用肉苳蔻五錢乳香二錢半生薑
五片同炒黑色去薑研爲膏收入密器旋丸
菉豆大每量大小米飲下 聖惠方治冷痢
腹痛不能食者肉苳蔻一兩去皮醋和麵裹



煨搗末每服一錢粥飲調下


簡談

大腸素有火熱及中暑熱泄暴注腸風下血
胃火齒痛及溼熱積滯方盛滯下初起皆不
宜服

補骨脂味辛大溫無毒主五勞七傷風虛冷骨
髓傷敗腎冷精流及婦人血氣墮胎一名破故

紙忌羊肉諸血
得胡桃良

疏○補骨脂稟火土之氣而兼得乎天令之
陽故其味辛其氣大溫性則無毒陽中微陰
降多升少入手厥陰心包絡命門足太陰脾
經能煖水臟陰中生陽壯火益土之要藥也
其主五勞七傷蓋緣勞傷之病多起於脾腎
兩虛以其能煖水臟補火以生土則腎中真
陽之氣得補而上升則能腐熟水穀蒸糟粕
而化精微脾氣散精上歸於肺以榮養乎五



臟故主五臟之勞七情之傷所生病風虛冷者因陽氣衰敗則風冷乘虛而容之以致骨髓傷敗腎冷精流腎主骨而藏精髓乃精之本真陽之氣不固卽前證見矣固其本而陽氣生則前證自除男子以精爲主婦人以血爲主婦人血氣者亦猶男子陽衰腎冷而爲血脫氣陷之病同乎男子之腎冷精流也大溫而辛火能消物故能墮胎


主治參互

三因方治精氣不固用破故紙青鹽等分同炒爲末每服二錢米飲下 普濟方治小便無度腎氣虛寒用破故紙十兩酒蒸茴香十兩鹽炒爲末酒糊丸梧子大每服百丸鹽酒下或以末糝猪腎煨食之 嬰童百問治小兒遺尿膀胱冷也夜屬陰故小便不禁用破故紙炒爲末每夜熱湯服五分 和劑方補



骨脂丸治下元虛敗脚手沉重夜多盜汗縱
慾所致此藥壯筋骨益元氣補骨脂四兩炒
香菟絲子四兩酒蒸胡桃肉一兩去皮沉香
研細一錢半煉蜜丸如梧子大每服二三十
丸空心鹽湯溫酒任下自夏至起冬至止日
一服此乃唐宣宗時張壽太尉知廣州得方
於南番人有詩云三年時節向邊隅人信方
知藥力殊奪得春光來在手青蛾休笑白髭

鬚 經驗方治虛勞男子女人五勞七傷下
元虛冷一切風病四肢疼痛駐顏壯氣烏髭
鬚用補骨脂一斤酒浸一宿曬乾却用烏油
麻一升和炒令麻子聲絕簸去只用補骨脂
爲末醋煮麵糊丸如梧子大每服二三十丸
空心溫酒鹽湯任下 又方治腎虛腰痛用
破故紙一兩炒爲末溫酒服三錢神効或加
木香一錢 和劑局方青娥丸治腎氣虛弱



風冷乘之或血氣相搏腰痛如折俛仰不利
或因勞役傷腎或溼痺傷腰或墮跌損傷或
風寒客搏或氣滯不散皆令腰痛或腰間如
物重墜用破故紙酒浸炒一斤杜仲去皮切
片薑汁炒一斤胡桃肉去皮二十箇爲末以
蒜搗膏一兩和九梧子大每空心溫酒服二
十九婦人淡醋湯下常服壯筋骨活血脈烏
髭鬚益顏色 夏子益奇疾方治玉莖不痿

精滑無歇時時如針刺捏之則脆此名腎漏
用破故紙韭子各一兩爲末每用三錢水二
盞煎六分服日三次愈則止 二神丸治脾
腎虛瀉用破故紙炒半斤肉苳蔻生用四兩
爲末肥棗研膏和九梧子大每服五七十九
空心米飲下本事方加木香二兩名三神丸
直指方治打墜腰痛瘀血凝滯用破故紙
炒茴香炒辣桂等分爲末每熱酒服二錢



唐鄭相國自敘云予爲南海節度年七十五
粵地卑溼傷於內外衆疾俱作陽氣衰絕服
乳石補藥百端不應元和七年有訶陵國舶
主李摩訶知予病狀遂傳此方并藥予初疑
而未服摩訶稽首固請遂服之經七八日而
覺應驗自爾常服其功神効十年二月罷郡
歸京錄方傳之用破故紙十兩淨去皮洗過
曝乾酒浸蒸再曝搗篩令細胡桃瓢二十兩

湯浸去皮細研如泥更以好蜜和令如飴糖
瓷器盛之旦日以煖酒二合調藥十匙服之
便以飯壓如不飲酒人以煖熟水調之餌久
則延年益氣悅心明目補添筋骨但禁芸臺
羊肉餘無所忌此物本自外番隨海舶而來
非中華所有番人呼爲補骨脂語訛傳爲破
故紙也王紹顏續傳信方載其事頗詳故錄
之按白飛霞方外奇方云破故紙屬火收



歛神明能使心包之火與命門之火相通故
元陽堅固骨髓充實瀼以治脫也胡桃屬木
潤燥養血血屬陰惡燥故油以潤之佐破故
紙有木火相生之妙故語云破故紙無胡桃
猶水母之無蝦也

簡誤

補骨脂陽藥也凡病陰虛火動陽道妄舉夢
遺尿血小便短瀼及目赤口苦舌乾大便燥

結內熱作渴火升目赤易饑嘈雜溼熱成痿
以致骨乏無力者皆不宜服

縮砂蜜味辛溫無毒主虛勞冷瀉宿食不消赤
白泄痢腹中虛痛下氣

疏○縮砂蜜稟天地陽和之氣以生故其味
辛其氣溫其性無毒入足太陰陽明少陰厥
陰亦入手太陰陽明厥陰可升可降降多於
升陽也辛能散又能潤溫能和暢通達虛勞



冷瀉脾腎不足也宿食不消脾胃俱虛也赤
白滯下胃與大腸因虛而溼熱與積滯客之
所成也辛以潤腎故使氣下行兼溫則脾腎
之氣皆和和則冷瀉自止宿食自消赤白滯
下自愈氣下則氣得歸元故腹中虛痛自己
也甄權用以止冷氣痛止休息痢消化水穀
溫煖肝腎陳藏器用以主上氣奔豚鬼疰邪
氣鬼疰必由於脾腎兩虛陰陽乏絕故也日

華子用以主一切氣轉筋霍亂轉筋霍亂必
由脾胃爲邪所干胃氣壅滯閉塞而成楊氏
用以止痛安胎氣結則作痛氣逆則胎不安
潔古用以治脾胃氣結滯不散皆下氣散結
溫中和胃入脾入腎入肝入命門入大腸之
故耳


主治參互

縮砂蜜氣味辛溫而芬芳香氣入脾辛能潤



腎故爲開脾胃之要藥和中氣之正品若兼
腎虛氣不歸元非此爲向導不濟殆勝桂附
熱毒之害多矣好古謂得人參益智則入脾
得黃檗茯苓則入腎得赤白石脂則入大小
腸也 得人參橘皮藿香白茯苓白芍藥炙
甘草治泄瀉兼嘔吐及不思食 得藿香橘
皮木瓜治霍亂轉筋腹痛吐瀉 獨用兩許
炒爲末入食鹽三錢滾湯一碗泡浸冷服治

乾霍亂累効 藥性論治冷滑下痢不禁虛
羸以縮砂仁爲末以羊子肝薄切糝之瓦上
焙乾爲末入乾薑末等分飯丸梧子大每四
十九白湯下日二服 直指方治遍身腫滿
陰亦腫者用縮砂仁土狗一箇等分研和老
酒服之 簡便方治痰氣膈脹用砂仁搗碎
以蘿蔔汁浸透焙乾爲末每服二錢食遠沸
湯服 簡便方治上氣欬逆用砂仁洗淨炒




研生薑連皮等分搗爛熱酒食遠泡服 溫
隱居方治子癰昏冒用砂仁和皮炒黑熱酒
調下二錢不飲者米飲下此方安胎止痛其
効不可盡述 孫尚藥方治妊娠胎動偶因
所觸或跌墮傷損致胎不安痛不可忍者用
砂仁熨斗炒熱去皮用仁搗碎每服二錢熱
酒調下須臾覺腹中胎動極熱卽胎已安矣
神効 婦人良方治婦人血崩用砂仁於新

瓦上焙研末米飲服三錢 直指方治牙齒
疼痛縮砂仁常嚼之良 事林廣記治一切
食毒用砂仁末水服二錢

簡誤

縮砂蜜氣味辛溫陽藥也凡腹痛屬火泄瀉
得之暑熱胎動由於血熱咽痛由於火炎小
兒脫肛由於氣虛腫滿由於溼熱上氣欬逆
由於火衝迫肺而不由於寒氣所傷皆須詳



察簡別難以槩用誤則有損無益勿易視也
本非肺經藥今亦有用之於欬逆者通指寒
邪鬱肺氣不得舒以致欬逆之證若咳嗽多
緣肺熱此藥卽不應 用矣

蓬莪茂味苦辛溫無毒主心腹痛中惡疰忤鬼
氣霍亂冷氣吐酸水解毒食飲不消酒磨服之
又療婦人血氣丈夫奔狽

疏○蓬莪茂感夏末秋初之氣而得土金之
味故其味苦辛其氣溫而無毒腸中陰降也
入足厥陰肝經氣分能破氣中之血入氣藥
發諸香主積聚諸氣爲最要之藥與京三稜
同用之良心腹痛者非血氣不得調和卽是
邪客中焦所致中惡疰忤鬼氣皆由氣不調
和臟腑壅滯陰陽乖隔則疫癘疰忤鬼氣得
以憑之茂氣香烈能調氣通竅竅利則邪無
所容而散矣解毒之義亦同乎是其主霍亂




冷氣吐酸水及飲食不消皆行氣之功也故
多用酒磨又療婦人血氣結積丈夫奔豚入
肝破血行氣故也多用醋磨鬱金入心亦入
肝專主血分亦散肝鬱茂與三稜專能行氣
破積薑黃行氣破血入脾爲多

主治參互

得人參橘皮縮砂蜜京三稜肉荳蔻青皮麥
蘖穀蘆木香消一切飲食停滯積聚及小兒

癥癖甚良 楊子建護命方治一切冷氣搶
心切痛發卽欲死久患心腹痛時發者蓬莪
茂醋煮二兩木香煨一兩爲末淡醋湯下半
錢 普濟方治婦人血氣遊走作痛及腰痛
茂同乾漆等分爲末酒服二錢腰痛核桃酒
下 保幼大全治小兒盤腸內釣痛以茂半
兩用阿魏一錢化水浸週時焙研紫蘇湯下
一字 十全普救方治小兒氣痛以茂炮熟



爲末熱酒服一錢 保幼大全治初生吐乳
不止用茂少許鹽二釐乳一合煎三五沸去
滓入牛黃二釐服之甚効 危氏得効方治
渾身燎炮每箇出水有麝一片如指甲大其
泡復生抽盡肌肉卽不可治用茂同三稜各
五錢爲末分三服酒調連進愈


簡誤

蓬莪茂行氣破血散結是其功能之所長若

夫婦人小兒氣血兩虛脾胃素弱而無積滯
者用之反能損真氣使食愈不消而脾胃益
弱卽有血氣凝結飲食積滯亦當與健脾胃
胃補益元氣藥同用乃無損耳

白前味甘微溫蜀本云微寒無毒主胸脇逆氣咳嗽
上氣

疏○白前感秋之氣而得土之冲味故味甘
辛氣微溫蘇恭又謂微寒性無毒陽中之陰



降也入手太陰肺家之要藥甘能緩辛能散
溫能下以其長於下氣故主胸脇逆氣咳嗽
上氣二病皆氣升氣逆痰隨氣壅所致氣降
則痰自降能降氣則病本立拔矣微溫微寒
見人參條下

主治參互

寇宗奭曰白前能保定肺氣治嗽多用以溫
藥相佐使尤佳 仲景金匱要略治嗽而脉

浮用澤漆湯中有白前苗似細辛而大根色
白亦似白微又似牛膝脆而易折不若白微
之可彎而不折也苦者非是 外臺方治久
嗽吐血用白前桔梗桑根白皮各三兩甘草
炙一兩水六升煮一升分三服忌猪肉菘菜
深師方治久欬上氣體腫短氣晝夜倚壁
不得臥常作水雞聲者白前湯主之白前二
兩紫苑半夏各三兩大戟七合以水一斗漬



一宿煑取三升分作數十服第進一服勿相
繼以須藥力之行


簡誤

自前辛溫走散下氣之藥性無補益凡欬逆
上氣欬嗽氣逆由於氣虛氣不歸元而不由
於肺氣因邪客壅實者禁用深師方中所主
又欬上氣體腫短氣脹滿當是有停飲水溼
溼痰之病乃可用之病不由於此者不得輕

施

白藥味辛溫無毒主金瘡生肌

疏○白藥稟天地清寒之氣而兼金水之性
故味辛經云氣溫日華子云冷當是辛寒之
藥無疑故無毒而能解毒金瘡出血過多必
發熱熱則作痛不得生肌矣涼血清熱則其
痛自止肌自生也又藥性論亦可單用味苦
能治喉中熱寒噎痺不通胸中隘塞咽中常




痛腫脹日華子云性冷消痰止嗽治渴并吐血喉閉消腫毒又云剪草根名白藥詳味二條所主皆解熱散結之功則其爲寒明矣入肺入胃不言可知

主治參互

施州人取白藥子并野猪尾二味洗淨去粗皮焙乾等分爲末酒調服二錢許療心氣痛解熱毒甚効 又諸瘡癰腫不散者取生根

爛擣傅貼乾則易之無生者用細末水調塗之亦可 崔元亮海上方治一切天行熱病取白藥研如麵二錢漿水一大盞空腹頓服之便仰臥一食頃候心頭悶亂或惡心腹內如車鳴疔刺痛良久當有吐利數行勿怪欲服藥時先令煮漿水粥於井中懸着待冷若吐利過度卽喫冷粥一碗止之不喫卽困人經驗方治妊娠傷寒護胎以白藥子爲細




末雞子清調攤於綿紙上可如碗大自臍貼至臍下胎存生處乾卽以溼水潤之衍義又爲治馬肺熱藥有效聖惠方治風熱上壅咽喉不利白藥三兩黑牽牛五錢同炒香去牽牛一半爲末防風末三兩和勻每一錢水調服又方治吐血不止白藥煨存性糯米飲服三錢又方治咽喉腫痛白藥末一兩龍腦香二分五釐生蜜和丸芡實大每含

燕一九又方名鐵單散治胎熱不安用白藥子一兩白芷五錢爲末每服二錢紫蘇湯下心煩熱入白砂糖少許經驗良方治衄血不止紅棗肉白藥各煨存性等分爲末糯米飲調服二錢許

簡誤


苦寒辛散之物凡病雖有血熱吐衄等證若脾胃素弱易於作泄者勿服



莎草根味甘微寒無毒主除胸中熱充皮毛久服令人益氣長鬚眉

疏○莎草根稟天地溫燥之氣而兼得乎土金之味故其味甘應有苦辛微寒亦應微溫無毒入足厥陰氣分亦入手太陰經氣厚於味陽中之陰降也血中之氣藥也能行十二經入脉氣分得童子小便苦酒漬過良芎藭爲之使辛主散苦溫主降泄肝主怒而苦急

肺苦氣上逆而主皮毛怒則氣上逆逆則胸中熱降則肝氣平而胸中熱除肺得安而皮毛自充鬚眉自長矣其云久服益氣者是亦調氣之功也蘇頌又謂治心腹中客熱膀胱間連脇下氣妨常日憂愁不樂心忪少氣東垣治一切氣霍亂吐瀉腹痛腎氣膀胱冷氣世醫專用以治婦人崩漏帶下月經不調者皆降氣調氣散結理滯之所致也蓋血不自



行隨氣而行氣逆而鬱則血亦凝澀氣順則血亦從之而和暢此女人崩漏帶下月事不調之病所以咸須之耳然須輔之以益血涼血之藥氣虛者兼入補氣藥乃可奏功也海藏云本草不言治崩漏而方中用治崩漏是能益氣而止血也又能逐去瘀血是推陳也凡氣鬱血滯必用之藥童便浸透炒黑能止血治崩漏

主治參互

香附一斤童子小便浸透砂器中炒炒時不住手洒童便火勿過猛炒三晝夜爲度川木耳四兩紙包裹以新瓦兩片夾定繩縛泥固火煨存性覺烟起良久急去火取置冷地候冷取出同香附研極細如麵每五七分淡醋湯調空心服此治血崩秘方累試有驗交感丹凡人中年精耗神衰蓋由心血少火不




下降腎氣憊水不上升致心腎隔絕榮衛不
和上則多驚中則寒痞飲食不下下則虛冷
遺精愚醫徒知峻補下田非惟不能生水滋
陰而反見衰悴但服此方半年屏去一切煖
藥絕嗜欲然後習祕固泝流之術其効不可
殫述香附子一斤新水浸一宿炒黃同茯神
四兩爲末蜜丸彈子大每早細嚼一丸以降
氣湯下降氣湯用香附半兩茯神二兩炙甘

草一兩半爲末點沸湯服前藥 和劑局方
升降諸氣并一切氣病痞脹喘噫噯酸煩悶
虛痛走注常服開胃消痰散壅思食早行山
行尤宜服之去邪辟瘴香附子炒四百兩沉
香十八兩縮砂仁四十八兩炙甘草一百二
十兩爲末每服一錢鹽湯點服 又方香附
一斤砂仁八兩炙甘草四兩爲末鹽湯服治
一切氣疾心腹脹滿噎塞噫氣吞酸痰逆嘔



惡及宿酒不解 又方香附二十兩烏藥十兩甘草炒一兩爲末鹽湯服二錢能調中快氣治心腹刺痛 集簡方香附二兩蘄艾五錢以醋湯同煮熟去艾炒爲末醋糊丸白湯服二錢治心氣痛腹痛少腹痛血氣痛不可忍 仁存方香附皂莢水浸半夏各一兩白礬末半兩薑汁麵糊丸薑湯下一二錢治停痰宿飲風氣上攻胸膈不利 同南星等分

爲末薑汁糊丸治老少痲痺往來疼痛 集簡方香附末二錢以海藻一錢煎酒空心調下并食海藻治癩疔脹痛及小腸氣 婦人良方香附炒一兩荔枝核燒存性半兩爲末每二錢米飲調下治血氣刺痛 瑞竹堂方四製香附丸香附一斤分作四分用酒醋鹽水童便各浸春夏一秋五冬七日淘淨曬搗微焙爲末醋糊丸梧子大每酒下七十九



治女人經候不調兼諸病瘦人加澤蘭赤茯苓末二兩氣虛加四君子料血虛加四物料濟生方香附四兩伏苓甘草炙各一兩橘紅二兩爲末沸湯下二錢治婦人氣盛血衰變生諸證頭暈腹滿皆宜 獨用炒爲末極熱酒服二錢立愈下血血崩或五色漏帶並宜常服滋血調氣乃婦人之仙藥也 同赤芍藥爲末加鹽一捻煎服治赤白帶下及崩

漏不止 君縮砂仁炙甘草能臨產順胎九月十月服此永無驚恐 獨用爲末童洩調下二錢治氣鬱吐血 君川芎治氣鬱頭痛 獨用爲末萊菔子煎湯早夜各服二錢治耳卒聾閉

簡誤

香附香燥苦溫帶辛凡月事先期者血熱也法當涼血禁用此藥誤犯則愈先期矣



胡黃連味苦平無毒主久痢成疖傷寒欬嗽溫

瘧骨熱理腰腎去陰汗小兒驚癇寒熱不下食

霍亂下痢

唐本云大寒主骨蒸勞熱補肝膽明目治冷熱洩痢益顏色厚腸胃治婦

人胎蒸虛驚治三消五痔大人五心煩熱惡菊花玄參白鮮皮解巴豆毒服之忌猪肉令人漏精折之塵出如煙者真肉似鸚鵡眼者良

疏○胡黃連得天地清肅陰寒之氣故其味

至苦其氣大寒性則無毒善除溼熱故主久

痢成疖及冷熱洩痢厚腸胃傷寒欬嗽者邪

熱在手太陰足陽明也溫瘧骨蒸者熱在骨

間也理腰腎去陰汗者腎虛溼熱下流客之

使熱伏腎間也小兒驚癇寒熱不下食者熱


則生風故發驚癇熱在胃口故不下食也心

主五色脾胃主肌肉二經溼熱去則顏色自

佳也三消五痔大人五心煩熱者無非溼熱

在腸胃及火在五臟間也大寒至苦極清之

性能清熱自腸胃以次於骨一切溼熱邪熱



陰分伏熱所生諸病莫不消除

主治叅互

蘇頌圖經治傷寒勞復身熱大小便赤如血色者胡黃連一兩山梔仁二兩入蜜半兩拌和炒令微焦二味搗羅爲末用猪膽汁和九梧子大每服用生薑二片烏梅一枚童便三合浸半日去滓食後煖童便令溫下十九臨臥再服甚効 全幼心鑑治小兒疳熱肚脹

潮熱髮焦不可用大黃黃芩傷胃之藥恐生別證以胡黃連五錢五靈脂一兩爲末雄猪膽汁和丸菜豆大米飲服一二十九 錢乙小兒方訣治脾熱疳疾用胡黃連川黃連各半兩硃砂二錢半爲末入猪膽內紮定以杖子鈞懸於砂鍋內漿水煮一炊久取出研爛入盧會麝香各一分飯和丸麻子大每服五七丸至一二十九米飲下 又方治小兒黃



痘胡黃連川黃連各一兩爲末用黃瓜一箇
去瓢留蓋入藥在內合定麵裹煨熟去麵搗
丸菘豆大量大小溫水下
簡誤
胡黃連氣味苦寒之至設使陰血太虛真精
耗竭而胃氣脾陰俱弱者雖見如上諸證亦
勿輕投卽欲用之亦須與健脾安胃等藥同
用乃可無弊慎之

鱧腸味甘酸平無毒主血痢針灸瘡發洪血不
可止者傅之立已汁塗髮眉生速而繁

疏○鱧腸正稟北方坎水之氣故其汁玄黑
其味甘酸平而無毒純陰之草也入腎入肝
亦入胃與大小腸善涼血鬚髮白者血熱也
齒不固者腎虛有熱也涼血益血則鬚髮變
白而齒亦因之而固矣故古今變白之草當
以茲爲勝本經主血痢及針灸瘡發洪血不



可止者傳之立已塗眉髮生速而繁蕭炳又
謂能止血排膿通小腸傳一切瘡膏點鼻中
添腦者蓋以血痢由於血分爲溼熱所傷針
灸瘡發洪血不止亦緣病人素有血熱及加
艾火則益熾矣血涼則不出榮血熱壅則生
膿涼血則自散小腸屬丙火有熱則不通榮
血熱解則一切瘡自愈腦爲髓之海熱則消
火能消物故也鼻竅通氣於腦故以膏點鼻

中使腦中熱散無邪剝蝕則腦自益矣之數
者何非涼血益血之功也

主治參互

孫真人千金月令方有金陵煎能益髭鬚變
白爲黑金陵草一秤六月後收揀青嫩無泥
土者不用洗抹淨摘去黃葉爛搗新布絞取
汁以紗絹濾過入通油器鉢盛之日中煎五
日又取生薑一斤絞汁白蜜一斤合和日中



煎以柳木勿停手攪待如稀餲藥乃成矣每
早及午後各服一匙以溫酒一盞化下如欲
作九日中再煎令可九每服三十九及時多
合爲佳 攝生衆妙用方取旱蓮草根一斤
用無灰酒洗淨青鹽四兩淹三宿同汁入油
鍋中炒存性研末日用擦牙連津嚥之能烏
鬚固齒又方旱蓮一兩半麻縮餅三兩升麻
青鹽各三兩半訶子連核二十箇皂角三挺

晚蠶沙二兩炒爲末薄醋麵糊丸彈子大曬
乾入泥瓶中火煨令烟出存性取出研末目
用揩牙 又方取汁滴鼻中治偏正頭痛
同藍葉各一握油一斤入浸密封四十九日
每臥時以鐵匙點一切眼疾腎膜遮障涼腦
再摩頂上四十九遍久久甚佳亦治頭痛能
生髮 同車前草等分杵取汁每空心服三
盃治小便溺血 獨用瓦上焙研每米飲下




二錢治腸風臟毒下血不止 獨用搗汁衝
極熱酒飲治痔漏瘡發外卽以滓傅患處重
者不過三服 同鹽少許揉擦掌心治風牙
疼痛

簡誤

鯉腸性冷陰寒之質雖善涼血不益脾胃病
人雖有血熱一見脾胃虛敗飲食難消及易
溘薄作泄者勿輕與服孫真人方用薑汁和
劑蓋防其冷而不利於腸胃故也不用薑汁
椒紅相兼修事服之者必腹痛作泄宜詳審
之

使君子味甘溫無毒主小兒五疳小便白濁殺
蟲療瀉痢俗傳始因潘州郭使君療小兒多是
獨用此物後醫家因號爲使君子

疏○使君子得土之冲氣而兼感乎季春之
令以生故其味甘其氣溫其性無毒甘入脾




故入足太陰陽明爲補脾健胃之要藥小兒
五疳便濁瀉利及腹蟲莫不皆由脾虛胃弱
因而乳食停滯溼熱癆寒而成脾健胃開則
乳飲自消溼熱自散水道自利而前證俱除
矣不苦不辛而能殺疳虵此所以爲小兒上
藥也

主治參互

得虛會蕪荑滑石麥芽厚朴橘皮治一切疳

疾神効 又方治小兒脾癆使君子盧會等
分爲末米飲每服一錢 全幼心鑑治小兒
蛔痛口流涎沫使君子爲末五更米飲調服
一錢 簡便方治小兒虛腫頭面陰囊俱浮
使君子肉一兩蜜五錢炙盡爲末每食後米
湯服一錢 普濟方治頭瘡而瘡使君子仁
以香油少許浸三五枚臨臥時細嚼香油送
下久久自愈 集簡方治蟲牙疼痛使君子



煎湯類嗽

簡誤

小兒泄痢有赤積是暑氣所傷禁與肉豆蔻訶子等溼熱藥同用亦忌食熱物及飲熱茶犯之卽泄

白豆蔻味辛大溫無毒主積冷氣止吐逆反胃

消穀下氣

人藥去皮
微焙用

疏○白豆蔻感秋燥之令而得乎地之火金

故其味辛其氣大溫其性無毒好古大辛熱味薄氣厚輕清而升陽也浮也入手太陰亦入足陽明經味大辛也氣大溫也宜其主積冷氣及傷冷吐逆因寒反胃也煖能消物故又主消穀溫能通行故主下氣東垣用以散肺中滯氣寬膈進食去自睛翳膜散滯之功也

主治參互



得人參生薑橘皮藿香治胃虛反胃及因寒
嘔吐殊驗 得半夏橘紅生薑白朮茯苓治
寒痰停胃作嘔吐似反胃 得橘皮白朮白
茯苓決明子甘菊花蜜蒙花木賊草穀精草
理脾虛白朮生障翳 得藿香橘皮木香理
上焦滯氣加烏藥香附紫蘇治婦人一切氣
逆不和 佐參朮薑橘治秋深癘發寒多熱
少嘔吐胃弱飲食不進良 同扁豆五味子

橘紅木瓜能解酒毒及中酒嘔吐惡心 張
文仲備急方治胃冷惡心食已卽欲吐用白
豆蔻三枚搗細好酒一盞溫服併飲數服佳
肘後方治人忽惡心多嚼白豆蔻子最佳
危氏得効方治小兒吐乳胃寒者白豆蔻
縮砂蜜各十四箇生炙甘草各二錢爲末常
摻入兒口中 濟生方治脾虛反胃白豆蔻
縮砂蜜各二兩丁香一兩陳廩米一升黃土



炒焦去土細研薑汁和丸每二三錢薑湯下
名太倉丸

簡誤

白豆蔻辛溫其治在因寒嘔吐反胃其不因
於寒及陽虛者皆不得入故凡火升作嘔因
熱腹痛法咸忌之

剪草涼無毒治惡瘡疥癬風瘙根名白藥


細

葉如
苔而

疏○剪草稟天地清寒至陰之氣以生故藏
器云味苦其氣寒涼性應無毒主諸惡瘡疥
癬風瘙癢蝕者以諸痛癢瘡瘍皆屬心火苦
寒能降火而涼血清熱故主之也溼熱生蟲
若能殺蟲寒能除熱故有蟲浸酒服


主治參互

潔古專以主上部血而與牡丹皮天門冬麥
門冬同用許學士本事方云剪草治癆瘵



吐血肺損及血妄行名神傳膏其法每用一斤洗淨曬爲末入生蜜二斤和爲膏以器盛之不得犯鐵器九蒸九曝日一蒸曝病人五更起面東坐不得語言以匙抄藥如粥服之每服四兩服已良久以稀粟米飲壓之藥只冷服米飲亦勿太熱或吐或下皆不妨如久病肺損咯血只二服愈尋常咳嗽血妄行每服一匙可也有一貴婦病瘵得此方九日藥

成前一夕病者夢人戒令翌日勿亂服藥次日將服之爲屋上土墜器中不可服再合既成又將服之爲婢覆器又不得服又再合未就而夫人卒矣此藥之異如此若小小血妄行一啜而愈矣此藥妙絕若此而世失傳惜哉中藏經治風蟲牙痛剪草細辛藁本等分煎水熱漱少頃自止和劑局方有滑肌散治風邪客於肌中渾身瘙癢致生瘡疥及



脾肺風毒攻衝生瘡乾溼日久不瘥用剪草
七兩不見火輕粉一錢爲末摻之乾者麻油
調搽

簡誤


剪草大苦大寒之藥雖治血熱妄行神効若
脾腎俱虛胃口薄弱見食欲嘔及不思食泄
瀉者勿遽投之法當先理脾胃俟能進食而
後施治乃可

豆蔻味辛溫無毒主溫中心腹痛嘔吐去口臭

氣開寶主下氣止霍亂一切冷氣消酒毒東垣
調中補胃健脾消食去客寒心與胃痛。自

果部
移入

疏○豆蔻得地二之火氣而有金復兼感乎
夏末秋初之令以生故別錄謂其味辛氣溫
而性無毒海藏又云大辛熱陽也浮也入足
太陰陽明經蓋辛能破滯香能入脾溫熱能
祛寒燥溼故主溫中及寒客中焦心腹痛中



寒嘔吐也脾開竅於口脾家有積滯則瘀而爲熱故發口臭醒脾導滯則口氣不臭矣辛散溫行故下氣寒客中焦飲食不消氣因閉滯則霍亂又散一切冷氣消酒毒者亦燥溼破滯行氣健脾開胃之功也產閩之建寧者氣芳烈類白豆蔻善散冷氣療胃脘痛理中焦產滇貴南粵者氣猛而濁俗呼草果者是也善破瘴癘消穀食及一切宿食停滯作脹

悶及痛

主治參豆

人人參養胃湯能消一切宿食開拓中焦滯氣藥性論云草豆蔻單用能主一切冷氣千金方治心腹脹滿短氣用草豆蔻一兩去皮爲末以木瓜生薑湯調服半錢聖濟總錄治霍亂煩渴草豆蔻黃連各一錢半烏豆五十粒生薑三片水煎服濟生方治氣




虛癰瘡熱少寒多或單寒不熱或虛熱不寒
用草果仁熟附子等分水一盞薑七片棗一
枚煎半盞服名果附湯醫方大成亦用治脾
寒瘧大便泄而小便多不能食者 百一選
方治脾腎不足虛寒泄瀉草果仁一兩以舶
上茴香一兩炒香去茴不用吳茱萸一兩湯
泡七次同破故紙一兩炒香去故紙不用胡
盧巴一兩同山茱萸一兩炒香去茱萸不用

三味爲末酒糊丸每六七十丸鹽湯下 肘
後方香口辟臭草豆蔻細辛爲末含之 直
指方治脾痛脹滿草果仁二箇酒煎服之

一 簡誤

豆蔻性溫熱味大辛本是祛寒破滯消食除
瘴之藥凡瘧不由於瘴氣心痛胃脘痛由於
火而不由於寒溼熱瘀滯暑氣外侵而成滯
下赤白裏急後重及泄瀉暴注口渴溼熱侵



脾因作脹滿或小水不利咸屬暑氣溼熱皆
不當用犯之增劇


藿香微溫療風水毒腫去惡氣療霍亂心痛

自木入部移

疏○藿香稟清和芬烈之氣故其味辛其氣
微溫無毒潔古辛甘又曰甘苦氣厚味薄浮
而升陽也東垣可升可降陽也入手足太陰
亦入足陽明經風水毒腫病在於脾惡氣內

侵亦由脾虛邪入霍亂心腹痛皆中焦不治
之證脾主中焦香氣先入脾理脾開胃正氣
通暢則前證自除矣蘇頌以爲脾胃吐逆爲
要藥潔古謂其助胃氣開胃口進飲食海藏
謂其溫中快氣肺虛有寒及寒鬱熱壅於上
焦飲酒口臭煎湯飲之皆辛溫入肺入脾清
上治中之功也

主治參互




得縮砂蜜炒鹽治霍亂 得人參橘皮木瓜
茯苓縮砂蜜治吐瀉轉筋霍亂 得木香沉
水香乳香縮砂蜜則辟惡氣治中惡心腹疔
痛 入順氣烏藥散則補肺入黃耆四君子
湯則補脾入桂苓甘露飲治中暑吐瀉 得
木香丁香紫蘇葉人參生薑治暴中寒邪吐
逆不止 經效濟世方升降諸氣藿香一兩
香附炒五兩爲末每以白湯點服一錢 百

一選方治霍亂吐瀉垂死者服之回生用藿
香葉陳皮各半兩水煎溫服 禹師經驗方
治暑月吐瀉滑石二兩藿香二錢五分丁香
五分爲末每服二錢浙米泔調服

簡誤

藿香雖能止嘔治吐逆若病因陰虛火旺胃
弱欲嘔及胃熱作嘔中焦火盛熱極溫病熱
病陽明胃家邪實作嘔作脹法竝禁用



假蘇味辛溫無毒主寒熱鼠瘻癰瘕生瘡破結

聚氣下瘀血除溼痺


自茶部移入

疏○假蘇荆芥也得春氣善走散故其氣溫其味辛其性無毒升也陽也春氣升風性亦升故能上行頭目肝主風木故能通肝氣行血分能入血分之風藥也故能發汗其主寒熱者寒熱必由邪盛而作散邪解肌出汗則寒熱自愈鼠瘻由熱結於足少陽陽明二經

火熱鬱結而成癰瘕爲病亦屬二經故也生瘡者血熱有溼也涼血燥溼瘡自脫矣破結聚氣者辛溫解散之力也下瘀血入血分辛以散之溫以行之之功用也痺者風寒溼三邪之所致也祛風燥溼散寒則溼痺除矣

主治參互

得白頸蚯蚓同搗取汁解陽明經熱病汗出立已得童子小便調服立蘇血暈 千金方



治頭項風強八月後取荆芥穗作枕及鋪牀
下立春日去之 又方治風熱牙疼用荆芥
根烏柏根葱根等分煎湯頻含漱之 經驗
方治一切偏風口眼喎斜用青荆芥一斤青
薄荷一斤同搗汁於箆器中蒸成膏留三分
之一將二分日乾爲末以膏和丸如梧子大
每三十九白湯下早暮各一服忌動風物
又方治中風口噤荆芥穗爲末酒服二錢立

愈名荆芥散賈似道云此方出曾公談錄前
後用之甚驗其子名順者病已革服之立定
眞再生丹也 華陀愈風散治婦人產後中
風口噤手足痲癢如角弓或產後血暈不省
人事四肢強直或心眼倒築吐瀉欲死用荆
芥穗微焙爲末每服三錢豆淋酒調服或童
便服之口噤則挑齒灌之齟噤則灌入鼻中
其効如神大抵產後虛甚則汗出而腠理疎



用之無不如神也 保命集治產後血眩暈
風虛精神昏冒荆芥穗一兩三錢桃仁去皮
尖五錢爲末水服三錢若喘加杏仁去皮尖
炒甘草炙各三錢 婦人良方治產後鼻衄
荆芥穗末童便服二錢海上方也 簡便方
治大便下血用荆芥二兩槐花一兩同炒紫
爲末每三錢清茶送下 活法機要治瘰癧
潰爛牽至胸前兩腋塊如茄子大或牽至兩

易於中風也 戴原禮獨行散治產後迷悶
因怒發熱而得者用荆芥穗以新瓦半炒半
生爲末童便服一二錢若角弓反張以豆淋
酒下或剉散童便煎服極妙蓋荆芥乃產後
要藥而角弓反張乃婦人急候得此證者十
存一二而已 圖經本草治產後血暈築心
眼倒風縮欲死者取荆芥末二錢七童便調
勻熱服立愈口噤者灌鼻中皆効近世名醫




肩上四五年不能療者皆治之其効如神晉
陵朱守仁傳云其項不能回顧用此數日減
可如瘡爛破者用荆芥根下一段剪碎煎沸
待溫洗良久看爛破處紫黑以針一刺去血
再洗三四次愈用樟腦雄黃等分爲末麻油
調掃上出水次日再洗再掃以愈爲度 普
濟方治一切疥瘡荆芥末以地黃自然汁熬
膏和丸如梧子大每服三十五丸茶酒任下

龍木論治一切眼疾血勞風氣頭痛頭旋
目眩用荆芥穗末每酒服三錢 普濟方治
癢閉不通小便急痛無問久新荆芥大黃爲
末等分每溫水服三錢小便不通大黃減半
大便不通荆芥減半名倒換散

簡誤

荆芥風藥之辛溫者也主升主散不能降亦
不能收病人表虛有汗者忌之血虛寒熱而



不因於風溼風寒者勿用陰虛火炎面赤因
而頭痛者慎勿誤入
蘇味辛溫主下氣除寒中其子尤良忌與鯉魚
同食生毒
疏○蘇紫蘇也得天陽和之氣故溫兼地之
金味故辛辛則善散溫能通氣故主下氣除
寒中也子尤良者以其善降氣也入手少陰
太陰足陽明經孟詵謂其除寒熱治一切冷

瘡自菜
部移入

氣日華子謂其補中益氣治心腹脹滿止霍
亂轉筋開胃下食止脚氣通大小腸蘇頌謂
其通心經益脾胃煑飲尤勝與橘皮相宜時
珍謂其解肌發表散風寒行氣寬中消痰利
肺和血溫中止痛定喘安胎解魚蟹毒
子味辛溫無毒主下氣除寒溫中甄權用以
治上氣欬逆冷氣及腰脚中溼氣風結氣研
汁煑粥常食令人肥自身香日華子謂其能



止霍亂嘔吐反胃消五膈消痰止嗽潤心肺
冠宗真用以治肺氣喘急皆辛溫能散結而
兼潤下之力也

主治參互

蘇陽草也解肌散寒蘇表辟惡之要藥 入
參蘇飲治表虛人傷風久不愈 入蘇沉丸
寶湯解利傷風寒咳嗽 肘後方治感寒上
氣蘇葉三兩橘皮四兩酒四升煮一升半分

再服 又方治霍亂脹滿未得吐下生蘇搗
汁飲之佳乾蘇煮飲亦妙 金匱要略療食
蟹中毒紫蘇煮汁飲二升 普濟方治欬逆
上氣蘇莖葉二錢人參一錢水一鍾煎數沸
服 濟生方順氣利腸紫蘇子麻仁等分研
爛水濾取汁同米煮粥食之 聖惠方治風
順氣利腸寬中用蘇子一升微炒杵以生絹
袋盛於三斗清酒中浸三宿少炒食之 藥



性論治一切冷氣蘇子良薑橘皮等分蜜丸
梧子大每服十九空心酒下又用治風溼脚
氣簡便方治上氣欬逆紫蘇子入水研濾
汁同粳米煮粥食

簡誤

蘇葉其氣芬芳其味辛其性溫純陽之草也
故善發散解肌出汗病屬陰虛因發寒熱或
惡寒及頭痛者慎毋投之以病宜欬宜補故

也火升作嘔者亦不宜服惟可用子

香薷味辛微溫主霍亂腹痛吐下散水腫

萊部
移入

疏○香薷丹溪謂其有金與水然亦感夏秋

之氣以生者故其味辛其氣微溫而無毒可

升可降陽也入足陽明太陰手少陰經辛散

溫通故能解寒鬱之暑氣霍亂腹痛吐下轉

筋多由暑月過食生冷外邪與內傷相并而

作辛溫通氣則能和中解表故主之也散水



腫者除溼利水之功也孟詵謂其去熱風卒
轉筋者煮汁頓服半升卽止爲末水調服止
鼻衄日華子謂其下氣除煩熱療嘔逆冷氣
汪穎謂其夏月煮飲代茶可無熱病調中溫
胃含汁嗽口去臭氣

主治參互


香薷飲有十味者有六味者有加黃連者雖
同爲祛暑之藥然脾胃腎俱虛之人當以十

味者爲準除有肺熱咳嗽病者去人參白朮
黃耆 治水腫以之爲君當同人參朮木瓜
茯苓橘皮白芍藥車前子良 和劑局方香
薷飲治一切傷暑或暑月臥溼當風或生冷
不節真邪相干便致吐利或發熱頭痛體痛
或心腹癢或轉筋或乾嘔或四肢逆冷或煩
悶欲死竝用香薷一斤厚朴薑製藟豆微炒
各半斤剉散每用五錢水二盞煎一盞水中



沉冷連進二服立効活人書去菹豆入黃連
四兩薑汁同炒黃色 外臺秘要治水病洪
腫氣脹食不消乾香薷五十斤剉入釜中以
水淹過三寸煮使氣盡去滓澄之微火煎至
可丸丸如梧子大一服五丸日三服漸加之
以小便利則愈宜有木同煎 外臺秘要薷
朮丸治暴水風水氣水通身皆腫服至小便
利爲効用香薷葉一斤熬成膏加白朮末七

兩和丸梧子大每服十九米飲下日五夜一
服 肘後方治心煩脇痛連胸欲死者香薷
搗汁二升服 聖濟總錄治鼻衄不止香薷
研末水服一二錢 肘後方治舌上出血如
鑽孔者香薷煎汁服一升日三進 千金方
治口臭香薷一把煎汁含之 食醫心鏡主
心煩去熱取煎湯作羹煮粥及生食亦得
子母秘錄治小兒白禿髮不生汁出慘痛濃



炙陳香薷汁入豬脂少許和胡粉傅之。衍
義云治霍亂不可缺用之無不効。雷公云
凡採得去根留葉細剉曝乾勿令犯火服至
十兩一生不得食白山桃也。

簡誤

香薷性溫不宜熱飲故治乘涼飲冷寒與暑
氣相搏激是陽氣爲陰邪所遏以致頭疼發
熱惡寒煩躁口渴或吐或瀉或霍亂者宜用

此藥以發越陽氣散水和脾則愈若夫飲食
不節勞役斲喪之人傷暑熱而病大熱大渴
汗泄如雨煩躁喘促或瀉或吐者乃勞倦內
傷之證宜從東垣人參白虎湯清暑益氣湯
桂苓甘露飲之類以瀉火益元可也然中熱
不吐瀉者宜人參白虎湯吐瀉者宜清暑益
氣湯桂苓甘露飲設用香薷是重虛其表而
又濟之以溫則誤矣蓋香薷乃夏月解表之




藥表無所感而中熱爲病何假於此哉誤則損人表氣戒之戒之

薄荷味辛苦溫無毒主賊風傷寒發汗惡氣心腹脹滿霍亂宿食不消下氣煮汁服亦堪生食飲汁發汗大解勞煩

宋部移入

疏○薄荷感杪春初夏之氣而得乎火金之味金勝火劣故辛多於苦而無毒潔古辛涼浮而升陽也入手太陰少陰經辛合肺肺主

皮毛苦合心而從火化主血脉主熱皆陽臟也賊風傷寒其邪在表故發汗則解風藥性升又兼辛溫故能散邪辟惡辛香通竅故治腹脹滿霍亂食療以爲能去心家熱故爲小兒驚風風熱家引經要藥辛香走散以通關節故逐賊風發汗者風從汗解也本非脾胃家藥安能主宿食不消上升之性亦難主下氣勞乏屬虛非散可解三療俱非明者當自




別之

主治參互

風熱上壅斯爲要藥 入噲化丸以之爲君
主陰虛肺熱咳嗽甚良加生乾薑并治傷風
寒咳嗽 佐漆葉苦參何首烏胡麻仁荆芥
穗生地黃蒺藜子石菖蒲蒼朮治大麻風去
蒼朮加赤莖稀簽治紫雲風 同貝母荆芥
穗玄參斑猫佐肥皂能治癩癧 外臺秘要

九十九

治水入耳中擣汁滴入立驗 孫真人用以
辟邪毒除勞氣令人口氣香潔煎湯洗漆瘡
日華子用以治中風失音吐痰 蘇頌主
傷風頭腦風通關節及小兒風涎爲要藥
東垣用以清頭目除風熱故可療風瘙癢癩
及塗蜂螫 簡便單方清上化痰利咽膈治
風熱上壅以薄荷葉爲末煉蜜丸芡實大每
噲一丸 醫學集成治舌胎語蹇薄荷自然




汁和白蜜薑汁少許擦之 明目經驗方治
眼弦赤爛薄荷以生薑汁浸一宿曬乾爲末
每用一錢沸湯泡洗 濟生方治療癰結核
或破未破以新薄荷二斤取汁皂莢一挺水
浸去皮搗取汁同於銀石器內熬膏入連翹
末半兩連白青皮陳皮黑牽牛半生半炒各
一兩皂莢仁一兩半同搗和丸梧子大每服
三十九煎連翹湯下 張杲醫說療火毒生

瘡因炙火火氣入內兩股生瘡汁水淋漓者
用薄荷煎汁頻塗立愈


簡誤

病人新瘡勿服以其發汗虛表氣也咳嗽若
因肺虛寒客之而無熱證者勿服以其當補
而愈也陰虛人發熱勿服以出汗則愈竭其
津液也脚氣類傷寒勿服以其病在下而屬
脾故也血虛頭痛非同諸補血藥不可用小



卷之九


兒身熱由於傷食者不可用小兒身熱因於
疳積者不可用小兒痘瘡診得氣虛者雖身
熱初起亦不可用






NATIONAL CENTRAL LIBRARY, TAIWAN, R.O.C.






NATIONAL CENTRAL LIBRARY, TAIWAN, R.O.C.






國立中央圖書館 民國八十五年



Faint, illegible text or bleed-through from the reverse side of the page.

2018993 v.5



NATIONAL CENTRAL LIBRARY, TAIWAN, R.O.C.



神農本草經疏卷之十

草部下品之十

總六十二種今疏其要者一十六種

附子

半夏

大黃

葶藶

桔梗

草蒿

旋復花

藜蘆

射干

常山



甘遂

白斂

白及

大戟

貫衆



羊躑躅

附子味辛甘溫大熱有大毒主風寒欬逆邪氣
溫中金瘡破癥堅積聚血瘕寒溼踈躄拘攣膝
痛脚疼冷弱不能行步腰脊風寒心腹冷痛霍
亂轉筋下痢赤白堅肌骨強陰又墮胎爲百藥
長冬月採爲附子春採爲烏頭忌破汁得蜀椒
食鹽可引之下

行地臆爲之使惡壞恐畏防風
黑豆甘草黃耆人參童便犀角

疏○附子全稟地中火土燥烈之氣而兼得

乎天之熱氣故其氣味皆大辛大熱微兼甘
苦而有火毒氣厚味薄陽中之陰降多升少
浮中沉無所不至入手厥陰命門手少陽三
焦兼入足少陰太陰經其性走而不守得甘
草則性緩得肉桂則補命門本經主風寒欬
逆邪氣寒溼踈躄拘攣膝痛脚疼冷弱不能
行步以此諸病皆由風寒溼三邪客之所致
也邪客上焦則欬逆邪客下焦則成踈躄拘



攣膝痛脚疼冷弱不能行步此藥性大熱而善走故亦善除風寒溼三邪三邪祛則諸證自瘳矣癥堅積聚血瘀皆血分虛寒凝而不行所成血得熱則行故能療之其主金瘡亦謂金瘡爲風寒所鬱擊血瘀不活之證而非血流不止之金瘡也別錄又主腰脊風寒脚氣冷弱心腹冷痛及脾虛寒客中焦爲霍亂客下焦肝腎之分爲轉筋偕諸補氣藥則溫

中補血藥則強陰堅肌骨火能消物氣性熱極入血善行故善墜胎爲百藥長引參朮黃耆茯苓則溫暖脾胃除脾溼祛腎寒補下焦陽虛佐之以桂則除臟腑沉寒三焦厥逆溼淫腹痛胃寒虵動氣虛經閉補陽虛散虛壅亦可入足太陽少陰故治督脉爲病脊強而厥督脉夾脊而上並足太陽膀胱經膀胱者腎之府故主之也天雄烏頭側子本是同生



弟其形質有異老嫩或殊汰熱大毒則未始有別也

主治參互

附子得生乾薑桂枝主傷寒直中陰經溫中散寒而能出汗 佐人參兼肉桂五味子則補命門相火不足回陽有神 得人參肉桂治元氣虛人暴寒之氣入腹腹痛作泄完穀不化小水不禁佐白朮爲除寒溼之聖藥

得黃耆人參炙甘草白芍藥橘皮五味子主癰疽潰後去膿血過多以致飲食不進惡心欲嘔飲食不化不生肌肉亦主久漏冷瘡 得人參白芍藥炙甘草砂仁橘皮主小兒慢驚加蓮肉白扁豆則治吐瀉不止 得不桂牛膝木瓜橘皮主寒疝痛極立止 得木木瓜石斛草薺薏苡仁橘皮茯苓治風溼麻痺腫痛脚氣之無熱證者輒驗 得人參橘皮



主久病嘔噦反胃虛而無熱者良 經曰腎
苦燥急食辛以潤之附子同肉桂之辛入八
味丸以潤腎燥陽虛無熱證者宜之

簡誤

附子既稟地二之火氣兼得乎天之熱氣以
生是陰陽湊合無非火熱爲性氣味皆然毒
可知已論其性質之所能乃是退陰寒益陽
火兼除寒溼之要藥引補氣血藥入命門益

相火之上劑若非陰寒寒溼陽虛氣弱之病
而誤用之於陰虛內熱血液衰少傷寒溫病
熱病陽厥等證靡不立斃謹列其害如左醫
師司命宜詳玩而深鑒之亦生人之大幸也
傷寒陽厥其外證雖與陰厥相類而其內實
不相侷何者陽厥之病若係傷寒溫疫其先
必發熱頭疼口渴其後雖頭不疼而表熱已
除然必面赤顴紅二便不利小水必赤或短



少是其候也此當下之病也產後血虛角弓反張病名曰瘓瘓者勁也是去血過多陰氣暴虛陰虛生內熱熱則生風故外兼現乎風證其實乃陰血不足無以榮養於筋所致足厥陰肝家大虛之候此宜益陰補血清熱愈也故凡病人一見內熱口乾咽乾口渴渴欲引飲咳嗽多痰煩躁五心煩熱骨蒸勞熱惡寒陰虛內熱外寒虛火上攻齒痛脾陰不

足以致飲食無味小便黃赤短澁及不利大便不通或燥結腹內覺熱悶喜飲冷漿及鮮果畏火及日光兼畏人聲木聲虛陽易興夢洩不止產後發熱產後血行不止及惡瘡臭穢小產增寒壯熱中暑厥暈陰虛頭暈中暑暴泄利下如火赤白滯下小兒中暑傷食作泄小便短赤口渴思飲血虛腹痛按之卽止火炎欲嘔外類反胃而惡熱焦煩得寒暫止



中熱腹中絞痛中暑霍亂吐瀉或乾霍亂或
久瘧寒熱並盛或赤白濁赤白淋尿血便血
血崩吐衄齒衄舌上出血目昏神短耳鳴盜
汗汗血多汗惡熱老人精絕陽痿少年縱慾
傷精以致陰精不守精滑腦漏婦人血枯無
子血枯經閉腎虛小便餘瀝血虛大便燥結
陰虛口苦舌乾心經有熱夢寐紛紜下部溼
熱行履重滯溼熱痿痺溼熱作泄溼熱脚氣

小兒急驚內熱痘瘡乾焦黑陷痘瘡火閉不
出痘瘡皮薄嬌紅痘瘡因熱咬牙痘瘡挾熱
下利痘瘡餘毒生癰中風殭仆不語中風口
眼歪邪中風語言蹇澀中風半身不遂中風
痰多神昏一切癰疽未潰金瘡失血發瘕血
虛頭痛偏頭風痛上來內外男婦小兒共七
十餘症病屬陰虛及諸火熱無關陽弱亦非
陰寒法所均忌倘誤犯之輕變爲重重者必



七
灰枉害人命此藥居多臨證施治宜謹審之
世徒見其投之陽虛之候肺腎本無熱證者
服之有起灰之殊功而不知其用之陰虛如
上諸病亦復下咽莫救故特深著其害以表
其非嘗試輕用之藥也業醫君子可不慎諸
半夏味辛平生微寒熱溫有毒主傷寒寒熱心
下堅下氣咽喉腫痛頭眩胸脹欬逆腸鳴止汗
消心腹胸膈痰熱滿結咳嗽上氣心下急痛堅

痞時氣嘔逆消癰腫墮胎療痿黃悅澤面目生

令人吐熱令人下用之湯洗令滑盡射干爲之使惡毛去

畏雄黃生薑乾姜秦皮鼈甲反烏頭忌羊血海藻節糖

疏○半夏得土金之氣兼得乎天之燥氣故

其味辛平苦溫火金相搏則辛而有毒潔古

謂味辛苦性溫氣味俱薄沉而降好古謂其

辛厚苦輕陽中陰也入足太陰陽明少陽亦

入手少陰經柴胡爲之使辛溫善散故主傷

寒邪在表裏之間往來寒熱苦善下泄邪在胸中則心下堅胸脹欬逆邪在上焦則頭眩邪在少陰則咽喉腫痛別錄亦謂其消心腹胸膈痰熱滿結欬逆上氣心下急痛堅痞時氣嘔逆亦皆邪在上焦胸中之所致故悉主之也中焦者足太陰之所治也有溼有熱清濁不分則腸鳴溼熱勝則自汗入足太陰故并主之辛能散結故消癰腫脾家溼熱則面

色痿黃實脾分水燥溼則前證俱除面目因而滑澤矣辛溫有毒故墮胎也

主治參互

張仲景傷寒論小結胸痛正在心下按之則痛脉浮而滑者小陷胸湯主之半夏半升黃連一兩栝樓實大者一箇水六升先煮栝樓至三升去滓內二味煮取二升分三服又治少陰咽痛生瘡不能言語聲不出者苦酒



湯主之半夏七枚打碎雞子一枚頭開一竅
去黃納苦酒令小滿入半夏在內以環子坐
於炭火上煎三沸去滓置盃中時時嚙之極
驗未瘥更作 金匱要略治支飲作嘔嘔家
本渴不渴者心下有支飲也或似喘不喘似
嘔不嘔似噦不噦心下憤憤並宜小半夏湯
用半夏泡七次一升生薑半升水七升煮一
升五合分溫服 又治嘔噦眩悸穀不得下

九

半夏加茯苓湯半夏一升生薑半斤茯苓三
兩切以水七升煎一升半分溫服之 又心
下悸忪半夏麻黃丸半夏麻黃等分爲末蜜
丸小豆大每服三十九日三 又嘔吐反胃
大半夏湯半夏三升人參三兩白蜜一升水
一斗二升和揚之一百二十遍煮取三升半
溫服一升日再服亦治膈間支飲 又張仲
景方治黃疸喘滿小便自利不可除熱者用



半夏半斤生薑半斤水七升煮一升五合分
再服有一人氣結而厥心下暖以此少許入
口其人遂活 潔古活法機要方風痰頭暈
嘔逆目眩面青黃色脉弦者水煮金花丸用
生半夏生天南星寒水石煨各一兩天麻半
兩雄黃二錢小麥麵三兩爲末水和成餅水
煮浮起漉出搗丸梧子大每服五十九薑湯
下極効亦治風痰咳嗽二便不通風痰頭痛

又治風痰喘逆兀兀欲吐眩暈欲倒半夏
一兩雄黃三錢爲末薑汁浸蒸餅丸梧子大
每服三十九薑湯下已吐者加檳榔 又治
溼痰咳嗽面黃體重嗜臥兼食不消脉緩者
白朮丸用半夏南星各一兩白朮一兩半爲
末薄糊丸梧子大每服五十九薑湯下 又
治氣痰咳嗽面白氣促洒漸惡寒愁憂不樂
脉濇者玉粉丸用半夏南星各一兩官桂半



兩爲末糊丸梧子大每服五十九薑湯下
和劑局方治停痰雷飲胸膈滿悶氣短惡心
飲食不下或吐痰水茯苓半夏湯用半夏泡
五兩茯苓三兩每服四錢薑七片水一鍾半
煎七分甚捷徑 又搜風化痰安神定志利
頭目辰砂化痰丸用半夏麴三兩天南星炮
一兩辰砂枯礬各半兩爲末薑汁打糊丸梧
子大每服三十九食後薑湯下 又治風痰

喘急千縉湯用半夏湯洗七箇甘草炙皂莢
炒各寸許薑三片水一盞煎七分溫服 又
治停痰冷飲嘔逆橘皮半夏湯用半夏水煮
熟陳橘皮各半兩每服四錢生薑七片水二
盞煎一盞溫服 又治胃寒噦逆停痰雷飲
藿香半夏湯用半夏湯泡炒黃二兩藿香一
兩丁皮半兩每服四錢水一盞薑七片煎服
又治伏暑引飲脾胃不和消暑丸用半夏



醋煮一斤茯苓半斤生甘草半斤爲末薑汁
麵糊丸梧子大每服五十九熱湯下 又治
中焦痰涎利咽清頭目進飲食半斤泔七次
四兩枯礬一兩爲末薑汁打糊或煮棗肉和
丸梧子大每薑湯下十五丸寒痰加丁香五
錢熱痰加寒水石煨四兩名玉液丸 御藥
院方治膈壅風痰半夏半斤酸漿浸一宿溫
湯洗五十遍去惡氣日乾爲末漿水搜作餅

日乾再研爲末每五兩入生龍腦一錢以漿
水濃脚和丸雞頭子大紗袋盛避風處陰乾
每服一丸好茶或薄荷湯嚼下 葉氏方治
風痰溼痰青壺丸半夏一斤天南星八兩各
湯泡晒乾爲末薑汁和作餅焙乾入神麵半
兩白朮末四兩根實末二兩薑汁麵糊丸梧
子大每服五十九薑湯下 作三仙丸能化
痰利氣 斗門方消痰開胃去胸膈壅滯用



半夏洗泡焙乾爲末自然薑汁和作餅溼紙
裹煨香以熱水二盞同餅二錢入鹽五分煎
一盞服之大壓痰毒及酒食傷極驗 機要
又治結痰不出語音不清年久者亦宜玉粉
丸半夏半兩桂心一字草烏半字爲末薑汁
浸蒸餅丸芡實大每服一九夜臥含嚥 活
幼口譏治小兒痰吐或風壅所致或咳嗽發
熱飲食卽嘔半夏泡七次半兩丁香一錢以

半夏末水和包丁香用麵重包煨熟去麵爲
末生薑自然汁和丸麻子大每服二三十丸
陳皮湯下 肘後方治胃寒霍亂腹脹用半
夏桂枝等分爲末水服方寸匕 又治產後
暈絕半夏末冷水和丸大豆大納鼻中卽愈
此扁鵲法也 永類鈴方打撲瘀痕水調半
夏末塗一宿卽沒 魏元君方卒歿不寤用
半夏末吹鼻中卽活 子母秘錄治五絕急

病一曰自縊二曰牆壓三曰溺水四曰魘魅
五日產乳並以半夏末納大豆一丸入鼻中
心溫者一日可活也 劉長春經驗方治吹
奶腫痛半夏一箇煨研酒服立驗一方以末
隨左右嚙鼻効 篋中方治蝎螫螫人用半
夏末水調塗之立止

簡誤

半夏辛溫性燥而有毒雖能祛溼分水實脾
開寒溼痰氣鬱結痰而其所大忌者乃在陰
虛血少津液不足諸病故古人立三禁謂血
家渴家汗家也故凡一切吐血衄血咯血齒
衄舌上出血金瘡產後失血過多尿血便血
腎水真陰不足發渴中暑發渴陽虛自汗陰
虛盜汗內熱煩躁出汗諸證皆所當禁者也
然三禁之外應忌者尚多茲更詳列於後凡
咳嗽由於陰虛火空上炎爍肺喉痒因而發

嗽內熱煎熬津液凝結爲痰所致而不由於寒溼病本乎肺而不本乎脾嘔吐由於火衝胃熱而不由於寒溼痰壅飲食不化由於脾陰不足而不由於因溼脾慢嘔噦眩悸殺不得下由於胃氣虛弱見食厭惡而不由於寒溼邪所干霍亂腹脹由於脾虛邪熱客中焦而不由於寒溼飲食停滯咽痛由於陰虛腎水不足則水涸而陽無所附故火空上炎而

發咽痛而不由於傷寒少陰病邪熱不解氣喘由於氣虛而不由於風寒所鬱頭痛由於血虛而不由於痰厥小兒吐痰由於傷熱而不由於脾胃不寐由於心經血少而不由於病後膽虛自汗由於表虛腠理不固而不由於溼熱內客自勝如上諸證法所同禁其所最易誤而難明者世醫類以其能去痰凡見痰嗽莫不先投之殊不知咳嗽吐痰寒熱骨



蒸類皆陰虛肺熱津液不足之候誤服此藥
愈損津液則肺家愈燥陰氣愈虛濃痰愈結
必致聲啞而歎若合參朮禍不旋踵蓋以其
本脾胃家藥而非肺腎藥也寒溼痰飲作嗽
屬胃病者固宜然亦百之一二其陰虛火熾
煎熬真陰津液化爲結痰以致喉痒發咳者
往往而是故凡痰中帶血口渴咽乾陰虛咳
嗽者大忌之又有似中風痰壅失音偏枯拘

攣及二便閉澀血虛腹痛於法並忌犯之過
多則非藥可救吉凶貿理悔不可追責在司
命謹諸戒諸


大黃味苦寒大寒無毒主下瘀血血閉寒熱破
癥瘕積聚留飲宿食蕩滌腸胃推陳致新通利
水穀調中化食安和五藏平胃下氣除痰實腸
間結熱心腹脹滿女子寒血閉脹小腹痛諸老
血留結黃芩爲之使無所畏



疏○大黃稟地之陰氣獨厚得乎天之寒氣亦深故其味至苦其氣大寒而無毒入足陽明太陰厥陰并入手陽明經氣味俱厚味厚則發泄故其性猛利善下泄推陳致新無所阻礙所至蕩平有戡定禍亂之功故號將軍味厚則入陰分血者陰也故主下瘀血血閉寒熱癥瘕積聚畱飲宿食蕩滌腸胃通利水穀其曰調中化食安和五藏者槩指臟腑積


滯既去則實邪散而中自調臟自和也別錄又云平胃下氣除痰實腸間結熱心腹脹滿女子寒熱女子因寒血凝閉而作脹少腹痛因於血閉及諸老血畱結皆由通利開導之力所致也總之此藥乃除實熱燥結下有形積滯之要品隨經隨證以爲佐使則奏功殊疾矣

主治參互



大黃君根實厚朴爲小承氣湯治傷寒熱病邪結中焦治傷寒病發於陰而反下之心下滿而不痛按之濡此爲痞也大黃黃連瀉心湯主之大黃二兩黃連一兩以麻沸湯三升漬之須臾絞汁分作二次溫服潔古用以瀉諸實熱不通及瀉心下痞滿由於實皆本仲景法也亦治滯下赤白初起壯實之人可同枳殼檳榔當歸甘草滑石作丸投之

是迎而奪之之法也然不可過劑過劑則傷胃氣同域及白欬炒陳小粉沒藥乳香醋蜜調傳作癰腫圍藥凡實熱溼痰爲病以錦紋大黃酒蒸八兩入前胡八兩橘紅四兩外另以青礞石二兩同煅硝二兩入砂罐固濟煨紅研末二兩右各取末以水發爲丸梧子大每常服一二十九小病五六十丸緩病七十八丸急病一百二十九溫水吞下卽臥



勿動候藥逐上焦痰滯次日先下糟粕次下
痰涎未下再服惟妊娠水泄忌之 仲景金
匱玉函方云凡人食已卽吐此胸中有火也
大黃一兩甘草炙二錢五分水一碗煮半升
溫服此真方滾痰丸也治一切因痰發爲怪
證若入霞天膏爲丸更妙 西大黃拌蜜及
竹瀝丸蒸丸晒粉糊爲丸如麻子大薄荷湯
吞三錢治中上二焦有熱痰因發偏頭風諸

藥不効目將損者有殊功又治中焦脾胃溼
熱下流客腎以致飽後夜臥卽夢遺臨臥以
升麻陳皮湯吞三四錢溼熱去卽止

簡誤

經曰實則瀉之大黃氣味大苦大寒性稟直
遂長於下通故爲瀉傷寒溫病熱病實熱熱
結中下二焦二便不通及溼熱膠痰滯於中
下二焦之要藥祛邪止暴有撥亂反正之殊



功第其峻利之性猛烈之氣長驅直搗一往
不返如武王伐紂前徒倒戈血流漂杵雖應
天順人救民水火然亦不免於未盡善之議
矣故凡血閉由於血枯而由於熱積寒熱
由於陰虛而由於瘀血癥瘕由於脾虛胃
弱而由於積滯停畱便閉由於血少腸燥
而不由於熱結不通心腹脹滿由於脾虛中
氣不運而不由於飲食停滯女子少腹痛由


於厥陰血虛而不由於經阻老血瘀結滯下
初起卽屬胃虛當以補養胃氣清消溼熱爲
本而不可以妄加推蕩瘡病傷於暑氣而不
由於山嵐溼熱吐衄血由於陰虛火起於下
炎鑠乎上血熱妄行溢出上竅而不由於血
分實熱腰脚風氣由於下元先虛溼熱下流
因茲致病而不專由於風溼外侵骨蒸積熱
本於陰精不足而非實熱所致偏墜由於腎



虛溼邪乘虛客之而成而不由於溼熱實邪所犯乳癰腫毒由於肝家氣逆鬱抑不舒以致勞氣不從逆於肉裏乃生癰腫而不本於膏梁之變足生大疔血分積熱所發法咸忌之以其損傷胃氣故也故傷寒家調胃承氣湯中用甘草以和之正謂是也輕發誤投多致危殆戒之戒之

葶藶味辛苦寒大寒無毒主癥瘕積聚結氣飲食寒熱破堅逐邪通利水道下膀胱水伏留熱氣皮間邪水上出而目浮腫身暴中風熱癩痒利小腹久服令人虛得酒良

疏○葶藶稟陰金之氣以生故其味辛苦大寒無毒氣薄味厚陽中陰也爲手太陰經正藥故仲景瀉肺湯用之亦入手陽明足太陽經肺屬金主皮毛膀胱屬水藏津液肺氣壅塞則膀胱與焉譬之上竅閉則下竅不通下



竅不通則水溼泛溢爲喘滿爲腫脹爲積聚
種種之病生矣辛能散苦能泄大寒沉陰能
下行逐水故能療本經所主諸病十劑云泄
可去閉葶藶之屬是矣至苦極寒有瀉無補
暫用尚能損真久服寧不令人虛也

主治參互

金匱方肺癰喘急不得臥葶藶大棗瀉肺湯
主之葶藶炒黃搗末蜜丸彈子大每用大棗

二十枚水三升煎取二升入葶藶一九更煎
取一升頓服亦主支飲不得息 外臺秘要
通身腫滿苦葶藶炒四兩爲末棗肉和丸梧
子大每服十五丸桑白皮湯下日三大効
千金方腹脹積聚葶藶子一升熬以酒五升
浸七日日服三合 篋中方痰飲咳嗽含奇
丸用葶藶子一兩紙襯炒令黑知母貝母各
一兩棗肉半兩砂糖一兩半和丸彈子大每



以新綿裹一丸含之。嚥津甚者不過三丸。

簡誤

葶藶瀉肺利小便治腫滿之要藥。然味苦大寒走而不守。不利於脾胃。虛弱及真陰不足之人。凡腫滿由於脾虛不能制水。水氣泛溢小便不通。由於膀胱虛無氣以化者。法所咸忌。犯之則輕病重。重必危。慎之。近世甜苦二種。據本經云。辛苦則甜者非矣。總之療體皆

以行水泄閉爲用。多服久服。咸不宜耳。


桔梗味辛苦微溫。有小毒。主胸脅痛。如刀刺腹滿。腸鳴幽幽。驚恐悸氣。利五藏腸胃。補血氣。除寒熱風痺。溫中消穀。療喉咽痛。下蠱毒。

疏○桔梗本經味辛氣微溫。別錄加苦云。有小毒。神農醫和岐伯雷公咸曰。無毒而復加甘。觀其所主諸病。應是辛苦甘平微溫無毒。入手太陰少陰兼入足陽明胃經。味厚氣輕。



陰中之陽升也傷寒邪結胸脇則痛如刀刺
邪在中焦則腹滿及腸鳴幽幽辛散升發苦
洩甘和則邪解而氣和諸證自退矣其主驚
恐悸氣者心脾氣血不足則現此證諸補心
藥中藉其升上之力以爲舟楫勝載之用此
佐使之職也別錄利五臟腸胃補血氣者蓋
指邪解則臟腑腸胃自和和則血氣自生也
除寒熱風痺溫中療喉咽痛下蠱毒者皆散

邪解毒通利之功也消穀者以其升載陽氣
使居中焦而不下陷則脾中陽氣長浮而穀
食自消矣甄權用以治下痢及去肺熱氣促
者升散熱邪之故也日華子用以除邪辟瘟
肺癰排膿潔古用以利竅除肺部風熱清利
頭目咽嗑胸膈滯氣及痛除鼻塞者入肺開
發和解之功也好古以其色白故爲肺部引
經與甘草同行爲舟楫之劑諸藥有此一味



不能下沉也

主治參互

朱肱活人書治胸中痞滿不痛用桔梗枳殼取其通肺利膈下氣也 張仲景傷寒論治傷寒實結胸用桔梗貝母巴豆取其溫中散邪消穀破積也又治肺癰唾膿用桔梗甘草取其苦辛清肺甘溫瀉火又能排膿血補內漏也其治少陰證二三日咽痛亦用桔梗甘

草取其苦辛散邪甘平除熱合而用之能調寒熱也後人易名甘桔湯通治咽喉口舌諸病 南陽活人書治傷寒腹脹陰陽不和者桔梗半夏湯主之桔梗半夏陳皮各三錢薑五片煎服 簡要濟眾方治痰嗽喘急桔梗一兩半爲末用童子小便半升煎四合去滓溫服 仲景金匱玉函方治肺癰咳嗽胸滿振寒脉數咽乾不渴時出濁唾腥臭久久吐



濃如粳米粥者桔梗一兩甘草二兩水三升
煮一升分溫再服朝暮吐膿血則瘥 千金
方治喉痺毒氣桔梗二兩水三升煮一升頓
服 仲景傷寒論少陰證二三日咽痛者可
與甘草湯不瘥者與甘桔湯主之桔梗一兩
甘草二兩水三升煮一升分服又可治口舌
生瘡 永類鈴方治齒齲腫痛桔梗薏苡仁
等分爲末服 經驗方治骨槽風牙齦腫痛

者桔梗爲末棗瓢和九皂子大綿裹咬之仍
以荆芥湯漱之 衛生易簡方治牙疳臭爛
桔梗苗香等分燒研傅之 普濟方治鼻衄
桔梗爲末水服方寸七日四服一方加生犀
角屑 古今錄驗方治中蠱下血如雞肝晝
夜出血石餘四臟皆損惟心未毀或鼻破將
死若苦梗爲末以酒服方寸七日三服不能
下藥以物拘口灌之心中當煩須臾自定七



日止當食楮肝肺以補之一方加犀角等分
聖惠方治妊娠中惡心腹疼痛桔梗一兩
生薑三片煎溫服 張文仲備急方治小兒
客忤死不能言桔梗燒研三錢米湯服之仍
吞麝香豆許

簡誤

桔梗之性屬陽而升凡病氣逆上升不得下
降及邪在下焦者勿用凡攻補下焦藥中勿
入雷公云凡使勿用木梗真似桔梗只是咬
之腥澀不堪爲異

草蒿味苦寒無毒主疥瘙癩痒惡瘡殺蝨留熱
在骨節間明目一名青蒿

疏○草蒿青蒿也稟天地芬烈之氣以生故
其味苦其氣寒而芬芳其性無毒疥瘙癩痒
惡瘡皆由於血熱所致留熱在骨節間者是
熱伏於陰分也肝胃無熱則目明苦能泄熱



若能殺蟲寒能退熱熱去則血分平和陰氣日長前證自除故悉主之也諸苦寒藥多與胃氣不宜惟青蒿之氣芬芳可人香氣先入脾故獨宜於血虛有熱之人以其不犯胃氣故爾是以薺勞虛熱非此不除矣

主治參互

青蒿得鼈甲地黃牛膝枸杞麥門冬五味子除一切產後虛熱寒熱淹延不解亦治一切

虛勞寒熱陰虛五心煩熱腎水真陰不足以致骨蒸勞熱此爲要藥 陶隱居謂其生接傳金瘡大止血生肉止疼痛以帛裹之 陳藏器謂其主鬼氣尸疰伏雷婦人血氣腹內滿及冷熱久痢秋冬用子春夏用苗 日華子謂其能補中益氣輕身補勞駐顏色長毛髮髮黑不老心痛熱黃主搗汁服 百一方治蜂螫人嚼青蒿傳瘡上卽瘥 斗門方治



男婦勞瘦用青蒿細剉水三升童便五升同煎取一升半去滓入器中煎成膏丸如梧子大每空心及臨臥溫酒吞二十九靈苑方治虛勞寒熱肢體倦疼不拘男婦八九月青蒿成實時採之去枝梗以童便浸三日曬乾爲末每服二錢烏梅一箇煎湯服崔元亮海上方治骨蒸鬼氣用童便五大斗澄清青蒿五斗八九月採帶子者最好細剉相和納

大釜中以猛火煎取三大斗去滓漑釜令淨再以微火煎可二大斗入猪膽一枚同煎一大斗半去火待冷以磁器盛之每欲服時取甘草二三兩炙熟爲末以煎和搗千杵爲丸空腹粥飲下二十九漸增至三十九止十便良方治骨蒸煩熱用青蒿一握猪膽汁一枚杏仁四十個去皮尖炒以童溺一大盞煎五分空心溫服聖惠總錄治虛勞盜汗煩



熱口乾用青蒿一斤取汁熬膏入沙參末麥冬末各一兩同熬至可丸丸如梧子大每食後米飲服二十九名青蒿煎 肘後方治瘡疾寒熱用青蒿一握水二升搗汁服之 仁存方治溫瘧痰盛但熱不寒用青蒿二兩童便浸焙黃丹半兩爲末每服二錢白湯調下 衛生易簡方治鼻衄青蒿搗汁服之并塞鼻中極驗 永類鈴方治酒痔便血青蒿用

葉不用莖用莖不用葉爲末血從糞前冷水調糞後溫酒調服 濟急方治牙齒腫痛青蒿一握煎漱之 聖惠方治耳中出膿青蒿爲末綿裹納耳中

簡誤

產後氣虛內寒作瀉及飲食停滯泄瀉者勿用凡產後脾胃薄弱忌與當歸地黃同用 旋覆花味鹹甘溫微溫冷利有小毒主結氣脇



下滿驚悸除水去五藏間寒熱補中下氣消胸
上痰結唾如膠漆心脇痰水膀胱留飲風氣溼
痺皮間痲肌目中眇眇利大腸通血脉益色澤
一名金沸草五月采花日乾

疏○旋覆花別錄甄權日華子寇宗奭皆無
毒宗奭又加苦辛而曰冷利其稟冬之氣而
生者乎故其味首係之以鹹潤下作鹹鹹能
軟堅別錄加甘甘能緩中微溫溫能通行故

主結氣脇下滿心脾伏飲則病驚悸飲消則
復常矣除水去五臟間寒熱及消胸上痰結
唾如膠漆心脇痰水膀胱留飲風氣溼痺皮
間痲肌目中眇眇利大腸者皆軟堅冷利潤
下消痰飲除水之功也其曰補中下氣者以
甘能緩中鹹能潤下故也通血脉益色澤者
蓋指飲消則脾健健則能運行脾裹血又統
血故也



主治參互

仲景治傷寒汗下後心下痞堅噫氣不除有
七物旋覆代赭湯成無已曰鞭則氣堅旋覆
之鹹以軟痞堅也 金匱要略治半產漏下
虛寒相搏其脉弦芤旋覆花湯用旋覆花三
兩葱十四莖新絳少許水三升煮一升頓服
胡洽治痰飲在兩脇脹滿有旋覆花丸
總微論治小兒疳癪自疳毛眼睫因癪退不

生用野油花卽旋覆花赤箭卽天麻苗防風
等分爲末洗淨以油調塗之

簡誤

丹溪謂爲走散之藥病人涉虛者不宜多服
冷利大腸虛寒人禁用

藜蘆味辛苦寒微寒有毒主蠱毒欬逆洩痢腸
澀頭瘍疥癩惡瘡殺諸蟲毒去死肌療噦逆喉
痺不通鼻中息肉馬刀爛瘡不入湯



疏○藜蘆稟火金之氣以生故其味辛氣寒
別錄苦微寒有毒入手太陰足陽明經本經
主蠱毒欬逆及別錄療噦逆喉痺不通者皆
取其宣壅導滯之力苦爲涌劑故能使邪氣
痰熱胸膈部分之病悉皆吐出也辛能散結
故主鼻中息肉苦能泄熱殺蟲故主洩痢腸
澀頭瘍疥癢殺諸蟲毒也瘡瘍皆溼熱所生
溼熱不去則肌肉潰爛苦寒能瀉溼熱則馬

刀惡瘡爛瘡歠肌皆愈也味至苦入口卽吐
故不入湯

主治參互

經驗方諸風痰飲藜蘆十分鬱金一分爲末
每以一字溫漿水一盞和服探吐 簡要濟
衆方中風不省牙關緊急者藜蘆一兩去苗
濃煎防風湯洗焙乾切片炒爲末每服半錢
小兒減半溫水調灌吐出風涎効 聖惠方



諸風頭痛以藜蘆一莖日乾研末入麝香少許吹鼻 保命集久瘧痰多不食欲吐不吐藜蘆末半錢溫漿水調下探吐


簡誤

藜蘆辛苦有大毒服一七則令人胸中煩悶吐逆不止凡胸中有痰飲或中蠱毒惡氣者止可借其上涌宜吐之力獲効一時設病非關是者切勿沾唇徒令人悶亂吐逆不止虧

損津液也

射干味苦平微溫有毒主欬逆上氣喉痺咽痛不得消息散結氣腹中邪逆食飲大熱療老血在心脾間欬唾言語氣臭散胸中熱氣久服令人虛

疏○射干稟金氣而兼火火金相搏則辛而有毒故本經謂其味苦平有毒平亦辛也別錄微溫保昇微寒二說一義並無異云潔古




云味苦陽中陰也入手少陽少陰厥陰經苦
能下洩故善降兼辛故善散故主欬逆上氣
喉痺咽痛不得消息散結氣胸中邪逆既降
且散益以微寒故主食飲大熱別錄又主老
血在心脾間欬唾言語氣臭散胸中熱氣甄
權主疰氣消瘀血主女人月閉日華子主消
痰破癥結胸膈滿腹脹氣喘痰癰寇宗奭主
肺氣喉痺爲佳潔古主胃中癰瘡皆此意也

丹溪主行太陰厥陰之積痰使結核自消甚
捷又治足厥陰溼氣下流因疲勞而發爲便
毒悉取其洩熱散結之力耳故古方治喉痺
咽痛爲要藥

主治彙互

仲景金匱方治欬逆上氣喉中作水雞聲射
干麻黃湯入鼈甲煎丸治瘧母袖珍方
治咽喉腫痛用生射干猪脂各四兩合煎令



焦去滓每噲棗許卽瘥 醫方大成治喉痺
不通用扁竹新根搗汁嚙之大腸動卽解或
醋研汁噲引涎出亦妙 便民方亦治喉痺
不通用紫蝴蝶根一錢黃芩生甘草桔梗各
五分爲末水調頓服立愈名奪命散 永類
鈴方治乳癰初腫用扁竹根如僵蚕者同萱
草根爲末蜜調敷之神效 孫真人千金方
治喉痺有烏嬰膏


簡誤

射干雖能降手少陽厥陰相火洩熱散結消
腫痛然無益陰之性故別錄云久服令人虛
凡脾胃薄弱臟寒氣血虛人病無實熱者禁
用

常山味苦辛寒微寒有毒主傷寒寒熱發溫
瘧鬼毒胸中痰結吐逆療鬼蠱往來水脹酒洒

惡寒鼠瘦

畏玉札
忌菘菜



疏○常山稟天地陰寒之氣以生故其味苦寒別錄桐君益之以辛宜其有毒也苦泄辛散故善逐飲陰寒祛熱故善破瘴癘入口卽吐其性暴悍又可知已本經主傷寒寒熱宜作主山嵐瘴氣寒熱發爲溫瘧鬼毒胸中痰結古方治瘧多用益以嶺南西粵鬼方咸多山嵐瘴癘之氣所感邪氣充於榮衛皮膚之間欲去皮膚毛孔中瘴氣根本非常山不可

以其性能祛逐老痰積飲善散山嵐瘴癘之邪故也

主治參互


治山嵐瘴氣作瘧百藥不効秘方常山四兩砂仁四兩檳榔二兩米醋浸入瓷器中二宿取出各炒燥爲末雞子清和丸如菉豆大五更新汲水向東吞三五錢一服可止九月已後宜以酒吞 劉長春經驗方治瘴瘧寒熱



簡誤

常山陰毒之草也其性暴悍雖能破瘴癘逐積飲然善損真氣故瘴非由於瘴氣及老痰積飲所致者勿用經曰夏傷於暑秋必瘵瘵又曰邪之所湊其氣必虛暑邪乘虛客於五臟六腑十二經瘴亦因之而發內經載之詳矣王好古分條立方殊得仲景遺意此皆瘴之對病正藥也並不得妄用常山虛人真氣變爲危證戒之戒之清暑養胃健脾消痰乃治瘴之正法稍久則當分氣血施補助靡不愈者又安所事常山乎

用常山一寸草果一枚熱酒一盞浸一宿五更向東飲之蓋臥酒醒卽愈 肘後方治三十年老瘴及積年久瘴常山黃連各一兩酒三升漬一宿以瓦釜煮取一升半發日早服五合發時再服熱當吐冷當利無不瘥者



甘遂味苦甘寒大寒有毒主大腹疝瘕腹痛面
目浮腫留飲宿食破癥堅積聚利水穀道下五
水散膀胱留熱皮中痞熱氣腫滿瓜蒂為之使
惡遠志反甘

草

疏○甘遂稟天地陰寒之氣以生故其味苦
其氣寒而有毒亦陰草也水屬陰各從其類
故善逐水其主大腹者卽世所謂水蠱也又
主疝瘕腹滿面目浮腫及留飲利水道穀道

下五水散膀胱留熱皮中痞氣腫滿者謂諸
病皆從水溼所生水去飲消溼除是拔其本
也潔古謂其味苦性寒苦性泄寒勝熱直達
水氣所結之處乃泄水之聖藥水結胸非此
不能除故仲景大陷胸湯用之但有毒不可
輕用其性之惡可槩見已其根皮赤肉自作
連珠實重者良

主治參互



入陷胸湯治傷寒水結胸有神 聖濟總錄

四十

治膜外水氣甘遂末大麥麩各半兩水和作餅燒熟食之取利 肘後方治身面洪腫甘

遂末二錢以雄猪腰子一枚分作七片入末在內溼紙包煨令熟每日服一片至四五服當覺腹鳴小便利是其効也 張仲景金匱

玉函方治心下畱飲堅滿脉伏其人欲自利反快甘遂半夏湯用甘遂大者三枚半夏十

二枚以水一升煮半升入芍藥五枚水二升煮半升去滓以蜜半升同煎至八合頓服之 筆峰雜典方治小便轉脬甘遂末一錢猪苓湯調下立通 秘方治體氣甘遂末一錢猪同猪肉煮食於野地中掘一坑令患人至彼處向上風站立以甘草末唾調入臍內須臾腹中作響取利下黑汁亟從上風奔回可絕不絕再作一服仍前用之

簡誤

甘遂性陰毒雖善下水除溼然能耗損真氣
虧竭津液元氣虛人除傷寒水結胸不得不
用外其餘水腫鼓脹類多脾陰不足土虛不
能制水以致水氣泛濫卽劉河間云諸溼腫
滿屬脾土法應補脾實土兼利小便不此之
圖而反用甘遂下之是重虛其虛也水既燮
去復腫必死矣必察病屬溼熱有飲有水而

元氣尚壯之人乃可一施耳不然禍不旋踵
矣戒之戒之慎之慎之

白欬味苦甘平微寒無毒主癰腫疽瘡散結氣
止痛除熱目中赤小兒驚癇溫瘧女子陰中腫
痛下赤白殺火毒

反烏頭

疏○白欬得金氣故味苦平平應作辛別錄
兼甘其氣微寒無毒苦則泄辛則散甘則緩
寒則除熱故主癰腫疽瘡散結止痛蓋以癰



疽皆由榮氣不從逆於肉裏所致女子陰中
腫痛亦由血分有熱之故火毒傷肌肉卽血
分有熱目中赤亦血熱爲病散結涼血除熱
則上來諸苦茂不濟矣其治小兒驚癇溫瘧
及婦人下赤白則雖云驚癇屬風熱溫瘧由
於暑赤白淋屬溼熱或可通用然病各有因
藥各有主以類推之恐非其任矣尚俟後哲
詳之總之爲疔腫癰疽家要藥乃確論也

主治參互

白歛得白及紅藥子加硃砂雄黃乳沒腦麝
爲傳癰疽止痛散毒之上藥 肘後方治發
背初起水調白歛末傅之 聖惠方治疔瘡
初起同上 陶隱居治一切癰腫白歛赤小
豆茜草爲末雞子白調塗之又方白歛二分
藜蘆一分爲末酒和貼之日三上 御藥院
方治面鼻酒皴白歛白石脂杏仁各半兩爲



末雞子調塗日一洗 肘後方治面生粉刺
白歛二分杏仁半分雞屎白一分爲末蜜和
雜水拭面 談野翁治凍耳成瘡白歛黃檗
等分爲末生油調搽 外臺方治湯火灼爛
白歛末傅之 聖惠方治鐵刺諸哽及竹木
哽在咽中白歛半夏泡等分爲末酒服半錢
日二服又治刺在肉中方同上 千金方治
風痺筋急腫痛屈轉異常處白歛二分熟附

子一分爲末每酒服半刀圭日二服以身中
熱行爲候十日便覺忌猪肉冷水 瑞竹堂
方治諸瘡不歛口白歛赤歛黃檗各三錢炒
研輕粉一錢用葱白漿水洗淨傅之

簡誤

癰疽已潰不宜服

白及味苦辛平微寒無毒主癰腫惡瘡敗疽傷
陰及肌胃中邪氣賊風鬼擊痲緩不收除白癬



疥蟲


紫石英爲之使惡理石畏李核杏仁反烏頭

疏○白及本經味苦平別錄加辛微寒李當
之大寒日華子加甘東垣亦微寒謂其性瀆
陽中之陰收也辛爲金味收爲金氣其爲得
季秋之氣而兼金水之性者哉宜乎入肺理
傷有奇効矣若能洩熱辛能散結癰疽皆由
榮氣不從逆於肉裏所生敗疽傷陰灰肌皆
熱壅血瘀所致故悉主之也胃中邪氣者卽

邪熱也賊風鬼擊痲緩不收皆血分有熱溼
熱傷陰之所生也入血分以洩熱散結逐腐
則諸證靡不瘳矣

主治參互

白及性瀆破散中有收斂蓋去腐逐瘀以生
新之藥也得白斂紅藥子加腦麝乳沒治一
切癰疽腫毒止痛散結排膿有神 一味爲
細末米飲調三錢服治損肺吐血有奇効



經驗方治鼻衄不止津調白及末塗山根上
仍以水服一錢立止 袖珍方治疔瘡腫毒
白及末半錢以水澄之去水攤於厚紙上貼
之 永類鈴方治打跌骨折酒調白及末二
錢服其功不減於自然銅古銖錢也 濟急
方治手足皸裂白及末水調塞之勿犯水
趙真人方治湯火傷灼白及末油調傅之

簡誤

癰疽已潰不宜同苦寒藥服

大戟味苦甘寒大寒有小毒主蠱毒十二水腫
滿急痛積聚中風皮膚疼癢痛吐逆頸腋癰腫頭
痛發汗利大小腸

反甘草畏茵
蒲葦草鼠麴

疏○大戟稟天地陰毒之氣以生故味苦寒
而有小毒甄權潔古兼辛別錄兼甘應是辛
多非辛則無毒矣苦寒故善下走而入腎肝
辛則橫走無所不到矣潔古又謂瀉肺損真



氣其主下蠱毒者以蠱毒必熱必辛辛則散走臟腑故假其辛寒以搜其辛熱是以毒攻毒也苦寒下洩故能逐諸有餘之水溼熱及雷飲在中下二焦則爲腹滿急痛或成積聚苦辛甘寒故散頸腋癰腫利大小便瀉毒藥通月水陰草苦辛有毒故又墮胎也天行黃病非元氣實者勿用經曰邪之所湊其氣必虛中風之人其虛必矣本經末又謂其主中

風皮膚疼痛吐逆者非也焉有虛病而可施苦寒有毒下泄之藥哉是重虛其虛也

主治參互

大戟入玉樞丹紫金錠則解蠱毒熱毒癰疽疔腫及蛇蟲諸毒內服外敷取利爲度百祥丸治痘瘡變黑乾陷不發寒而大便閉結者用大戟一兩棗三枚水一碗同煮曝乾去大戟以棗肉焙丸服從三分服至五分以利



爲度 三因方控涎丹治痰涎畱在胸膈上
下變爲諸病或頸項胸背腰脇手足勝髀隱
痛不可忍筋骨牽引釣痛走易及皮膚麻痺
似乎癱瘓不可誤作風氣風毒及瘡疽施治
又治頭痛不可舉或睡中流涎或欬唾喘息
或痰迷心竅並宜此藥數服痰涎自失諸疾
尋愈紫大戟白甘遂白芥子微炒各一兩爲
末薑汁打麩糊丸梧子大每服七丸或二十

丸以津液嚥下若取利則服五六十九 千
金方中風發熱大戟苦參各四兩白酢漿一
斗煮熟洗之寒乃止 生生方牙齒搖痛大
戟咬於痛處良

簡誤

大戟陰寒善走而下洩潔古謂其損真氣故
凡水腫不由於受溼停水而由於脾虛土堅
則水清土虛則水泛濫實脾則能制水此必

然之數也今不補脾而復用疎洩追逐之藥
是重虛其虛也宜詳辨而深戒之惟畱飲伏
飲停滯中焦及元氣壯實人患水溼乃可一
暫施耳


貫衆味苦微寒有毒主腹中邪熱氣諸毒殺三
蟲去寸白破癥瘕除頭風止金瘡花療惡瘡令
人洩赤小豆
爲之使

疏○貫衆味苦而又微寒止應云有小毒以

其苦寒故主腹中邪熱氣諸毒三蟲皆由溼
熱所生苦寒除溼熱則三蟲自死矣苦以洩
之亦兼有散之之義故破癥瘕苦寒能除風
熱故止頭風金瘡出血後必發熱洩熱散結
則金瘡自止

主治叅互

貫衆一味爲細末水調一錢七治鼻衄有效
疫氣發時以此藥置水中令人飲此水則



不傳染

簡誤

病人虛寒無實熱者禁用

羊躑躅味辛溫有大毒主賊風在皮膚中淫淫痛溫瘡惡毒諸痺邪氣鬼疰蠱毒

疏○羊躑躅毒藥也然性能祛風寒溼故可以治惡痺痺者風寒溼所成也然非元氣未虛脾胃尚實之人不可用凡用此等毒藥亦

須雜以安胃和氣血藥同用

草部簡誤

躑躅性發散氣血虛人忌之不可近眼

何首烏

威靈仙

牽牛子



神農本草經疏卷之十一

草部下品之下

總百五種今疏其要者三十五種


何首烏 威靈仙 牽牛子

蓖麻子 天南星 豨薟

馬鞭草 苧根 白頭翁

甘蕉根 蘆根笋附 鬼臼

馬兜鈴根附 仙茅 劉寄奴



神農本草經疏卷之十一

草部下品之下

總百五種今疏其要者三十五種


何首烏 威靈仙 牽牛子

蓖麻子 天南星 豨薟

馬鞭草 苧根 白頭翁

甘蕉根 蘆根附 鬼臼

馬兜鈴根附 仙茅 劉寄奴



何首烏味苦澀微溫無毒主療癰消癰腫療頭
面風瘡五痔主心痛益血氣黑髭鬚悅顏色久
服長筋骨益精髓延年不老亦治婦人產後及
帶下諸疾扶苓爲之使與白萊麻相
惡犯之令人髮髮早白
疏○何首烏本文味苦澀微溫傳言味甘氣
溫其稟春深生氣無疑春爲木化入通於肝
外合於風升也陽也入足厥陰兼入足少陰
經故爲益血祛風之上藥雌雄二種遇夜則
交有陰陽交合之象故能令人有子肝主血

骨碎補

連翹

續隨子

山豆根

白附子

鹿藿

預知子

木賊

蒲公英

穀精草

夏枯草

山慈菘

燈心草

馬勃

水蓼


海金沙

草三稜

鹿藥

草石蠶


漆姑草



腎主精益二經則精血盛髮者血之餘也故
烏髭鬢其主瘰癧者肝膽氣鬱結則內熱榮
氣壅逆發爲是病十一臟皆取決於膽與肝
爲表裏爲少陽之經不可出入氣血俱少乃
風木所主行膽氣益肝血則瘰癧自消矣調
榮氣則癰腫消治風先治血血活則風散故
療頭面風瘡腸澼爲痔痔者溼熱下流傷血
分而無所施洩則逼近肛門肉分迸出成形

爲種種矣風能勝溼溼熱解則痔將自平心
血虛則內熱熱則心搖搖而作痛益血則熱
解而痛除益血氣黑髭鬢悅顏色久服長筋
骨益精氣延年不老者皆補肝腎益精血之
極功也亦治婦人產後及帶下諸疾者婦人
以血爲主月事通後厥陰主之帶下本於血
虛而兼溼熱行溼益血靡不除矣

主治參互



君甘菊花枸杞子地黃牛膝天門冬赤白茯苓桑椹南燭子則益精血烏鬚髮駐顏延年
得牛膝鼈甲橘紅青皮治瘧邪在陰分久而不解如表氣已虛脾胃已弱則加入參三五錢肺熱者去人參換入當歸如其數 得刺蒺藜甘菊花天門冬胡麻仁漆葉白芷荆芥穗苦參地黃百部治頭面諸風及大麻風
得金銀花地榆犀角草石蠶山豆根黃連

芍藥乾葛升麻甘草滑石治毒痢下純血諸藥不效有神 經驗方治骨軟風腰膝疼行履不得遍身瘙痒何首烏大而有花紋者同牛膝剉各一斤以好酒一升浸一宿曝乾於木臼內搗末蜜丸每日空心食前酒吞三五十九兼可治風痰久瘧不愈 斗門方治瘰癧或破或不破下至胸前者皆治之用何首烏根洗淨日日生嚼并取葉搗塗之數服卽



止其藥久服延年黑髮用之神效 何首烏
傳何首烏味甘氣溫性則無毒茯苓爲之使
治五痔腰膝之病冷氣心痛積年勞瘦痰癖
風虛敗劣長筋力益精髓壯氣駐顏黑髮延
年婦人惡血痿黃產後諸疾赤白帶下毒氣
入腹久痢不止其功不可具述一名野苗二
名交藤三名夜合四名地精五名首烏本出
虔州江南諸道皆有之苗葉有光澤者又如

桃李葉雄者苗色黃白雌者黃赤根遠不過
三尺春秋可採日乾去皮爲末酒下最良有
疾卽用茯苓煎湯爲使常作末新甞器盛用
偶日服之忌猪肉血無鱗魚觸藥無力其根
形大如拳連珠其有形如鳥獸山嶽之狀者
珍也掘得去皮生啣得味甘甜可休糧讚曰
神鈔勝道者在仙書雌雄相交夜合晝疎服
之去穀日居月諸返老還少變安病軀有緣



者遇勗爾自知明州刺史李遠傳錄云何首
烏所出順州南河縣及韶州潮州恩州賀州
廣州四會縣潘州者爲上邕州桂州康州春
州高州勅州循州晉興縣出者次之真仙草
也五十年者如拳大號山奴服之一一年髭鬚
青黑一百年者如盃大號山哥服之一一年顏
色紅悅一百五十年者如盆大號山伯服之
一年齒落更生二百年如斗栲栳大號山翁

服之一一年顏如童子行及奔馬三百年者如
三斗栲栳大號山精純陽之體久服之成地
仙也 衍義曰何首烏兼黑髭鬚與蘿蔔相
惡令人髭鬚早白治腸風熱多用

簡誤

何首烏爲益血之藥忌與天雄烏頭附子仙
茅薑桂等諸燥熱藥同用脩事以苦竹刀切
片米泔浸經宿曝乾蒸用勿令犯鐵



威靈仙味苦溫無毒主諸風宣通五藏去腹內
冷滯心膈痰水久積癥瘕疝氣塊膀胱宿膿
惡水腰膝冷疼及療折傷一名能消久服之無
溫疫瘡忌茗

疏○威靈仙感春夏之氣故其味苦其氣溫
其性無毒升也陽也入足太陽經春爲風木
之化故主諸風而爲風藥之宣導善走者也
腹內冷滯多由於寒溼心膈痰水乃飲停於

上中二焦也風能勝溼溼病喜燥故主之也
膀胱宿膿惡水靡不由溼所成腰膝冷疼亦
緣溼流下部侵筋致之祛風除溼病隨去矣
其日久積癥瘕疝氣塊及折傷則病干血
分者多氣分者少而又未必皆由於溼施之
恐亦無當取節焉可也

主治參互

簡便方治脚氣入腹脹悶喘急用末二錢酒



下痛減一分則藥亦減一分 千金方治腰
脚諸痛用木空心溫酒服一錢逐日以微利
爲度 集驗方治腎臟風壅腰膝沉重用威
靈仙末蜜丸梧子大溫酒吞八十九平明微
利惡物如青膿膠卽是風毒積滯如未利再
服百丸取下後食粥補之一月仍常服溫補
藥孫兆方名放杖丸 衛生易簡方治破傷
風威靈仙半兩獨蒜一箇香油一錢同搗爛

熱酒衝服汗出卽愈 又方治停痰宿飲喘
欬嘔逆全不入食威靈仙焙半夏薑汁浸焙
爲末用皂角水熬膏丸菉豆大每服七丸至
十丸薑湯下日三服一月驗忌茶麪 又方
治諸骨鯁威靈仙一兩二錢縮砂蜜一兩沙
糖一盞水二鍾煎一鍾溫服 李樓怪證方
治飛絲纏陰腫痛欲斷以威靈仙搗汁浸洗
效



簡誤

風藥性升而燥走而不守凡病非風溼及陽
盛火升血虛有熱表虛有汗痲瘧口渴身熱
者竝忌用之

牽牛子味苦寒有毒主下氣療腳滿水腫除風
毒利小便

疏○牽牛子本經不載乃名醫續註本草謂
爲苦寒有毒東垣以爲感南方熱火之化所
生應是辛熱有毒之藥其主下氣者乃損削
真氣之謂療腳滿水腫除風毒利小便皆相
似語况前病多屬脾胃氣虛此是瀉藥今反
用之爲害滋大

主治參互

黑牽牛得白木香檳榔使君子能追蟲取積
普濟方治氣築奔衝不可忍牛郎丸用黑
牽牛半兩檳榔二錢半爲末每服一錢紫蘇




湯下追蟲取積亦可用 摘玄方治面上風
刺黑牽牛酒浸三宿爲末先以薑汁擦面後
用藥塗之 聖惠方治面上粉刺癩子如米
粉黑牽牛末對入面粉藥中日日洗之

簡誤


牽牛子辛熱有毒之藥性又迅急其所主治
多是脾胃與肺家溼熱之病理應屬虛何資
瀉藥况諸證應用藥物尋檢本經所載良藥

不乏何至舍其萬全而就不可必不可保之
毒物哉宜東垣之諄復其辭以戒後人之勿
輕用也茲并附錄其論以詔後世云 附錄
東垣云牽牛非神農藥也名醫續注云味苦
寒能除溼氣利小便治下注脚氣此說氣味
主治俱誤矣何也凡用牽牛少則動大便多
則泄下如水乃瀉氣之藥其味辛辣久嚼猛
烈雄壯所謂苦寒安在哉夫溼者水之別稱




有形者也若肺先受溼溼氣不得施化致大小便不通則宜暫用之蓋牽牛感南方熱火之化所生火能平金而泄肺溼去則氣得周流所謂五臟有邪更相平也今不問有溼無溼但傷食或有熱證俱用牽牛剋伐之藥豈不誤哉况牽牛止能泄氣中之溼熱不能除血中之溼熱溼從下受之下焦主血血中之溼宜苦寒之味反以辛藥泄之傷人元氣且

牽牛辛烈比之諸辛藥泄氣尤甚其傷人必矣經云辛泄氣辛走氣辛泄肺肺病者無多食辛况飲食失節勞役所傷是胃氣不行心火乘之腸胃受火邪名曰熱中脾胃主血當血中泄火以黃芩之苦寒泄火當歸身之辛溫和血生地黃之苦寒涼血益血少加紅花之辛溫以泄血絡桃仁之辛溫除燥潤腸仍不可專用須於補中益氣泄陰火之藥內加




而用之何則上焦元氣已自虛弱若反用牽
牛大辛熱氣味俱陽之藥以泄水泄元氣利
其小便竭其津液是謂重虛重則必死輕則
天人故張文懿云牽牛不可耽嗜脫人元氣
見人有酒食病痞者多服牽牛丸散取快一
時藥過仍痞隨服隨效後復痞以致久服
脫人元氣猶不知悔也張仲景治七種溼熱
小便利無一藥犯牽牛者仲景豈不知牽

牛能泄溼利小便乎爲溼病之根在下焦是
血分中氣病不可用辛辣之藥泄上焦太陰
之氣是血病瀉氣使氣血俱損也經云毋實
實毋虛虛毋絕人長命此之謂也用者戒之
牽牛自宋以後北人常用取快及劉守真
張子和出又倡爲通用下藥李明之目擊其
事故著此說極力闢之牽牛治水氣在肺喘
滿腫脹下焦鬱遏腰背脹重及大腸風秘氣



秘卓有殊功但病在血分及脾胃虛弱而痞
滿者則不可取快一時及常服暗傷元氣也
蓖麻子味甘辛平有小毒主水癥水研二十枚
服之吐惡沫加至三十枚三日一服差則止又
主風虛寒熱身體瘡痒浮腫尸疰惡氣榨取油
塗之 葉主脚氣風腫不仁搗蒸傅之
疏○蓖麻得土金之氣故其味甘辛而其氣
則平性有小毒其力長於收吸故能拔病氣

出外其性善收故能追膿取毒能出有形之
滯物又能通利關節故主水癥又主風虛寒
熱身體瘡痒浮腫尸疰惡氣榨取油塗之研
塗手足心催生寇氏主癩癧李氏主偏風半
身不遂口眼喎斜頭風脚氣毒腫丹癩火傷
鍼刺入肉女人胞衣不下及子腸挺出皆從
外治不經內服良有見也子無刺者良子有
刺者毒



雷公云凡使勿用黑天赤利子緣在地蔓上
是顆兩頭尖有毒其蓖麻子節節有黃黑斑
凡使以鹽湯煮半日去皮取子研用
時珍云取蓖麻油法用蓖麻仁五升搗爛以
水一斗煮之沫浮於湯面卽撇起待沫盡乃
止去水以沫煎至點燈不汙滴水不散爲度
李氏曰凡服蓖麻子者一生不得食豆犯
之必脹死其油能伏丹砂輕粉


主治參互

蓖麻子去殼同紫背天葵等分清水入砂器
中煮半日空腹時與病人嚼下自十五枚至
廿一枚瘰癧久久自消 李氏云一人病偏
風手足不舉用此油同羊脂麝香鮫鯉甲等
藥煎作摩膏日摩數次一月餘漸復兼服搜
風養血化痰之劑三月而愈又一人病手臂
一塊腫痛亦用蓖麻搗膏貼之一夜而愈又



一人病氣鬱偏頭痛用此同乳香食鹽搗煖
太陽穴一夜痛止又一婦產後子腸不收搗
仁貼其丹田一夜而上此藥外用累奏奇功
但內服不可輕率耳或言搗膏以筋點於鵝
馬六畜舌根下卽不能食或點肛內卽下血
死其毒可知矣 又方治口眼喎斜蓖麻子
仁搗膏左貼右右貼左卽正 又婦人良方
亦治前證用蓖麻子仁七七粒研作餅右喎

安在左手心左喎安在右手心却以銅盃盛
熱水坐藥上冷卽換五六次卽正也 治風
氣頭痛不可忍者乳香蓖麻仁等分搗餅隨
左右貼太陽穴解髮出氣甚驗 又方蓖麻
仁半兩棗肉十五枚搗塗紙上捲筒插入鼻
中下清水涕頭痛卽止 聖濟錄治鼻塞不
通用蓖麻仁三十粒大棗去皮一枚搗勻綿
裹塞之一日一易三十日聞香臭也 摘玄



方治舌上出血用蓖麻子油紙撚燒煙熏鼻
中自止 經驗良方治舌脹塞口用蓖麻子
仁四十粒去殼研油塗紙上作撚燒煙熏之
未退再熏以愈爲度有人舌腫出口外一村
人用此法而愈 治急喉痺牙關緊急不通
用此卽破以蓖麻子仁研爛紙卷作筒燒煙
熏吸卽通或只取油作撚尤妙名聖煙筒
崔元亮海上集驗方治催生下胞用蓖麻子

七粒去殼研膏塗脚心若胎及衣下便速洗
去不爾則子腸出卽以此膏塗頂腸自入也
肘後方產難取蓖麻子十四枚每手各把
七枚須臾立下也 摘玄治子宮脫下用蓖
麻仁枯礬等分爲末安紙上托入仍以蓖麻
仁十四枚研膏塗頂心卽入 又治盤腸生
產塗頂方同上 肘後方治一切腫毒痛不
可忍用蓖麻子搗敷卽止也




簡誤

蓖麻子能吸氣又能通竅體質多油而又有
毒脾胃薄弱大腸不固之人慎勿輕用服餌
天南星味苦辛有毒主中風除痰麻痺下氣破
堅積消癰腫利胸膈散血墮胎畏附子乾薑生薑
疏○南星得火金之氣故其味苦辛火金相
搏故性烈而有毒陰中之陽可升可降入手
太陰經爲風寒鬱於肺家以致風痰壅盛之

要藥也炎上作苦若則善燥從革作辛辛則
善散溫則開通故主麻痺下氣破堅積消癰
腫利胸膈散血墮胎

主治參互

南星得牛膽則燥氣減得火炮則毒性緩
得薑桂附主破傷風口噤身強 得牛膽皂
角川烏茯神牛黃天竺黃丹砂治驚癇加天
麻治一切風痰壅盛 同半夏搗細末入降




真香末傅金瘡折傷瘀血 同桂枝乾薑甘
草細辛治西北邊人真中風風痰猝壅僵仆

簡誤

南星味既辛苦氣復大溫而燥烈正與半夏
之性同而毒則過之故亦善墮胎也半夏治
溼痰多南星主風痰多是其異矣二藥大都
相類故其所忌亦同非西北人真中風者勿
用詳載半夏條下茲不重出

稀莨味苦寒有小毒主熱蠱煩滿不能食生搗
汁服三四合多則令人吐

疏○稀莨陽草也感少陽生發之氣以生故
其味苦寒不應有毒乃入血分祛風除溼兼
活血之要藥也溼熱盛則生蠱溼則煩滿不
能食春生之藥本合風化風能勝溼苦寒除
熱故主之也經曰地之溼氣感則害人皮肉
筋脉故蘇頌治肝腎風氣四肢麻痺骨間疼




痛腰膝無力及行大腸氣成訥用以療中風
張詠用以輕身駐顏效已著於曩代功復見
於今時妙在走而不洩香可開脾邪去身安
功力斯倍矣

主治參互

稀簽如法脩事一斤入漆葉四兩亦以蜜酒
潤過九蒸九曬蜜和丸如梧子大每五錢空
心饑時白湯吞日三服治紫雲風爛麻風有

神 江陵府節度使成訥進稀簽丸方表畧
云臣有弟誣年三十一中風伏枕五年百醫
不差有道人鍾針者因覩此患曰可餌稀簽
丸必愈其藥多生沃壤高三尺許節葉相對
其葉當夏五月已來收每去地五寸翦刈以
溫水洗去泥土摘其葉及枝頭凡九蒸九曝
不必太燥但取蒸足數爲度仍焚搗爲末煉
蜜丸如梧子大空心溫酒或米飲下二三十



丸服至二千丸所患愈加不得憂慮是藥攻
之力服至四千丸必得復故五千丸當復丁
壯臣依法脩合令誦服之果如其言鍾針又
言此藥與本草所述功效相異蓋出處盛在
江東彼土人呼猪簽緣此藥如猪簽氣故以
爲名但經蒸曝簽氣自泯每當服後須喫飯
三五匙歷之五月五日采者佳奉敕宣付醫
院詳錄 知益州張詠進猪簽丸表畧云此

草金稜銀線素

應是赤字

莖紫亥對節而生蜀號

火欬莖葉頗同蒼耳誰知至賤之中乃有殊
常之效臣自喫至百服眼目清明積至千服
髭鬚烏黑筋力輕健效驗多端臣本州有都
押衙羅守一曾因中風墜馬失音不語臣與
十服其病立瘥又和尚智嚴年七十忽患偏
風口眼喎斜時時吐涎臣與十服亦便得瘥
今合一百劑差職員史元奏進



簡誤

凡病人患四肢麻痺骨間疼腰膝無力由於脾腎兩虛陰血不足不因風溼所中而得者不宜服之予少年時晤金壇令公劉蓉川論及此藥劉太夫人平居常服在金壇令隸卒取此草太夫人見之輒曰非是乃知張益公表中所云金稜銀線素莖紫亥與吳地所產者有異物隨土變固其性也

馬鞭草主下部匿瘡

疏○馬鞭草圖經謂之龍牙別錄味苦氣寒無毒保昇日華子咸謂辛涼應有之也本是涼血破血之藥下部匿瘡者血熱之極兼之溼熱故血污濁而成瘡且有蟲也血涼熱解污濁者破而行之靡不瘥矣陳藏器謂其破血殺蟲亦此意耳

主治參互



腫隨減

簡誤

病人雖有溼熱血熱證脾陰虛而胃氣弱者勿服

苧根寒主小兒赤丹其漬苧汁療渴

疏○苧根得土之冲氣而兼陰寒故味甘氣寒而無毒別錄專主小兒赤丹爲其寒能涼血也漬苧汁療渴者除熱之功也日華子用

集驗方治男子陰腫大如升核痛人所不能治者馬鞭草搗塗之 太平聖惠方治白癩風用馬鞭草爲末每服一錢食前荆芥薄荷湯下日三服忌鐵 蕭炳集驗方治人疥馬疥馬鞭草搗自然汁半盞飲盡十日內愈神效 醫方摘要治赤白下痢龍牙草五錢陳茶一撮煎服神效 陳嘉謨本草蒙筌治楊梅惡瘡馬鞭草煎湯先熏後洗氣到便爽痛



以治心膈熱漏胎下血胎前產後心煩天行
熱疾大渴發狂及服金石藥人心熱習毒箭
蛇蟲咬皆以其性寒能解熱涼血故也

主治參互

同生地黃汁能涼血安胎 聖惠方治小便
血淋苧根煎湯頻服大妙亦治諸淋 斗門
方治五種淋疾苧根兩莖打碎以水一碗半
煎半碗頓服卽通 梅師方治妊娠胎動忽

下黃汁如膠或如小豆汁腹痛不可忍者苧
根去黑皮切二升以銀一斤水九升煎四升
每服入酒半升或一升分作二服聖惠方同
瀕湖集簡方治肛門腫痛生苧根搗爛坐
之良 聖惠方治脫肛不收苧根搗爛煎湯
熏洗之 外臺秘要治五色丹毒苧根煮濃
汁日三浴之

簡誤



病人胃弱泄瀉者勿服諸病不由血熱者亦不宜用

白頭翁味苦溫無毒主溫瘧狂易音寒熱癥瘕積聚瘰氣逐血止痛療金瘡鼻衄

疏○白頭翁本經味苦溫無毒吳綬益以辛寒詳其所主似爲得之東垣謂其氣厚味薄既能入血主血應云氣味俱厚可升可降陰中陽也入手足陽明經血分暑伏足陽明經

則發溫瘧伏手陽明經則病毒痲滯下純血狂易鼻衄者血熱也寒熱者血瘀也癥瘕積聚瘰氣靡不由血凝而成積滯停畱則腹痛金瘡血涼則痛自止苦能下泄辛能解散寒能除熱涼血具諸功能故悉主之殆散熱涼血行瘀之要藥歟前入所謂腎欲堅急食苦以堅之痢則下焦虛故以純苦之劑堅之男子陰疝偏墜小兒頭禿腥羶鼻衄無此不效



毒痢有此獲功熱毒下痢紫血鮮血者宜之


主治參互

仲景金匱玉函方白頭翁湯治熱痢下重用
白頭翁二兩黃連黃檗秦皮各三兩水七升
煎二升每服一升不愈更服婦人產後痢虛
極者加甘草阿膠各二兩 聖惠方治下痢
咽腫春夏病此宜用白頭翁黃連各一兩木
香半兩水五升煎一升半分三服 外臺秘

要治陰癩偏腫用根生搗傅腫處一宿當作
瘡廿日愈 衛生方治外痔腫痛用白頭翁
草一名野丈人以根搗塗之逐血止痛 肘
後方治小兒禿瘡白頭翁根搗傅一宿作瘡
半月愈

簡誤

白頭翁苦寒滯下胃虛不思食及下利完穀
不化泄瀉由於虛寒寒溼而不由於溼毒者



忌之

甘焦根大寒主癰腫結熱

疏○甘焦稟地中至陰之氣以生其味應甘氣大寒性無毒入足陽明經膏粱之變發爲癰腫甘寒解陽明之結熱則癰腫自除蘇恭搗傅癰腫去熱毒搗汁服治產後血脹悶大明治天行熱狂煩悶消渴患癰毒并金石發動燥熱口乾竝絞汁服之又治頭風遊風等


證皆取其甘寒涼血除熱之功也

主治參互

肘後方發背欲死芭焦根搗爛傅之 子母秘錄小兒赤遊行於上下至心卽死搗芭焦汁煎塗之 聖惠方血淋澀痛芭焦根旱蓮草各等分水煎服日二

簡誤

焦性大寒癰腫陰證不掀腫不發熱者忌之



天行病非陽明熱甚者忌之產後血脹悶當
以行血補血為主焦雖味甘然性大寒尤非
所宜

蘆根味甘寒無毒主消渴客熱止小便利

逆水者良

蘇恭療反胃嘔逆不下食胃中熱傷食內熱
甄權解大熱開胃治噎噦不止大明主時疾
煩悶瀉利人渴孕婦心熱

疏○蘆根稟土之冲氣而有水之陰氣故味
甘氣寒而無毒消渴者中焦有熱則脾胃乾

燥津液不生而然也甘能益胃和中寒能除
熱降火熱解胃和則津液流通而渴止矣客
熱者邪熱也甘寒除邪熱則客熱自解肺爲
水之上源脾氣散精上歸於肺始能通調水
道下輸膀胱腎爲水臟而主二便三家有熱
則小便頻數甚至不能少忍火性急速故也
肺腎脾三家之熱解則小便復其常道矣火
升胃熱則反胃嘔逆不下食及噎噦不止傷




寒時疾熱甚則煩悶下多亡陰故瀉利人多
渴孕婦血不足則心熱甘寒除熱安胃亦能
下氣故悉主之也
○筍亦能除熱利小便解河魷魚蟹毒

主治參互

逆水蘆根得竹茹枇杷葉麥門冬烏梅木瓜
能止因熱嘔吐得竹茹麥門冬大青青黛
能除傷寒熱病煩悶嘔吐藥性論云蘆根能

解大熱開胃治噎噦不止皆由甘寒除熱之
力也 外臺秘要治骨蒸肺痿不能食者蘇
遊蘆根飲主之蘆根麥門冬地骨皮生薑各
十兩橘皮茯苓各五兩水二斗煮八升去滓
分五服取汗乃瘥 肘後方治勞復食復欲
死竝以蘆根煮濃汁飲 又方治嘔噦不止
厥逆者蘆根三斤切水煮濃汁頻飲二升必
效若以童子小便煮服不過三升愈 金匱



玉函方治五噎吐逆心膈氣滯煩悶不下食
蘆根五兩剉以水三大盞煎取二盞溫服
千金方治反胃上氣蘆根茅根各二兩水四
升煮二升分服 太平聖惠方治霍亂煩悶
蘆根三兩麥門冬一兩煎服 梅師方治食
狗肉中毒心下堅或腹脹口乾忽發熱妄語
蘆根煮汁服又聖惠方治中馬肉毒千金方
治鱧鱖魚毒并食蟹中毒方俱同

簡誤

因寒霍亂作脹因寒嘔吐勿服

鬼曰味辛溫微溫有毒主殺蟲毒鬼疰精物辟
惡氣不祥逐邪解百毒療欬嗽喉結風邪煩惑
失魂妄見去目中膚翳殺大毒不入湯

疏○鬼曰得地之金氣而性復陰沉是以辛
溫有毒乃陰草中之散結辟邪者也故能入
陰分以辟不祥及諸蟲毒鬼疰精物尸疰傳



尸煩惑失魂妄見然此諸病何莫非陰邪尸
鬼之所爲凡物以類相從故惟陰草之異品
乃能治乎陰鬼之賊害也其去目中膚翳及
欬嗽喉結風邪則辛散之功耳其藥有二種
味甘者勝苦者稍劣

主治參互

鬼曰得丹砂雄黃雲母生犀角丹參遠志射
干百部菖蒲天門冬能治一切怪惑不祥及

諸尸疰傳尸陰邪爲祟諸異證 婦人良方

治子死腹中胞破不生用鬼白不拘多少黃
者去毛爲細末不用篩羅只燃之如粉爲度
每服一錢無灰酒一盞同煎八分通口服立
生如神名一字散 千金方治射工中人寒
熱發瘡鬼曰葉一把苦酒漬搗取汁服一升
日二次 三十六黃方治黑黃急病其證面
黑黃身如土色不妨食脉沉若青脉入口者



死宜烙口中黑脉耳會玉泉章門心俞用生
鬼臼搗汁一小盞服乾者爲末水服

簡誤

凡病屬陽陽盛熱極有似鬼魅爲祟及煩惑
失魂妄見者不可用

馬兜鈴味苦寒無毒主肺熱欬嗽痰結喘促血
痔瘻瘡

疏○馬兜鈴感久氣而生故味苦氣寒而無

毒亦應有辛兼金氣也入手太陰經苦善下
洩辛則善散寒能除熱其性輕揚厥狀類肺
故能入肺除熱而使氣下降欬嗽者氣升之
病也氣降熱除嗽自平矣痰結喘促亦肺熱
病也宜并主之血痔瘻瘡無非血熱况痔病
屬大腸大腸與肺爲表裏清臟熱則腑熱亦
清矣故亦主之甄權用以治肺氣上急坐息
不得欬逆連連不止潔古用以清肺氣補肺




去肺中溼熱者皆除熱降氣散結之力也
○獨行根一名青木香治鬼疰積聚諸毒熱腫
蛇毒水磨爲泥封之日三四易立瘥水煮一
二兩取汁服吐蠱毒又搗末水調塗丁腫大
效

主治參互

馬兜鈴得桑根白皮百部天門冬桔梗蘇子
枇杷葉貝母紫菀能治一切喘嗽 聖惠方

治五種蠱毒馬兜鈴根三兩爲末分爲三貼
以水一盞煎五分去滓頓服當吐蠱出未快
再服以快爲度 又方草蠱術在西涼之西
及嶺南人中此毒入咽刺痛欲死者用馬兜
鈴苗一兩爲末以溫水調下一錢匕卽消化
蠱出神效 外臺秘要解蛇蠱毒飲食中得
之咽中如有物噓不下吐不出心下熱悶馬
兜鈴一兩煎服卽吐出又服麝香一錢匕卽




吐蠱毒盡 簡要濟衆治肺氣喘嗽馬兜鈴
二兩酥炒甘草一兩水炙爲末每服一錢水
煎溫呷或以藥末含嚙津亦得 雷公云凡
采得實去葉及蔓用生絹袋盛於東屋角畔
懸令乾劈作片取向裏子去革膜取淨子焙
用

簡誤

肺虛寒作欬嗽或寒痰作喘者勿服

仙茅味辛溫有毒主心腹冷氣不能食腰脚風
冷攣痺不能行丈夫虛勞老人失溺無子益陽
道久服通神強記助筋骨益肌膚長精神明目
疏○仙茅稟火金之氣然必是火勝金微雖
云辛溫其實辛熱有毒之藥也氣味俱厚可
升可降陰中陽也入手足厥陰經命門真陽
之火卽先天祖氣天非此火不能生物人非
此火不能有生故真火一衰則虛勞無子陽



道痿弱老人失溺風冷外侵爲腰脚不利攣痺不能行并不能生土以致脾虛腹冷不能食此藥味辛氣熱正入命門補火之不足則諸證自除筋骨自利皮膚自益也命門之系上通於心相火得補則君火益自振攝故久服能通神強記也長精神明目者言真陽足陰翳消肝腎俱補之極功耳

主治參互

聖濟總錄仙茅丸壯筋骨益精神明目黑髮鬚仙茅二斤糯米泔浸五日去赤水夏月浸三日銅刀刮剉陰乾取一斤枸杞子一斤車前子十二兩白茯苓去皮茴香炒柏子仁去殼各八兩生地黃焙熟地黃焙各四兩爲末酒煮糊丸如梧子大每服五十丸食前溫酒下日二服

簡誤



凡味之毒者必辛氣之毒者必熱仙茅味辛氣大熱其爲毒可知矣雖能補命門益陽道助筋骨除風痺然而病因不同寒熱迥別施之一悞禍如反掌况世之人火旺致病者十居八九火衰成疾者百無二三辛溫大熱之藥其可常御乎凡一概陰虛發熱欬嗽吐血衄血齒血溺血血淋遺精白濁夢與鬼交腎虛腰痛脚膝無力虛火上炎口乾咽痛失志

陽痿水涸精竭不能孕育老人孤陽無陰遺溺失精血虛不能養筋以致偏枯痿痺胃家邪熱不能殺穀胃家虛火嘈雜易饑三消五疸陰虛內熱外寒陽厥火極似水等證法竝禁用

劉寄奴草味苦溫無毒主破血下脹多服令人痢

疏○劉寄奴草其味苦其氣溫揉之有香氣




故應兼辛苦能降下辛溫通行血得熱則行
故能主破血下脹然善走之性又在血分故
多服則令人痢矣昔人謂爲金瘡要藥又治
產後餘疾下血止痛者正以其行血迅速故
也

主治參互

集簡方治大小便血劉寄奴爲末茶調空心
服二錢卽止 千金方治折傷瘀血在腹內

者劉寄奴骨碎補延胡索各一兩水二升煎
七合入酒及童子小便各一合頓溫服 本
事方治湯火灼傷劉寄奴搗末先以糯米漿
雞翎掃上後乃搽末竝不痛亦無痕大驗此
方凡湯火傷先以鹽末搽之護肉不壞後乃
搽藥爲妙 聖惠方治風入瘡口腫痛劉寄
奴爲末搽之卽止

簡誤



劉寄奴草通行走散之性專入血分病人氣血虛脾胃弱易作泄者勿服


骨碎補味苦溫無毒主破血止血補折傷

疏○骨碎補得金氣兼得石氣石者水之母也味苦氣溫亦應有辛好生陰處故得陰氣為多宜其入足少陰而主骨開耳入血行傷也開元命名其義可思矣甄權用以主骨中毒氣風血疼痛五勞六極手足不收上熱下

冷雷公用以治耳鳴戴元禮用以治痢風足痿軟皆入腎強骨之驗也

主治參互

骨碎補得青鹽槐角炒研細擦牙能固齒靈苑方治虛氣攻牙齒痛血出或時痒痛骨碎補二兩銅刀細剉瓦鍋慢火炒黑為末如常揩齒良久吐之嚔下亦可劉松石云此方不獨治牙痛極能堅骨固牙益精髓去骨中



毒氣疼痛牙動將落者數擦立住再不復動
經用有神 聖濟總錄治風蟲牙痛骨碎補
乳香等分爲末糊丸塞孔中名金針丸 蘇
氏圖經治耳鳴耳閉骨碎補削作細條火炮
乘熱塞之 又方病後髮落胡孫薑野薔薇
嫩枝煎汁刷之 仁存方治腸風失血胡孫
薑燒存性五錢或酒或米飲服 時珍云骨
碎補足少陰藥也故能入骨治牙及久泄痢

昔魏刺史子久泄諸醫不效垂殆用此藥末
入猪腎中煨熟具食頓佳蓋腎主大小便久
泄屬腎虛不可專責脾胃也雷公用治耳鳴
耳亦腎之竅也戴元禮治痢後下虛不善調
養或遠行或房勞或外感致兩足痿軟或痛
或痺遂成痢風宜用獨活寄生湯吞虎骨四
斤丸仍以骨碎補三分之一同研取汁酒和
服之外用杜牛膝杉木節單解白芷南星煎



湯類類熏洗此亦從腎虛骨痿而治也 雷
公云凡采得銅刀刮去黃赤毛細切蜜拌蒸
曝用

簡誤

不宜與風燥藥同用

連翹味苦平無毒主寒熱鼠瘦癩癰腫惡瘡
瘦癯結熱蟲毒去白蟲

疏○連翹感清涼之氣得金水之性本經雖

云味苦平無毒平應作辛乃爲得之潔古謂
其性涼味苦氣味俱薄輕清而浮升也陽也
海藏以爲陰中陽也入手足少陽手陽明經
亦入手少陰心經其主寒熱鼠瘦癩癰瘦癯
結熱者以上來諸證皆從足少陽膽經氣鬱
有熱而成此藥正清膽經之熱其輕揚芬芳
之氣又足以解足少陽之鬱氣清其熱散其
鬱靡不瘳矣癰腫惡瘡無非榮氣壅遏衛氣



鬱滯而成清涼以除瘀熱芬芳輕揚以散鬱
結則榮衛通和而瘡腫消矣蠱毒非熱非辛
則不成熱解則蠱自消溼熱盛則生蟲清其
熱而若能洩蟲得苦卽伏故去白蟲甄權用
以通利五淋小便不通除心家客熱日華子
用以通小腸排膿治瘡癰止痛通月經東垣
用以散諸經血結氣聚消腫丹溪用以瀉心
火除脾胃溼熱及治中部血證以爲使海藏

用以治氣秘火炎之耳聾一皆清熱散結下
氣燥溼之功也

主治參互

得貝母白芷甘草金銀花玄參薄荷夏枯草
白及能消癰癰加牡鼠糞人爪山豆根蒲公英
英消乳癰乳巖 簡便方治癰癰結核連翹
脂麻等分爲末時時食之 潔古治項邊馬
刀屬少陽經連翹二斤瞿麥一斤大黃三兩



甘草半兩每用一兩煎食後熱服十餘日後
灸臨泣穴二七壯六十日決效 集驗方治
痔瘡腫痛連翹煎湯熏洗後以刀上飛過綠
礬入麝香貼之

簡誤

連翹清而無補之藥也癰疽已潰勿服火熱
由於虛者勿服脾胃薄弱易於作泄者勿服
續隨子味辛溫有毒主婦人血結月閉癥瘕瘰

癧瘵血蠱毒鬼疰心腹痛冷氣脹滿利大小腸
除痰飲積聚下惡滯物莖中白汁剝入面皮去
黥黥苗如大戟一名拒冬一名千金子

疏○續隨子味辛氣溫而其性有毒實攻擊
剋伐之藥也長於解蠱毒鬼疰以致腹痛脹
滿攻積聚下惡滯物及散痰飲至於婦人月
閉癥瘕瘰癧瘵血大小腸不利諸病則各有
成病之由當求其本而治不宜槩施蓋此藥



之爲用乃以毒攻毒之功也

主治參互


聖濟錄治小便不通臍腹脹痛不可忍用續
隨子一兩鉛丹半兩同少蜜搗作團瓶盛埋
陰處臘月至春末取出研蜜丸梧子大每服
二三十丸木通湯下 又方治涎積癥塊續
隨子三十枚膩粉二錢青黛炒一錢研勻糯
米飯丸芡子大每服一九打碎以大棗一枚

燒熟去皮核同嚼冷茶送下半夜後取下積
聚惡物爲效 崔元亮海上方治蛇咬腫悶
欲死用重臺六分續隨仁七粒搗篩爲散酒
服方寸匕兼唾和少許塗咬處立效 普濟
方治黑子疣贅續隨子於熟時塗之自落

簡誤

病人元氣虛脾胃弱大便不固者禁用

山豆根味甘寒無毒主解諸藥毒止痛消瘡腫




毒人及馬急黃發熱欬殺小蟲生劔南山谷
蔓如豆

疏○山豆根得土之冲氣而兼感冬寒之令
以生故其味甘苦其氣寒其性無毒甘所以
和毒寒所以除熱凡毒必熱必辛得清寒之
味甘苦之味則諸毒自解譬大人盛德與物
無競卽陰毒伎害遇之不起矣故爲解毒清
熱之上藥凡痛必因於熱毒解熱散則痛自
止瘡腫自消人馬急黃乃血熱極所發故必
發熱熱氣上熏則發欬嗽諸蟲亦溼熱所化
故悉主之而多獲奇效也

主治參互

山豆根入散乳毒藥中能消乳巖 備急方
解中蠱毒密取山豆根水研服少許未定再
服已禁聲者亦愈 又方治五般急黃山豆
根末水服二錢若帶蠱氣以酒下 又方治



赤白滯下山豆根末蜜丸梧子大每服二十
丸空腹白湯下三服當自止 又方治頭風
熱痛山豆根末油調塗兩太陽 又方治牙
齦腫痛山豆根一片含於痛所 永類方治
喉癰山豆根磨醋噙之追涎卽愈勢重不能
言者頻以雞翎掃入喉中卽引涎出立能言
語 經驗方治麩豆諸瘡煩熱甚者水研山
豆根汁服少許 備急方治疥癬山豆根末


臘猪脂調塗 楊清叟外科治喉風急證牙
關緊閉水穀不入山豆根白藥子等分水煎
噙之嚥下二三口卽愈

簡誤

病人虛寒者勿服

白附子主心痛血痺面上百病行藥勢

疏○白附子感陽氣而生故其味應辛微甘
氣大溫有小毒性燥而升風藥中之陽草也



東垣謂其純陽引藥勢上行是已其主心痛
血痺者風寒之邪觸心以致痰壅心經則作
痛寒溼邪傷血分則成血痺風能勝溼辛溫
散寒故主之也風性升騰辛溫善散故能主
面上百病而行藥勢也日華子用以治中風
失音一切冷風氣面疔癩疵李珣用以治諸
風冷氣足弱無力疥癬風瘡陰下溼痒頭面
斑痕入面脂用丹溪用以治風痰皆祛風燥
溼散結之功也

主治參互

白附子得南星半夏能豁風痰暴壅而有寒
邪者爲要藥 同膽星全蝎白殭蠶釣藤天
竺黃白檀香牛黃能治小兒急驚 濟生方
治痰厥頭痛同天麻半夏南星等分生薑汁
浸蒸餅丸菘豆大每服四十九食後薑湯下
簡便方治赤白汗斑白附子硫黃等分爲



未薑汁調稀茄蒂蘸擦日數次 衛生易簡
方治面上疥黯白附子爲末臥時漿水洗面
以白蜜和塗紙上貼之久久自落

簡誤

白附子燥藥也似中風證雖痰壅禁用小兒
慢驚不宜服

鹿藿味苦平無毒主蠱毒女子腰腹痛不樂腸
癰瘰癧瘍氣

疏○鹿藿稟地中之陰氣以生故其味苦氣
平無毒入足陽明太陰厥陰經解毒涼血之
藥也惟其解毒故主蠱毒惟其涼血故主腸
癰瘰癧瘍氣女人以血爲主血虛有熱則腰
腹痛不樂得苦涼之氣則熱退而血得所養
故主女人腰腹痛不樂也方藥不復用人亦
罕識故不著叅互及簡誤

預知子味苦寒無毒殺蟲療蠱治諸毒傳云取




二枚綴衣領上遇蠱毒物則聞其有聲當便知之有皮殼其實如皂莢子去皮研服之有效

疏○預知子感陰寒之氣以生故其味苦其氣寒其性無毒凡蠱毒多辛熱之物所造故宜苦寒以泄其熱毒熱毒既解則蠱不靈矣凡蠱皆溼熱所生蟲得苦則伏故殺蟲之藥多苦多寒也此草中之有靈性者故其命名如此又名仙詔子聖知子聖先子蜀人貴重

云亦難得采無時其根味苦性極冷其效愈於子山民目爲聖無憂冬月采陰乾石臼內搗末篩細凡中蠱毒則水煎三錢七溫服立已日華子又云盍合子溫治一切風補五勞七傷其功不可備述并治疰癘氣塊天行溫疾消宿食止煩悶利小便催生解毒藥中惡失音髮落傳一切蛇蟲蠶咬

主治參互



和劑局方預知子丸治心氣不足精神恍惚
言語錯妄忪悸煩鬱憂愁慘懣善怒多恐健
忘少睡夜多異夢寤即驚魘或發狂眩暴不
知人竝宜服此預知子去皮自茯苓枸杞子
石菖蒲茯神栢實人參地骨皮遠志山藥黃
精丹砂等分爲末煉蜜丸芡實大每嚼一九
人參湯下 聖惠方治耳卒聾八月取石榴
開一孔留蓋入米醋滿中蓋定麩裏煉火中

煨熟取出入仙詔子黑李子末取水滴耳中
腦痛勿驚如此二夜又點一耳

簡誤

預知子苦寒能利凡病人脾虛作泄瀉者勿
服

木賊味甘微苦無毒主目疾退翳膜又消積塊
益肝膽明目療腸風止痢及婦人月水不斷得
牛角鯁麝香治休息痢歷久不差得禹餘糧當



歸芎藭療崩中赤白得槐鷲桑耳腸風下血服
之效又與槐子枳實相宜主痔疾出血
疏○木賊草感春升之氣故應味甘微苦而
性則無毒入足厥陰少陽二經血分故首主
目疾及退翳膜益肝膽而明目也又療腸風
止痢及婦人月水不斷則消之中又有止之
義矣其主積塊療腸風止痢及婦人月水不
斷崩中赤白痔疾出血者皆入血益肝膽之
功肝藏血故也

主治叅互

木賊得穀精草决明子白蒺藜蟬蛻生地黃
甘菊花蜜蒙花治目疾久不愈消翳障有奇
功得槐角子桑耳煨存性地榆茜草根治
腸痔下血多效廣利方治瀉血不止木賊
十二分切以水二升煎取八合去滓空心溫
二分服如人行五里再服衍義云治小腸



膀胱氣木賊細剉微焙搗爲末沸湯點二錢
食前服必效

簡誤

目疾由於怒氣及暑熱傷血暴赤腫痛者非
其所任

蒲公英味甘平無毒主婦人乳癰腫水煮汁飲
之又封之立消

疏○蒲公英得水之冲氣故其味甘平其性

無毒當是入肝入胃解熱涼血之要藥乳癰
屬肝經婦人經行後肝經主事故主婦人乳
癰腫乳毒竝宜生噉之良

主治參互

蒲公英得夏枯草貝母連翹白芷枯樓根橘
葉甘草頭垢牡鼠糞山豆根山慈菘治一切
乳癰毒腫痛及治乳巖爲上藥 圖經治惡
刺及狐尿刺摘取根莖白汁塗之惟多塗立



本草綱目卷十一
差此方出孫思邈千金方其序云余以貞觀
五年七月十五日夜以左手中指背觸着庭
木至曉遂患痛不可忍經十日痛日深瘡日
高大色如熟小豆色嘗聞長者之論有此方
遂依治之手下卽愈痛亦除瘡亦卽瘥未十
日而平復如故楊炎南行方亦著其效云
梅師方治產後不自乳兒畜積乳汁結作癰
取蒲公草搗傅腫上日三四度易之 此草

單治乳癰及腫毒性既甘平無毒又乏他用
故無簡誤

穀精草味辛溫無毒主療喉痺齒風痛及諸瘡
疥飼馬主蟲顛毛焦等病


疏○穀精草得金氣故味辛所言氣溫者應
曰微溫故其性無毒入足厥陰經又入足陽
明經補肝氣之要藥也辛能散結微溫能通
氣喉痺者手少陰心火與足少陽相火相扇



上壅而成散二經之火則氣通而無所結滯
矣齒風痛者陽明胃家風火熱盛上衝之所
致也熱則生風風火相搏故發齒風痛也諸
瘡疥之生皆由於血熱諸痛痒瘡瘍皆屬心
火藥宜辛散故悉主之其用以飼馬主蟲類
毛焦等病者以馬性多熱又爲風熱所傷故
主之也以其入肝補益肝氣故爲治目散翳
之上藥而本經不載是謂闕文

主治參互

穀精草得決明子木賊草甘菊花蜜蒙花生
地黃專除目病障翳 集驗方治偏正頭痛
用穀精草一兩爲末以白麩糊調攤油紙上
貼痛處乾換 聖惠方治鼻衄不止穀精草
爲末熟麩湯服二錢 明目方治目中翳膜
穀精草防風等分爲末米飲服之甚驗 邵
真人濟急方治痘後目翳隱澀淚出久而不



退用穀精草爲末以肺或猪肝片蘸食一方
加蛤粉等分同入猪肝內煮熟日食之 衛
生家寶方治小兒雀盲至晚或不見物用羯
羊肝一具不用水洗竹刀剖開入穀精草一
撮瓦礮煮熟日食之屢效忌鐵器如不肯食
炙熟搗作丸菜豆大每服三十丸茶下 保
幼大全治小兒中暑吐瀉煩渴穀精草燒存
性用器覆之放冷爲末每冷米飲服半錢

此藥味淡性無毒喉痺齒痛目翳之外無他
用故不著簡誤

夏枯草味苦辛寒無毒主寒熱瘰癧鼠瘻頭瘡
破癥散癭結氣脚腫溼痺輕身

土瓜爲
之使

疏○夏枯草得金水之氣故其味苦辛而性
寒無毒爲治療癰鼠瘻之要藥入足厥陰少
陽經丹溪謂其補厥陰肝家之血又辛能散
結苦寒能下泄除熱故治一切寒熱及消癰




癰鼠瘦破癥散癭結氣頭瘡皆由於熱脚腫
溼痺無非溼熱所成熱消結散溼去則三證
自除而身亦輕矣

主治叅互

夏枯草得連翹忍冬藤貝母玄參薄荷栝樓
根紫背天葵蓖麻子仁甘草治一切瘰癧有
效得蒲公英治一切乳癰乳巖方具蒲公英
草條下單取數兩水煮濃汁入生甘菊紫

花地丁忍冬藤連翹白及白欝甘草生地黃
白芷半枝蓮消一切癰疽腫毒止痛有神此
複方也簡要濟衆方治肝虛目睛疼冷淚
不止血脉痛羞明怕日夏枯草半兩香附子
一兩爲末每服一錢茶調下衍義云古方
用以燒灰合潔面藥初生嫩時作菜食之須
浸洗淘去苦水此草無毒除治療癰鼠瘦
及散癭結氣消癰腫乳毒之外無別用故不



著簡誤

山慈菘根有小毒主癰腫瘡瘦癰癧結核等醋磨傅之亦剝人面皮除疥蠅

疏○山慈菘味辛氣寒善散熱消結故主癰腫瘡瘦癰癧結核等昔人用醋磨傅今人亦入服藥中產處州遂昌縣實非金燈花與鹿蹄草葉似車前

主治參互

入玉樞丹紫金錠大內觀音救苦錠磨傅并服消一切疔腫癰疽解一切蛇蟲毒有神方中有大戟用此不得服甘草誤則殺人亦入乳巖乳毒方用相宜因無別用故不著簡誤

燈心草味甘寒無毒根及苗主五淋生煮服之

敗席煮服更良

入藥宜用生草

疏○燈心草氣味甘寒則無毒可知入心小



腸藥也其質輕通其性寒味甘淡故能通利
小腸熱氣下行從小便出小腸爲心之腑故
亦除心經熱也

主治參互

燈心草以鹹滴浸透入雞子殼中封固煨存
性研細加梁上倒掛塵及青魚膽明礬銅青
點咽喉生乳蛾有神效 經驗方治小兒夜
啼用燈心燒灰塗乳上與喫 勝金方治破


傷多用燈心草爛嚼和唾貼之用帛裹血立
止 又方治小蟲蟻入耳挑不出者以燈心
浸油釣出蟲

簡誤

性專通利虛脫人不宜用

馬勃味辛平無毒主惡瘡馬疥一名馬庖

疏○馬勃感土金之氣而生故味辛氣平而
無毒宜其主惡瘡馬疥及止凍瘡也衍義曰



去膜以蜜採拌少以水調呷治喉痺痛則辛散之功也

主治參互

經驗良方治走馬喉痺馬屁勃卽灰菰焰硝各一兩爲末每吹一字吐涎血卽愈 普濟方治久嗽不止馬勃爲末蜜丸梧子大每服二十九白湯下卽愈 斑瘡入眼馬屁勃蛇皮各五錢皂角子十四箇爲末入罐內鹽泥

固濟煨存性研每溫酒服一錢此閩孝忠集效方也 因無別用故不著簡誤

水蓼主蛇毒搗傅之絞汁服止蛇毒入內心悶煮漬將脚消氣腫

疏○水蓼感金水之氣而兼有土故味辛性冷而無毒陰中微陽冷而辛所以能解蛇毒入內心悶及水煮漬將脚消氣腫也

主治參互



集驗方治脚痛成瘡先剉水蓼煮湯令溫熱
得所頻頻淋洗瘡乾自安 衍義治癩癧水
紅子不拘多少微炒一半生用一半同爲末
好酒調二錢日三服食後夜臥各一服破者
亦治


海金沙主通利小腸得梔子馬牙硝蓬砂共療
傷寒熱狂

疏○海金沙味甘淡氣寒性無毒甘寒淡滲

之藥故主通利小腸得牙硝梔子皆鹹寒若
寒之極又得蓬砂之辛所以能治傷寒熱狂
大熱當利小便此釜底抽薪之義也淡能利
竅故治熱淋血淋膏淋等病乃手太陽小腸
經藥也

主治參互

夷堅志治熱淋急痛海金沙草日中曝之令
小乾紙襯以杖擊之有細沙落紙上旋收之




且曝且擊以沙盡爲度研細煎生甘草湯調服二錢 圖經本草治小便不通臍下滿悶海金沙一兩臘南茶半兩搗碎每服三錢生薑甘草煎湯下日二服 仁存方治膏淋如油海金沙滑石各一兩甘草梢二錢半爲末每服二錢麥門冬煎湯服日二次 普濟方治血淋痛澀但利水道則清濁自分海金沙末新汲水或沙糖水服一錢 蘭臺秘藏治

脾溼腫滿腹脹如鼓喘不得臥海金沙散用海金沙三錢白朮四兩甘草半兩牽牛子一兩半爲末每服一錢煎倒流水調下得利爲妙元氣虛人禁服此方

簡誤

海金沙性淡滲而無補益小便不利及諸淋由於腎水真陰不足者勿服

草三稜根味甘平溫無毒療產後惡血通月水



血結墮胎破積聚癥瘕止痛利氣一名雞爪三稜

五十九


疏○草三稜卽雞爪三稜與京三稜其實一類但以所產之地與形質不同爲別耳破散剋削之性一同乎京三稜故叅互簡誤亦同茲不復贅

鹿藥味甘溫無毒主風血去諸冷益老起陽浸酒服之生姑臧巴西根苗竝似黃精根鹿好食

俗呼鹿跑草
又名延壽果

疏○鹿藥得土中陽和之氣以生故其味甘其氣溫其性無毒甘能益血甘能入脾甘溫益陽氣故能主風血去諸冷而益老起陽也當與黃精萎蕤枸杞之類同科氣味和平性本無毒補益之外無別治療故不著主治簡誤

草石蠶生高山石上根如箸上有毛節如蠶葉



似卷柏山人取浸酒除風破血主溪毒煮食之
疏○按草石蠶本經無氣味予見明州好事
者以水漬羊肚石種之盤生石上儼類蠶形
得水石之氣性必清寒故能解毒予少時見
一老醫治毒痢下血久不愈方中有之後予
按其法試用良驗

主治參互

草石蠶同川黃連白芍藥各酒炒肉豆蔻

糯粉裹煨蓮肉白菡豆俱炒橘皮炙甘草升
麻山查和爲末蜜湯調服治久痢不止往往
獲效當是涼血破瘀血消積滯之功也無別
用故不著簡誤

漆姑草氣辛烈主漆瘡按研傅之熱更易亦主
溪毒瘡


疏○漆姑草藏器云氣辛烈然觀其多生石
間及堦墀陰處必是辛苦寒之藥辛能散苦




神農本草經疏卷之十一


能泄故主漆瘡溪毒瘡及大人小兒丹毒總
之其氣味辛涼治一切血熱爲病之要藥也







NATIONAL CENTRAL LIBRARY, TAIWAN, R.O.C.







NATIONAL CENTRAL LIBRARY, TAIWAN R.O.C.





NATIONAL CENTRAL LIBRARY TAIWAN ROC





Faint, illegible text or bleed-through from the reverse side of the page, possibly including a title and several lines of descriptive text.

2017/11/16



國立中央圖書館藏



神農本草經疏卷之十二

木部上品

總七十二種今疏其要者二十九種

桂

松脂

槐實

槐花

枸杞

栝實

茯苓

琥珀

酸棗仁

藥木

楮實

乾漆

五加皮

牡荊實

蔓荊實

附槐實條


附茯苓神

實葉節附

枝皮根附

葉白皮附

葉附



NATIONAL CENTRAL LIBRARY, TAIWAN, R.O.C.





辛夷

桑上寄生

杜仲

楓香脂

女貞實

州骨

蕤核

丁香

沉香

檀香

乳香

降真香

蘇合香

金櫻子

放杖木

桂味辛甘大熱有小毒主溫中利肝肺氣心腹寒熱冷疾霍亂轉筋頭痛腰痛出汗止煩止唾欬嗽鼻鼈能墮胎堅骨節通血脉理疎不足宣

導百藥無所畏久服神仙不老

元素補下焦不足治沉寒痼冷

之病滲泄止渴去榮衛中風寒表虛自汗春夏
寫禁藥秋冬下部腹痛非此不能止好古補
命門不足益火消陰日華子桂心治一切風
氣補五勞七傷通九竅利關節益精明目煖腰
膝破痲痺癢疥消瘀血治風痺骨節攣縮筋
骨生肌肉甄權主九種心痛腹內冷氣痛不
可忍欬逆結氣壅痺脚腫不仁止下利殺三
蟲治鼻中息肉破血通利月閉胞衣不下

疏○桂稟天地之陽而兼得乎土金之氣故

其味甘辛其氣大熱亦有小毒木之純陽者也潔古謂其氣熱味大辛純陽東垣謂其辛

熱有毒浮也氣之薄者桂枝也氣之厚者肉桂也氣薄則發泄故桂枝上行而發表氣厚則發熱故肉桂下行而補腎此天地親上親下之道也桂枝入足太陽經桂心入手少陰厥陰經血分桂肉入足少陰厥陰經血分夫五味辛甘發散爲陽四氣熱亦屬陽氣味純陽故能散風寒自內充外故能實表辛以散之熱以行之甘以和之故能入血行血潤腎

燥其主利肝肺氣頭痛出汗止煩止唾欬嗽鼻鼾理疎不足表虛自汗風痺骨節攣痛者桂枝之所治也以其病皆得之表虛不任風寒寒邪客之所致故悉主之以其能實表祛邪也其主心腹寒熱冷疾霍亂轉筋腰痛墮胎溫中堅筋骨通血脉宣導百藥無所畏又補下焦不足治沉寒痼冷滲泄止渴去榮衛中風寒秋冬下部腹痛因於寒補命門益火



消陰者肉桂之所治也氣薄輕揚上浮達表
故桂枝治邪客表分之爲病味厚甘辛大熱
而下行走裏故肉桂桂心治命門真火不足
陽虛寒動於中及一切裏虛陰寒寒邪客裏
之爲病蓋以肉桂桂心甘辛而大熱所以益
陽甘入血分辛能橫走熱則通行合斯三者
故善行血命門者心包絡也道家所謂兩腎
中間一點明又曰先天祖氣是也先天真陽

之氣卽醫家所謂命門相火乃真火也天非
此火不能生物人非此火不能有生若無此
真陽之火則無以蒸糟粕而化精微脾胃之
氣立盡而亡矣心腹寒熱寒邪在裏也冷疾
霍亂轉筋者脾與肝同受寒邪也行二臟之
氣則前證自止矣腰者腎之府動搖不能腎
將憊矣補命門之真陽則腰痛自除血熱則
行故墮胎也益陽則溫中筋者肝之餘也骨



者腎之餘也入肝入腎故堅筋骨也通血脈
宜導百藥無所畏者熱則通行辛則善散也
陽長則陰消氣之自然者也能益陽則消陰
必矣寒邪觸心則心痛陽虛氣不歸元因而
爲寒所中則腹內冷氣痛不可忍欬逆者亦
氣不歸元所致也結氣壅痺脚痺不仁者皆
寒溼邪客下焦榮衛不和之所生也血凝滯
而不行則月經不通血瘀不走則胞衣不下

九竅不通關節不利者榮衛不調血分之病
也消瘀血破癥瘕癥痕疎導肝氣通行瘀血
之力也補五勞七傷者蓋指陽氣虛羸下陷
無實熱之候也其日久服神仙不老甄權又
謂殺三蟲治鼻中息肉大明又謂益精明目
皆非其性之所宜也何者獨陽偏熱之質行
血破血乃其能事陰精不長則陽無所附安
所從得神仙不老哉味旣帶甘焉能殺蟲鼻



中息肉由於肺有積熱瞳子神光屬腎肉桂
辛而大熱其不利於肺熱腎陰不足亦明矣
益精明目徒虛語耳盡信書則不如無書斯
之謂也

主治參互

得芍藥炙甘草飴糖黃耆則建中兼止榮弱
自汗 得石膏知母人參竹葉麥門冬治陽
明瘧渴欲引飲汗多寒熱俱甚 得白芷當

歸川芎黃耆生地黃赤芍藥白殭蠶治金瘡
爲風寒所擊俗名破傷風 得朴硝當歸下
死胎 得蒲黃黑豆澤蘭益母草紅花牛膝
生地黃當歸治產後少腹兒枕作痛甚則加
乳香沒藥各七分 得吳茱萸乾薑附子治
元氣虛人中寒腹痛不可忍虛極則加入參
佐參耆五味當歸麥冬療瘡瘍潰後熱毒
已盡內塞長肉良 入桂苓甘露飲治中暑



霍亂吐瀉殊驗 得薑黃鬱金治怒氣傷肝
脇痛 得當歸牛膝治冬月難產產門交骨
不開 得當歸牛膝生地黃乳香沒藥桃仁
治跌撲損傷瘀血凝滯腹中作痛或惱怒勞
傷以致蓄血發寒熱極令人不得眠腹不
痛大便不秘亦不甚渴脉不洪數不思食食
亦無味熱至天明得汗暫止少頃復熱小便
赤此其候也和童子小便服之立除

簡誤

桂辛甘其氣大熱獨熱偏陽表裏俱達和榮
氣散表邪出汗實腠理則桂枝爲長故仲景
專用以治冬月傷風寒卽病邪在表者寇宗
奭成無已論之詳矣一覽可盡因附之於後
肉桂桂心實一物也祇去皮耳此則走裏行
血除寒破血平肝入右腎命門補相火不足
其功能也然大忌於血崩血淋尿血陰虛吐



血咯血鼻衄齒衄汗血小便因熱不利大便
因熱燥結肺熱欬嗽產後去血過多及產後
血虛發熱小產後血虛寒熱陰虛五心煩熱
似中風口眼歪斜失音不語語言蹇澀手足
偏枯中暑昏暈中熱腹痛婦人陰虛少腹痛
一切溫病熱病頭疼口渴陽證發斑發狂小
兒痧疹腹疼作瀉痘瘡血熱乾枯黑陷婦人
血熱經行先期婦人陰虛內熱經閉婦人陰

七

虛寒熱往來口苦舌乾婦人血熱經行作痛
男婦陰虛內熱外寒中暑瀉利暴注如火熱
一切滯下純血由於心經伏熱腸風下血臟
毒便血陽厥似陰夢遺精滑虛陽數舉脫陰
目盲等三十餘證法並忌之誤投則禍不旋
踵謹察病因用舍在斷行其所明無行所疑
其難其慎毋嘗試也

附冠宗爽曰桂辛甘大熱素問云辛甘發散



爲陽故漢張仲景桂枝湯治傷寒表虛皆須
此藥正合辛甘發散之意本草三種之桂不
用茵桂牡桂者此二種性止於溫不可以治
風寒之病也然本經止言桂仲景又言桂枝
者取枝上皮也好古曰或問本草言桂能止
煩出汗而張仲景治傷寒有當發汗凡數處
皆用桂枝湯又云無汗不得用桂枝汗家不
得重發汗若用桂枝是重發其汗汗多者用


桂枝甘草湯此又用桂枝閉汗也一藥二用
與本草之義相通否乎曰本草言桂辛甘大
熱能宣導百藥通血脉止煩出汗是調其血
而汗自出也仲景云大陽中風陰弱者汗自
出衛實榮虛故發熱汗出又云太陽病發熱
汗出者此爲榮弱衛強陰虛陽必湊之故皆
用桂枝發其汗此乃調其榮氣則衛氣自和
風邪無所容遂自汗而解非桂枝能開腠理



發出其汗也汗多用桂枝者以之調和榮衛則邪從汗出而汗自止非桂枝能閉汗孔也昧者不知出汗閉汗之意遇傷寒無汗者亦用桂枝誤之甚矣桂枝湯下發汗發字當認作出字汗自然出非若麻黃能開腠理發出其汗也其治虛汗亦當逆察其意可也成無己曰桂枝本爲解肌者大陽中風腠理緻密榮衛邪實津液禁固其脉浮緊發熱汗不出

九

者不可與此必也皮膚疎泄自汗脉浮緩風邪干於衛氣者乃可投之發散以辛甘爲主桂枝辛熱故以爲君而以芍藥爲臣甘草爲佐者風溼所勝平以辛苦以甘緩之以酸收之也以薑棗爲使者辛甘能發散而又用其行脾胃之津液而和榮衛不專於發散也故麻黃湯不用薑棗專於發汗不待行其津液也



松脂味苦甘溫無毒主疽惡瘡頭瘍白禿疥癢
風氣安五藏除熱胃中伏熱咽乾消渴及風痺
死肌煉之令白其赤者主惡痺久服輕身不老
延年

疏○松脂感天之陽氣而得乎地之火土之
化者也故其味苦而兼甘其氣則溫其性無
毒得陽氣兼火土則其性燥燥則除溼散風
寒苦而燥則能殺蟲甘能除熱胃中伏熱散

則咽乾消渴自止痺者風寒溼合而爲病也
地之溼氣感則害人皮肉筋脉此死肌之所
由來也溼熱之邪散則血不瘀敗榮氣通調
而無壅滯故主疽惡瘡榮和熱散則頭瘍白
禿疥癢風氣俱愈矣熱消則榮血和風溼去
則衛氣安脾胃健五臟無病可知溼去則身
輕可必久服不老延年固可想見

○松實味甘氣溫性和而無毒本經言苦者誤



也以其屬陽故亦主風痺寒氣其主虛羸少氣補不足者精不足補之以味甘能益血是已形不足溫之以氣溫能和氣是已服餌延年輕身不饑惟此足以當之然亦久服乃可責效耳

○松葉味苦溫而不甘宜其主風溼瘡生毛髮也安五臟守中不饑延年其旨具松脂條內服之可治惡疾卽癩病灸罽凍瘡風瘡佳

○松節味苦氣溫性燥故能主百節久風風虛脚痺疼痛

主治參互

陶弘景以松節釀酒主脚弱骨節風 丹溪以松節炒焦用以治筋骨間病能燥血中之溼 外臺秘要治歷節風痛四肢如解脫松節二十斤酒五斗浸三七日每服一合日五六服 集簡方治陰毒腹痛油松木七塊炒



焦衝酒二鍾熱服 談楚翁方跌撲損傷松
節煎酒服

簡誤

松脂松葉其性甚燥味又苦溫病人血虛有
火及病不關風寒溼所傷而成者咸不宜服
槐實味苦酸鹹寒無毒主五內邪氣熱止涎唾
補絕傷五痔火瘡婦人乳痕子藏急痛以七月
七日取之搗取汁銅器盛之日煎令可作丸大

如鼠屎內竅中三易乃愈又墮胎久服明目益
氣頭不白延年 枝主洗瘡及陰囊下溼癢
皮主爛瘡 根主喉痺寒熱 花苦平無毒主
五痔心痛眼赤殺腹藏蟲及熱治皮膚風併腸
風瀉血赤白痢竝炒服 葉平無毒煎湯治小
兒驚癇壯熱疥癬及疔腫

疏○槐實感天地陰寒之氣而兼木與水之
化故其味苦氣寒而無毒別錄益以酸鹹宜



矣入手足陽明兼入足厥陰經其主五內邪
氣熱者乃熱邪實也涎唾多者脾胃有熱也
傷絕之病其血必熱五痔由於大腸火熱火
瘡乃血爲火傷婦人乳癭肝家氣結血熱所
成子藏急痛由於血熱燥火槐爲苦寒純陰
之藥爲涼血要品故能除一切熱散一切結
清一切火如上諸病莫不由斯三者而成故
悉主之久服明目益氣頭不白延年者血分

無熱則目自明矣熱能傷氣除火熱則氣自
益矣涼血則髮不白熱去則陰精不損故引
年也其花味以苦勝故除手足陽明足厥陰
諸熱證尤長耳

主治參互

外臺秘要療虻蟲心痛取槐樹上木耳燒灰
末如棗許正發和水服若不止飲熱水一升
虻蟲出千金方療胎赤眼取槐枝如馬鞭



大長二尺作二段齊頭麻油一匙置銅鉢內
晨使童子一人以其木研之至暝乃止令仰
臥以塗兩眼背日三度差 古方以子入冬
月牛臙中漬之陰乾百日每日吞一粒久服
明目通神白髮還黑有痔及下血者尤宜服
之 千金方治九種心痛常太歲上取新生
槐枝一握去兩頭水三大升煎取一升頓服
千金翼治蠅螻瘡槐白皮醋浸半日洗之

及諸惡瘡 肘後方療腸痔大便常下血槐
樹上木耳取末飲方寸匕日三服 經驗方
治野雞痔用槐柳枝煎湯洗痔上便以艾灸
之七壯 又方治下血槐花荆芥穗等分爲
末酒調下一錢匕 梅師方治痔有蟲作癢
或下膿血多取槐白皮濃煎汁安盆內先熏
後洗良久欲大便當有蟲出不過三度卽愈
仍以其皮爲末綿裹內下部 孟詵必效方



療陰瘡溼癢槐樹北面不見日枝煎水洗三
五遍冷再煖之 太清草木方云槐者虛星
之精以十月上巳日採子服之去百病長生
通神又梁書言庾肩吾常服槐實年七十餘
髮鬢皆黑目看細字亦其驗也 外臺秘要
療內外痔用槐角子一斗搗汁曬稠取地膽
爲末同搗九梧子大每服十九兼作挺子內
下部或以苦參末代地膽亦可 聖濟總錄

治目熱昏暗槐子黃連各二兩爲末蜜丸梧
子大每漿水下二十九日二服 楊梅毒瘡
乃陽明積熱所生集簡方用槐花四兩畧炒
入酒二盞煎十餘沸熱服胃虛寒者勿服
醫方摘要療疥瘡腫毒一切癰疽不問已成
未成但焮痛者皆用槐花微炒核桃仁二兩
無灰酒一鍾煎十餘沸熱服未成者二三服
已成者一二服見效 摘玄方治白帶槐花




炒牡蠣煨等分爲末酒服三錢 聖惠方治
風熱牙痛槐枝燒熱烙之 普濟方療破傷
風用避陰槐枝上皮旋刻一片安傷處用艾
灸皮上百壯不痛灸至痛痛者灸至不痛用
火摩之 生生方治陰下溼癢槐白皮炒煎
水日洗

簡誤

槐性苦寒而屬純陰病人虛寒脾胃作泄及
陰虛血熱而非實熱者外證似同內因實異
卽不宜服

枸杞味苦寒根大寒子微寒無毒主五內邪氣
熱中消渴周痺風溼下胸脇氣客熱頭痛補內
傷大勞嘘吸堅筋骨強陰利大小腸久服堅筋
骨輕身不老耐寒暑

疏○枸杞感天令春寒之氣兼得乎地之冲
氣故其味苦甘其氣寒而其性無毒苗葉苦




甘性升且涼故主清上焦心肺客熱根名地
骨味甘淡性沉而大寒故主下焦肝腎虛熱
爲三焦氣分之藥經曰熱淫於內瀉以甘寒
者是已子味甘平其氣微寒潤而滋補兼能
退熱而專於補腎潤肺生津益氣爲肝腎真
陰不足勞乏內熱補益之要藥本經主五內
邪氣熱中消渴周痺別錄主風溼下胸膈氣
客熱頭痛當指葉與地骨皮而言以其寒能
除熱故也至於補內傷大勞噓吸堅筋骨強
陰利大小腸又久服堅筋骨輕身不老耐寒
暑者方是子之功用而非根葉所能辦矣老
人陰虛者十之七八故服食家爲益精明目
之上品昔人多謂其能生精益氣除陰虛內
熱明目者蓋熱退則陰生陰生則精血自長
肝開竅於目黑水神光屬腎二臟之陰氣增
益則目自明矣



主治參互

甘枸杞子得地黃五味子麥門冬地骨皮青
蒿鼈甲牛膝爲除虛勞內熱或發寒熱之要
藥加天門冬百部枇杷葉兼可治肺熱欬嗽
之因陰虛者 千金方枸杞煎治虛勞退虛
熱輕身益氣令一切癰疽永不發用枸杞三
十斤春夏用莖葉秋冬用根實以水一石煮
取五斗以滓再煎取三斗澄清去滓再煎取

二斗入鍋煎如餠收之每早酒服一合 經
驗方金髓煎枸杞子逐日摘紅熟者不拘多
少以無灰酒浸之蠟紙封固勿令洩氣兩月
足取入砂盆中搗爛濾取汁同浸酒入銀鍋
內慢火熬之不佳手攪恐黏滯不勻候成膏
如餠淨瓶密收每早溫酒服二大匙夜臥再
服百日身輕氣壯積年不輟可以羽化也
經驗方枸杞酒變白耐老輕身用枸杞子二



升十月壬癸日面東採之以好酒二升磁瓶
內浸三七日乃添生地黃汁三升攪勻密封
至立春前三十日開瓶每空心煖飲一杯至
立春後髭髮却黑勿食蕪菁葱蒜 瑞竹堂
方四神丸治腎經虛損眼目昏花或雲翳遮
睛甘枸杞子一斤好酒浸透分作四分一分
同蜀椒一兩炒一分同小茴香一兩炒一分
同芝蔴一兩炒一分同川棟肉一兩炒揀取

枸杞加熟地黃白朮白茯苓各一兩爲末煉
蜜丸日服 龍木論療肝虛下淚枸杞子二
斤絹袋盛浸一斗酒中密封三七日飲之
肘後方療目赤生翳枸杞搗汁日點三四次
神驗 聖惠方治面黧肝炮枸杞子十斤生
地三斤爲末每服方寸匕溫酒下日三服久
則如童顏 攝生方療注夏虛病枸杞子五
味子研細滾水泡代茶飲效 千金方治虛



勞客熱枸杞根爲末白湯調服有痼疾人慎
之 又方治虛勞苦渴骨節煩熱或寒用枸
杞根白皮切五升麥冬三升小麥二升水二
斗煮至麥熟去滓每服一升口渴卽飲 又
方治腎虛腰痛枸杞根杜仲草薢各一斤好
酒三斗漬之罌中密封鍋口煮一日飲之任
意 簡便方療小使出血鮮地骨皮洗搗自
然汁無汁則以水煎汁每服一盞入酒少許

食前溫服 千金方治帶下脉數枸杞根一
斤生地黃五斤酒一斗煮五升日日飲之
蘭臺秘藏治口舌糜爛因膀胱移熱於小腸
則上爲口糜心胃壅熱水穀不下地骨皮柴
胡各三錢水煎服之 衛生寶鑑療下疳先
以漿水洗之後搽地骨皮末生肌止痛 永
類方療婦人陰腫或生瘡枸杞根煎水頻洗
唐慎微本草療癰疽惡瘡膿血不止地骨



皮洗淨刮去粗皮取細白瓢以粗皮同骨煎湯洗令膿血盡以細瓢貼之立效 千金方治癰疽出汗此證手足肩背纍纍如赤豆用枸杞根葵根葉煮汁煎如飴隨意服之 閨閣事宜治足趾雞眼作瘡作痛地骨皮同紅花研細傅之次日卽愈 肘後方治火赫毒瘡此患急防毒氣入心腹枸杞搗汁服之立瘥 十便良方治目澀有翳枸杞葉車前葉

按汁以桑葉裹懸陰地一夜取汁點之不過三五度

簡誤

枸杞雖爲益陰除熱之上藥若病脾胃薄弱時時泄瀉者勿入須先治其脾胃俟泄瀉已止乃可用之卽用尚須同山藥蓮肉車前茯苓相兼則無潤腸之患矣

柏實味甘平無毒主驚悸安五藏益氣除風溼



痺療恍忽虛損吸吸歷節腰中重痛益血止汗
久服令人潤澤美色耳目聰明不饑不老輕身
延年 葉味苦微溫無毒主吐血衄血痢血崩
中赤白輕身益氣令人耐寒暑去溼痺生肌四
時各依方面採陰乾 栢白皮主火灼爛瘡長
毛髮

足厥陰少陰亦入手少陰經其主驚悸者心
藏神腎藏精與志心腎兩虛則病驚悸入心
故養神入腎故定志神志得所養而寧定則
其證自除矣芬芳則脾胃所喜潤澤則肝腎
所宜故能安五臟五臟皆安則氣自益矣心
主五色耳爲腎竅目爲肝竅加以久服氣專
其力自倍豈不令人潤澤美色耳目聰明不
饑不老輕身延年哉惟除風溼痺之功非潤



藥所能當是葉之能事耳別錄療恍忽卽驚悸之漸也虛損吸吸精氣微也歷節腰中重痛肝腎不足也汗乃心液心主血益陰血則諸證悉瘥矣 葉味苦而微溫義應並於微寒故得主諸血崩中赤白若夫輕身益氣令人耐寒暑則畧同於栢實之性矣惟生肌去溼痺乃其獨擅之長也 栢白皮主火灼爛瘡長毛髮者涼血之功也


主治參互

雷斅云栢葉有花栢葉叢栢葉及有子圓葉其有子圓葉成片如大片雲母葉皆側葉上有微赤毛者宜入藥用栢實凡使先以酒浸一宿至明漉出曬乾用黃精自然汁於日中煎之緩火煮成煎爲度每煎栢子仁三兩用酒五兩浸 服栢實法九月連房取實曝收去殼研末每服二錢溫酒下一日三服渴卽



飲水令人悅澤一方加松子仁等分以松脂
和丸一方加菊花等分蜜丸服 寇宗奭治
老人虛閉栢子仁松子仁大麻仁等分同研
鎔蜜蠟丸梧子大以少黃丹湯食前服二三
十九日二服 普濟方治小兒軀啼驚癇腹
滿大便青苔色用栢子仁末溫水調服一錢
陸氏積德堂方治黃水溼瘡真栢油二兩
熬稠搽之如神 葉甄權用以治冷風歷節

疼痛止尿血 日華子用以灸罽凍瘡燒取
汁塗頭黑潤鬢髮 蘇頌用以傅湯火傷止
痛滅癩服之療蠱痢作湯常服殺五臟蟲益
人 丹溪云栢屬陰與金善守故採其葉隨
月建方取其多得月令之氣此補陰之要藥
其性多燥久得之大益脾土以滋其肺 神
仙服餌方五月五日採五方側栢葉三斤遠
志去心二斤白茯苓一斤爲末煉蜜和丸梧



子大每以仙靈脾酒下三十九日再服竝無
所忌 楊氏家藏方治中風不省人事得病
之日便進此藥可使風退氣和不成廢人栢
藥一握去枝芴白一握連根研如泥無灰酒
一升煎一二十沸溫服如不飲酒分作四五
服方進他藥 聖惠方治憂恚吐血煩滿少
氣脇中疼痛栢葉爲散米飲調服二方寸匕
普濟方治衄血不止栢葉榴花研末吹之

百一選方治大腸下血隨四時方向採栢
葉燒研每米飲服二錢王渙之舒州病此陳
宜父大夫傳方二服愈 又方以栢葉一斤
搗令極勻加蜜丸如梧子大每五錢自湯空
心吞治腸風效 普濟方治酒毒下血或下
痢嫩栢葉九蒸九曬二兩陳槐花炒焦一兩
爲末蜜丸梧子大每空心溫酒下四十九
本草圖經治蠱痢下黑血茶脚色或膿血如



靛色栢葉焙乾爲末黃連和煎爲汁服之
經驗方治小兒洞痢栢葉煮汁代茶飲之

本草圖經治湯火灼燒栢葉生搗塗之繫定
二三日止痛滅癩 姚僧坦集驗方治鼠瘻

核痛未成膿以栢葉搗塗熨鹽熨之氣下卽
消 聖惠方治大風厲疾眉髮不生側栢葉
九蒸九曬爲末煉蜜九梧子大每服五丸至
十九日三夜一服百日卽生 聖惠方治頭

髮黃赤生側栢葉末一升猪膏一升和丸彈
子大每以布裹一丸納泔汁中化開沐之一
月色黑而潤矣

簡誤

栢子仁體性多油腸滑作瀉者勿服膈間多
痰者勿服陽道數舉腎家有熱暑溼作瀉法
咸忌之巴油者勿用入藥

茯苓味甘平無毒主胸脇逆氣憂志驚邪恐悸



心下結痛寒熱煩滿欬逆口焦舌乾利小便止
消渴好睡大腹淋瀝膈中痰水水腫淋結開胸
腑調藏氣伐腎邪長陰益氣力保神守中久服
安魂養神不饑延年其有抱根者名茯神
茯神平主辟不祥療風眩風虛五勞口乾止驚
悸多志怒善忘開心益智安魂魄養精神


疏○茯苓生於古松之下感土木之氣而成
質故其味甘平性則無毒入手足少陰手太

陽足太陰陽明經陽中之陰也胸脇逆氣邪
在手少陰也憂志驚邪皆心氣不足也恐悸
者腎志不足也心下結痛寒熱煩滿欬逆口
焦舌乾亦手少陰受邪也甘能補中淡而利
竅補中則心脾實利竅則邪熱解心脾實則
憂志驚邪自止邪熱解則心下結痛寒熱煩
滿欬逆口焦舌乾自除中焦受溼熱則口發
渴溼在脾脾氣弱則好睡大腹者脾土虛不



能利水故腹脹大也淋瀝者脾受溼邪則水道不利也膈中痰水水腫皆緣脾虛所致中焦者脾土之所治也中焦不治故見斯病利水實脾則其證自退矣開胸膈調臟氣伐腎邪者何莫非利水除溼解熱散結之功也長陰益氣力保神守中久服安魂養神不饑延年者補心脾伐腎邪除溼利竅之極功也白者入氣分赤者入血分補心益脾白優於赤

通利小腸專除溼熱赤亦勝白藥性論云茯苓臣忌米醋能開胃止嘔逆善安心神主肺痿痰壅治小兒驚癇療心腹脹滿婦人熱淋赤者破結氣日華子云茯苓補五勞七傷安胎煖腰膝開心益智止健忘 茯苓抱木心而生以此別於茯苓別錄謂茯苓平總之其氣味與性應是茯苓一體茯苓入脾腎之用多茯苓入心之用多故主辟不祥療風眩風



虛五勞口乾止驚悸多悲怒善忘開心益智
安魂魄養精神藥性論又云茯神君味甘無
毒主驚癇安神定志補勞乏主心下急痛堅
滿人虛而小腸不利加而用之其心名黃松
節治偏風口面喎斜毒風筋攣不語心神驚
掣虛而健忘其所主與茯苓大同小異耳

主治參互

白茯苓得煉蜜胡麻仁餌之可以辟穀延年

不饑 入五苓散利水除溼暑氣勝則去桂

得人參白朮橘皮山藥菟豆芍藥甘草爲

補脾胃之上藥 得二朮澤瀉車前白芍藥

橘皮木瓜豬苓爲消水腫之要劑 入六味

地黃丸能伐腎邪 入補心丹則補心安魂

養神 百一選方朱雀丸治心神不定恍惚

健忘不樂火不下降水不上升時復振跳常

服消陰養火全心氣茯神二兩去皮沉香半



兩爲末煉蜜丸小豆大每服三十丸食後人參湯下。證治要訣治血虛心汗別處無汗獨心孔有汗思慮多則汗亦多宜養心血以艾湯調茯苓末服一錢。直指方治心虛夢洩或白濁白茯苓末二錢米湯調下日二服東坡方也。威喜丸治丈夫元陽虛憊精氣不固小便下濁餘瀝常流夢寐多驚頻頻遺洩婦人白淫白帶並治之白茯苓去皮四兩

作價以猪苓四錢半入內煑二十餘沸取出日乾去猪苓爲末化黃蠟搜和丸彈子大每嚼一丸空心津下以小便清爲度忌米醋。三因方治小便淋濁由心腎氣虛神志不守或夢遺白濁赤白茯苓等分爲末新汲水飛去沫控乾以地黃汁同搗酒熬作膏和丸彈子大空心鹽湯嚼下一丸。禹講師方治妊娠水腫小便不利惡寒赤茯苓去皮葵子各




半兩爲末每服二錢新汲水下 普濟方治
卒然耳聾黃蠟不拘多少和茯苓末細嚼茶
湯下 夏子益奇疾方治血餘怪證十指節
斷壞惟有筋連無節肉蟲出如燈心長數寸
遍身綠毛卷名曰血餘以茯苓胡黃連煎湯
飲之愈 普濟方治水腫尿澀茯苓皮椒目
等分煎湯日飲取效

簡誤

病人腎虛小水自利或不禁或虛寒精清滑
皆不得服

琥珀味甘平無毒主安五藏定魂魄殺精魅邪
鬼消瘀血通五淋

疏○琥珀感土木之氣而兼火化故其味甘
平無毒而色赤陽中微陰降也入手少陰太
陽亦入足厥陰經專入血分五臟有所感觸
則不安能殺精魅邪鬼則五臟自安而魂魄




自定心主血肝藏血入心入肝故能消瘀血也藥性論云琥珀君治百邪產後血瘀作痛日華子云療蠱毒壯心明目磨翳止心痛癩邪破結癥正以其陽明之物又消瘀血故主上來諸病也若作傳藥能止血生肌合金瘡宋高祖時寧州貢琥珀枕碎以賜軍士傳金瘡其一證也出蜀賓國初如桃膠凝乃成焉海藥云是海松木中津液初如桃膠後乃凝

結性溫主止血生肌鎮心明目破癥瘕氣塊產後血暈悶絕兒枕痛等竝宜餌此以拾草通明而堅輕色赤者良

主治參互

得沒藥乳香延胡索乾漆鼈甲爲散治產後血暈有神佐以人參益母草澤蘭生地牛膝當歸蘇木作湯送前藥則治兒枕痛惡露不盡腹痛少腹痛寒熱等證極效和入大黃



鼈甲作散子酒下方寸七下婦人腹內惡血
同鼈甲京三稜各一兩沒藥延胡索各半
兩大黃六銖熬搗爲散空心酒服三錢治婦
人癥瘕氣塊及產後血暈悶絕兒枕痛甚虛
極者減大黃 同丹砂滑石竹葉麥冬木通
治心家有熱小腸受之因之小水不利立效
同人爪珍珠瑪瑙珊瑚除目翳赤障 得
丹砂犀角羚羊角天竺黃遠志茯神鎮驚主

諸癩 直指方治小兒胎驚琥珀防風各一
錢丹砂半錢爲末豬乳調一字入口中最妙
又方治小兒胎癩琥珀丹砂各少許全蝎
一枚爲末麥門冬湯調一字服 聖惠方治
小兒轉胞真琥珀一兩爲末用水四升芎白
十莖煮汁三升入琥珀末二錢溫服砂石諸
淋三服皆效 普濟方小便淋瀝琥珀爲末
二錢麝香少許白湯服之或萱草煎湯服老



人虛人以人參湯下亦可蜜丸以赤茯苓湯
下外臺秘要治從高墜下有瘀血在內刮
琥珀屑酒服方寸匕或入蒲黃二三匙日服
四五次鬼遺方治金瘡悶絕不識人琥珀
研粉童子小便調一錢三服瘥

簡誤

此藥畢竟是消磨滲利之性不利虛人大都
從辛溫藥則行血破血從淡滲藥則利竅行
水從金石鎮墜藥則鎮心安神凡陰虛內熱
火炎水涸小便因少而不利者勿服琥珀以
強利之利之則愈損其陰

酸棗仁味酸平無毒主心腹寒熱邪結氣聚四
肢酸疼溼痺煩心不得眠臍上下痛血轉久泄
虛汗煩渴補中益肝氣堅筋骨助陰氣能令人
肥健久服安五藏輕身延年
疏○酸棗仁得木之氣而兼土化故其實酸



平仁則兼甘氣味勻齊其性無毒爲陽中之
陰入足少陽手少陰足厥陰太陰之經專補
肝膽亦復醒脾從其類也熟則芳香香氣入
脾故能歸脾能補膽氣故可溫膽母子之氣
相通故亦主虛煩煩心不得眠其主心腹寒
熱邪結氣聚及四肢酸疼溼痺者皆脾虛受
邪之病脾主四肢故也膽爲諸臟之首十一
臟皆取決於膽五臟之精氣皆稟於脾故久

服之功能安五臟輕身延年也別錄主煩心
不得眠臍上下痛血轉久泄虛汗煩渴補中
益肝氣堅筋骨助陰氣能令人肥健者緣諸
證悉由肝膽脾三臟虛而發膽主升肝藏血
脾統血三臟得補久而氣增氣增則滿足故
主如上功能也

主治參互

君茯神遠志麥門冬石斛五味子龍眼人參



能止驚悸并一切膽虛易驚 入溫膽湯治
病後膽虛不眠 入歸脾湯治脾家氣血虛
自汗不眠驚悸不嗜食 太平聖惠方治骨
蒸不眠心煩用酸棗仁一兩炒研水二盞研
絞取汁煮粥熟下地黃汁一合再煮勻食
凡服固表藥而汗不止者用棗仁一兩炒研
同地黃白芍藥麥冬五味子龍眼肉竹葉煎
服多服取效汗乃心液故爾 簡便方治睡

中汗出卽盜汗用酸棗仁白茯苓人參等分
爲末每服一錢米飲下 外臺秘要療刺入
肉中棗仁核燒存性爲細末水服之立出

簡誤


凡肝膽脾三經有實邪熱者勿用以其收斂
故也

檉木

黃檉也

味苦寒無毒主五藏腸胃中結熱黃

痺腸痔止洩痢女子漏下赤白陰傷蝕瘡療驚



氣在皮間肌膚熱赤起日熱赤痛口瘡久服通

神

疏○黃檗稟至陰之氣而得清寒之性者也其味苦其氣寒其性無毒故應主五臟腸胃中結熱蓋陰不足則熱始結於腸胃黃瘧雖由溼熱然必發於真陰不足之人腸澼痔漏亦皆溼熱傷血所致洩痢者滯下也亦溼熱下犯腸胃之病女子漏下赤白陰傷蝕瘡皆

溼熱乘陰虛流客下部而成膚熱赤起目熱赤痛口瘡皆陰虛血熱所生病也以至陰之氣補至陰之不足虛則補之以類相從故陰回熱解溼燥而諸證自除矣乃足少陰腎經之要藥專治陰虛生內熱諸證功烈甚偉非常藥可比也潔古用以瀉膀胱相火補腎水不足堅腎壯骨髓療下焦虛諸痿癱瘓利下竅除熱東垣用以瀉伏火救腎水治衝脉氣



逆不渴而小便不通諸瘡痛不可忍丹溪謂
得知母滋陰降火得蒼朮除溼清熱爲治痿
要藥得細辛瀉膀胱火治口舌生瘡

主治叅互

黃檗爲足少陰腎經藥然以柴胡引之則入
膽以黃連葛根升麻引之則入腸胃及太陰
脾經治溼熱滯下 佐牛膝枸杞地黃五味
子鼈甲青蒿則益陰除熱 佐甘菊枸杞地

黃茨藜女貞實則益精明目 得豬膽汁水
銀粉則主諸熱瘡有蟲久不合口 得鉛丹
則生肌止痛 得木瓜茯苓二朮石斛地黃
則除溼健步 佐白芍藥甘草則主火熱腹
痛 外臺秘要治口中及舌上生瘡剉黃檗
含之 千金方治小兒重舌以黃檗苦竹瀝
浸點舌上 肘後方治咽喉卒腫食飲不通
黃檗搗末苦酒和敷腫上佳 又方治傷寒



時氣溫病毒攻手足腫痛欲斷亦治毒攻陰
腫細剉黃檗五斤以水三斗煮漬之傷寒類
要同 葛氏方治食自死六畜肉中毒黃檗
末服方寸匕未解再服之 經驗方治嘔血
黃檗蜜塗炙乾杵爲末用麥冬湯調下二錢
匕立瘥 梅師方治癰疽發背或發乳房初
起微赤不急治之卽殺人搗黃檗末和雞子
白塗之 簡要濟衆方治吐血熱極黃檗二

兩蜜炙搗末每服二錢溫糯米飲調下 十
全博救方治小兒熱瀉黃檗削皮焙爲末用
薄米飲丸如粟大每服十九米飲下 深師
方治傷寒熱病口瘡黃檗削去粗皮蜜漬一
宿唯欲令濃含其汁良久吐更含若胸中熱
有瘡時飲三五合尤佳 衍義云檗木今用
皮以蜜炙與青黛各一分同爲末入生龍腦
一字研勻治心脾熱舌頰生瘡當搽瘡上有



涎卽吐又張仲景檄皮湯無不驗傷寒論中
已著 婦人良方治妊娠下痢白色晝夜三
五十行根黃厚者蜜炒令焦爲末大蒜煨熟
去皮搗爛如泥和九梧子大每空心米飲下
三五十九日三服神妙不可述 潔古家珍
治赤白濁淫及夢洩精滑真珠粉九黃檗炒
真蛤粉各一斤爲末煉蜜九棗豆大每服一
百丸空心溫酒下黃檗苦而降火蛤粉鹹而

補腎也又方加知母炒牡蠣煨山藥炒等分
爲末糊九梧子大每服八十九丸鹽湯下 許
學士本事方治積熱夢遺心忪恍忽膈中有
熱宜清心丸主之黃檗末一兩片腦一錢煉
蜜九梧子大每服十五丸麥冬湯下此大智
禪師方也 三因方治口疳臭爛綠雲散黃
檗五錢銅綠二錢爲末摻之漱去涎 聖惠
方治鼻疳有蟲黃檗二兩冷水浸一宿絞汁



溫服 普濟方治鬚毛毒瘡生頭中初生如
蒲桃痛甚黃檗一兩乳香二錢半爲末槐花
煎水調作餅貼於瘡上 子母秘錄治小兒
臍瘡不合者黃檗末塗之 又方治賺瘡熱
瘡黃檗末一兩輕粉三錢猪膽汁調搽之或
只用蜜炙黃檗末一味 張杲醫說治火毒
生瘡凡人冬月向火火氣入內兩股生瘡其
汁淋漓用黃檗木摻之立愈一婦生此人無

識者用此而愈 宣明方歛瘡生肌黃檗末
麩糊調塗效

簡誤

黃檗固能除熱益陰然陰陽兩虛之人病兼
脾胃薄弱飲食少進及食不消或兼泄瀉或
惡冷物及好熱食腎虛天明作泄上熱下寒
小便不禁少腹冷痛子宮寒血虛不孕陽虛
發熱瘀血停滯產後血虛發熱金瘡發熱癰



疽潰後發熱傷食發熱陰虛小水不利痘後
脾虛小水不利血虛不得眠血虛煩躁脾陰
不足作泄等證法咸忌之
楮實味甘寒無毒主陰痿水腫益氣充肌膚明
目久服不饑不老輕身

疏○楮實稟土氣以生故其味甘氣寒無毒
氣薄味厚陰也降也入足太陰經其主水腫
益氣充肌膚者脾爲上臟而主肌肉脾虛則

肌肉不充土虛則水溼泛濫甘爲土化能入
脾堅土則水腫消肌肉充氣自益矣明目者
目得血而能視脾旺自能生血也陰痿者精
氣竭也脾實則能生精而灌注於腎故陰自
強也補脾益氣則五臟皆實不饑不老輕身
是其驗矣

主治參互
活法機要治水氣蠱脹楮實子丸以潔淨府



用楮實一斗水三斗熬成膏茯苓三兩白丁香一兩半爲末以膏和丸梧子大從少至多至小便清利脹減爲度後服治中湯養之忌甘苦峻補及發動之物 劉禹錫傳信方治女子月經不絕來無時者取案紙三十張燒灰以清酒半升和調服之頓定蓐中血暈服之立驗已斃者去板齒灌之經一日亦活 聖惠方治癰溼癩用楮葉搗爛傅上 外臺

秘要治天行病後兩脇脹滿臍下如水腫以穀枝汁隨意服愈 用後方治鼻衄小勞輒出楮葉取汁飲三升良 子母秘錄治小兒下痢赤白作渴得水又嘔逆者構葉炙香以飲漿半升浸至水綠去葉以木瓜一箇切內汁中煮二三沸去木瓜細細飲之 聖惠方治通身水腫楮枝葉煎如餠空腹服一七日三服 直指方肝熱生翳楮實研細食後蜜



湯服一錢日再服 外臺秘要治金瘡出血
穀子搗傅之

簡誤

楮實雖能消水補脾然氣亦微寒脾胃虛寒
者不宜用

乾漆味辛溫無毒有毒主絕傷補中續筋骨填
髓腦安五藏五緩六急風寒溼痺療欬嗽消痰
血痞結腰痛女子疝瘕利小腸去蛇蟲

疏○乾漆稟火金之氣以生故其味辛氣溫
火金相搏則未免有毒別錄言之為當矣甄
權加鹹宗奭加苦氣味俱厚通行腸胃入肝
行血之藥也凡風寒溼邪之中人留而不去
則腸胃鬱而生蟲久則五臟六腑皆受病或
為癰瘻或為拘攣所自來矣此藥能殺蟲消
散逐腸胃一切有形之積滯腸胃既清則五
臟自安痿緩痺急自調矣又損傷一證專從



血論蓋血者有形者也形質受病惟辛溫散
結而兼鹹味者可入血分而消之瘀血消則
絕傷自和筋骨自續而髓腦自足矣其主痞
結腰痛女子疝瘕者亦指下焦血分受寒血
凝所致利小腸者取其通行經脈之功耳至
於療咳嗽雖非正治然亦有瘀血停積發爲
骨蒸勞瘵以致咳嗽者得其消散瘀血之力
則骨蒸退而咳嗽亦除也誤中漆毒者多食

蟹及甘豆湯解之

主治參互

同廬蟲桃仁當歸紅花蘇木牡丹皮五靈脂
延胡索牛膝治腹中瘀血作痛或產後感寒
惡露未盡結成痞塊作痛者加入乾薑澤蘭
同棟根鶴蝮蝨槓榔錫灰薏苡根烏梅龍膽
草能殺腸胃一切諸蟲 同牛膝牡丹皮續
斷赤芍藥桃仁乳香沒藥紅花延胡索鼈甲




治女子月閉因於瘀血臍腹作痛畏寒及不
發熱不口渴者可加桂 同豨薟葉生地黃
半枝蓮胡麻荆芥何首烏天門冬苦參可療
紫雲風 入仲景大黃廔蟲丸中治五勞虛
極羸瘦腹滿不能飲食內有乾血肌膚甲錯
簡誤
乾漆味辛有毒瘀血得之卽化成水其消散
之功可知凡經閉由於血虛而非有瘀血結

塊阻塞者切勿輕創

○漆葉味辛無毒圖經曰彭城樊阿少師事華
陀陀授以漆葉青黏散云服之去三蟲利五
臟輕身益氣使人頭不白

五加皮味辛溫微寒無毒主心腹疝氣腹痛益
氣療躄小兒不能行疽瘡陰蝕男子陰痿囊下
溼小便餘瀝女人陰癢及腰脊痛兩腳疼痺風
弱五緩虛羸補中益精堅筋骨強志意久服輕



身耐老

疏○五加皮在天得少陽之氣爲五車星之精在地得火金之味故其味辛其氣溫而其性無毒別錄加苦微寒氣味俱厚沉而陰也入足少陰足厥陰經觀本經所主諸證皆因風寒溼邪傷於二經之故而溼氣尤爲最也其治痛氣腹痛療疔小兒不能行陰蝕疽瘡男子陰痿囊下溼小便餘瀝女人陰癢脊痛

兩脚疼痺風弱者何莫非二經受風寒溼邪所致經云傷於溼者下先受之又云地之溼氣感則害人皮肉筋脉肝腎居下而主筋骨故風寒溼之邪多自二經先受此藥辛能散風溫能除寒若能燥溼二臟得其氣而諸證悉瘳矣又溼氣浸淫則五臟筋脉緩縱溼氣留中則虛羸氣乏溼邪旣去則中焦治而筋骨自堅氣日益而中自補也其主益精強志



者腎藏精與志也輕身者除風溼之效也耐
老者補肝腎之功也昔人云寧得一把五加
不用金銀滿車寧得一斤地榆安用明月寶
珠又昔魯定公母單服五加酒以致不死又
東華真人煮石法用玉鼓金鹽玉鼓地榆也
金鹽五加也世爲僊經所須其能輕身耐老
又可知矣

主治參互

得牛膝木瓜黃檗麥門冬生地黃薏苡仁石
斛虎脛骨山藥治溼熱痿痺腰已下不能行
動水同續斷杜仲牛膝山茱萸巴戟天破故
紙治腎虛寒溼客之作腰痛 同二朮萆薢
石菖蒲薏苡仁白蒺藜甘菊花防風羌活獨
活白蘚皮石斛治風寒溼成痺 同石菖蒲
連翹蒼朮黃檗黃耆薏苡仁金銀花鼈蝮胡
麻木瓜土茯苓治下部溼瘡久不愈兼治膿



窠瘡如神 同黃檗末菖蒲末蛇床子俱爲
細末傅囊溼神效如欲作湯沐加荆芥苦參
防風 一味釀酒飲之治風痺四肢拘攣
全幼心鑑治小兒三歲不能行用此便走五
加皮五錢牛膝木瓜各二錢半爲末每服五
分米飲入酒二三滴調服

簡誤

下部無風寒溼邪而有火者不宜用肝腎虛

而有火者亦忌之

牡荊實味苦溫無毒主除骨間寒熱通利胃氣

止欬逆下氣

得水而實青箱共療
頭風防風爲之使

疏○牡荊實感仲夏之氣以生故其味苦氣

溫無毒可升可降陽也入足陽明厥陰經其

主骨間寒熱通利胃氣止欬逆下氣者蓋足

陽明爲十二經脉之長厥陰爲風木之位外

邪傷於二經則寒熱留連於筋骨而胃氣壅



滯苦溫能通行散邪則胃氣利而寒熱自除
欬逆亦邪氣壅胃所致邪散氣下則欬逆自
止矣

主治參互


外臺秘要頭風痛取荆瀝不拘多少服日日
服之 朱震亨治心痛及婦人白帶用牡荆
實炒焦爲末飲服 入折傷藥能散瘀血和
筋骨

簡誤

病非于外邪者一槩不宜用

蔓荆實味苦辛微寒平溫無毒主筋骨間寒熱
溼痺拘攣明目堅齒利九竅去白蟲長蟲主風
頭痛腦鳴目淚出益氣久服輕身耐老令人光
澤脂緻

疏○蔓荆實稟陽氣以生兼得金化而成神
農味苦微寒無毒別錄加辛平溫察其功用




應是苦溫辛散之性而寒則甚少也氣清味薄浮而升陽也入足太陽足厥陰兼入足陽明經其主筋骨間寒熱溼痺拘攣風頭痛腦鳴目淚出者蓋以六淫之邪風則傷筋寒則傷骨而爲寒熱甚則或成溼痺或爲拘攣又足太陽之脉夾脊循項而絡於腦目爲厥陰開竅之位邪傷二經則頭痛腦鳴目淚出此藥味辛氣溫入二臟而散風寒溼之邪則諸

證悉除矣邪去則九竅自通痺散則光澤脂緻其主堅齒者齒雖屬腎而牀屬陽明陽明客風熱則上攻牙齒爲動搖腫痛散陽明之風熱則齒自堅矣去白蟲長蟲者假其苦辛之味耳益氣輕身耐老必非風藥所能也

主治參互

同甘菊花荆芥酒炒黃芩烏梅芽茶白蒺藜川芎羌活黑豆土茯苓治偏頭風痛目將損



者


簡誤

頭目痛不因風邪而由於血虛有火者忌之
元素云胃虛人不可服恐生痰疾

辛夷味辛溫無毒主五藏身體寒熱風頭腦痛
面黥溫中解肌利九竅通鼻塞涕出治面腫引
齒痛眩冒身兀兀如在車船之上者生鬚髮去
白蟲久服下氣輕身明目增年耐老可作膏藥

用之去心及外毛毛射人肺令人欬

疏○辛夷稟春陽之氣以生故其味辛氣溫
性無毒氣清而香味薄而散浮而升陽也入
手太陰足陽明經其主五臟身體寒熱風頭
腦痛面黥解肌通鼻塞涕出面腫引齒痛者
皆二經受風邪所致足陽明主肌肉手太陰
主皮毛風邪之中人必自皮毛肌肉以達於
五臟而變爲寒熱又鼻爲肺之竅頭爲諸陽



之首三陽之脉會於頭面風客陽分則爲頭痛面黯鼻塞涕出面腫引齒痛辛溫能解肌散表芳香能上竅頭目逐陽分之風邪則諸證自愈矣眩冒及身兀兀如在車船之上者風主搖動之象故也風邪散中氣溫則九竅通矣大風之中人則毛髮脫落風溼之浸溼則腸胃生蟲散風行溼則鬚髮生而蟲自去矣久服下氣輕身明目增年耐老悉非風藥所能雖出自神農本經然而易世相傳得無謬說存而不論可也

主治參互

同甘菊花蒼耳子薄荷細辛甘草羌活藁本防風川芎治風寒入腦頭痛或鼻塞流涕或鼻淵涕下不止腥臭

簡誤


辛香走竄之性氣虛人不宜服雖偶感風寒



鼻竅不通亦不得用頭腦痛屬血虛火熾者
不宜用齒痛屬胃火者不宜用
桑上寄生味苦甘平無毒主腰痛小兒背強癱
腫安胎充肌膚堅髮齒長鬚眉主金瘡去痺女
子崩中內傷不足產後餘疾下乳汁其實主明
目輕身通神

疏○桑寄生感桑之精氣而生其味苦甘其
氣平和不寒不熱固應無毒許其主治一本

於桑抽其精英故功用比桑尤勝腰痛及小
兒背強皆血不足之候癰腫多由於榮氣熱
肌膚不充由於血虛齒者骨之餘也髮者血
之餘也益血則髮華腎氣足則齒堅而鬚眉
長血盛則胎自安女子崩中及內傷不足皆
血虛內熱之故產後餘疾皆由血分乳汁不
下亦由血虛金瘡則全傷於血上來種種疾
病莫不悉由血虛有熱所發此藥性能益血



故竝主之也兼能祛溼故亦療痺 實味甘
平亦益血之藥故主治如經所云也

主治參互

同枸杞子地黃胡麻川續斷何首烏當歸牛
膝治血虛手臂骨節疼痛 入獨活寄生湯
療一切風溼痺 聖惠方療胎動腹痛桑寄
生一兩五錢阿膠炒五錢艾葉五錢水一盞
半煎一盞去滓溫服或去艾葉以其熱也

杜仲味辛甘平無毒主腰脊痛補中益精氣堅
筋骨強志除陰下癢溼小便餘瀝脚中酸痛不
欲踐地久服輕身耐老

疏○杜仲稟陽氣之微得金氣之厚故其味
辛氣平無毒別錄加甘溫甄權言苦煖應是
辛甘勝而苦次之溫暖多而平爲劣也氣薄
味厚陽中陰也入足少陰兼入足厥陰經按
本經所主腰脊痛益精氣堅筋骨脚中酸痛



不欲踐地者蓋腰爲腎之府經曰動搖不能
腎將憊矣又腎藏精而主骨肝藏血而主筋
二經虛則腰脊痛而精氣乏筋骨軟而脚不
能踐地也五臟苦欲補瀉云腎苦燥急食辛
以潤之肝苦急急食甘以緩之杜仲辛甘具
足正能解肝腎之所苦而補其不足者也強
志者腎藏志益腎故也除陰下癢溼小便餘
瀝者祛腎家之溼熱也益腎補肝則精血自

足故久服能輕身耐老其主補中者肝腎在
下臟中之陰也陰足則中亦補矣

主治參互

同牛膝枸杞子續斷白膠地黃五味子兔絲
子黃蘗山藥治腎虛腰痛及下部軟弱無力
崔元亮海上方治腎虛腰痛用杜仲去皮
酥炙黃一斤分作十劑每夜取一劑以水一
升浸至五更煎三分減一取汁去滓以羊腎



三四枚切片放下再煎三五沸如作羹法和以椒鹽空腹頓服得效方治風冷傷腎腰背虛痛杜仲一斤切炒酒二升漬十日日服三合肘後方治病後虛汗及目中流淚杜仲牡蠣等分爲末臥時水服五匕不止更服簡便方治頻慣墮胎或三四月卽墮者於兩月前以杜仲八兩糯米煎湯浸透炒去絲續斷二兩酒浸焙乾爲末以山藥五六兩爲末作糊丸梧子大每服五十九空心米飲下

青娥丸

見補骨脂條下

簡誤

腎虛火熾者不宜用卽用當與黃檗知母同入

楓香脂味辛苦平無毒主癰瘰風癢浮腫齒痛

一名白膠香

附李時珍治一切癰疽瘡疥金瘡吐血咯血活血生肌止痛解毒燒

過措牙永無牙疾



疏○楓香脂屬金有火故其味辛苦氣平無
毒氣薄味厚陽中之陰也入足厥陰爲活血
涼血之藥凡熱則生風又血熱則壅而發癰
癰風爲木化風火相搏則爲浮腫若平能涼
血熱兼辛又能散風故主血熱生風之證風
火旣散則肌肉和而浮腫自消齒痛亦因風
熱上攻風熱旣散則痛亦止矣

主治參互

五十八

袖珍方治便癰膿血白膠香一兩爲末入麝
香輕粉少許摻之 直指方諸瘡不合白膠
香輕粉各二錢豬脂和塗 儒門事親一切
惡瘡水沉金絲膏用白膠香瀝青各一兩以
麻油黃蠟各二錢同溶化入冷水中扯千遍
攤貼之 危氏得效方年久牙疼楓香脂爲
末以香爐內灰和勻每旦揩擦
楓香近世爲外科要藥除外科無別用故不



著簡誤

女貞實味苦甘平無毒主補中安五藏養精神除百疾久服肥健輕身不老

疏○女貞實稟天地至陰之氣故其木凌冬不凋神農味苦氣平別錄加甘無毒觀今人用以爲變白多效者應是甘寒涼血益血之藥氣薄味厚陰中之陰降也入足少陰經夫足少陰爲藏精之臟人身之根本虛則五臟

雖無病而亦不安百疾叢生矣經曰精不足者補之以味蓋腎本寒因虛則熱而軟此藥氣味俱陰正入腎除熱補精之要品腎得補則五臟自安精神自足百疾去而身肥健矣其主補中者以其味甘甘爲土化故能補中也所主如上功能則輕身不老蓋有自矣此藥有變白明目之功累試輒驗而經文不載爲闕畧也葉長子黑色者爲女貞葉微圓子



紅色者爲凍青亦能治風虛補益肌膚

主治參互

同地黃何首烏人參麥門冬旱蓮草南燭子
牛膝枸杞子山藥沒食子桑椹子黃檗椒紅
蓮鬚爲變白要藥 同甘菊花生地黃蒺藜
枸杞子能明目 簡便方治虛損百病久服
鬚白再黑返老還童用女貞實十月上巳日
收陰乾用時以酒浸一日蒸透曬乾一斤四

兩旱蓮草五月收陰乾十兩爲末桑椹子四
月收陰乾十兩爲末煉蜜丸如梧子大每服
七八十九淡鹽湯下若四月收桑椹搗汁和
藥七月收旱蓮搗汁和藥卽減蜜之半矣
濟急僊方治風熱赤眼冬青子不拘多少搗
汁重湯熬膏淨瓶收固每用點眼 普濟方
治一切眼疾冬青葉研爛入朴硝貼之海上
方也



簡誤

氣味俱陰變白家當雜保脾胃藥及椒紅溫
煖之類同施不則恐有腹痛作泄之患

○拘骨本經附出女貞條下不載氣味所主然
觀陳藏器云其皮堪浸酒補腰膝令健枝葉
燒灰淋汁或煎膏塗白癩風亦可作稠煎傅
之應是苦寒無毒氣味俱陰入肝入腎之藥
也惟其入肝故主白癩風蓋肝爲風木之位

藏血之臟血虛則發熱熱甚則生風苦寒能
涼血清熱故主之也其補腰膝令健者腰爲
腎之府腎虛則溼熱乘之而腰膝不利又腎
爲作強之官虛則熱而軟故其性欲堅急食
苦以堅之此藥味苦入腎正遂其欲堅之性
耳腎氣旣實則溼熱自除而腰膝自健矣

主治參互

秘方取其葉煮飲治痰火甚驗蓋痰火未有



不因陰虛火炎上燉乎肺煎熬津液而成此藥直入足少陰經補養陰氣則痰火自消如釜底抽薪之意也兼能散風毒惡瘡昔有老妓患楊梅結毒三十年者有道人教以單服此藥瘡愈而顏色轉少皆假其清熱涼血之功耳一名樞木黑子者名極木又名貓兒刺用作羅經入地不差

簡誤

脾胃虛寒作泄及火衰陰痿者忌之

蕤核味甘溫微寒無毒主心腹邪結氣明目目赤痛傷淚出目腫昔爛鬮鼻破心下結痰痞氣久服輕身耐老不饑

疏○蕤核得土氣以生神農味甘氣溫別錄加微寒無毒氣薄味厚陽中之陰也入足厥陰經厥陰爲風木之臟開竅於目風熱乘肝則肝血虛而目爲之病或爲赤痛腫傷或爲



淚出眚爛此藥溫能散風寒能除熱甘能補血肝氣和而目疾悉瘳矣其主心腹邪結氣者卽邪熱氣也熱則生痰痰礙中焦氣爲之痞甘寒除熱溫主通行熱邪去而痰自不生痰結解而氣自通暢矣鼻齟者熱在上焦心肺之分也甘寒總能除上下之熱故亦主之非養性益精之藥而云輕身益氣不饑者未必然也

主治參互

和劑局方春雪膏治肝虛風熱上攻眼目昏暗癢痛隱澀赤腫羞明迎風有淚多見黑花用麩核去皮壓去油二兩腦子二錢半研勻生蜜六錢和收點眼 集效方百點膏治一切風熱眼麩仁去油三錢甘草防風各六錢黃連五錢以三味煎取濃汁次下麩仁膏日點



簡誤

目病非關風熱而因於肝腎兩虛者不宜用
凡脩事湯浸去皮尖劈作兩片用芒硝木通
通草同煎一伏時取出研膏入藥

丁香味辛溫無毒主溫脾胃止霍亂擁脹風毒
諸腫齒疔蠶能發諸香

疏○丁香稟純陽之氣以生故其味辛氣溫
性無毒氣厚味薄升也陽也入足太陰足陽

明經其主溫脾胃止霍亂擁脹者蓋脾胃爲
倉廩之官飲食生冷傷於脾胃留而不去則
爲壅塞脹滿上湧下泄則爲揮霍撩亂辛溫
煖脾胃而行滯氣則霍亂止而擁脹消矣齒
疔蠶者亦陽明溼熱上攻也散陽明之邪則
疔蠶自除療風毒諸腫者辛溫散結而香氣
又能走竅除穢濁也

主治叅互



同白豆蔻藿香陳皮厚朴砂仁治霍亂因於寒加生薑半夏治吐嘔因於寒冷傷胃或寒月飽食受寒腹痛甚同砂仁厚朴乾薑橘皮草果蒼朮木香麥蘖治小兒傷生冷腹痛劉氏小兒方治小兒虛寒吐瀉丁香橘皮等分薑汁糊丸菜豆大米湯化下全幼心鑑治小兒脾胃虛寒嘔吐不止丁香半夏末各一錢薑汁浸一夜曬乾爲末薑汁打麩爲

丸黍米大量大小用薑湯下和劑局方治婦人產難母丁香乳香麝香三件用十分之三各爲末臘月兔腦和杵爲丸如芡實大每服一九酒下梅師方治乳頭破裂丁香末傅之證治要訣食蟹致傷丁香末薑湯服五分入陳氏異攻散治痘瘡虛寒之極又值冬月寒氣薄之發不出者

簡誤




丁香氣味辛溫一切有火熱證者忌之非屬
虛寒槩勿施用

沉香微溫療風水毒腫去惡氣

疏○沉香稟陽氣以生兼得雨露之精氣而
結故其氣芬芳其味辛而無毒氣厚味薄可
升可降陽也入足陽明太陰少陰兼入手少
陰足厥陰經本經療風水毒腫者卽風毒水
腫也風爲陽邪鬱於經絡遇火相煽則發出

諸毒沉香得雨露之精氣故能解風火之毒
水腫者脾溼也脾惡溼而喜燥辛香入脾而
燥溼則水腫自消凡邪惡氣之中人必從口
鼻而入口鼻爲陽明之竅陽明虛則惡氣易
入得芬芳清陽之氣則惡氣除而脾胃安矣
附錄李珣味苦溫無毒主心腹痛霍亂中惡
邪鬼疰清人神竝宜酒煮服之諸瘡腫宜入
膏用日華子味辛熱無毒主調中補五藏益



精壯陽煖腰膝去邪氣止轉筋吐瀉冷氣破
痲癰冷風麻痺骨節不任風溼皮膚癢心腹
痛氣痢元素補右腎命門相火

主治參互

同人參菖蒲遠志茯神酸棗仁生地黃麥門
冬治思慮傷心心氣鬱結不舒者得木香
藿香砂仁治中惡腹中疔痛辟一切惡氣
同蘇子橘紅枇杷葉白豆蔻人參麥門冬治

胸中氣結或氣逆不快醫壘元戎治胞轉
不通非小腸膀胱厥陰受病乃強忍房事或
過忍小便所致當治其氣則愈非利藥可通
也沉香木香各二錢爲末白湯空腹服之以
通爲度
本簡誤
沉香治冷氣逆氣氣鬱氣結殊爲要藥然而
中氣虛氣不歸元者忌之心經有實邪者忌




之非命門真火衰者不宜入下焦藥用

檀香

本經無正文弘景云白檀消熱腫藏器主心腹霍亂中惡鬼氣殺蟲日華子云檀香熱無毒治心痛霍亂腎氣腹痛濃煎服水磨傅外腎并腰腎痛處詳其所主諸證亦是芬芳開發辟惡散結除冷之藥也今人多供燃焚非上乘沉水者不入藥

乳香微溫療風水毒腫去惡氣療風癰癧瘰癧毒疏○乳香得木氣而兼火化本經微溫大明辛熱微毒元素苦辛氣厚味薄陽也入足太陰手少陰兼入足厥陰經風水毒腫邪干心脾惡氣內侵亦由二經虛而邪易犯癰癧瘰癧毒總因心脾爲風溼熱邪所干致之脾主肌肉而痛癢瘡瘍皆屬心火此藥正入二經辛香能散一切畱結則諸證自瘳矣日華子云




煎膏止痛長肉陳藏器云治婦人血氣瘵諸瘡令內消則今人用以治內傷諸痛及腫毒內服外敷之藥有自來矣

主治叅互

同紫花地丁白及白欬金銀花夏枯草白芷連翹貝母甘菊甘草穿山甲沒藥治一切癰疽疔腫 同續斷牛膝當歸紅麴牡丹皮沒藥地黃川芎治內傷胸脇作痛 同沒藥牛

膝澤蘭黑豆蒲黃五靈脂延胡索牡丹皮山查治產後兒枕作痛 入一切膏藥能消毒止痛 靈苑方治甲疽弩肉膿血疼痛不愈用乳香爲末膽礬燒研等分傅之內消卽愈 山居四要治玉莖作腫乳香葱白等分搗敷 簡要濟衆方難產催生用明乳香爲末取母猪血和丸梧子大每服五丸酒下

簡誤



癰疽已潰不宜服諸瘡膿多時未宜遽用

降真香

李珣云味辛溫無毒燒之辟天行時氣宅舍怪異小兒帶之辟邪惡氣

疏○降真香香中之清烈者也故能辟一切惡氣不祥入藥以番舶來者色較紅香氣甜而不辣用之入藥殊勝色深紫者不良上部傷瘀血停積胸膈骨按之痛或并脇肋痛此吐血候也急以此藥刮末入藥煎服之良治內傷或怒氣傷肝吐血用此以代鬱金神效

名醫錄云周崇被海寇刃傷血出不止筋骨如斷用花蕊石散不效軍士李高用紫金散掩之血止痛定明日結痂如鐵遂愈且無癢痕叩其方則用紫藤香斃瓦刮下研末爾云卽降真之最佳者曾救萬人

蘇合香味甘溫無毒主辟惡殺鬼精物溫瘧蟲毒癰疽去三蟲除邪令人無夢魘久服通神明

輕身長年

瘧作瘧



疏○蘇合香聚諸香之氣而成故其味甘氣
溫無毒凡香氣皆能辟邪惡况合衆香之氣
而成一物者乎其走竅逐邪通神明殺精鬼
除魘夢溫瘧蟲毒宜然矣亦能開鬱
金櫻子味酸澀平溫無毒療脾泄下痢止小便
利澀精氣久服令人耐寒輕身

疏○金櫻子得陽氣而兼木化故其味酸澀
氣平溫無毒氣薄味厚陰中陽也入足太陽
手陽明兼入足少陰經十劑云澀可去脫脾
虛滑洩不禁非澀劑無以固之膀胱虛寒則
小便不禁腎與膀胱爲表裏腎虛則精滑時
從小便出此藥氣溫味酸澀入三經而收斂
虛脫之氣故能主諸證也精固則精氣日生
而陽氣充骨髓滿故耐寒輕身也

主治參互

和芡實粉爲丸名水陸丹益氣補真 孫真



人食忌金櫻子煎霜後用竹夾子摘取入木
臼中杵去刺劈去核以水洗過搗爛入大鍋
水煎不得絕火減半濾過仍煎似稀飴每服
一匙煖酒調服活血駐顏其功不可備述

簡誤

泄瀉由於火熱暴注者不宜用小便不禁及
精氣滑脫因於陰虛火熾而得者不宜用

放杖木味甘溫無毒主一切風血理腰腳輕身

變白不老浸酒服之

生溫括陸發山中樹如木
天蓼老人服之一月放杖

故以
為名

疏○放杖木得土氣以生故味甘氣溫無毒
甘入脾而養血溫散風而通行故主一切風
血腰腳為病變白易老亦皆血虛不能榮養
筋骨及潤毛髮所致甘能補血血足則髮自
不自身輕不老有自來矣



神農本草經疏卷之十二

神農本草經疏卷之十三

木部中品

總九十二種今疏其要者二十六種

桑根白皮

葉耳堪灰
枝黃附

竹葉

茹瀝
附

吳茱萸

檳榔

梔子

騏驎竭

龍腦香

蕪荑

枳殼

枳實

厚朴

茗苦椽

山茱萸

紫葳



神農本草經疏卷之十二

神農本草經疏卷之十三

木部中品

總九十二種今疏其要者二十六種

桑根白皮

葉耳堪灰
枝黃附

竹葉

茹瀝
附

吳茱萸

檳榔

梔子

騏驎竭

龍腦香

蕪荑

枳殼

枳實

厚朴

茗苦椽

山茱萸

紫葳



上者殺人

胡桐淚	豬苓	烏藥
沒藥	安息香	仙人杖
海桐皮	大腹	合歡
五倍子	天竺黃	蜜蒙花

桑根白皮味甘寒無毒主傷中五勞六極羸瘦崩中脉絕補虛益氣去肺中水氣唾血熱渴水腫腹滿臙脹利水道去寸白可以縫金瘡出土

疏○桑根白皮得土金之氣故味甘氣寒而無毒東垣海藏俱云兼辛然甘厚辛薄降多升少陽中陰也入手太陰經甘以固元氣而補不足辛以瀉肺邪之有餘故能止嗽也凡肺中有水氣及肺火有餘者宜之傷中者中氣傷也五勞者五臟勞傷也六極者六腑之中氣極也羸瘦者肌肉脫也崩中者血脫也脉絕者氣血兩虛之至故脉不來也之數者



皆由陰不足則陽有餘陽有餘則火盛而內
熱火與元氣不兩立火能消物造化自然也
惟甘也可以補元氣惟寒也可以除內熱熱
除矣元氣生矣則上來諸證自瘳故本經終
之以補虛益氣焉別錄去肺中水氣者卽十
劑中云燥可去溼桑白皮之屬是已吐血熱
渴者熱傷肺火炎迫血妄行溢出上竅而兼
發熱作渴也其主水腫腹滿臃脹者卽利水

道除溼補虛之功也溼熱盛則寸白生消除
溼熱則蟲自不能留也縫金瘡者甘寒補益
宜於傷損也

主治參互

得天麥二冬款冬花百部薄荷甘草沙參貝
母枇杷葉五味子爲治嗽要藥得芍藥薏
苡仁木瓜茯苓橘皮赤小豆爲治水腫之神
劑經驗方治咳嗽吐血甚者鮮桑根白皮



一斤米泔浸三宿刮去黃皮剉細入糯米四兩焙乾爲末每服一錢米飲下 肘後方治消渴尿多人地三尺桑根剉取白皮炙黃黑剉以水煮濃汁隨意飲之亦可少入米勿用鹽 肘後方治產後下血炙桑白皮煮水飲之 經驗方治墜馬拘損桑根白皮五斤爲末以水五升煎膏敷之便止已後亦無宿血終不發動 子母秘方治小兒重舌桑根白

三

皮煮汁塗乳上飲之 聖惠方治小兒流涎脾熱也胸膈有痰新桑根白皮搗自然汁飲之甚效煎飲亦良 聖惠方治小兒天吊驚癇取家桑東行根研汁服 千金方治石癰堅硬不作膿者桑白皮陰乾爲末烱膠和酒調傅以軟爲度 蘇頌取皮中白汁主治小兒口瘡白漫拭淨塗之便愈又塗金刃所傷烙痛須臾血止仍以白皮裹之甚良 時珍



疏○葉本經無氣味詳其主治應是味甘氣寒性無毒甘所以益血寒所以涼血甘寒相合故下氣而益陰是以能主陰虛寒熱及因內熱出汗其性兼燥故又能除脚氣水腫利大小腸原稟金氣故又能除風經霜則兼得天地之清肅故又能明目而止渴髮者血之餘也益血故又能長髮涼血故又止吐血合癰口瘡穿掌療湯火皆清涼補血之功也

簡誤

○桑葉主除寒熱出汗汁解蜈蚣毒
肺虛無火因寒襲之而發咳嗽者勿服

取汁塗蛇蜈蚣蜘蛛傷有驗 取枝燒瀝治大風瘡疥生眉髮 子母秘錄治小兒鵝口桑皮汁和胡粉塗之 聖惠方治小兒唇腫桑木汁塗之卽愈 摘玄方治破傷中風桑瀝好酒對和溫服以醉爲度醒服消風散




主治參互

四月採桑葉酒拌九蒸九曝爲末胡麻或黑
芝麻去殼九蒸九曝另磨如泥各等分煉蜜
和爲丸每五六錢空心饑時白湯下能益氣
血祛風仙家餌之爲引年止饑之要藥普
濟方治青盲洗法昔武勝軍宋仲孚患此二
十年用此法二年目明如故摘青桑葉曬乾
逐月按日就地燒存性每以一合於甕器

五

內煎減二分傾出澄清溫熱洗目至百度屢
試有驗正月初八二月初八三月初六四月
初四五月初六六月初二七月初七八月二
十九九月十二十月十三十一月初二十二
月三十集簡方治風眼下淚臘月不落桑
葉煎湯日日溫洗或入芒硝千金方治頭
髮不長用桑葉麻葉煮泔水沐之七日可長
數尺聖濟總錄治吐血不止晚桑葉焙乾




研涼茶服三錢只一服止後用補肝肺藥
直指方治癰口不斂經霜黃桑葉爲末傅之
通玄論治穿掌腫毒新桑葉研爛罨之卽
愈 醫學正傳治湯火傷瘡經霜桑葉燒存
性爲末油和敷之三日愈
○桑耳味甘有毒黑者主女子漏下赤白沃血
病癥瘕積聚陰痛陰陽寒熱無子療月水不
調其黃熟陳白者止久洩益氣不饑其金色

者治癖飲積聚腹痛金瘡 桑耳煨存性研
細香附童便炒黑研細每用桑耳灰二分香
附末三分淡醋湯空心調服治血崩奇效過
於他木耳

○桑椹味甘寒無毒單食止消渴陳藏器利五
藏關節通血氣久服不饑安魂鎮神令人聰
明變白不老多收暴乾爲末蜜丸日服時珍
搗汁飲解中酒毒釀酒服利水氣消腫

一名文武




疏○桑椹者桑之精華所結也其味甘其氣寒其色初丹後紫味厚於氣合而論之甘寒益血而除熱其爲涼血補血益陰之藥無疑矣消渴由於內熱津液不足生津故止渴五臟皆屬陰益陰故利五臟陰不足則關節之血氣不通血生津滿陰氣長盛則不饑而血氣自通矣熱退陰生則肝心無火故魂安而

神自清寧神清則聰明內發陰復則變白不老甘寒除熱故解中酒毒性寒而下行利水故利水氣而消腫皆自然之道也


主治參互

寇宗奭曰本經言桑甚詳獨遺烏椹然桑之精英盡在於此採摘微研以布濾汁石器熬成稀膏量入多少蜜熬稠貯斃器中每抄一二錢食後夜臥以沸湯點服治服金石藥發



熱口渴生精神及小腸熱甚 僊方日乾爲
未蜜和丸酒服亦良 四時月令云四月宜
飲桑椹酒能理百種風熱其法用桑椹汁三
斗重湯煮至一斗半入白蜜二合酥油一兩
生薑汁一合煮令得所瓶收每服一合和酒
飲之亦可以汁熬燒酒藏之經年味愈佳
普濟方治水腫脹滿水不下則滿溢水下則
虛竭還脹十無一活宜用桑椹酒治之桑白

皮切以水二斗煮汁一斗入桑椹再煮取五
升以糯米飯五升釀酒飲 保命集治療癰
結核文武膏用文武實卽桑椹子三斗黑熟
者以布取汁銀石器熬成膏每白湯調服一
匙日三服 千金方治小兒赤禿桑椹子取
汁頻服 聖濟錄治小兒白禿黑椹入罌中
曝三七日化爲水洗之三七日神效 集簡
方治陰證腹痛桑椹絹包風乾過伏天爲細



末每服三錢熱酒下取汗

簡誤

甘寒帶滑故潤而下行脾胃虛寒作泄者勿服

○桑柴灰味辛寒有小毒淋取汁與冬灰等分同滅痣疣黑子蝕惡肉煑赤小豆食大下水脹傅金瘡止血生肌 桑霜卽灰汁以桑皮綿紙襯淘籬底用滾水淋下斃器盛之重湯

煮乾別名木蝨能鑽筋透骨爲傅癰疽拔疔引諸散毒藥攻毒之要品 得丹砂雄黃乳下沒藥牛黃龍腦香紅白藥子白及白欵傅一切腫毒止痛追毒有奇效 得鐵鏽蟾酥可拔疔

○枝味苦平性不冷不熱主遍體風癢乾燥火氣脚氣風氣四肢拘攣上氣眼暈肺氣欬嗽消食利小便療癰疽後渴嫩條細搗一升熬



香煎飲亦無禁忌久服終身不患偏風 聖
惠方治紫白癩風桑枝十斤益母草三斤水
五斗慢煮至五升去滓再煎成膏每臥時溫
酒調服半合以愈爲度


○桑黃氣味與白皮同其除肺熱之功殆又過
之山家老桑樹多生湖桑少見 同天門冬

百部山梔枇杷葉治赤鼻有神

竹葉味辛平大寒無毒主胸中痰熱欬逆上氣

疏○竹葉稟陰氣以生本經味辛平氣大寒
無毒甄權言甘寒氣薄味厚陰中微陽降也
入足陽明手少陰經陽明客熱則胸中生痰
痰熱壅滯則欬逆上氣辛寒能解陽明之熱
結則痰自消氣自下而欬逆止矣仲景治傷
寒發熱大渴有竹葉石膏湯無非假其辛寒
散陽明之邪熱也

主治參互




煎湯調酸棗仁炒熟末五錢臨臥服治心虛
不得眠 同麥門冬酸棗仁遠志丹參茯神
丹砂犀角治心經蘊熱虛煩不眠 入白虎
湯治傷寒煩熱大渴引飲 肘後方治時行
發黃竹葉五升小麥七升石膏三兩水一斗
半煮取七升細服盡劑愈
○淡竹茹味甘微寒無毒主嘔哕溫氣寒熱吐
血崩中

疏○竹茹雖與竹葉同本然竹茹得土氣多
故味帶甘氣微寒無毒入足陽明經經曰諸
嘔吐酸水皆屬於熱陽明有熱則爲嘔哕溫
氣寒熱亦邪客陽明所致甘寒解陽明之熱
則邪氣退而嘔哕止矣甘寒又能涼血清熱
故主吐血崩中及女勞復也

主治參互

同木瓜橘皮麥門冬枇杷葉人參蘆根汁石



解治胃虛有熱嘔啞不止 活人書治傷寒
愈後交接女勞復頭痛身熱耳鳴口渴腰骨
痛男子卵腫股痛竹皮一升水三升煮五沸
服汁 又方治婦人大病初愈有所動勞致
熱氣衝胸手足搐搦拘急如中風狀淡竹青
茹半斤括樓二兩水二升煎一升分二服

簡誤

胃寒嘔吐及感寒挾食作吐忌用

○淡竹瀝味甘大寒無毒療暴中風痺胸中大
熱止煩悶消渴勞復

疏○竹瀝竹之津液也經云大寒亦言其本
性耳得火之後寒氣應滅性滑流利走竅逐
痰故爲中風家要藥凡中風之證莫不由於
陰虛火旺煎熬津液結而爲痰壅塞氣道不
得升降熱極生風以致猝然僵仆或偏痺不
仁此藥能遍走經絡摻剔一切痰結兼之甘




寒能益陰而除熱痰熱既祛則氣道通利經
脉流轉外證自除矣其主胸中大熱止煩悶
者取其甘寒清熱益陰之功耳觀古人以竹
瀝治中風則知中風未有不因陰虛痰熱所
致不然如果外來風邪安得復用此甘寒滑
利之藥治之哉

主治參互

同貝母栝樓仁霞天膏白芥子蘇子橘紅鬱

金童便麥門冬治似中風口眼喎斜語言蹇
澀或半身不遂等證 千金方治中風口噤
竹瀝加薑汁日日飲之 梅師方治產後中
風口噤身直面青手足反張以竹瀝飲一二
升卽甦 外臺秘要治破傷中風凡閃脫折
骨諸瘡慎不可當風用扇中風則發瘳口噤
項急殺人亟飲竹瀝二三升忌飲食及酒
千金方小兒傷寒淡竹瀝葛根汁各六合細




細與服 至寶方小兒狂語夜後便發竹瀝
夜服二合 產寶方婦人胎動妊娠因夫所
動困絕以竹瀝飲一升立愈 梅師方孕婦
子煩茯苓二兩竹瀝一升水四升煎二升分
三服 千金方時氣煩躁五六日不解青竹
瀝半盞煎熱數飲之覆取微汗 李絳兵
部手集欬嗽肺痿大人小兒欬逆短氣胸中
吸吸欬出涕唾嗽出臭膿用淡竹瀝一合服

之日三五次以愈爲度

簡誤

寒痰溼痰及飲食生痰不宜用

吳茱萸味辛溫大熱有小毒主溫中下氣止痛
欬逆寒熱除溼血痺逐風邪開腠理去痰冷腹
內絞痛諸冷實不消中惡心腹痛逆氣利五藏
疏○吳茱萸稟火氣以生故其味辛氣溫有
小毒甄權辛苦大熱氣味俱厚陽也入足陽




明太陰兼入足少陰厥陰經凡脾胃之氣喜
溫而惡寒寒則中氣不能運化或爲冷實不
消或爲腹內絞痛或寒痰停積以致氣逆發
欬五臟不利辛溫煖脾胃而散寒邪則中自
溫氣自下而諸證悉除其主除溼血痺逐風
邪者蓋以風寒溼之邪多從脾胃而入脾胃
主肌肉爲邪所侵則腠理閉密而寒熱諸痺
所從來矣辛溫走散開發故能使風寒溼之

邪從腠理而出中惡腹痛亦邪惡之氣干犯
脾胃所致入脾散邪則腹痛自止矣

主治參互

仲景吳茱萸湯治少陰病吐利手足逆冷煩
躁欲死者吳茱萸一斤人參二兩生薑六兩
大棗十二枚劈四味以水七升煮二升去滓
溫服七合日三服厥陰乾嘔吐涎沫頭痛者
同此方 又當歸四逆加吳茱萸湯治厥陰



證手足厥冷脉細欲絕其人內有久寒者當
歸三兩芍藥三兩炙甘草二兩通草二兩桂
枝三兩細辛三兩生薑半斤吳茱萸二升大
棗二十五枚以水六升清酒六升同煮取五
升去滓分五服 食療治冬月感寒吳茱萸
五錢煎湯服之取汗 聖惠方治陰毒傷寒
四肢逆冷用吳茱萸一升酒拌溼絹袋二箇
包蒸極熱更互熨足心候氣透痛亦卽止累

有效 肘後方治寒疝往來吳茱萸一兩生
薑半兩清酒一升煎分溫服 聖惠方治食
已吞酸胃虛冷者吳茱萸湯泡七次焙乾薑
等分爲末湯服一錢 孫氏存仁方治多年
脾泄老人多此謂之水土同化吳茱萸三錢
泡入水煎汁入鹽少許通口服蓋茱萸能煖
膀胱水道旣清大腸自固他藥雖熱不能分
解清濁也 和劑局方戊巳丸治脾胃受溼



下痢赤白腹痛米穀不化用吳茱萸黃連白芍藥各一兩同炒爲末蒸餅丸梧子大每服二三十丸米飲下

簡誤

陽厥似陰手足雖逆冷而口多渴喜飲水大小便秘結小便或通亦赤澀短少此火極似水守真所謂禁慄如喪神守皆屬於火之謂耳此與桂附乾薑之類同忌嘔吐吞酸屬胃

火者不宜用欬逆上氣非風寒外邪及冷痰宿水所致不宜用腹痛屬血虛有火者不宜用赤白下痢病名滯下因暑邪入於腸胃而非酒食生冷停滯積垢者不宜用小腸疝氣非驟感寒邪及初發一二次者不宜用霍亂轉筋由於脾胃虛弱冒暑所致而非寒溼生冷干犯腸胃者不宜用一切陰虛之證及五臟六腑有熱無寒之人法所咸忌



檳榔味辛溫無毒主消穀逐水除痰癖殺三蟲
伏尸療寸白

疏○檳榔得天之陽氣地之金味故味辛氣
溫無毒大明言澀元素言苦以其感盛夏之
火氣耳氣薄味厚陽中微陰降也入手足陽
明經夫足陽明爲水穀之海手陽明爲傳道
之官二經相爲貫輸以運化精微者也二經
病則水穀不能以時消化羈留而成痰癖或

溼熱停久則變生諸蟲此藥辛能散結破滯
苦能下泄殺蟲故主如上諸證也甄權宜利
五臟六腑壅滯破胸中氣下水腫治心痛積
聚日華子下一切氣通關節利九竅健脾胃
中破癥結李珣主賁豚氣五膈氣風冷氣脚
氣宿食不消皆取其辛溫走散破氣墜積能
下腸胃有形之物耳

主治參互



司草果枳實橘皮治食瘧加三稜蓬茂礬紅
紅麩山查麥蘖消一切堅硬肉食及諸米麩
生冷食積成塊作痛 同黃連藕豆蓮肉橘
紅白芍藥紅麩烏梅葛根枳殼治滯下後重
同雷丸使君子白蕪荑蘆薈肉豆蔻胡黃
連治小兒疳虵 同棟根鶴蝩錫灰薏苡根
貫衆烏梅治一切寸白蟲 同蒼朮草果青
皮甘草治山嵐瘴氣發瘧 直指方心脾作

痛雞心檳榔高良薑各一錢半陳米百粒同
以水煎服之 廣利方脚氣衝心悶亂不識
人用白檳榔十二分爲末分二服空心煖小
便調下日二服 十便良方蟲痔裏急檳榔
爲末每日空心以白湯調二錢 千金方寸
白蟲病檳榔二七枚爲末先以水二升半煮
檳榔片取一升空心調末方寸匕服之經日
蟲盡出未盡再服以盡爲度




檳榔性能墜諸氣至於下極病屬氣虛者忌之脾胃虛雖有積滯者不宜用下利非後重者不宜用心腹痛無留結及非蟲攻咬者不宜用瘧非山嵐瘴氣者不宜用凡病屬陰陽兩虛中氣不足而非腸胃壅滯宿食脹滿者悉在所忌

梔子味苦寒大寒無毒主五內邪氣胃中熱氣

面赤酒皸皸鼻白癩赤癩瘡瘍療目熱赤痛胸心大小腸大熱心中煩悶

疏○梔子感天之清氣得地之苦味故其性無毒氣薄而味厚氣浮而味沉陽中陰也入手太陰手少陰足陽明經少陰爲君主之官邪熱客之則五臟皆失所主清少陰之熱則五內邪氣自去胃中熱氣亦除面赤酒皸皸鼻者肺熱之候也肺主清肅酒熱客之卽見




是證於開竅之所延及於面也肺得苦寒之氣則酒熱自除而面鼻赤色皆退矣其主赤白癩瘡瘍者卽諸痛痒瘡瘍皆屬心火之謂療目赤熱痛及胸心大小腸大熱心中煩悶者總除心肺二經之火熱也此藥味苦氣寒瀉一切有餘之火故能主如上諸證

主治參互

仲景治傷寒汗吐下後虛煩不得眠及心中

懊懣者有梔子豉湯用梔子十四枚香豉四合水煎服 入茵陳大黃湯治傷寒溼熱發黃腹脹梔子十四枚茵陳六兩大黃三兩水一斗先煮茵陳減六升內二味煮取三升分三服小便當利尿如皂角汁狀正赤一宿腹減黃從小便出也 同甘草黃檗爲梔子檨皮湯亦治發黃身熱 同厚朴枳實爲梔子厚朴湯治傷寒下後心煩腹滿臥起不安者



得吐卽愈 同鼠矢作湯治大病後勞復小
便不利者小便利卽愈已上皆仲景法 同
連翹麥門冬竹葉燈心草生甘草黃連能瀉
心經有餘之火加赤茯苓木通滑石澤瀉瀉
小腸火 同桑黃或桑白皮黃芩甘草桔梗
五味子乾葛治酒熱傷肺發出鼻衄 同茵
陳蒿滑石車前子秦艽黃連連錢草首菖治
酒熱發黃 梅師方治熱病後勞復及因交

接後發動欲死不能語者梔子三十枚水三
升煎一升服令微汗 救急方治湯盪火傷
梔子末和雞子清濃塗之 丹溪方治胃脘
火痛山梔七枚炒水一盞煎七分入生薑汁
飲之立止

簡誤

梔子稟至苦大寒之氣苦寒損胃而傷血凡
脾胃虛弱者忌之血虛發熱者忌之性能瀉



有餘之火心肺無邪熱者不宜用小便不通
由於膀胱虛無氣以化而非熱結小腸者不
宜用瘡瘍因氣血虛不能收斂則爲久冷敗
瘡非溫煖補益之劑則不愈此所謂既潰之
後一毫寒藥不可用是也世人又以治諸血
證不知血得熱則行得寒則凝瘀血凝結於
中則反致寒熱或發熱勞嗽飲食減少爲難
療之病凡治吐血法當以順氣爲先蓋血隨

氣而行氣降則火降火降則血自歸經不求
其止而止矣此治療之要法不可違也

騏驎竭味甘鹹平有小毒主五藏邪氣帶下止

痛破積血金瘡生肉

舊與紫鑛同
條今分出

疏○騏驎竭稟土氣而兼水化故味甘鹹氣
平無毒丹房鑑源云稟於熒惑之氣生於湯
石之陰其色赤象火而味鹹則得陰氣也氣
薄味厚陰也降也入足厥陰手少陰經甘主




補鹹主消散瘀血生新血之要藥故主破積
血金瘡止痛生肉主五臟邪氣者卽邪熱氣
也帶下者溼熱傷血分所致也甘鹹能涼血
除熱故悉主之蘇恭主心腹卒痛李珣以之
治傷折打損一切疼痛血氣攪刺內傷血聚
者誠爲此耳

此藥產外國極難得真者理傷折有奪命之功

主治參互

同乳香沒藥自然銅麻皮灰狗頭骨煨存性


廣蟲黃荆子骨碎補治一切打撲損傷同
髮灰乳香沒藥片腦輕粉象牙末紅粉霜爲
細末摻一切金瘡及腫毒生肌止痛廣利
方金瘡出血騏驎竭末傳之立愈醫林集
要產後血衝心胸喘滿命在須臾用血竭沒
藥各一錢研童便和酒調服究原方收斂
瘡口血竭末一字龍腦少許大棗燒灰半錢
同研津調塗之摘玄方胸中血塊血竭沒



藥各一兩滑石牡丹皮各一兩同煮過爲末
醋糊丸梧子大空心服之醫林集要嵌甲
疼痛血竭末傅之
簡誤
凡使勿用海母血真相似只是味鹹并腥氣
騏驎竭味微鹹甘似梔子氣也又云嚼之不
爛如蠟者爲上凡血病無瘀積者不必用目
華子云此藥性急不可多使却引膿用時勿
與衆藥同研化作飛塵也

龍腦香味辛苦微寒一云溫平無毒主心腹邪
氣風溼積聚耳聾明目去目赤膚癢

疏○龍腦香稟火金之氣以生本經味辛苦
氣微寒無毒其香爲百藥之冠凡香氣之甚
者其性必溫熱李珣言溫元素言熱是矣氣
芳烈味大辛陽中之陽升也散也性善走竄
開竅無往不達芳香之氣能辟一切邪惡辛




熱之性能散一切風溼故主心腹邪氣及風溼積聚也耳聾者竅閉也開竅則耳自聰目赤膚翳者火熱甚也辛溫主散能引火熱之氣自外而出則目自明赤痛膚翳自去此從治之法也別錄又主婦人難產者取其善走開通關竅之力耳

主治參互

同乳香沒藥雄黃紅藥子烏雞骨白及白欬

桑礪城牛黃傳一切疔腫癰疽神效 聖濟
總錄目生膚翳龍腦爲末日點三五度 御
醫院方頭目風熱上攻用龍腦末半兩南蓬
砂末一兩頰嚙兩鼻 瀕湖集簡方風熱喉
痺燈心一錢黃礪五分竝燒存性白礬七分
煨過片腦三分爲末每以一二分吹患處此
陸一峰家傳絕妙方也 又方鼻中息肉垂
下者用片腦點之自入 夷堅志傷寒舌出



過寸者梅花片腦半分爲末摻之隨手而愈
又方中風牙噤無門下藥者開關散措之
五月五日午時用龍腦天南星等分爲末每
以一字措齒二三十遍其口自開 經驗方
痘瘡狂躁心煩氣喘妄語或見鬼神瘡色赤
未透者用龍腦一錢細研旋以猪心血丸芡
子大每服一丸紫草湯下少時心神便定得
睡發瘡 總微論用獼猪第二番血清半杯

紫草汁半杯和勻入龍腦一分溫服良久下
瘀血一二行瘡卽紅活此治痘瘡黑靨惡候
醫所不治者百發百中

簡誤

宗奭云此物大通利關膈熱寒大人小兒風
涎閉塞及暴得驚熱甚爲濟用然非常服之
藥震亨云龍腦屬火世知其寒而通利未達
其熱而輕浮飛越喜其香而貴重動輒與麝




同爲桂附之助然人之陽易動陰易虧不可
不思杲曰龍腦入骨風病在骨髓者宜用之
爲引經若風在血脉肌肉輒用腦麝反引風
入骨髓如油入麩莫之能出也觀三公之言
則龍腦之爲害可知凡中風非外來之風邪
乃因氣血虛而病者忌之小兒吐瀉後成驚
者爲慢脾風切不可服急驚屬實熱可用慢
驚屬虛寒不可用眼目昏暗屬肝腎虛者不

宜入點藥設誤點之必致昏暗難療

蕪荑味辛平無毒主五內邪氣散皮膚骨節中
淫淫溫行毒去三蟲化食逐寸白散腸中噉噉
喘息

疏○蕪荑稟金氣而生於春陽之令本經味
辛氣平無毒甄權加苦李珣加溫詳其功用
應是苦辛溫平之藥非辛溫則不能散五臟
皮膚骨節中邪毒氣非苦平則不能去三蟲



化食逐寸白療腸中噉噉喘息然察其所主
雖能除風淫邪氣之爲害而其功則長於走
腸胃殺諸蟲消食積也故小兒疳瀉冷痢爲
必資之藥

主治參互

同肉豆蔻胡黃連盧會使君子青黛五殺蟲
雷丸檳榔橘皮治小兒疳熱瀉痢及腹大羸
瘦面黃好喫泥土 本事方制殺諸蟲生蕪


莢生檳榔各四兩爲末蒸餅丸如梧子每服
二十九白湯下 錢氏小兒直訣疳熱有蟲
瘦悴久服充肌用蕪莢一兩黃連一兩爲末
豬膽汁七枚和入盃內飯上蒸之一日蒸一
次九蒸乃入麝香半錢湯浸蒸餅和丸菜豆
大每服五七丸至二十九米飲下 危氏得
效方蟲牙作痛以蕪莢仁安蛀孔中及縫中
甚效 入藥用大者小者卽榆莢不堪入藥



除疔證殺蟲外他用甚稀故不著簡誤
枳殼味苦酸微寒無毒主風痒麻痺通利關節
勞氣欬嗽背膊悶倦散雷結胸膈痰滯逐水消
脹滿大腸風安胃止風痛

疏○枳殼氣味所主與枳實大畧相同但枳
實形小其氣全其性烈故善下達如少年猛
悍之將勇往直前而一無回顧者也枳殼形
大其氣散其性緩故其行稍遲是以能入胸

膈肺胃之分及入大腸也其主風痒麻痺通
利關節止風痛者蓋肺主皮毛胃主肌肉風
寒溼入於二經則皮膚瘙痒或作痛或麻木
此藥有苦泄辛散之功兼能引諸風藥入於
二臟故爲治風所需風邪旣散則關節自然
通利矣其療勞氣咳嗽背膊悶倦者蓋亦指
風寒鬱於上焦則肺氣滯而爲悶倦咳嗽經
曰肺苦氣上逆急食苦以泄之枳殼味苦能



泄至高之氣故主之也又肺與大腸爲表裏
風邪入肺則併入大腸風熱相搏而爲腸風
下血苦寒下泄之氣則血熱清而風自除矣
其主散雷結胸膈痰滯逐水消脹滿安胃諸
證悉與枳實相同第其氣稍緩耳


主治參互

同蘇子橘皮桔梗木香白豆蔻香附治上焦
壅氣脹滿因於寒 同黃連槐花乾葛防風

荆芥芍藥黃芩當歸生地黃地榆側柏葉治
腸風下血初起者神效 同荆芥苦參防風
蒼耳草敗蒲煎湯沐浴治風疹作痒 同檳
榔芍藥黃連升麻葛根甘草紅麴滑石治滯
下裏急後重 得人參麥冬治氣虛大便不
快 同肉桂治右脇痛

簡誤


枳殼泄肺能損至高之氣肺氣虛弱者忌之



脾胃虛中氣不運而痰壅喘急者忌之咳嗽
不因於風寒入肺氣壅者服之反能作劇咳
嗽陰虛火炎者服之立致危殆一槩胎前產
後咸不宜服今世多用以治婦人胎氣不安
或至八九月爲易產之劑動輒資用殊不知
婦人懷孕全賴氣血以養胎氣血充足則胎
自易產且娠婦至八九月精神困倦四肢軟
弱飲食減少動息喘促何莫非虛弱之證而

更用此耗散之藥耶正經所謂損不足而虛
其虛豈不大謬哉古方有瘦胎飲者爲湖陽
公主而設以彼奉養太過其氣必實故用此
以耗其有餘之氣則胎易產今人不知古人
立方之意一概濫施誤甚誤甚


枳實味苦酸寒微寒無毒主大風在皮膚中如
麻豆苦痒除寒熱結止痢長肌肉利五藏益氣
輕身除胸脇痰癖逐停水破結實消脹滿心下



急痞痛逆氣脇風痛安胃氣止澹洩明目

疏○枳實感天地苦寒之氣以生故其味苦
氣寒無毒別錄雷公加酸甄權加辛察其功
用必是苦爲最而酸辛次之氣味俱厚陰也
入足陽明太陰經細詳神農主治與本藥氣
味大不相侔究其所因必是枳殼所主蓋二
物古文原同一條後人分出時誤入耳其別
錄所主除胸脇痰癖逐停水破結實消脹滿

心下急痞痛逆氣脇風痛安胃氣止澹洩者
是其本分內事皆足陽明太陰受病二經氣
滯則不能運化精微而痰癖停水結實脹滿
所自來矣胃之上口名曰賁門賁門與心相
連胃氣壅則心下亦自急痞痛邪塞中焦則
升降不舒而氣上逆肝木鬱於地下則不能
條達而脇痛得其破散衝走之力則諸證悉
除所以仲景下傷寒腹脹實結者有承氣湯



胸中痞痛者有陷胸湯潔古療心下痞滿者
有枳朮丸壅滯既去則胃氣自安而滄洩亦
止矣未云明目者經曰目得血而能視氣旺
乃能生血損氣破散之性豈能明目哉無是
理也

主治參互

同三稜蓬茂青皮檳榔爲消磨堅積之劑然
須能食脾胃健者宜之 同白朮橘皮厚朴

甘草砂仁爲枳朮丸治心下痞滿因於食
入陷胸湯治傷寒寒熱結胸 入大小承氣
湯治傷寒熱邪入裏結實脹滿痛不可當數
日不更衣者


簡誤

此藥性專消導破氣損真觀朱震亨云瀉痰
有衝墻倒壁之力其爲勇悍之氣可知凡中
氣虛弱勞倦傷脾發爲痞滿者當用補中益




氣湯補其不足則痞自除此法所當忌也脹滿非實邪結於中下焦手不可按七八日不更衣者必不可用挾熱下痢亦非燥糞留結者必不可用傷食停積多因脾胃虛不能運化所致慎勿輕餌如元氣壯實有積滯者不得忌用一二劑病已即去之即潔古所製枳朮丸亦爲脾胃有積滯者設積滯去則脾胃自健故謂之益脾胃之藥非消導之外復有

補益之功也時醫不識病之虛實藥之補瀉往往概施損人真氣爲厲不淺設誤投之雖多服參耆補劑亦難挽其刻削之害也世人多蹈其弊故特表以爲戒
厚朴味苦溫大溫無毒主中風傷寒頭痛寒熱驚悸氣血痺死肌去三蟲溫中益氣消痰下氣療霍亂及腹痛脹滿胃中冷逆胸中嘔不止洩痢淋露除驚去畱熱心煩滿厚腸胃



疏○厚朴稟地二之氣以生兼得乎春陽之氣而成故其味苦其氣溫甄權苦辛大熱應是辛熱苦溫之藥辛熱太過則其性宜有毒以其得陽氣之正故無毒耳氣味俱厚陽中之陰降也入足太陰手足陽明經其主中風傷寒頭痛寒熱氣血痺死肌者蓋以風寒外邪傷於陽分則爲寒熱頭痛風寒溼入腠理則氣血凝澀而成痺甚則肌肉不仁此藥辛

能散結苦能燥溼溫熱能祛風寒故悉主之也別錄又主溫中消痰下氣療霍亂及腹痛脹滿胃中令逆胸中嘔不止洩痢心煩滿者何莫非腸胃氣逆壅滯及痰飲留結飲食生令所致得此下洩開通溫熱煖胃則諸證不求其止而止矣至於淋露雖屬下焦爲病然多因胃家溼熱下流三蟲亦腸胃溼熱所生若能燥溼殺蟲故亦主之也本經又主驚悸




及別錄除驚去留熱者皆非其所宜驚悸屬
心虛於脾胃絕無相干氣味大溫之藥又豈
能去留熱哉至益氣厚腸胃蓋亦指邪氣去
正氣自益之謂積滯消腸胃自厚之意耳非
消散之外復有補益之功也用者詳之

主治參互

同陳皮枳殼麥蘗草果山查砂仁礬紅治傷
食腹脹 同橘皮黃連甘草蒼白朮葛根治

溼熱作瀉 同檳榔木香黃連滑石橘皮甘
草白芍藥治滯下初起 同白朮人參白芍
藥茯苓消腹脹 佐生薑橘皮藿香砂仁半
夏止胃寒嘔吐 同三稜蓬茂檳榔人參青
皮治積年冷癖堅塊 同蒼朮橘皮甘草爲
平胃散治胸中敦厚之氣使飲食倍增 聖
惠方治痰壅嘔逆心胸滿悶不下飲食用厚
朴一兩薑汁炙黃爲末米飲調下二錢匕




張仲景金匱方治腹脹脉數厚朴三物湯用
厚朴半斤枳實五枚以水一斗二升煎取五
升入大黃四兩再煎取三升溫服一升轉動
更服不動勿服 又七物厚朴湯治腹痛脹
滿用厚朴半斤甘草大黃各三兩棗十枚枳
實五枚桂二兩生薑五兩以水一斗煎取四
升溫服八合日三嘔者加半夏五合

簡誤

三十八

厚朴氣味辛溫性復大熱其功長於泄結散
滿溫煖脾胃一切飲食停積氣壅暴脹與夫
冷氣逆氣積年冷氣入腹腸鳴虛吼痰飲吐
沫胃冷嘔逆腹痛泄瀉及脾胃壯實之人偶
感風寒氣實人誤服參耆致成喘脹誠爲要
藥然而性專消導散而不收畧無補益之功
故凡嘔吐不因寒痰冷積而由於胃虛火氣
炎上腹痛因於血虛脾陰不足而非停滯所



致洩瀉因於火熱暴注而非積寒傷冷腹滿
因於中氣不足氣不歸元而非氣實壅滯中
風由於陰虛火炎猝致僵仆而非西北真中
寒邪傷寒發熱頭疼而無痞塞脹滿之候小
兒吐瀉乳食將成慢驚大人氣虛血槁見發
膈證老人脾虛不能運化偶有停積娠婦惡
阻水穀不入娠婦胎升眩暈娠婦傷食停冷
娠婦腹痛瀉利娠婦傷寒傷風產後血虛腹

痛產後中滿作喘產後洩瀉反胃已上諸證
法所咸忌若誤投之輕病變重重病必危世
人不究其原一概濫用雖或一時未見其害
而清純沖和之氣默爲之耗矣可不慎哉
茗苦茶茗味甘苦微寒無毒主瘦瘡利小便去
痰熱渴令人少睡○苦茶主下氣消食

疏○茗稟土中之清氣兼得春初生發之意
本經味甘氣微寒無毒藏器言苦然亦有不




若者氣薄味厚陰中微陽降也入手太陰少陰經太陰爲清肅之臟喜涼而惡熱熱則生痰而津液竭故作渴也瘦瘠者大腸積熱也小便不利者小腸熱結也甘寒入心肺而除熱則津液生痰熱解臟氣既清腑病不求其止而止矣令人少睡者蓋心藏神神昏則多睡清心經之熱則神常自惺寂故不寐也下氣消食者若能下泄故氣下火降而兼滌除

腸胃則食自消矣

主治參互

同黃連酸棗仁生用通草蓮實治多睡好眠
同當歸川芎烏梅黑豆生地黃土茯苓甘
菊花治頭痛因於血虛有火者 直指方熱
毒下痢蠟茶爲末蜜水煎服白痢以薑汁同
水煎服兩三服卽愈


簡誤



凡茶之種類極多方宜大異要皆以味甘不
澀氣芬如蘭摘於夏前者爲良夫茶稟天地
至清之氣生於山谷礮瘠砂土之中不受纖
芥穢滓專感雲露之氣以爲滋培故能滌腸
胃一切垢膩寧非木中清貴之品哉昔人多
以其苦寒不利脾胃及多食發黃消瘦之說
此皆語其粗惡若澀品類最下者言之耳昔
雅州蒙山出一種茶服四兩卽爲地僊豈有

味甘氣芬者飲之反致疾耶但苦澀野氣葉
痿莖枯非道地所產者服之不利心脾故不
宜飲酒後不宜用能成飲證

山茱萸味酸平微溫無毒主心下邪氣寒熱溫
中逐寒溼痺去三蟲腸胃風邪寒熱疝瘕頭風
風氣去來鼻塞目黃耳聾面皯溫中下氣出汗
強陰益精安五藏通九竅止小便利久服輕身
明日強力長年



疏○山茱萸感天地春生之氣兼得木之酸
味神農氣平別錄微溫總言其得春氣之正
耳岐伯甄權加辛然嘗其味必是酸多辛少
入足厥陰足少陰經陽中之陰降也其治心
下邪氣寒熱腸胃風邪寒熱頭風風氣去來
鼻塞面炮者皆肝腎二經所主二經虛熱故
見前證肝爲風木之位經曰諸風掉眩屬肝
本此藥溫能通行辛能走散酸能入肝而斂


虛熱風邪消散則心下腸胃寒熱自除頭目
亦清利而鼻塞面炮悉愈也逐寒溼痺者經
曰邪之所湊其氣必虛總藉其辛溫散結行
而能補也至於三蟲亦腸胃溼熱所生溼去
則蟲自除能溫中則氣自下汗自出矣凡四
時之令春氣煖而生秋氣涼而殺萬物之性
喜溫而惡寒人身精氣亦賴溫煖而後充足
况肝腎在下居至陰之位非得溫煖之氣則



孤陰無以生此藥正入二經氣溫而主補味
酸而主斂故精氣益而陰強也精益則五臟
自安九竅自利又腎與膀胱爲表裏膀胱虛
寒則小便不禁耳爲腎之外竅腎虛則耳聾
肝開竅於目肝虛則邪熱客之而目黃二經
受寒邪則爲疝瘕二臟得補則諸證無不瘳
矣輕身強力長年者益精安五臟之驗也

主治參互

同菟絲子肉蓯蓉巴戟天鹿茸牛膝白膠車
前子枸杞子生地黃沙苑蒺藜麥門冬能添
精固髓煖腰膝益陽道令人有子 同人參
五味子牡蠣益智子治老人小便淋瀝及遺
尿 同人乳沙苑蒺藜熟地黃人參麥門冬
牛膝甘菊花治腦骨痛腦爲髓之海髓足則
腦痛自除 同石菖蒲甘菊花地黃黃檗五
味子治腎虛耳聾 同杜仲牛膝地黃白膠



山藥治腎虛腰痛 入六味地黃丸爲腎虛
而有溼熱者所須

簡誤

命門火熾強陽不痿者忌之膀胱熱結小便
不利者法當清利此藥味酸主斂不宜用陰
虛血熱不宜用卽用當與黃檗同加
紫葳味酸微寒無毒主婦人產乳餘疾崩中癥
瘕血閉寒熱羸瘦養胎

疏○紫葳卽凌霄花也稟春氣以生故其味
酸氣微寒無毒花開於夏而色赤味應帶苦
入肝行血之峻藥故主婦人產乳餘疾及崩
中癥瘕血閉寒熱羸瘦諸證至於養胎決非
其性所宜用者慎之

主治參豆豉王野煎地黃丸
同當歸紅花川芎牛膝地黃延胡索桃仁蘇
方木五靈脂治壯實婦人經閉 普濟方嬰




兒百日內無故口青不飲乳用凌霄花大藍
葉芒硝大黃等分爲末以羊髓和丸梧子大
每研一丸乳送下便能喫乳熱者可服寒者
忌之

簡誤

紫葳長於破血消瘀凡婦人血氣虛者一概
勿施胎前斷不宜用

胡桐淚味鹹苦大寒無毒主大毒熱心腹煩滿
水和服之取吐又主牛馬急黃黑汗水研三二
兩灌之立瘥

疏○胡桐淚稟地中至陰之氣而兼水化故
味鹹苦氣大寒無毒氣味俱厚陰中之陰也
入足陽明經經曰熱淫於內治以鹹寒又曰
在高者因而越之若以湧吐寒以勝熱故主
大毒熱心腹煩滿取吐而效也牛馬性熱而
又犯熱病所以急黃黑汗也鹹寒能除大熱



故亦主之日華子以之治風蟲牙齒痛李珣
謂其能治骨槽風齒墮元素言療癰非此不
能除皆資其苦能殺蟲鹹能入骨軟堅大寒
能除極熱之用耳

主治參互

聖惠方牙疼出血胡桐淚半兩研入麝香少
許夜夜貼之 又方牙疳宣露膿血臭氣者
胡桐淚一兩枸杞根一升每用五錢煎水熱

嗽 聖濟總錄牙齒蠹黑乃腎虛也胡桐淚
一兩丹砂半兩麝香一分爲末摻之除口齒
藥外他用甚稀故不著簡誤

猪苓味甘苦平無毒主痰癰解毒蠱疰不祥利
水道久服輕身耐老

疏○猪苓稟戊土之陽氣得風木之陰氣本
經謂其味甘應兼淡苦其氣平而無毒氣味
俱薄降也陽中陰也入足太陽足少陰經其



主痰癰者癰必由暑暑必兼溼淡以利竅引
暑溼之氣從小便出所以分消之也淡滲之
性故利水道溼勝則身重溼去則身輕利竅
之藥必能走泄精氣其日久服耐老必無是
理矣解蠱毒疰不疰義將安出亦未可盡信
也

主治參互

入五苓散爲除溼之要藥 佐白芍藥白茯苓

苓人參橘皮朮澤瀉治水腫之屬陽分者
佐白芍藥生地黃桑寄生桑根白皮茯苓澤
瀉琥珀石斛薏苡仁肉桂治水腫之屬陰分
者均爲要藥其功長於利水故善除溼

簡誤

寇宗奭曰猪苓利水之功多久服必損腎氣
昏人目潔古曰淡滲太燥能亡津液無溼證
勿服皆確論也有溼尚宜暫用久服斷乎不



可

烏藥味辛溫無毒主中惡心腹痛蟲毒疰忤鬼
氣宿食不消天行疫瘴膀胱腎間冷氣攻衝背
脊婦人血氣小兒腹中諸蟲

疏○烏藥稟地二之氣以生故味辛氣溫無
毒然嘗其味亦帶微苦氣亦微香氣厚於味
陽也入足陽明少陰經其主中惡心腹痛疰
忤鬼氣天行疫瘴者皆足陽明受病陽明開

竅於口鼻凡邪惡鬼忤與夫疫瘴之氣侵入
悉從口鼻而入此藥辛溫煖胃辟惡散邪故
能主諸證也胃煖則宿食自消辛散則蠱毒
亦解又腎與膀胱爲表裏虛則寒客之而冷
氣攻衝背脊辛溫能散寒邪其性又善下走
則冷氣攻衝自止也性溫走泄故復能散婦
人血凝氣滯微苦而辛故又能療小兒腹中
諸蟲也



主治參互

同沉香木香白豆蔻香附橘皮檳榔治婦人
氣實暴氣壅脹 濟生方治七情鬱結上氣
喘急用四磨湯降中兼升瀉中帶補其方以
人參烏藥沉香檳榔各磨濃汁七分煎細細
嚥之 和劑局方烏沉湯治一切氣一切冷
補五臟調中壯陽煖腰膝去邪氣冷風麻痺
膀胱腎間冷氣攻衝背脊俛仰不利風水毒

腫吐瀉轉筋癢癢刺痛中惡心腹痛鬼氣疰
忤天行疫瘴婦人血氣痛用天台烏藥一百
兩沉香五十兩人參三兩炙甘草四兩爲末
每服半錢薑鹽湯空心點服

簡誤


烏藥辛溫散氣病屬氣虛者忌之世人多以
香附同用治女人一切氣病不知氣有虛有
實有寒有熱冷氣暴氣用之固宜氣虛氣熱



用之能無貽害耶以故婦人月事先期小便短赤及咳嗽內熱口渴舌乾舌苦不得眠一切陰虛內熱之病皆不宜服
沒藥味苦平無毒主破血止痛療金瘡杖瘡諸惡瘡痔漏卒下血目中翳暈痛膚赤
疏○沒藥稟金水之氣以生故味苦平無毒然平應作辛氣應微寒氣薄味厚陰也降也入足厥陰經凡惡瘡痔漏皆因血熱瘀滯而成

成外受金刃及杖傷作瘡亦皆血肉受病血肉傷則瘀而發熱作痛此藥若能泄辛能散寒能除熱水屬陰血亦屬陰以類相從故能入血分散瘀血治血熱諸瘡及卒然下血證也肝開竅於目目得血而能視肝經血熱則目爲赤痛膚翳散肝經之血熱則目病除矣
主治參互

同延胡索乳香乾漆鼈甲琥珀爲末治產後



血暈有神效 加人參澤蘭生地益母草蘇
木作湯送前藥治兒枕痛及惡露未盡腹痛
寒熱等證立效 同乳香白及白欽紫花地
丁半枝蓮夏枯草忍冬藤連翹甘菊貝母治
一切癰疽疔腫 同乳香當歸牡丹皮牛膝
續斷川芎番降香穿山甲治內傷胸脇骨痛
入一切膏藥能消毒止痛長肉 御藥院
方筋骨損傷米粉四兩炒黃入沒藥乳香末

各半兩酒調成膏攤貼之 奇效良方金刃
所傷未透膜者乳香沒藥各一錢以童子小
便半盞酒半盞溫化服之 圖經本草婦人
腹痛內傷疔刺沒藥末一錢酒服便止又治
婦人血暈方同 婦人良方產後惡血沒藥
血竭末各一錢童便溫酒各半盞煎沸服良
危氏得效方女人異疾月事退出皆作禽
獸之形欲來傷人先將綿塞陰戶乃頓服沒




藥末一兩白湯調下卽愈

簡誤

孕婦不宜服凡骨節痛與夫胸腹脇肋痛非
瘀血停留而因於血虛者不宜用產後惡露
去多腹中虛痛者不宜用癰疽已潰不宜用
目赤膚翳非血熱甚者不宜用大槩其功長
於通滯血血滯則氣亦壅氣血壅滯則經絡
滿急經絡滿急故發腫作痛打撲踉跌亦傷

經絡血分血氣不行故壅滯作腫痛也沒藥
善通壅滯之血血行則氣亦行氣血流通則
腫痛自止矣故爲諸瘡癰及金瘡杖瘡跌撲
傷損腹中血結作痛之要藥而不主諸虛也
安息香味辛苦平無毒主心腹惡氣鬼疰

疏○安息香稟火金之氣而有水故味辛苦
氣平而芬香性無毒氣厚味薄陽也入手少
陰經少陰主藏神神昏則邪惡鬼氣易侵芬



香通神明而辟諸邪故能主鬼疰惡氣也

主治參互

同鬼曰犀角牛黃丹砂乳香蘇合香龍齒雄
黃麝香治鬼疰尸疰殺癆蟲寐魘暴亡及大
人小兒卒中邪惡氣 奇效良方小兒驚邪
安息香一豆許燒之自除

簡誤

病非關邪惡氣侵犯者不宜服


仙人杖味鹹平

冷一云

無毒主噦氣嘔逆辟疰小

兒吐乳大人吐食並水灸服小兒驚癇及夜啼
安身伴睡良又主痔病燒爲末服方寸匕

疏○仙人杖此筍之將成竹時立死者得筍
之氣已過稟竹之性未全故味鹹氣平無毒
其功用在竹茹竹黃之間所主噦氣嘔逆小
兒吐乳辟疰大人吐食痔瘡者竹茹之用也
療小兒驚癇及夜啼者竹黃之用也雖其形



已痿而其性尚存故能療諸證也 又秘方
用此蘘麻油於空室中燃之取滴下油塗癰
疽已潰長肉如神他用甚稀故無主治簡誤
海桐皮味苦平無毒主霍亂中惡赤白久痢除
疽鬩疥癬牙齒蟲痛並煮服及含之水浸洗日
除膚赤

五十四

疏○海桐皮稟木中之陰氣以生木經味苦
氣平無毒然詳其用味應帶辛氣薄味厚陰
中陽也入足太陰陽明經二經虛則外邪易
入爲霍亂中惡辛以散之溼熱內侵爲疳鬩
久痢苦以泄之又脾胃主肌肉溼熱浸淫則
生蟲而爲疥癬若能殺蟲平卽微寒溼熱去
而疥癬除矣其主漱齒洗目者亦取其苦寒
殺蟲辛平散風熱之意耳李珣以之治腰脚
不遂血脉頑痺腿膝疼痛之證其爲辛苦之
劑無疑矣



主治參互

續傳信方治腰膝痛不可忍用海桐皮二兩
牛膝芎藭羌活地骨皮五加皮各一兩甘草
半兩薏苡仁二兩生地黃十兩煎浸洗焙乾
剉細以綿包裹入無灰酒二斗浸之冬二七
日夏一七日空心飲一盞每日早午晚各飲
一盞長令醺醺合時不得添減禁毒食此藥
治因風溼溼熱流注下焦腰膝爲病若因陰


虛血少火熾而得者勿服 同真川槿皮輕
粉蛇牀子山大黃爲末傅癬瘡

簡誤

腰痛非風溼者不宜用

大腹微溫無毒主冷熱氣攻心腹大腸壅毒痰
膈醋心竝以薑鹽同煎入疏氣藥良

疏○大腹皮卽檳榔皮也其氣味所主與檳
榔大畧相同第檳榔性烈破氣最捷腹皮性



緩下氣稍遲入足陽明太陰經二經虛則寒
熱不調逆氣攻走或痰滯中焦結成膈證或
溼熱鬱積酸味醋心辛溫煖胃豁痰通行下
氣則諸證除矣大腸壅毒以其辛散破氣而
走陽明故亦主之也

主治參互


同白朮茯苓車前子木瓜桑白皮五加皮猪
苓澤瀉薏苡仁鱘魚治水腫有效虛者加人

參

簡誤

鷓鴣鳥多集檳榔樹上凡用檳榔皮宜先洗去
黑水復以酒洗後以大豆汁再洗過曬乾入
灰火煨用性與檳榔相似病涉虛弱者槩勿
施用

合歡味甘平無毒主安五藏利心志令人歡樂
無憂久服輕身明目得所欲



疏○合歡稟土氣以生故味甘氣平無毒入
手少陰足太陰經土爲萬物之母主養五臟
心爲君主之官本自調和脾虛則五臟不安
心氣躁急則遇事拂鬱多憂甘主益脾脾實
則五臟自安甘可以緩心氣舒緩則神明自
暢而歡樂無憂神明暢達則覺照圓通所欲
咸遂矣稽叔夜養生論云合歡蠲忿正此之
謂歟其主輕身明目及大明主消癰疽續筋
骨者皆取其能補心脾生血脈之功耳

主治參互

與白蠟同入膏能長肌肉續筋骨甚捷 獨
行方肺癰唾濁心胸甲錯取夜合皮一掌大
水三升煎取一半分二服 百一選方撲損
折骨夜合樹皮去粗皮炒黑色四兩芥菜子
炒一兩爲末每服二錢溫酒臥時服以滓外
傅接骨神妙 子合橘核木瓜牛膝能治疝




溼熱者加黃檗寒溼者加茴香子

氣味和平與病無忤故不著簡誤

五倍子味苦酸平無毒療齒宣疳蠶肺藏風毒
流溢皮膚作風溼癬瘡瘙癢膿水五痔下血不
止小兒面鼻疳瘡

疏○五倍子得木氣而兼金水之性其味苦
酸澀氣平無毒氣薄味厚斂也陰也入手太
陰足陽明經本經主齒宣疳蠶風溼癬瘡及

小兒面鼻疳瘡者皆從外治取其苦能殺蟲
酸平能斂浮熱性燥能主風溼瘡癢膿水五
痔下血者大腸積熱也大腸與肺爲表裏肺
得斂肅則大腸亦自清寧也藏器療腸虛泄
利日華子主生津液消酒毒時珍謂其斂肺
降火化痰飲止咳嗽消渴盜汗斂潰瘡金瘡
收脫肛子腸墜下者悉假其入肺清金收斂
固脫之功耳




主治參互

同地骨皮小蘗皮硝甘草苦參葱頭煎湯洗
楊梅結毒 集靈方自汗盜汗用五倍子研
末津調填臍中縛定一夜卽止 化痰生津
噲化丸用五倍子安大鉢頭內用煮糯米粥
湯浸蓋好安靜處七日後常看待發芽黃金
色又出黑毛然後將箸試之若透內無硬卽
收入細瓦鉢中搗如醬連鉢日中曬至上皮

五十九


乾了又搗勻又曬曬至可丸方丸彈子大曬
乾收用其味甘酸能化一切膠痰 又方脾
泄久利五倍子炒半斤陳倉米炒一升丁香
細辛木香各三錢川椒五錢爲末每服一錢
蜜湯下日二服忌生冷魚肉 和劑局方玉
鎖丹治腎經虛損心氣不足思慮太過眞陽
不固溺有餘瀝小便白濁如膏夢中頻遺盜
汗虛煩食減乏力此方性溫不熱極有神效



五倍子一斤白茯苓四兩龍骨二兩爲末水糊丸梧子大每服七十九食前鹽湯送下日三服 百一選方臘毒下血五倍子不拘多少爲末大鯽魚一枚去腸胃鱗腮填藥令滿入瓶內煨存性爲末每服一錢溫酒下 直指方大腸痔疾五倍子煎湯薰洗或燒煙薰之自然收縮 三因方脫肛不收用五倍子末三錢入白礬少許水一碗煎湯洗之立效

六十

婦人良方產後腸脫五倍子末摻之 博濟方風毒攻眼腫癢澀痛不可忍者或上下臉赤爛或浮翳瘀肉侵睛神效驅風散五倍子一兩蔓荊子一兩半爲末每用二錢水二盞銅石器內煎汁去滓乘熱洗大能明目去澀 楊子建護命方牙齦腫痛五倍子兩許瓦焙研末以半錢傅痛處片時唾去涎內服去風熱藥 端效方白口惡瘡狀似木耳不



拘大人小兒竝用五倍子青黛等分爲末以筒吹之 儒門事親赴筵散治口舌生瘡五倍子蜜陀僧等分爲末漿水漱過乾貼之院方加晚蠶蛾 杏林摘要魚口瘡毒初起未成膿者用五倍子炒黃研入百草霜等分以臘醋調塗患處一日一夜卽消 拔萃方一切金瘡五倍子降真香等分炒研末傅之皮肉自痊

簡誤

五倍子性燥急而專收斂咳嗽由於風寒外觸者忌之瀉利非腸虛脫者忌之咳嗽由於肺火實甚者忌之若誤服之反致壅塞喘滿以其酸斂太驟火氣無從泄越故耳 天竺黃味甘寒無毒主小兒驚風天吊鎮心明目去諸風熱療金瘡止血滋養五藏

疏○天竺黃竹之津氣結成其氣味功用與



竹瀝大同小異第竹黃氣微寒而性亦稍緩故爲小兒家要藥入手少陰經小兒驚風天吊諸風熱者亦猶大人熱極生風之候也此藥能除熱養心豁痰利竅心家熱清而驚自平主君安而五臟咸得滋養故諸證悉除也明目療金瘡者總取其甘寒涼血清熱之功耳

主治參互

同牛黃犀角丹砂茯神琥珀酸棗仁遠志鈞藤鈎治小兒驚癇癩疾有痰者加牛膽南星貝母竹瀝屬虛者去南星加人參 錢一方小兒驚熱天竺黃二錢雄黃牽牛末各一錢研勻麩糊丸粟米大每服三五丸薄荷湯下除小兒驚癇痰熱外無別用故不著簡誤蜜蒙花味甘平微寒無毒主青盲膚翳赤澀多眵淚消目中赤脉小兒麩豆及疔氣攻眼



疏○蜜蒙花稟土氣以生其蓋萌於冬而開於春故氣平微寒味甘而無毒爲厥陰肝家正藥觀本經所主無非肝虛有熱所致蓋肝開竅於目目得血而能視肝血虛則爲青盲膚翳肝熱甚則爲赤腫眵淚赤脉及小兒豆瘡餘毒疳氣攻眼此藥甘以補血寒以除熱肝血足而諸證無不愈矣好古謂其潤肝燥守真以之治畏日羞明誠謂此也形與芫花

相似但芫花狹小而蜜蒙花差大爲異用者宜詳辨之

主治參互

同空青木賊生地黃蟬蛻白蒺藜穀精草決明子羚羊角治青盲翳障 同甘菊花枸杞子生地黃白蒺藜穀精草治肝腎虛目不能遠視 同黃連赤芍藥防風荆芥穗黃檗甘菊花甘草龍膽草治風熱溼熱眼赤痛 同



胡黃連白蕪黃使君子蟬蛻木賊蘆會治小
兒疳積眼目不明 療眼疾外無他用故不
著簡誤

六十四

神農本草經疏卷之十三

神農本草經疏卷之十四

木部下品

總九十九種今疏其要者二十九種

巴豆

蜀椒

皂莢

子刺附

訶黎勒

楝實

椿木葉

莠木附

郁李仁

無食子

黃蘗根

雷丸


蘇方木

胡椒

南燭枝葉

橡實

石南



胡黃連白蕪黃使君子蟬蛻木賊蘆會治小
兒疳積眼目不明 療眼疾外無他用故不
著簡誤

六十四

神農本草經疏卷之十三

神農本草經疏卷之十四

木部下品

總九十九種今疏其要者二十九種

巴豆

蜀椒

皂莢

子刺附

訶黎勒

楝實

根附

椿木葉

莠木附

郁李仁

無食子

黃蘗根

雷丸


蘇方木

胡椒

南燭枝葉

橡實

石南



巴豆味辛溫生溫熟寒有大毒主傷寒溫瘧寒熱破癥瘕結聚堅積留飲痰癖大腹水脹蕩滌五藏六腑開通閉塞利水殺道去惡肉除鬼毒

櫻櫚 木槿

柞木皮

水楊葉

木鼈子

菴木附


釣藤

烏柏木 杉材 接骨木

益智子 紫荊木 紫真檀

蠱疰邪物殺蟲魚療女子月閉爛胎金瘡膿血不利丈夫陰殺斑貓毒可鍊餌之益血脈令人色好變化與鬼神通

疏○巴豆生於盛夏六陽之令而成于秋金之月故味辛氣溫得火烈剛猛之氣故其性有大毒別錄言生溫熟寒恐熟亦不甚寒氣薄味厚降也陽中陰也入手足陽明經其主破癥瘕結聚堅積留飲痰癖大腹水腫鬼毒



蠱症邪物女人月閉者皆腸胃所治之位中
有實邪留滯致生諸病故腸胃有病則五臟
六腑閉塞不通此藥稟火性之急速兼辛溫
之走散入腸胃而能蕩滌一切有形積滯之
物則閉塞開水穀道利月事通而鬼毒蠱症
邪物悉爲之驅逐矣溫瘧者亦暑濕之氣入
於腸胃也腸胃既清則溫瘧自止火能灼物
故主爛胎及去惡肉性熱有大毒則必有損

於陰故不利丈夫陰本經又主傷寒寒熱及
別錄煉餌之法悉非所宜豈有辛熱大毒之
物而能治傷寒寒熱及益血脈好顏色之理
哉


主治參互

同白礬枯過去巴豆單用礬研細吹入喉中
流出熱毒涎喉卽寬治急喉痺如神 一味
炒烟盡存性研膏治癰疽潰後腐肉不落傳



上卽拔毒去瘀生新 外臺秘要飛尸鬼擊
中惡心痛腹脹大便不通走馬湯用巴豆二
枚去皮心熬黃杏仁二枚以綿包椎碎熱湯
一合捻取白汁服之當下而愈量老少用之
瑣碎錄天絲入咽凡露地飲食有飛絲入
上食之令人咽喉生瘡急以白礬巴豆燒灰
吹入卽愈 經驗方耳卒聾閉巴豆一粒綿
裹針刺孔通氣寒之取効 普濟方一切惡

瘡有蟲者巴豆三十粒麻油煎黑去豆以油
調礬黃輕粉末頻塗取効 仲景三物白湯
治傷寒懊憹滿悶身無熱者爲寒結曾用桔
梗三分巴豆一分去皮心熬黑貝母三分二
味爲末內巴豆白中杵之以白湯和服強人
半錢弱者減之病在膈上必吐在膈下必利
不利進熱粥一杯利過不止進冷粥一杯
簡誤



元素曰巴豆乃斬關奪門之將不可輕用世以之治酒病膈氣以其辛熱能開通腸胃鬱結耳第鬱結雖開而血液隨亡真陰虧損從正曰傷寒風溫小兒痘瘡婦人產後用之下膈不死亦危奈何庸人畏大黃而不畏巴豆以其性熱而劑小耳豈知蠟匱之猶能下後使人津液枯竭胃熱口燥耗却天真留毒不去他病轉生觀二公之言則巴豆之爲害昭


昭矣然而更有未盡者巴豆稟火烈之氣沾人肌肉無有不灼爛者試以少許輕擦完好之膚須臾卽發出一泡况腸胃柔脆之質下咽則徐徐而走且無論下後耗損真陰而腑臟被其熏灼能免無潰爛之患耶凡一槩湯散丸劑切勿輕投卽不得已急證欲借其開通道路之力亦須炒熟壓令油極淨入分許卽止不得多用



蜀椒味辛溫大熱有毒主邪氣欬逆溫中逐骨
節皮膚死肌寒濕痺痛下氣除六腑寒冷傷寒
溫瘧大風汗不出心腹留飲宿食腸澼下痢洩
精女子字乳餘疾散風邪癢結水腫黃疸鬼疰
蠱毒殺蟲魚毒久服頭不白輕身增年開腠理
通血脉堅齒髮調關節耐寒暑可作膏藥多食
令人乏氣口閉者殺人

疏○蜀椒稟火金之氣得南方之陽受西方

之陰本經味辛氣溫別錄大熱有毒氣味俱
厚陽也入手足太陰兼入手厥陰經其主邪
氣欬逆皮膚死肌寒濕痺痛心腹留飲宿食
腸澼下痢黃疸水腫者皆脾肺二經受病肺
出氣主皮毛脾運化主肌肉肺虛則外邪客
之爲欬逆上氣脾虛則不能運化水穀爲留
飲宿食腸澼下利水腫黃疸二經俱受風寒
濕邪則爲痛痺或成死肌或致傷寒溫瘧辛




溫能發汗開腠理則外邪從皮膚而出辛溫
能煖腸胃散結滯則六腑之寒冷除腸胃得
溫則中焦治而雷飲宿食腸澼下利水腫黃
疸諸證悉愈矣其主女子字乳餘疾者亦指
風寒外侵生冷內停而言洩精瘕結由下焦
虛寒所致此藥能入右腎命門補相火元陽
則精自固而結瘕消矣療鬼疰蠱毒殺蟲魚
毒者以其得陽氣之正能破一切幽暗陰毒

之物也外邪散則關節調內病除則血脉通
佐補陰涼血之藥則頭不白齒髮堅耐寒暑
輕身增年所自來矣

主治參互

同女貞子牛膝地黃何首烏旱蓮草枸杞子
沒食子桑椹子黃蘗人參南燭子能烏鬚黑
髮悅色駐顏 空心單服能收輕粉水銀毒
椒紅丸治元臟傷憊目暗耳聾服此百日



覺身輕少睡足有力是其効也服及三年心
智爽悟目明倍常面色紅悅髭髮光黑用蜀
椒去目及閉口者炒出汗曝乾搗取紅一斤
以生地黃搗自然汁入砂器中煎至一升候
稀稠得所和椒末九梧子大每空心煖酒下
三十九合藥時勿令婦人鷄犬見。孫真人
方心腹冷痛以布裹椒安痛處用熨斗熨令
椒出汗卽止。普濟方餐泄不化及久利小

七

椒一兩炒蒼朮二兩土炒研末醋糊丸梧子
大每五十九米飲下。經驗方囊瘡痛痒紅
椒七粒葱頭七箇煎水洗之。大全良方寒
濕脚氣用椒二三升疎布囊盛之日以踏脚
人仲景烏梅丸治虵厥。宗奭方治盜汗
將椒目微炒研細用半錢以生猪上唇煎湯
一合睡時調服無不効。甄權方治腎虛耳
中如風水鳴或如鍾磬之聲卒暴聾者用椒



目巴豆菖蒲同研細以松脂黃蠟溶和爲挺
納耳中抽之一日一易神驗 千金方水氣
腫滿椒目炒搗細每酒服方寸七

簡誤

椒稟純陽之氣乃除寒濕散風邪溫脾胃煖
命門之聖藥然而肺胃素有火熱或欬嗽生
痰或嘈雜醋心嘔吐酸水或大腸積熱下血
咸不宜用凡泄瀉由於火熱暴注而非積寒

虛冷者忌之陰痿脚弱由於精血耗竭而非
命門火衰虛寒所致者不宜入下焦藥用欬
逆非風寒外邪壅塞者不宜用字乳餘疾由
於本氣自病者不宜用水腫黃疸因于脾虛
而無風濕邪氣者不宜用一切陰虛陽盛火
熱上衝頭目腫痛齒浮口瘡衄血耳聾咽痛
舌赤消渴肺痿咳嗽咯血吐血等證法所咸
忌




皂莢味辛鹹溫有小毒主風痺死肌邪氣風頭
淚出利九竅殺精物療腹脹滿消穀除欬嗽囊
結婦人胞不落明目益精可爲沐藥

九

疏○皂莢稟木氣而兼火金之性故味辛微
鹹氣溫有小毒氣味俱厚浮而散陽也入足
厥陰手太陰陽明經厥陰爲風木之臟其主
風痺死肌頭風淚出者皆厥陰風木爲病得
金氣之厚者能勝木稟辛散之性者能利竅

水氣平關竅利則風邪散諸證除也關竅既
利則神明自通精物邪氣安得不去哉又厥
陰之脉循陰器而絡於肝厥陰客寒爲囊結
辛溫散厥陰之寒則囊結解矣肺受風寒所
迫爲欬嗽入肺散邪則咳嗽止矣鹹能軟堅
溫主通行辛能開竅橫走故又主腹脹滿消
穀及婦人胞不落也宣壅導滯之性而云益
精明目無是理矣



○子氣味與皂莢同炒春去赤皮以水浸軟煮
熟糖漬食之疎導五臟風熱壅滯及治大腸
虛秘療癰惡瘡腫毒


○刺功用與莢同第其銳利能直達瘡所爲癰
疽妬乳丁腫未潰之神藥蘇頌以米醋熬嫩
刺作煎塗癰瘡有奇効又治癘風惡瘡胎衣
不下殺蟲凡癰疽已潰不宜服孕婦亦忌之
主治參互

同真珠象牙末牛黃冰片白殭蠶滴乳石土
茯苓治蛙疔神効 孫用和稀涎散治中風
昏昏如醉形體不收或倒或不倒或口角流
涎斯須不治便成大病此證風涎潮於上胃
痺不通急宜吐之用大皂莢肥實不蛙者四
挺去黑皮白礬明者一兩爲末每用半錢重
者三字溫水調灌不大嘔吐只是微微稀冷
涎或出一升二升當待醒醒乃用藥調治不



可便大吐之恐過劑傷人累効不能盡述
聖惠方胷中痰結皂莢三十挺去皮切水五
升浸一夜接取汁慢熬至可丸如梧子大每
食後鹽漿水下十九 又釣痰膏用半夏醋
煮過以皂角膏和勻入明礬少許以柿餅搗
膏丸如彈子大噙之 千金方二便關格皂
莢燒研粥飲下三錢立通宣明方鐵腳丸同
千金方鬮鼻不通皂角末吹之 十全方

風蟲牙痛猪牙皂莢角食鹽等分爲末日搯
之 袖珍方便毒腫痛猪牙皂角七片煨黃
去皮弦出火毒爲末空心溫酒服五錢婦人
妬乳同 直指方便毒癰疽皂角一條醋熬
膏傅之屢効 儒門事親便癰初起皂角子
七枚研末水服効 阮氏經驗方年久癩癧
用不蛀皂角子一百粒米醋一升蓬砂二錢
同煮乾炒令酥看癩子多少如一箇服一粒




十箇服十粒細嚼米湯下酒浸煮服亦可一
云虛人不可用蓬砂 同蟬蛻白僵蠶杏仁
芭蕉根白毛藤土茯苓獨核肥皂仁白蘚皮
連翹薏苡仁草薺漢防已治下疳廣瘡神効
同連翹白芷甘菊紫花地丁白及金銀花
甘草鼠粘子茜草地榆治下部癰疽腫毒
神仙傳崔言患大風惡疾雙目昏盲眉髮自
落鼻梁崩倒勢不可救遇異人傳方用皂角

刺三斤燒灰蒸一時久日乾爲末食後濃煎
大黃湯調一七飲之一旬眉髮再生肌潤目
明

簡誤

皂莢利九竅疎導腸胃壅滯洗垢膩豁痰涎
散風邪暴病氣實者用之殊効第似中風證
由於陰虛火炎煎熬津液結而爲痰熱極生
風以致猝然仆蹶世人多以稀涎散吐之損



其不足竭其津液津液愈耗則經絡無以榮
養爲拘攣偏廢之證矣法所最忌也孕婦忌
服

訶黎勒味苦溫無毒主冷氣心腹脹滿下食
疏○訶黎勒其味苦瀋其氣溫而無毒苦所
以洩瀋所以收溫所以通惟欬故能主冷氣
心腹脹滿惟溫故能下食甄權用以止水道
蕭炳用以止腸澼久洩蘇頌用以療腸風瀉

血帶下朱震亨用以實大腸無非苦瀋收斂
治標之功也

主治參互

得人參治肺虛受寒喘嗽 得橘皮砂仁主
冷氣入內心腹脹滿及因寒食不下 得益
智止氣虛寒小水不禁 佐樗根白皮止腸
澼瀉血 佐白朮蓮實止久洩因於虛寒
同蛇牀子五味子山茱萸杜仲續斷止虛寒



帶下 同人參肉苁蓉則實大腸

簡誤

訶子性溫而味漚漚主斂不主散故咳嗽因於肺有實熱泄瀉因於濕熱所致氣喘因於火逆衝上帶下因於虛熱而不因於虛寒及腸澼初發濕熱正盛小便不禁因於腎家虛火法並忌之至於滯下必本濕熱喘嗽實由肺火用之立致殺人不可不深戒也東垣謂

苦重瀉氣酸輕不能補肺故嗽藥中不用亦此意耳

棟實味苦寒有小毒主溫疾傷寒大熱煩狂殺三蟲疥瘍利小便水道根微寒療蛇蟲利大腸

即金
鈴子

疏○棟實稟天之陰氣得地之苦味故其味苦氣寒極苦而寒故其性有小毒氣薄味厚陰也降也入足陽明手足太陰經經曰冬傷




於寒春必病溫其主溫疾傷寒大熱煩狂者
總因寒邪鬱久至春變爲溫病邪在陽明也
苦寒能散陽明之邪熱則諸證自除膀胱爲
州都之官小腸爲受盛之官二經熱結則小
便不利此藥味苦氣寒走二經而導熱結則
水道利矣濕熱鬱積則內生諸蟲濕熱浸淫
則外爲疥瘍得大寒極苦之物則濕熱散故
能療諸蟲及疥瘍也根氣味相同故亦主殺

蟲利大腸耳

主治參互

同牛膝木瓜橘核荔枝核杜仲巴戟天烏禮
樹子蘘香治腎虛疝氣 澹寮方棟實丸治
癩疝腫痛或鈎腎偏墜痛不可忍用川棟子
肉五兩分作五分一分用破故紙二錢炒黃
一分用小茴香三錢食鹽半錢同炒一分用
斑蝥七枚去頭足同炒一分用萊菔子一錢



同炒一分用牽牛子三錢同炒炒完揀去食
鹽萊菔子牽牛斑蝥只留故紙茴香同研爲
末以酒打麵糊丸梧子大每五十九空心酒
下根同白蕪荑檳榔鶴蝨黃連牽牛雷丸
使君子錫灰烏梅蘆會殺腸胃一切蟲集
簡方治小兒虻蟲棟根皮同雞卵煮熟空心
服之次日蟲下

簡誤

脾胃虛寒者不宜用

椿木葉味苦有毒主洗瘡疥風疽皮主甘蜜樗


木根葉尤良

雷公云此使椿根不近西頭者爲上揀出作生葱蒸半日剉細以代炭

盛掛屋南陰乾用

疏○椿稟地中之陰氣以生本經味苦有毒

甄權言微熱震亨言涼而燥然考其用必是
微寒苦燥之藥入手足陽明經本經主甘蜜
及洗疥瘡風疽藏器去口鼻疔蟲疥蟹者因




腸胃有濕熱故現是證苦涼而燥所以外治皆得也藏器又主殺虻蟲蠱毒下血及赤白久痢日華子主腸風瀉血蕭炳云得地榆主疳痢孟詵云止女子血崩及產後血不止赤帶皆取其苦能燥濕寒能除熱瀉能收斂之功耳採得去粗皮蜜炙用

栲功用相同

主治參互

存仁方下血經年栲根白皮三錢水一盞煎

七分入酒半盞服 外臺秘要小兒疳痢困重者用栲根白皮搗粉以水和棗作大饅餠子日曬少時又搗如此三遍以水煮熱空腹吞七枚重者不過七服愈 子母秘錄小兒疳疾椿根白皮日乾二兩爲末以粟米淘淨研濃汁和丸梧子大十歲兒三四丸米飲下量大小加減仍以一丸納竹筍中吹入鼻內三度良 經驗方下利清血腹中刺痛椿根



白皮洗刮曬研醋糊丸梧子大空心米飲下
三四十九 婦人良方產後腸脫不能收拾
者樗根取皮焙乾一握水五升連根葱五莖
漢椒一撮同煎至三升去渣傾盆內乘熱熏
洗冷則再熱一服可作五次用洗後睡少時
忌鹽酢醬麵發風毒物及用心勞力等事
丹溪方女人白帶椿根白皮滑石等分爲末
粥丸梧子大空腹白湯下一百丸 寇宗奭

云洛陽一女子年四十六七耽飲無度多食
魚蟹畜毒在臟日夜二三十瀉大便與膿血
雜下大腸連肛門痛不堪忍醫以止血痢藥
不効又以腸風藥則益甚蓋腸風則有血無
膿如此半年氣血漸弱食減肌瘦服熱藥則
腹愈痛血愈下服冷藥則注泄食減服溫平
藥則病不知如此期年垂命待盡或人教服
人參散一服知二服減三服膿血皆定遂常



服之而愈其方治大腸風虛飲酒過度挾熱
下痢膿血痛甚多日不瘥用栲根白皮一兩
人參一兩爲末每服二錢空心米飲調服忌
油膩濕麪青菜菓子甜物雞豬魚羊蒜薤等
簡誤
脾胃虛寒者不可用崩帶屬腎家真陰虛者
亦忌之以其徒燥故也凡滯下積氣未盡者
亦不宜遽用不入湯煎

郁李仁味酸平無毒主大腹水腫面目四肢浮
腫利小便水道

疏○郁李仁得水氣而兼金化本經味酸氣
平無毒元素言辛苦性潤而降下陰也入足
太陰手陽明太陽經其主大腹水腫面目四
肢浮腫者經曰諸濕腫滿皆屬脾土又曰諸
腹脹大皆屬於熱脾虛而濕熱客之則小腸
不利水氣泛溢於面目四肢辛苦能潤熱結



降下善導癃閉小便利則水氣悉從之而出
矣甄權主腸中結氣關格不通日華子云泄
五臟膀胱結痛宣腰膀冷膿消宿食下氣元
素云破血潤燥李杲云專治大腸氣滯燥瀆
不通均得之矣


主治參互

同當歸地黃麻仁麥門冬桃仁生蜜肉蓯蓉
治大便燥結不通甚者加大黃 楊氏產乳

腫滿氣急不得臥用郁李仁一大合搗和麵
作餅喫入口卽大便通泄氣便愈

簡誤

郁李仁性專降下善導大腸燥結利周身水
氣然而下後多令人津液虧損燥結愈甚乃
治標救急之藥津液不足者慎勿輕用
無食子味苦溫無毒主赤白痢腸滑生肌肉
疏○無食子稟春生之氣兼得西北金水之



性故味苦氣溫無毒金主斂肅大腸屬金以
類相從故主赤白痢腸滑春爲發生之令溫
能和脾胃養腠理故主生肌肉水爲潤下色
黑而象腎故李珣以之益血生精和氣安神
烏髭髮治陰痿諸證也得溫暖之氣復兼收
斂之性故爲固瀉精氣之要藥雷公云凡使
被火驚者用類小無秋米者妙用粟水於砂
盆中研令盡燥乾再研如烏犀色入藥

主治參互


同蓮鬚女貞子枸杞子地黃南燭子何首烏
黃精旱蓮草木人參爲烏鬚髮之勝藥 同
覆盆子牡蠣枸杞子五味子車前子地黃蓮
鬚龍骨鹿茸沙苑蒺藜魚膠砂仁黃蘗能
補益精氣治一切夢遺洩精 仲景方治陰
汗用無食子燒灰先以湯浴了布裹灰撲之
甚良 宮氣方小兒久痢沒食子二箇熬黃
研末作餛飩食之 聖濟總錄牙齒疼痛綿



裏無食子末一錢咬之涎出吐去 聖惠方
大小口瘡沒食子炮三分甘草一分研末摻
之月內小兒生者少許置乳上吮之入口卽
啼不過三次 奇効方足趾肉刺無食子三
枚肥皂莢一挺燒存性爲末醋和傅之立効
簡誤
赤白痢由於濕熱鬱於腸胃兼積滯多者不
宜用

黃藥根味苦平無毒主諸惡腫瘡癩喉痺蛇犬
咬毒研水服之亦含亦塗

疏○黃藥根得上中至陰之氣以生故其色
黃味苦氣平無毒平卽兼涼日華子加涼是
矣氣薄味厚降多升少陰也入手少陰足厥
陰經諸惡腫瘡癩皆榮氣不從逆於肉裏所
致蓋榮主血肝心又主血藏血之臟二經得
苦涼之氣則血熱解榮氣和標證不求其止




而止矣經曰一陰一陽結爲喉痺一陰者少
陰君火也一陽者少陽相火也解少陰之熱
相火自不妄動而喉痺瘳矣蛇犬咬毒亦血
分受熱毒所傷故也苦寒能涼血得土氣之
厚者又能解百毒也日華子以之療馬病蓋
馬性多熱亦取其苦寒除熱之義耳

主治參互

同忍冬 夏枯草白及白欬紫花地丁甘菊

茜草連翹牛蒡子白芷貝母白藥子之屬治
一切疔腫癰疽本經并載赤藥俗名紅藥子
予嘗得一方以之爲君每四兩加白及白欬
各一兩乳香沒藥各五錢丹砂雄黃各三錢
麝香龍腦香各一錢爲細末量瘡大小蜜調
敷瘡四圍中畱大孔以綿紙護之時時以米
醋潤之其痛卽減亦復易潰易收治一切發
背癰疽俱神効陰毒尤要如無赤藥子以黃



藥子代之 孫思邈千金月令方療忽生癭
疾以萬州黃藥子半斤須緊重者爲上如輕
虛卽是他州者力慢須用加倍取無灰酒一
斗投藥入中固濟瓶口以糠火燒一伏時待
酒冷乃開時時飲一杯不令絕酒氣經三五
日後常把鏡自照覺消卽停飲不爾便令人
項細也 聖惠方治吐血不止黃藥子一兩
水煎服 簡要濟衆方治鼻衄不止黃藥子

爲末每服二錢煎薄膠湯下良久以新水調
麵一匙頭服之 禹講師經驗方產後血暈
惡物冲心四肢冰冷唇青腹脹昏迷紅藥子
一兩頭紅花二錢水二盞婦人油釵二隻同
煎一盞服大小便俱利血自下也

簡誤

癰疽已潰不宜服癰疽發時不炊腫不渴色
淡脾胃作泄者此爲陰證當以內補爲急解



毒次之藥子之類宜少服止可外敷
雷丸味苦鹹寒微寒有小毒主殺三蟲逐毒氣
胃中熱利丈夫不利女子作摩膏除小兒百病
逐邪氣惡風汗出除皮中熱結積蠱毒白蟲寸
白自出不止久服令人陰痿

疏○雷丸稟竹之餘氣兼得地中陰水之氣
以生本經味苦氣寒別錄加鹹有小毒黃帝
岐伯桐君扁鵲云甘詳其所主應是苦鹹爲

勝氣薄味厚陰也降也入手足陽明經其主
殺三蟲白蟲寸白自出者腸胃濕熱甚也逐
毒氣胃中熱邪氣惡風汗出皮中熱結積者
腸胃邪熱盛也苦寒能除二經濕熱邪氣則
上來諸證自除作摩膏治小兒百病者以小
兒好食甘肥腸胃類多濕熱蟲積苦能殺蟲
除濕鹹寒能清熱消積故主之也凡蠱毒必
熱必辛苦寒能除辛熱故又主解蠱毒也利



丈夫不利女子者蓋以男子屬陽得陰而生
故喜陰寒之味女子屬陰得陽而長故不利
陰寒之物也別錄又云久服令人陰痿正見
其過於苦寒偏至之氣能令陽道痿也

主治參互

同蕪荑使君子蘆會五穀蟲胡黃連青黛治
小兒疳蚘有神 同檳榔鶴虱棟根貫衆牽
牛錫灰薏苡根殺腸胃一切蟲 經驗方下

寸白蟲雷丸水浸去皮切焙爲末五更初食
炙肉少許以稀粥飲服一錢七須上半月服
蟲乃下 除殺蟲外他川甚稀故不著簡誤
惟赤色者能殺人用時細擇去之
蘇方木味甘鹹平無毒主破血產後血脹悶欲
死者水煑苦酒煑五兩取濃汁服之効
疏○蘇方木稟水土之氣以生故其味甘鹹
氣平無毒好古加辛降多於升陽中陰也入



足厥陰兼入手少陰足陽明經凡積血與夫
產後血脹悶欲死無非心肝二經爲病此藥
鹹主入血辛能走散敗濁瘀積之血行則二
經清寧而諸證自愈日華子主婦人血氣心
腹痛月候不調及勞勞排膿止痛消癰腫撲
損瘀血女人失音血噤海藥主虛勞血癖氣
壅滯產後惡露不盡心腹攪痛及經絡不通
悉取其入血行血辛鹹消散亦兼有軟堅潤

下之功故能祛一切凝滯畱結之血婦人產
後尤爲所須耳

主治參互

同澤蘭川芎麥門冬生地黃蒲黃人參童便
益母草牛膝黑豆荆芥穗治產後血暈有神
人同山查延胡索牡丹皮澤蘭當歸五靈脂
赤芍藥紅花治產後兒枕作痛加入乳香沒
藥治產後血癖不消因寒而得者加炒黑乾



薑桂各少許 同延胡索牡丹皮牛膝當歸
地黃芍藥續斷治婦人月候不調煎濃汁加
入乳香沒藥血竭自然銅廣蟲麻皮灰黃荆
子等末量病輕重調服四五錢治跌撲損傷
如神 胡氏方產後氣喘而黑欲死乃血入
肺也用蘇木二兩水二碗煮一碗入人參末
五錢服隨時加減神効不可言名參蘇飲

簡誤

產後惡露已盡由血虛腹痛者不宜用

胡椒味辛大溫無毒主下氣溫中去痰除臟腑
中風冷

疏○胡椒稟天地純陽之氣以生故其味辛
氣大溫性雖無毒然辛溫太甚過服未免有
害氣味俱厚陽中之陽也入手足陽明經其
主下氣溫中去痰除臟腑中風冷者總因腸
胃爲寒冷所乘以致臟腑不調痰氣逆上辛



溫暖腸胃而散風冷則痰氣降臟腑和諸證
悉瘳矣

主治參互


食療治心腹冷痛胡椒三七枚清酒吞之
衛生易簡方夏月冷瀉及霍亂用胡椒碾細
飯丸梧子大每米飲下四十九

簡誤

胡椒辛溫大熱純陽之藥也凡胃冷嘔逆宿

食不消或霍亂氣逆心腹冷痛或大腸虛寒
完穀不化或寒痰冷積四體如水兼殺一切
魚肉蠶蕈等毒誠爲要品然而血分有熱與
夫陰虛發熱咳嗽吐血咽乾口渴熱氣暴衝
目昏口臭齒浮鼻衄腸風臟毒痔漏洩瀉等
證切勿輕餌誤服之能令諸病卽時作劇慎
之慎之


南燭枝葉味苦平無毒止泄除睡強筋益氣久



服輕身長年令人不饑變白去老取莖葉搗碎
漬汁浸粳米九浸九蒸九暴米粒緊小正黑如
堅珠袋盛之可適遠方日進一合不饑益顏色
堅筋骨能行取汁炊飯名烏飯亦名烏草亦名
牛筋言食之健如牛筋也

疏○南燭稟春升之氣以生本經言其味苦
氣平性無毒然嘗其味亦多帶微瀉其氣平
者平卽涼也入心脾腎三經之藥十劑云瀉

可去脫非其味帶瀉則不能止泄非其氣本
涼則不能變白髮者血之餘也顏色者血之
華也血熱則鬢髮早白而顏枯槁脾弱則困
倦嗜臥而氣力不長腎虛則筋骨軟弱而行
步不前入心涼血入脾益氣入腎添精其云
輕身長年令人不饑者非虛語矣凡變白之
藥多是氣味苦寒有妨脾胃惟南燭氣味和
平兼能益脾爲修真家所須 子味甘酸其



功效尤勝枝葉真變白駐顏輕身却老之良藥也牧童食之輒止饑渴亦一驗矣

主治參互

孫思邈千金月令方南燭煎益髭髮及容顏兼補暖三月三日采葉并葢子入大淨瓶中以童子小便浸滿瓶固濟其口置閒處經一周年取開每用一匙溫酒調服極有效驗同旱蓮草沒食子地黃桑椹枸杞山茱萸何

首烏白蒺藜爲烏鬚髮之聖藥氣味和平性復無毒除變白外無他用故不著簡誤

椽實味苦微溫無毒主下痢厚腸胃肥健人其殼爲散及煮汁服亦主痢并堪染用

疏○椽實感天地微陽之氣兼得秋時收斂之性故其味苦氣微溫性無毒氣薄味厚陽中陰也入手足陽明足太陰少陰經夫脾胃爲五臟根本一身之最要喜溫暖而惡寒濕



寒濕則違其性故宜急食苦以燥之此藥味
苦能除其所惡氣溫能遂其所喜故主厚腸
胃肥健人也得收斂之性故又主下痢及日
華子瀉腸止瀉諸治兼能瀋精煑食復能止
饑禦歉歲 穀氣味與實相同而瀋則過於
實故亦主下痢并堪染皂也

主治參互

聖惠方水穀下痢日夜百餘行者橡實二兩

栝葉炙一兩爲末每服一錢食前烏梅湯調
下 直指方下痢脫肛橡斗子燒存性研末
豬脂和傅

簡誤

濕熱作痢者不宜用

石南味辛苦平有毒主養腎氣內傷陰衰利筋
骨皮毛療腳弱五藏邪氣除熱女子不可久服
令思男



疏○石南得火金之氣故其味辛苦氣平有
毒然觀其用當是金勝火微其性應云有小
毒可升可降陰中陽也入足厥陰足少陰經
少陰屬水得金氣之厚者能生水故主養腎
氣又腎爲陰中之陰肝爲陰中之陽二經俱
在下面主筋骨二經得所養則內傷陰衰自
起筋骨皮毛自利而脚弱自健也濕熱之邪
留滯五臟則筋骨皮毛氣血皆爲之病矣邪

熱散則諸病自瘳女子久服思男者以其補
腎氣助陽火耳

主治參互


同巴戟天肉蓯蓉瑣陽鹿茸枸杞子山茱萸
治腎經虛寒精滑精冷 同白蒺藜桑葉何
首烏淫羊藜巴戟天五加皮兔絲子威靈仙
虎骨治肝腎爲風寒濕所乘以致痺弱不能
行動



簡誤

腎虛而陽道數舉者不宜用脚弱由於肝腎
虛而不由於風寒濕客下部者不宜用
益智子味辛溫無毒主遺精虛漏小便餘瀝益
氣安神補不足安三焦調諸氣夜多小便者取
二十四枚碎入鹽同煎服有奇驗

疏○益智子仁得火土金之氣故其味辛其
氣溫其性無毒入足太陰足少陰經惟辛故
所以散結惟溫故所以通行其氣芳香故主
入脾其稟火土與金故燥而收斂以其斂攝
故治遺精虛漏及小便餘瀝此皆腎氣不固
之證也腎主納氣虛則不能納矣又主五液
涎乃脾之所統脾腎氣虛二臟失職是腎不
能納脾不能攝故主氣逆上浮涎穢泛濫而
上溢也斂攝脾腎之氣則逆氣歸元涎穢下
行宜東垣用以治客寒犯胃和中益氣及人



多唾王好古謂益智本脾家藥主君相二火
故用以益脾胃理元氣補腎虛滑瀝劉河間
又謂益智辛熱能開發鬱結使氣宣通皆以
其香可入脾開鬱辛能散結復能潤下於開
通結滯之中復有收斂之義故也

主治參互

益智在集香丸則入肺在四君子湯則入脾
在大風髓丹則入腎當於補藥中兼用不宜

多服 佐人參茯苓半夏橘皮車前子則攝
涎穢立効 同藿香蘇子橘皮枇杷葉木瓜
止逆氣上壅 同五味子山茱萸炒鹽人參
治小便頻數淋瀝 同人參乾薑橘皮藿香
治因寒犯胃作嘔吐

簡誤

益智乃脾腎二經之藥其用專在脾所以亦
能入腎者辛以潤之之故也然其氣芳香性



本溫熱證屬燥熱病人有火者皆當忌之故
凡嘔吐由於熱而不因於寒氣逆由於怒而
不由於虛小便餘瀝由於水涸精虧內熱而
不由於腎氣虛寒泄瀉由於濕火暴注而不
由於氣虛腸滑法竝忌之
紫荊木味苦平無毒主破宿血下五淋濃煮服
之

疏○紫荊木皮內稟天地清寒之性外感南
方初陽之氣故其味苦氣平花木色皆紫藏
器言寒無毒入足厥陰經血分寒勝熱苦泄
結紫入榮故能活血破血消腫毒下五淋也
花梗氣味功用竝同

主治參互

仙傳外科發背初生一切癰疽皆治單用紫
荊皮爲末酒調籬佳自然撮小不開內服柞
木飲子乃救貧良劑也并可內服 楊清叟

